

清代傳記叢刊·名人類②
周駿富輯

漢名臣傳

(一)

三十二卷

清國史館編



明文書局印行



漢名臣傳目錄

卷一

魏象樞列傳

胡全才列傳

成克鞏列傳

林起龍列傳

趙開心列傳

楊義列傳

袁懋功列傳

漢名臣傳目錄

趙良棟列傳

洪起元列傳

耿焯列傳

陳福列傳

卷二

楊捷列傳

郭琇列傳

魏裔介列傳

姚文然列傳

萬正色列傳

孫廷銓列傳

郝浴列傳

李蔚列傳

慕天顏列傳

王鴻緒列傳

卷三

徐乾學列傳

弟秉義附

徐文元列傳

高士奇列傳

湯斌列傳

王進寶列傳
子用三附

楊雍建列傳

熊賜履列傳

卷四

陸隴其列傳

杜立德列傳

黃機列傳

傅宏烈列傳

杜篤祐列傳

馮溥列傳

李芳述列傳

梁化鳳列傳

許占魁列傳

卷五

劉健列傳

吳英列傳

趙申喬列傳

陳廷敬列傳

王熙列傳

宋德宜列傳
子駿業附

姚締虞列傳

卷六

李光地列傳

湯右曾列傳

于成龍列傳

卷七

許汝霖列傳

李之芳列傳

余國柱列傳

梁燾列傳

李贊元列傳

傅維鱗列傳

施維翰列傳

張英列傳

卷八

楊素蘊列傳

陳鵬年列傳

卷八

朱之錫列傳

王士禎列傳

彭鵬列傳

田六善列傳

任克溥列傳

張玉書列傳

四

卷九

蔡升元列傳

王隲列傳

周球列傳

陳瓊列傳

徐潮列傳

田從典列傳

張伯行列傳

陳詵列傳

卷十

黃梧列傳

子芳度姪芳世芳泰附

孫在豐列傳

宋犖列傳

李柟列傳

許貞列傳

吳正治列傳

王文雄列傳

李先復列傳

傅以漸列傳

蔣廷錫列傳

呂宮列傳

卷十一

張大有列傳

劉蔭樞列傳

韓莢列傳

唐執玉列傳

嚴沅列傳

子曾榮附

熊一瀟列傳

于可託列傳

沈近思列傳

胡昇猷列傳

穆廷杖列傳

王頊齡列傳

弟九齡附

田雯列傳

勵杜訥列傳

卷十二

徐旭齡列傳

朱之弼列傳

葉映樞列傳

吳瓌列傳

梁鉉列傳

繆沅列傳

唐希順列傳

李周望列傳

于準列傳

董篤行列傳

劉鴻儒列傳

吳璵列傳

張國樑列傳

卷十三

趙應奎列傳

葉方藹列傳

單疇書列傳

王挾列傳

岳昇龍列傳

伊闕列傳

王士俊列傳

藍廷珍列傳

孔毓珣列傳

趙宏燦列傳

弟宏燦子之相附

潘育龍列傳

楊觀列傳

卷十四

冀如錫列傳

錢珪列傳

康泰列傳
弟撫附

藍理列傳

李麟列傳

楊天縱列傳

朱宏祚列傳
子綱附

馬進良列傳

陳丹赤列傳

王度昭列傳

馬如龍列傳

張廷樞列傳

袁立相列傳

孫秉誠附

郝維訥列傳

殷化行列傳

蔡世遠列傳

吳涵列傳

卷十五

蔣陳錫列傳 子漣洞附

師懿德列傳

張起雲列傳

劉芳躅列傳

上官鉉列傳

韓良輔列傳 弟良卿附

李維鈞列傳

勵廷儀列傳 子宗萬附

屠沂列傳

王燕列傳

鮑虎列傳

魏國肅列傳

卷十六

艾元徵列傳

吳士五列傳

趙坤列傳

何世基列傳

張鵬列傳

錢以璣列傳

潘之善列傳

蘇大有列傳

李天馥列傳

阮爾詢列傳

劉詔列傳

張志棟列傳

劉世明列傳

馬際伯列傳

弟見伯觀伯附

陳元龍列傳

卷十七

邵基列傳

楊名時列傳

甘汝來列傳

徐士林列傳

朱軾列傳

路振揚列傳

趙國麟列傳

吳應棻列傳

卷十八

石雲倬列傳

樊廷列傳

程元章列傳

凌如煥列傳

冶大雄列傳

孫嘉淦列傳

葉存仁列傳

謝珉列傳

周學健列傳

趙殿最列傳

楊汝穀列傳

卷十九

崔紀列傳

韓勳列傳

張照列傳

王郡列傳

陳時夏列傳

劉於義列傳

徐本列傳 弟杞子以烜附

宋邦綏列傳

劉師恕列傳

卷二十

張廷玉列傳 弟廷璠廷璩子若霽附

李衛列傳

卷二十一

南天祥列傳

秦蕙田列傳

王無黨列傳

董芳列傳

王萬邦列傳

楊國華列傳

任舉列傳

子承恩附

蔡成貴列傳

楊超曾列傳

莫名五專
目錄

仲永檀列傳

劉綸列傳

卷二十二

張鵬翮列傳

李勳列傳

楊永斌列傳

梁詩正列傳子敦書附

張渠列傳

沈德潛列傳

譚行義列傳

鄒一桂列傳

卷二十三

哈攀龍列傳

馬處列傳

莊有恭列傳

張師戴列傳

吳進義列傳

許容列傳

閻相師列傳

錢陳羣列傳
子汝誠附

卷二十四

蔣溥列傳

潘紹周列傳

牛天畀列傳

王安國列傳

陳大受列傳
子輝祖附

何燭列傳

蔣炳列傳

胡寶琮列傳

卷二十五

方苞列傳

裴倅慶列傳

子宗鑑附

梅穀成列傳

張大經列傳

王玉廷列傳

劉順列傳

李因培列傳

卷二十六

田懋列傳

稽曾筠列傳

彭維新列傳

黃叔琳列傳

魏廷珍列傳

陳世瑋列傳

潘思參列傳

卷二十七

陳宏謀列傳

劉藻列傳

哈元生列傳

子尙德附

高天喜列傳

子仁人傑附

唐綏祖列傳

哈國與列傳

卷二十

岳鍾琪列傳

漢書目錄

岳鍾璜列傳

豆斌列傳

錢維城列傳

紀龍列傳

汪由敦列傳

卷二十九

万觀承列傳

董天弼列傳

劉統勳列傳

三

卷三十

史貽直列傳

裘曰修列傳

馬彪列傳

卷三十一

李紱列傳

顏希深列傳

彭啟豐列傳

劉吳龍列傳

何國宗列傳

曹秀先列傳

吳紹詩列傳

子垣墾附

曹順列傳

卷三十二

張泰開列傳

周煌列傳

程景伊列傳

吳嗣爵列傳

馬會伯列傳

李湖列傳

宮兆麟列傳

胡煦列傳

鄭大進列傳

吳士功列傳

漢名臣傳目錄終

下

漢名臣傳目錄終

漢名臣傳卷一

魏象樞 胡全才 成克鞏 林起龍

趙開心 楊義 袁懋功 趙良棟

洪起元 耿焯 陳福

魏象樞列傳

魏象樞山西蔚州人明崇禎舉人

本朝順治三年進士選庶吉士明年改授刑科給事中以明季大弊未禁革者督撫按聽用之官舍太雜道府州縣之胥隸太濫疏請

清理

報可五年轉工科右給事中尋轉刑科左給事中劾安徽巡撫王懷狗庇受賄罷之八年世祖章皇帝初親政

詔免天下額賦罷城土除加派其時有司有以私征侵帑坐罪者因上疏極陳其弊請飭州縣各依易知單造格眼冊註明人戶姓名糧銀欸目及蠲賑各清數呈大吏覈驗印發開征又請定藩司會計之法以杜欺隱立內

外各官治事之限以清稽滯皆

報可九年轉吏科給事中十年會大計連上
四疏皆言計典其一言糾拾之舊制宜復言
官不宜反坐下所司議著爲令因奏白順治
四年糾拾被譴吏科左給事中劉樾寃得
旨復職是年以九卿科道會議總兵官任珍
落職怨望罪大學士陳名夏等漢官二十八
人爲一議議科臣坐狗党負恩罪應流有
旨釋免各予降罰畱原任象樞供職如故明

年大學士寧完我疏列陳名夏罪狀詞連象
樞初象樞誤劾司官錢受祺檀委中軍下部
議降級名夏稟改罰俸至是謂象樞與名夏
子婦家山西牛射斗爲姻親名夏用是黨護
及逮問象樞素不識射斗遂免議旋以名夏
父子濟惡言官不先事舉發六科之長皆鑄
秩一級象樞降補■事府主簿累遷光祿寺
丞十六年以母老請終養康熙十一年母憂
服除用大學士馮溥薦授貴州道監察御史

滿歲晉四品卿銜仍掌御史事屢有陳奏大
要謂先教化則宜崇臣僚之家教亟治河則
宜蓄任使之人才正人心則宜戒淫巧勵天
下則宜輯禮書

聖祖皆是其言是年冬擢都察院左僉都御
史明年二月遷順天府尹四月轉大理寺卿
七月擢戶部右侍郎十二月轉左侍郎會西
南用兵上籌餉三疏其略曰確估價值以清
浮冒嚴覈閔稅以防侵漁慎用藩司以清錢

糧從之尋

命同侍郎班迪清理部庫十七年授都察院
左都御史首疏申明憲綱十事

聖祖嘉其切中時弊時嘉定縣知縣陸隴其
有清名以盜案開報職名遲延革職象樞疏
舉之鎮江府知府劉鼎瀾職已極而報陞糧
道絳州知州曹廷俞劣跡顯著而不被糾察
象樞疏劾之又以磨勘順天鄉試卷陳科場
入弊請設內簾監試御史以重闕防陳學政

十弊請據爲三年考覈之實廷議並著爲令
明年遷刑部尚書疏請留御史臺爲
朝廷整肅綱紀

上可其奏以刑部尚書銜留任遵

諭舉廉吏疏薦原任侍郎高珩達哈塔雷虎
班迪大理卿瑚密色侍讀蕭維豫郎中文運
布政使畢振姬知縣陸隴其張沐十人皆得
旨錄用十九年在刑部尚書尋

命同吏部侍郎科爾坤巡察

畿輔稱

旨二十三年以病乞休許之

賜御書寒松堂額寵其歸著有寒松堂集二
十五年卒於家年七十有一

賜祭墓如典禮諡敏果雍正八年入祀賢良
祠

胡全才列傳

胡全才山西文水人明崇禎進士官兵部主
事順治元年都統葉臣招撫山西疏薦起用

原官二年由兵部郎中授陝西漢羌兵備道
時西安及漢羌並遭賀珍寇掠全才旣之任
撫綏凋瘵安輯流亡招徠明漢中總兵趙光
遠所遣部將齊陞王明德李世勲等輸誠効
命盡收其所屬軍械與知府楊可經同知董
應徵通判李芳澂推官原体蒙飭練士卒積
聚芻糧爲警備之策賊復突至圍城齊陞等
奪勇衝擊李世勲中流矢歿于陣全才固守
危城三十餘日賊環攻益急全才誓眾死守

會大兵赴援賊渠遁走漢中得全於是工部
侍郎趙京仕言漢中爲三秦咽喉重地宜設
撫臣且薦全才足副嚴疆之任事下部議尋
議全才莅任撫衆有方曾蒙

諭旨嘉獎繼復誓守危城全湯保固應破格
超擢以勵忠勤三年十月奉

旨擢授寧夏巡撫四年五月以邊方當兵燹
之後書籍散軼士子無由誦法奏頒

本朝律典及性理通鑑諸書示令傳習六月

疏言寧夏地逼夷人習俗強悍舊例額兵三萬有奇營分奇正正兵以總兵官統之奇兵以中協副將統之凡調征居守遞代而行其鎮衝要防山冠則中叅將任之經今舊兵已裁其半無中協中衝之官故往者鎮臣奉調遂有叛將王元毅巡撫焦安民之變請仍舊制設官廣增兵額以資守禦又以調征興慶之副將馬寧曾擒斬王元軍民畏服請仍補中協副將專下部議並如所請八月王元逆

黨馬德受撫復叛縱兵肆掠全才與總兵劉芳名等發兵進勦戰于預望城南斬級千餘賊趨慶陽山崗是日大雨如注疾追百七十里賊眾潰散馬德猶揮殘卒負險而戰副將劉登樓等復敗之賊夜遁明日偵知賊據河克坪馳師擊之斬馬德于陣餘黨悉平是歲山陝河南皆有飛蝗全才授以捕法所至輒盡田禾無傷因以其法上聞請著爲例傳示各省

上可其奏初全才任漢羌時令漢中有受賀
珍僞劄者並自首另給委劄如其官爲收復
人心計嗣又揭告漢羌總兵尤可望苛罰冒
餉藏匿僞官等款可望旣得罪因許全才以
擅給劄付及濫刑斃命事全才亦坐革職九
年全才復控理前罪部臣議以功大罪小應
降補叅議職從之十年二月授江西饒南道
六月經畧洪承疇稔其才請隨征湖南尋奉
命撫治鄖陽提督軍務時流賊餘党郝搖旗

劉體純等憑恃房竹山嶺險隘出沒鄖襄歲
無寧宇全才扼其衝要嚴守禦復馳至穀城
南漳相形勢列營檄諸將進討會灣河廟灘
白土關諸戰先後奏捷賊黨解散十三年二
月明桂藩總督李企晟潛入鄖陽與郝搖旂
謀合山西陝西河南山東諸賊黨作亂全才
遣千總朱光祚等密捕之遂獲企晟及其勅
書閑防印劄以
聞企晟伏誅十月

命總督湖廣軍務十一月以疾卒于官

詔贈兵部尙書

賜祭墓如典禮諡勤毅

成克鞏列傳

成克鞏直隸大名入父靖之明大學士克鞏
弟崇禎十六年進士改庶吉士避亂里居

本朝順治二年四月左庶子李若琳疏薦起
授國史院檢討九月充江西鄉試主考官五
年十二月擢秘書院侍讀學士尋遷宏文院

學士九年正月充纂修

太宗文皇帝實錄總裁官二月充會試主考官至月遷吏部右侍郎十年四月與大學士陳名夏等會議原任總兵任珍罪以與刑部及滿洲九卿等異議

飭名夏等回奏疏上以克鞏未列名部議革職

詔寬免之翼日轉左侍郎越十有四日擢本部尚書五月疏陳部務三專一課司官職掌

之法臣部四司分省設官原以諮訪本省官
評也請令各司人管一簿詳註其省之各官
賢否復叅之撫按舉劾以備要缺推選一立
督撫考成之法外吏大計京員考察皆以三
年分別去畱惟督撫向無考成請令各省督
撫列任所事跡詳陳

御覽以消弭盜賊開墾荒田清理錢糧糾除
貪悍爲四則照例考成以示賞罰一選煩劇
有司之法令文選推陞人不分資格缺不分

上中槩從掣籤洵屬至公無弊但地方繁簡衝僻不同如江南蘇松等郡有司官多以逋賦降革恐積弊之區非初任邑令所能振刷請取卓異官或陞或調通融補授行之有效卽加優擢亦于選法無碍章下所司知之六月擢秘書院大學士初克鞏與大學士馮銓等舉原任御史郝洛才堪任使旣而洛巡按四川密奏吳三桂不法諸事三桂劾其虛誑言功浴逮治克鞏坐所舉非人回奏不實論

削職

詔從寬降二級仍畱大學士任十二年二月
予復原職加太子太保四月充纂修

太祖

太宗聖訓總裁官十二月左都御史員缺

特命克鞏暫行攝事俟選擇得人仍回內院
十三年四月疏陳時政其畧曰用人爲治平
之急務而大僚尤重今通政使李日芳甘肅
巡撫周文葉陝西巡撫陳極新皆衰老昏庸

亟當更易至財用困乏已極宜定丈量編審
之期學校冒濫已極宜嚴考貢入學之額任
樞密者遇封疆失事不得借行查以滋推委
司刑憲者于棍徒詐害不得寬反坐以長刁
風又若修築河工宜覈冒銷杜侵帑凡此數
事皆諸臣所當大加振刷以圖實政者也
上悉是其言時給事中孫光祀劾奏左通政
吳達爲叛逆吳達之兄事下法司勘擬克鞏
奏言吳達情罪台諫皆當摘發乃竟緘默不

言實由憲臣龔鼎孳與達同鄉同官徇隱不
爲舉發以致台臣科臣並皆箝口嗣鼎孳以
不知達爲達弟申拜坐奪俸十二月克鞏奉
命仍回內院十五年四月考滿加少保九月
以原銜改保和殿大學士兼戶部尙書十六
年三月加少傅兼太子太傅五月兵部奏請
給武進士劉爻等俸一疏大學士李蔚稟擬
任意奉

諭切責下部察議克鞏坐同官察閱疎忽降

二級畱任罰俸一年九月

特予開復十七年二月遵例自陳乞罷得

旨卿清端恪慎佐理有年勞績素著宜益殫
心供職不必求罷先是揚州亂民李之春叛
逆事覺其党李昌祚曾受偽檢討劄逃匿未
獲會漢陽進士亦有名李昌祚者由檢討歷
任河南浙江布政叅議道奉

旨內陞部推大理寺少卿克鞏與大學士劉
正宗稟擬不以昌祚與叛逆姓氏相同入奏

又前在吏部時議請復用明兩淮運使周亮
工爲原官亮王尋任福建布政司以贓敗克
鞏上疏引罪至是左都御史魏裔介劾正宗
罪狀語連克鞏不發正宗之姦邪又從而附
和之且以不奏李昌祚爲叛黨妄薦周亮工
爲徇私於是克鞏遵

旨回奏曰閣臣職在票擬必同官叅酌僉同
然後定議實非私相比附至李昌祚果卽李
之春逆党何以法司不行逮治吏部回轉時

亦不行糾劾至奉

旨內陞後乃責臣等以隱匿叛党乎若薦舉
錯謬前疏引罪實求重處未嘗有所巧飾

上以克鞏庸劣平日在廷議論多附和正宗
此奏悉屬巧飾

特命王大臣九卿科道會同議罪遂解任下
部羈候嗣王大臣等議克鞏妄薦周亮工曾
經引罪先已有

旨寬免至李昌祚與叛逆姓名相同克鞏既

不奏明又與劉正宗私相比附罪應革職奉旨成克鞏但依違附和凡事因人非能專擅自用者姑從寬免罪仍畱原任十八年三月充會試主考官七月仍改殿閣爲內三院克鞏復爲國史院大學士十月以母病請假聖祖仁皇帝溫旨慰畱之康熙元年十月調秘書院大學士二年四月復以病乞休命解任回籍三十年四月卒年八十有四予祭葬如例

林起龍列傳

林起龍順天大興人順治三年進士授吏科
給事中疏請嚴禁白蓮大成以元無爲等邪
教務絕根株俾閭閻勿惑聽聞又以守令得
人則教養行而下向化請以招流亡墾荒蕪
巡阡陌勸樹藝稽戶口均賦稅輕徭役除盜
賊抑豪強懲衙蠹賑災患濟孤寡修濬溝池
平治橋梁興舉學校十五事放其殿最而大
吏以時訪察俱如所奏行四年正月劾山東

巡撫丁文盛庸劣無能致盜寇充斥因薦大理寺卿王永吉可代文盛下部詳以起龍狗情薦舉降二級外用尋坐誣劾登州道楊雲竊班欵擬革職

世祀言皇帝親政

寬前奏以起龍因彈劾不實罷廢尙非品行玷缺者比

詔來京候旨十年十二月復原官時軍旅數出需餉孔繁未暇講求積貯而入旂禁兵所

得月餉僅堪餬口起龍請

勅司計諸臣悉心籌畫先實京倉以及近輔
各省倉儲務使水旱有備調發裕如又言昔
年兵在

盛京無餉而富今在京師有餉而貧揆之時
地迥異法制尙宜更定凡駐守征行所需馬
匹草束軍裝戎器悉動官帑估值分給俾籌
備有資無致拮据疏入

止諭吏部曰滿洲兵建功最多資生無策十

年以來章奏未有言及此者林起龍所奏思
應周詳條畫有緒寔是心爲國忠誠可嘉嗣後
有關於政治民生利害興革者言官俱宜直陳
無隱如果有神政事朕不靳懋賞

諭部議敘以五品京堂用起龍懇畱任得
旨加銜仍原職十一年轉刑科加大理寺寺
丞銜疏陳州縣官媚事上司耗費不貲狀乞
嚴飭禁革並請

遣廉能大臣巡行各省體察情形延訪利弊

疏皆稱

旨飭部議行復疏劾總河楊方興用賄署官
侵尅工料不塞決口致河北盡遭淹沒工部
尙書劉昌不行糾劾乃議令督撫詳勘九河
故道稽延日時與爲方興掩罪事下王大臣
訊鞫起龍興方興昌面質無實坐杖流

上特宥之改降三級調用旋補光祿寺署正
明年

諭吏部列科道因言降革者以奏起龍得授

大理寺寺丞十三年游擢右通政大理寺卿
工部侍郎十五年調戶部左侍郎總督倉場
明年三月加太子太保七月考滿廕子入監
八月請更定綠旗兵制使兵馬器械無虛額
訓練行伍非具文畱有用之兵裁無寶之費
取材技于武科責愛養于總帥章下所司議
行十七年加太子太保兵部尙書銜巡撫鳳
陽先是立懲貪例官吏犯贓照輕重科罪不
許納贖至是起龍請仍舊章收贖充餉

上命九卿科道會議從所請

諭曰立法止貪今因濟餉而貸法如民生何所奏俱不合仍前例行

聖祖仁皇帝嗣統授起龍漕運總督康熙元年疏請豁免東海遷居民所遺地糧

報可又疏濬涇河閘淮城迤南運河七十餘里直達射陽湖近海田廬免患下部知之五守上言漕運倚于河防濟寧暨臨清一帶勢雖建瓴泉湖蓄洩隄閘鱗次請

飭有司修築俾無廢缺淺阻又疏禁運丁毋
得病民運弁毋得病丁條議以上請

旨頒行時江南浙江省蘇松常嘉湖等府穀
賤白糧折征舊額浮于市價請改征本色

上並納其言初起龍奏禁運丁多携貨物遲
滯漕運令沿途監司節次稽察儀徵瓜州責
之總漕及漕儲道淮安責之淮安道濟寧責
之總河及濟寧道天津責之倉場及催漕分
司以專責成會裁漕儲道糧艘至儀徵瓜州

起龍不復委員稽察至濟寧運丁有額外携
貨者事覺總河盧崇峻具疏舉報部臣令起
龍咨送盤驗不實諸職名起龍以道員既裁
申覆六年四月御史張志尹糾其不自引罪
巧言支飾

上命起龍回奏起龍謝溺職乞
賜罷斥下部議坐失察

命降三級休致以疾卒于家

趙開心列傳

趙開心湖南長沙人明崇禎進士官兵部員外郎順治元年

世祖章皇帝定鼎燕京授開心陝西道御史二年正月開心以刑部于各處移解罪囚審結遲延久置獄中請令所司五日一稽核未審者速與審結應釋者卽行釋放並請通飭直省撫按一體遵行疏入從之二月巡視南城先是京師有患痘者令移居出城以杜傳染坊司奉行不善致嬰穉流離至是開心奏

准于城外四十里東西南北各定一村給與
屋宇聚處四月疏言立政之始一事之得失
關天下萬世之利害疏奏不能盡陳封章不
敢頻瀆乞時

賜名對霽顏聽受一切用人施政悉邀

宸斷成泰交盛事五月因朝臣跪迎睿親王
多尔衮請

勅禮部詳定儀注閏六月以江浙湖廣諸省
歸順請急

遣撫按以端表率並得

自俞允是月擢左僉都御史三年四月刑部
鞫議戶科給事中莊憲祖受刑部主事程滂
私囑謂科道不宜用新進士請以部屬改授
曾謀之開心開心坐罷職八年閏二月
詔以原官用八月遷左都御史九年二月部
議開心之子趙而怵係明唐王時舉人久經
斥革開心贖請會試應削職永不敘用開心

復罷歸十年二月

諭曰原任左都御史趙開心素有直名以故起用及昇以風憲重任不言國家大事乃庇子濟奏有辜朕望已草職永不敘用朕恩開心會爲大臣以一事差謬遂永棄不用朕心終未愬然可仍令梁京奏請簡用開心至疏劾湖廣巡撫遲日益偏沉巡撫金廷獻鄖襄巡撫趙光麟勦撫無能所屬寇盜充斥得旨下部察議又請慎選案之株連杜庶官之

朋党奉

命條晰覈奏

上是其言閏六月仍授原官十一年正月疏
陳時務

上以疏中有屏斥敗遊語

訓責之曰朕思

祖宗立國以來講武習兵安不忘危開創之
際何得懈弛武備況深居高拱乃明季陋習
豈可踵行趙開心此奏常設淺見沾名塞責
殊負委任

命傳諭嚴飭三月以大學士陳名夏獲罪言
官不先事舉發部議開心降三級調用八月
補太僕寺卿明年二月擢戶部右侍郎三月
疏言畿甸流民載道有司惧誤聞逃人所其
轉徙請暫寬隱匿逃人之罪以免株連俾流
民得邀撫輯奉

旨逃人之多因有窩逃之人故立法不得不
嚴若隱匿者自當治罪何謂株連趙開心兩
經革職特與赦宥擢用不思實心爲國輒沽

譽市恩殊失大臣之体著降五級調用九月
補太僕寺寺丞尋擢太僕寺少卿協理兵部
督捕事十三年五月

上以迓人多不獲所司不行嚴察

命分別議處開心降補鴻臚寺少卿十六年
授太僕寺少卿

聖祖仁皇帝康熙元年七月

諭吏部趙開心降調處分已允寬免著以侍
郎遇缺補用二年八月補總督倉場戶部右

侍郎尋加工部尚書銜十二月以疾卒于官
予祭葬如例

楊義列傳

楊義山西洪洞人明崇禎進士官山東聊城
縣知縣

本朝順治元年義歸誠選補河南汝陽縣知
縣五年以行取擢江西道監察御史巡視浙
鹽義以兩浙鹽法玩弛疏陳行鹽掣驗之法
請遴選清廉有司照引盤驗御史親臨監掣

以徐積弊從之八年睿親王多尔袞得罪義
因劾工部侍郎李迎暎前任營繕郎中時督
造王府第雕鏤奇異僭擬

禁廷獻媚邀榮不數年間躡陞華廡請

勅部治罪疏入有

旨下部部以迎暎事在

赦前例得免議事遂寢是歲復巡視長蘆鹽
政疏劾運使趙秉樞貪酷戕法事秉樞削籍
逮繫明年奉

命督學江南尋掌京畿道事十一年大學士
陳名夏以罪伏法義因劾告病在籍侍郎孫
承澤往時與名夏同掌銓衡顛倒是非交相
黨附部議令承澤休致時吏部尙書劉正宗
特薦降調員外董國祥才守可用擬於文選
郎中義面詰正宗專擅卽具疏劾之正宗得
旨察議國祥卒以賍敗謫徙尙陽堡十二年
正月奏陳時務四事一大臣廉恥宜養伏見
輔臣呂宮嬰疾日久依違苟合負曠職愆乞

允其早歸田里以勵臣節一督撫巡行宜慎
巡按差旣停止則凡閱城審錄諸事督撫必
按期巡行然身擁節鉞恐隨從過多致滋擾
累嗣後止量帶兵丁承舍一十餘名仍舊閑
防嚴密禁其騷擾滋事一兵民匱乏宜恤請
開各州縣廩生捐銀准貢之例以所納銀給
滿洲兵備鞍馬器用餘賑被災貧民一無名
私派宜停賦役全書起存自有原額屢蒙
諭旨嚴禁加派乃有司抗不遵行如臣邑洪

洞地鹵正糧外又加馴站坐司馬夫工食公
費色名幾半正項一邑如此他邑可知祈
勅督撫嚴行禁革會呂宮已得

旨致仕餘下所司議行是時

詔復御史巡方之職義復奏請弗拘資俸宜
甄舉才守兼優堪勝激揚之責者考試列名
請

旨簡用四月擢太僕寺少卿七月轉大理寺
旋授大理寺卿十一月遷刑部右侍郎明年

轉左又明年八月請假省親假滿補工部左侍郎十七年三月轉總督倉場戶部左侍郎七月陞工部尙書康熙元年致仕卒于家

袁懋功列傳

袁懋功順天香河人順治三年進士授禮科給事中疏請慎簡學官磨勘文体釐定禮制又以前明廢官授

恩詔踵至雜流奔競妄希進用請

命吏部會同都察院嚴核才品並停各省撫

按舉送皆得

旨如所請四年七月調刑科先是

上允刑部侍郎黨崇雅請定朝審熱審之制
所司尙未奉行懋功復言之

詔申飭所司十二月調戶科五年遷刑科給
事中八年疏言浙江織造局舊設機戶擇富
民充之吏胥誅求爲累民間至破產求脫請
飭令禁止疏下部議革機戶名官員絲募工
匠織作十年集議總兵任珍罪隨大學士陳

名夏胡世安等以兩議上坐党附論流徙奉
旨從寬鑄一級罰歲俸是年擢太常寺少卿
累遷至通政使十二年擢刑部侍郎尋調吏
部十三年以戶部援

恩詔議豁員外郎朱世德虧缺額稅吏部扶
同議奏部臣降革有差懋功降光祿寺少卿
十六年二月擢左副都御史七月請
命禮臣詳議歲暮禘祭之禮

上是其言舊制直隸武生鄉試巡撫主之惟

隸京衛者試千兵部至是因懋功請令彙送
兵部試騎射技勇用翰林官爲主考試策論
十二月擢戶部右侍郎十七年

上澄敘廷臣三品以上者有

旨袁懋功才品敏練以要地巡撫用尋授雲
南巡撫時雲南新闢令降兵歸農其久橫鄉
里者懼伏人不敢歸懋功慮其復爲賊盜疏
請令隨所在入籍無主之田任其開墾編保
甲以時稽察復請令土官子弟赴學官訓課

其優者並許應試滇省在明初駐軍屯田計
畝抵餉其後兵不耕而鬻諸民輸糧于衛所
每畝以四斗有奇爲額至是改隸州縣仍名
屯田按舊額征之視民田賦重懋功奏請酌
減糧額並言屯田近城邑者可輸糧州縣其
山阻路遙如楊林諸所宜仍設衛征糧增廣
各州縣額設夫役以供輸運又言滇地高下
參差丈量由畝雖一州一邑動經歲月請停
派京官履勘諸疏均下部議行康熙六年以

父憂歸九年起授山東巡撫十年五月以濟南諸府屬五十六州縣衛新墾地被水請展限一年起科部議不准

聖祖仁皇帝命如所請七月浙江巡撫范承謨病調懋功代之未行仍命各畱原任十月懋功卒

賜祭葬如例諡清猷

趙良棟列傳

趙良棟甘肅寧夏人

世祖章皇帝順治二年大兵定陝西良棟應募隸總督孟喬芳標下署潼關守備隨征秦州鞏昌擊走叛將賀珍武大定授寧夏屯田水利都司五年隨征河西叛回拏其渠丁國棟敘功擢高臺遊擊十三年以經畧洪承疇荐隨征貴州雲南任督標中軍副將

聖祖仁皇帝康熙元年擢雲南廣羅總兵先後勦平馬乃隴緬水西諸苗獠有功四年調貴州平遠總兵尋以憂去任八年起爲大同

總兵十一年調天津十五年甘肅提督張勇
薦良棟才畧過人堪鎮寧夏

詔授良棟爲寧夏提督先是逆藩吳三桂反
叛鎮吳之茂王輔臣等應之分踞固原慶陽
平涼諸郡陝西提督陳福領寧夏兵征固原
中途兵變遇害

上命總督哈占等察其事未得實至是良棟
入

覲請留家口居京師自簡精兵百人疾馳赴

鎮又謂寧夏亂兵宜誅首惡宥脅從

上可其奏良棟旣之鎮宜

恩諭無慰旋察知害陳福者平羅營兵閩國
賢陳進忠倡亂者把總劉德而叅將熊虎與
其謀乃先以調遣散其黨羽旋逮熊虎劉德
閩國賢陳進忠聲其罪請

旨斬之是時大將軍圖海督師圍平涼王輔
臣降慶陽固原俱下

上命圖海飭將士守陝西勦撫餘賊分兵助

征湖南暫停進取四川良棟與將軍王進寶
並聽圖海傲調屢移兵防勦秦州西和禮縣
諸處十八年四月良棟疏言寧夏兵舊習驕
縱臣三年訓練漸遵紀律並嚴禁侵尅額餉
眾志和協咸思奮勉敵愾臣年漸老弗乘時
努力有虛

簡任今湖南底定宜取漢中興安以圖四川
臣願精選所屬步騎五千獨當一路

上嘉許之下圖海議行圖海請俟棧道益門

鎖諸處賊壘削平分四路進取既而涼州提督孫思克言綠旗兵皆不强壯未可用請俟來春多調守邊滿洲兵並進奉

旨切責乃以十月定師期圖海與將軍佛尼勒征興安孫思克與將軍畢力克圖征畧陽王進寶與總兵朱雅達征鳳陽良棟獨率寧夏兵征徽縣於是良棟進師密樹關先襲黃潛關以分賊勢遂大破賊復徽縣時孫思克甫至階州良棟遂趨畧陽擊走吳之茂復畧

陽城遣兵取陽平關狗沔縣王進寶亦復鳳
縣定漢中府良棟會之于寧羗各奏捷

詔授良棟勇畧將軍仍管寧夏提督事十九
年正月良棟與王進寶分道進師連挫賊衆
於白水坦石峽溝青箐山招降龍安府渡明
月江過綿竹縣賊驚潰僞將軍汪文元僞巡
撫張文德等降遂復成都得

旨嘉獎擢雲貴總督加兵部尙書銜仍管將
軍事良棟聞

命謂寧夏提督有代者則鎮兵不能隨征因
疏辭雲貴總督

上弗許會部議寧夏宜如舊制設總兵

詔卽以良棟子蔭生宏燦任之率鎮兵隨征
時王進寶亦復保寧與建威將軍吳丹等規
復順度重慶及遵義良棟分遣遊擊治國用
等西徇雅州復象嶺建昌諸衛東徇敘州復
納溪永寧等縣疏請

諭趣湖廣兵速取貴州廣西兵速取雲南並

勅陝西四川重臣合籌運餉濟軍尅期進勦
一自保寧出永寧達雲南霑益州一自成都
出建昌達雲南武定府

旨是其言以疏示在事大臣令協謀定議而
行尋議湖廣廣西四川諸路兵約期並進吳
丹出永寧良棟出建昌會逆賊吳世璠遣其
党胡國柱夏國相等陷永寧犯瀘州敘州復
聚寇建昌良棟檄總兵朱衣客率兵八千援
建昌朱衣客既至與賊戰弗勝退駐雅州我

兵之在建昌城者食盡亦棄城還良棟疏劾
吳丹擁兵不進致永寧陷賊復劫朱衣客退
遁罪狀

詔吳丹解將軍任以佛尼勒代之朱衣客草
職逮訊二十年良棟遣宏燦與總兵李芳述
偏圖等破賊于鳳屋村觀音崖賊之在敘州
瀘州永寧者皆遁良棟遂會師夾江由雅州
進征復建昌渡金沙江達武定時大將軍貝
子彭泰統湖廣廣西諸路兵圍雲南城於城

東歸化城列營西亘雞關賊負固抗拒數月
不下良棟至奪橋溥城彰泰令諸軍分進良
棟攻南垣連破賊壘奪土橋新橋至得勝橋
先溥城諸軍繼之賊不能抗吳世璠自殺賊
眾降雲南平二十一年良棟奉

詔還京初朱衣客之逮訊也具疏自辯謂良
棟與兵少後應又不至是以退還時王進寶
亦上疏謂建昌之陷咎在良棟良棟因復劾
朱衣客欺飾狡辯且謂其辯疏由進寶所爲

上以軍旅方殷

命俟事平時察議至是

論曰當逆賊竊據漢中領兵諸將咸以恢復
爲難獨趙良棟首先倡議進剿與王進寶同
取漢中嗣因意見不同嫌隙漸生遂分路進
兵直取成都而王進寶亦取保寧若成都不
下保寧未易卽拔保寧弗定成都難以保守
二人功績俱著封疆使能公爾忘私和衷共
濟則乘勝長驅滇黔賊眾可卽殄滅何復遷

延歲月耶是時賊眾入川抗拒中路空虛故
大兵得乘機進取沅州鎮遠貴陽等處而川
中賊勢復張已恢之疆土幾至再陷此皆由
不能和衷之所致也二人賦性鹵莽不諳大
體各懷私忿互相攻訐朕洞悉情事念其功
績並茂惟欲保全所有互訐奏章俱行發還
概不究問其遲于救援有闕軍機仍察議如
例於是部議失陷永安建昌罪朱衣客論斬
吳丹論革職籍沒良棟論革職並得

旨從寬朱衣客給本主爲奴吳丹免籍沒改
授良棟鑾儀衛鑾儀使二十二年四月良棟
疏述雲南四川戰功請

勅部察議事下王大臣等核議謂良棟失機
建昌應以功抵罪止錄敘隨征將士時宏燦
任川北總兵與李芳述偏圖並加左都督銜
十月良棟以病乞歸寧夏

允之二十五年四月

上念良棟於雲南凱旋時能恪守法紀廉潔

自持

優詔嘉獎復將軍總督原銜二十七年入朝
自訢戰功並隨征將士多屈抑奉
論歸里後牒部具奏明年奏入得

旨趙良棟首倡進取四川又直抵雲南省城
奮勇克取得勝橋等要地逼近城郭立營勞
績茂著所屬官員亦俱同心効力其並與議
敘於是授良棟騎都尉世職三十年噶爾丹
侵擾邊境

詔西安將軍尼雅翰等赴寧夏防禦凡軍事
與良棟酌議以行三十二年三月以寧夏總
兵馮德昌赴甘州軍營

命良棟暫管寧夏鎮兵十月良棟疏劾德昌
尅減軍糧營馬多斃德昌坐罷任調登州總
兵王化行代鎮寧夏三十三年六月

命良棟率寧夏火器營兵二百赴土喇防禦
噶爾丹旋因土喇無警

名良棟入朝三十四年三月良棟復自訴其

功績甚多爲大將軍圖海彰泰所隱蔽且追
咎大學士明珠弗爲奏請優敘

上貴其器量褊隘還其疏仍

勅部優敘部議授爵三等子

詔晉爲一等良棟願畱京乞

賜田宅御史龔翔麟劾其驕縱矜功越例乞

請當議罪

上鑒其年老家貧宜

諭原宥

賚白金二千兩今歸里三十六年正月奉

詔曰頃尙書馬齊自寧夏回奏卿卧病不能
動履深軫朕懷特賜人參鹿尾鮑示存問尙
其善加調攝俾夙疾頓痊副朕眷注三月良
棟卒年七十有七時

上親征噶尔丹次榆林

諭迎駕諸臣曰道良棟偉男子也行間著有
勞績但性躁心窄每與人不合有時奏事朕
前亦言語粗率朕保全功臣終優容之彼所

奏無不准行嘗賜藥餌望其疾愈今聞奄逝殊為惻然宜為其妻子區處使之安生

駕至寧夏

命皇長子臨其喪

賜祭葬如例諡襄忠次子宏燮襲爵

世宗憲皇帝時良棟入祀賢良祠乾隆三十

二年

上念良棟征勦吳逆時茂建勲績其一等子爵

特予世襲罔替

洪起元列傳

洪起元湖北應山人

世祖章皇帝順治二年英親王阿濟格追勅流賊李自成至湖廣起元應募隨征九江授千總隸江西總兵金聲桓軍委署都司平吉安贛州南安城邑及寧都之丁田魚骨鈎刀背諸賊寨有功五年正月聲桓據南昌叛其標下副將王得仁劉一鵬等受僞職從逆起

元時署遊擊駐寧都聞聲桓叛率兵四百餘
疾趨贛州從巡撫劉武元禦賊聲桓糾賊數
萬犯城起元擊却之奪雲梯十有八賊逼城
三月數戰敗乃竄遁起元同遊擊孔國治追
蹙之水濱斬戮及溺死者無算十月廣東叛
鎮李成棟自南雄犯贛州起元與叅將鮑虎
出東門奮擊連破賊營十餘追奔至南安獲
巨砲數十明年征南大將軍譚泰率禁旅克
南昌聲桓赴水死得仁一鵬就擒伏誅進克

信豐成棟亦溺死其黨僞軍門曾同日董芳
策踞零都起元擊走之僞總兵劉治國犯信
豐起元赴援殲賊數百生於治國七年土賊
彭順慶等踞軍都起元與副將高進庫率兵
圍城樹雲梯先登斬順慶盡殲其黨巡撫劉
武元總兵胡有陞疏陳起元戰功請予擢用
部議予紀錄實授都司仍署南贛遊擊時海
賊鄭成功寇掠閩境江西土賊逢應之起元
連年率兵會勦於斬賊渠陳其倫林昌李玉

庭張勝蕭發祥羅文顯曾捷明平鎮南大白
梅窖羊石等賊巢敘功予紀錄實授遊擊

聖祖仁皇帝康熙八年擢武昌叅將旋調丞
州十二年改浙江寧波叅將加副將銜十三
年逆藩耿精忠踞福建叛溫州總兵祖宏勳
應之賊党陷黃岩及岷縣精忠以逆書誘起
元從逆起元舉發其書提督塞白理爲入奏
旋檄起元率兵援勦擊賊於白米堰斬級百
有二十追敗之蒿坦江復岷縣城趨陶家堰

連破賊營斬偽都督邢舜卿偽副將邢汝臣
復沿樊江接勦烏門山斬偽總兵錢啟明瘞
其眾數千諸暨城被賊圍起元赴援大挫賊
收降數百人會康親王傑書統師駐金華貝
子傅喇塔分軍援台州起元率所部兵助戰
黃瑞山斬賊甚眾偽將軍曾養性自温州犯
台州府城起元出城拒戰中創仍殺賊數人
諸將士踴躍繼進賊竄遁十四年敘舉發逆
書及軍功加都督僉事銜復晉都督同知先

是精忠甫叛起元遣其子一棟赴湖北輸貲
鑄烏鎗募丁百有五十習以隨軍所至挫賊
塞自理以

聞下部議敘加一級尋擢授嚴州副將時賊
党孫肇業吳明初吳鎮馬鵬等肆掠常山開
化淳安壽昌遂安總督李之芳檄起元率兵
三千於遂安開化勦擊屢拔賊巢挫賊龍由
衛及浪関嶺生擒偽都司楊富身余思徵偽
守脩楊茂獲賊所掠婦女百餘俾歸族屬偽

將軍白顯忠踞開化城起元轉戰敗賊賊棄
城遁復遣兵招降偽副將汪飛龍等十五年
九月康親王進師福建精忠迎降賊党猶踞
處州温州起元率兵撫勦恢復雲和松陽龍
泉三城得

旨議敘晉左都督二十一年以疾乞休三十
五年卒年七十有五

耿焯列傳

耿焯遼陽人初爲明貢生後流寓湖廣我

朝順治二年英親王阿濟格統兵追勦流賊
李自成收湖廣諸郡縣厚投誠英親王令隨
總兵金聲桓收江西委署布政使尋署巡撫
事明年新授巡撫李翔鳳至籍撫江西尚書
孫之獬以焯著有勞績與翔鳳交章薦之
命赴京擢用四年三月授順天巡撫四月昌
平土賊韓顛克糾眾爲亂陷南皮焯檄副將
張鎮等統兵勦平其眾尋疏言昌平額設台
兵晝夜瞭望勞倍城守兵而月餉軫乏請晝

一增給

詔允其請五年三月擢宣大總督疏言雲中
厥土磽瘠兵燹之後螟蝗迭見民田屯田率
多荒蕪糧額雖存空名征收全無實際請分
別豁免下所司議行十二月焯率羣吏出城
驗收芻豆總兵姜瓖乘間閉城叛焯奔陽和
部議以焯同城不能覺察應降調七年授山
東布政使十年以大計事異擢通政使十一
年

命爲山東巡撫十四年考滿加兵部右侍郎
銜十五年十月御史李時茂劾奏撫標中軍
等私占山東廢藩莊地侵隱正賦事下巡按
察古九百餘頃焯坐徇庇降六級調用御史
馮珩亦劾焯庇縱所屬營弁貪惡及奏報開
墾屯地輸課無實部議革職得

旨再降三級十六年巡按御史程衡復劾焯
侵用庫銀苛派受賄諸款

詔革職遂部勘訊計賍六千兩有奇議立斬

籍沒

上以焯供詞游移下三法司覆核者再奏仍
前議十七年六月復

命內大臣熬拜等會勘以焯病死請免議

上諭曰貪官已流徙者免其家產籍沒今耿
焯未經流徙病故家產應籍與否著再確議
尋議耿焯身爲巡撫賍私纍纍情罪重大家
產應籍沒得

旨如議行

陳福列傳

陳福陝西榆林人先是居江寧父德明爲明
榆林副將與流賊李自成戰歿于陣福薨之
榆林遂家焉

世祖章皇帝順治二年大兵定陝西福應募
隸寧夏總兵劉芳名標下爲把總隨征叛賊
賀珍武大定三元馬德等有功擢守備尋調
隨都統李國翰勦滅趙榮貴王永強牛化麟
高友才諸賊進征四川授遵義遊擊卒具攻

元忠州賊寨於斬偽總兵陳貴榮高鶴鳴等
敘功加叅將銜

聖祖仁皇帝康熙二年隨四川總督李國英
勦滅自成遺黨劉二虎郝搖旂李來亨袁宗
第等于茅麓山加右都督銜尋擢成都副將
署重慶總兵十二年

名大觀

賜鞍馬授寧夏總兵時逆藩吳三桂反遣其
黨王屏藩等犯四川四川提督鄭蛟麟總兵

吳之茂皆叛應之福妻子在夔州爲賊所阻
十三年蛟麟等以書誘福福執賊使遣其弟
生員陳壽馳奏

上嘉福忠貞予騎都尉世職授陳壽爲刑部
主事未幾陝西提督王輔臣叛于寧遠捷平
涼固原道陳彭定邊副將朱龍皆以城叛福
分飭所屬防勦疏陳其畧

諭獎以殫心籌畫十四年三月

上諭部臣曰寧夏總兵官陳福効力岩疆勞

績素著屢舉首逆札克薦忠貞且其妻子家
屬現在蜀中逆賊挾誘福全無顧戀矢志不
移深足嘉尙著陞補陝西提督仍暫駐寧夏
管轄鎮兵其弟守備陳奇妻子亦陷賊中殊
爲可憫著從優以叅將陞用旋復以補舉首
王屏藩逆札下部優敘晉爵三等男是時王
輔臣陳彭朱龍受吳三桂總管巡撫總兵等
僞職糾黨四出脅誘花馬池及惠安安定諸
堡並爲所陷遂掠典武營福遣兵擊却賊眾

連復惠安安定諸堡自率兵圍花馬池於斬
偽都司王一龍等招降脅從之衆聞陳彭犯
靈州遣遊擊熊飛擊之遁於斬偽叅將馬騰
蛟等福率兵復磚砦安邊兩堡進圍定邊城
掘壕築臺以困之先是朱龍不虞我軍至以
偽副將倪光德守城而自出掠綏德至是知
圍急引還福設伏沙家澗殲賊無算生擒朱
龍城中人驚懼逐倪光德出降福斬龍及光
德以狗移檄招撫下馬關偽叅將李訓縛偽

總兵陳江詣軍門歸順陳江者初以海賊投誠授陝西督標副將經畧莫洛携以隨征王輔臣既害莫洛江從逆分踞下馬關福招之不應及是就縛乃數其罪而誅之旋借副將秦必圖勦賊平遠所斬僞秦將陳起元等復其城

上嘉福勞績茂著優擢其弟壽爲鴻臚寺少卿福既復平遠所借秦必圖乘勝勦賊直薄固原城圍之逾月王輔臣遣賊將自平涼來

犯城中賊聞有外援亦笑出抗拒副將賈從哲遊擊張元經却走秦必圖戰歿于陣福收兵還靈州請

旨斬從哲元經于軍旋奉

詔以固原賊眾恃平涼之賊應援或先助貝勒洞鄂攻取平涼緩圍固原宜相機以行福奏固原有賊萬餘若我兵徑趨平涼恐賊斷我餉道請先取固原以遏賊勢

上允其請十二月福率寧夏兵征固原時王

輔臣陳彭爲緩兵計潛分布奸党虛張賊勢以搖惑我軍值歲暮水雪寧夏兵不樂遠涉且以前此圍固原失利爲戒軍次惠安堡夜半衆呼譟欲劫福退師福出帳以大義曉諭粹遇害隨征諸將各收所部還本營事

聞

上命天津總兵趙良棟爲寧夏提督察其事廉知平羅營把總劉德倡議退師叅將熊虎與其謀而營兵圍國賢陳進忠寔戕害福四

漢名目作一
卷一
人並伏誅

諭嘉福爲國捐軀忠誠顯著擢其弟涿州叅將陳奇爲天津總兵

優贈福爲三等公

賜祭塋如典禮諭忠愍以三等子爵予襲九次子世琳世勳久陷賊中復爲賊自夔州掠至遵義部議以陳壽之子世怡暫襲十九年陳壽自請隨大軍入蜀訪其家得之遵義攜至京

命世琳襲爵入籍寧夏尋授直隸三屯營副將遷古北鎮總兵復遷鑾儀衛鑾儀使雍正八年以福人祀昭忠祠世琳卒子益襲官至雲南楚姚鎮總兵乾隆三十二年

上念福致命疆場克紹義烈

命予子爵襲次滿時再予恩騎尉世襲罔替益卒子大用襲今任江南提督

漢名臣傳卷一終

定本巨作

卷一

038-130

漢名臣傳卷二

楊捷 郭琇 魏裔介 姚文然

萬正色 孫廷銓 郝浴 李燾

慕天顏 王鴻緒

揚捷列傳

揚捷先世家揚州以軍籍爲義州人捷初爲
明裨將

世祖章皇帝順治元年率眾投誠授山西撫
標中軍遊擊二年尙風州土賊高九英等聚

衆標掠捷奉巡撫馬國柱檄拏斬賊衆毀其
巢國柱旣任山西總督請以捷爲中軍叅將
尋擢副將四年大兵旣定廣東

詔捷率宣化大同兵三千移鎮五年二月次
池州值江西總兵金聲桓廣東總兵李成棟
相繼叛征南大將軍譚秦請以捷駐防九江
會勦聲桓

上允所請授捷爲九江總兵官旋率兵復都
昌獲僞官余應柱等斬之江西平叙功尋雲

騎尉世職十年隨靖南將軍喀喀穆勦滅廣東叛鎮郝尙久復潮州十一年改陝西興安總兵官經畧洪承疇疏畱原鎮是年冬加右都督銜充福建隨征右路總兵官十二年叙復潮州功晉左都督時海賊鄭成功肆擾福建郡邑捷請尅期增修漳浦城垣以固守禦嘗勦賊雲霄銅山諸處所向克捷十六年擢江南提督會鄭成功突陷鎮江窺江寧特加授太子少保充江南隨征左路總兵官

統江西將校及兵三千防勦十七年奉

旨駐揚州防江北要汛十八年署廬鳳提督
尋調山東提督駐青州土賊于七敗竄入海
捷緝其党五十餘人皆伏誅

聖祖仁皇帝康熙四年併山東總督于直隸
移提督駐濟南七年河南提督許天寵以裁
缺改山東

命捷候缺九年許天寵遷盜儀使仍以捷補
授十二年調江南提督十五年海賊鄭錦犯

乍浦捷遣叅將白可受等往勦獲其船俘斬
無算十七年鄭錦犯漳州陷海澄

上以捷謀勇兼優成效素著調福建提督兼
轄水陸

特晉少保兼太子太保並

諭捷攜綠旂兵之願往者隨征捷因疏言臣
前隨征福建勦賊雲霄銅山間深知閩中土
兵弗肯力戰用命臣自任江南提督召募材
健至松江訓練有年堪資戰守擬選三千名

並擇遊擊守備數員以備任用

上允之捷至福州聞賊犯泉州卽統兵趨惠安賊不敢抗皆潰遁遂復惠安城僞總統劉國軒見我師甚盛因斷洛陽橋留賊數千及船百餘拒守而自集海船爲遁計又以賊三千餘踞陳山埧阻我師捷遣遊擊李璉等襲破陳山埧而令總兵黃大來與副都統禪布等會師洛陽橋南兩路夾擊以砲破其船賊大敗遁去泉州平時賊將王一鵬復窺惠安

捷令總兵張韜往勦捕斬畧盡餘党葉明紀
朝佐等出沒德化永春間僞總兵蕭武等聚
艘泊涓州窺興化捷復遣將防守策應而自
移師赴漳州同副都統吉爾塔布等敗國軒
于江東橋又分屯駐柯坑山鳳山萬松關諸
險隘別遣將守榴山寨以扼衝要先是捷甫
蒞任卽請別設水師提督使已得盡力陸路
專心勦禦至是得

旨楊捷自簡任以來著有勞績授爲昭武將

軍管福建陸路提督事十八年國軒以賊眾
劫榴山寨並欲奪江東橋捷會平南將軍賚
塔等分兵爲兩翼左右夾擊大敗之于下坑
山及歐溪頭斬賊千餘獲甲仗無算十九年
國軒糾賊屯獅子山又聯絡遠近賊寨以爲
聲援捷親率精銳勦平烏嶼諸寨復以高浦
與廈門相對爲海濱要地駐營設兵留標將
防禦斷賊歸路而自與總督姚啟聖搃兵黃
大來等分下玉洲三汊石碼等處十九寨復

統兵進攻海澄偽總兵蘇侃以城降遂乘勝
取廈門賊聚艦迎敵我師以巨砲毀其艦奮
兵疾擊賊溺死者無算餘党相率投誠金門
廈門悉平國軒自銅山竄入臺灣捷疏請回
駐泉州得

旨俞允於是年九月以老病求罷

命仍任江南提督

諭曰卿効力岩疆功績茂著以閩地濕熱與
卿病體不宜調爲江南提督不必求罷明年

叙復海澄功晉世職三等輕車都尉准襲四次
次授駐松江年久以病乞休者再俱奉
溫旨慰留二十九年卒于官年七十有四
贈太傅諡敏壯孫鑄襲職入籍揚州衛

郭琇列傳

郭琇山東卽墨人康熙九年進士十八年授
吳江縣知縣二十五年江蘇巡撫湯斌疏荐
琇居心恬淡莅事精銳堪膺遷擢部臣以琇
催征錢糧未完議駁

聖祖仁皇帝特諭部臣如斌所請遂行取考
選授江南道御史時河道總督靳輔請停下
河挑濬工程別築高家堰重堤以爲屯田謂
可增歲收數萬直隸巡撫于成龍於安徽按
察使任內曾督修河工至是承

旨詢問因奏下河宜挑不宜停重堤宜罷不
宜築尙書佛倫等奉

命往勘議從靳輔奏二十七年正月琇劾靳
輔治河無功偏聽幕客陳潢阻撓下河開濬

海峽日報卷二
二
詔九卿察議未上斬輔入

覲

上令輔與大學士九卿科道會議河工事宜
琇復奏輔汎累擾民寔爲民害

上曰屯田害民斬輔縱百喙亦難辭矣尋如
九卿議罷斬輔任葦陳潢職銜予杖流二月
擢琇任僉都御史先是琇具疏劾大學士明珠
余國柱結黨行私背公納賄兼及尙書佛倫
侍郎傅拉塔等會議會推附和要素復及

靳輔與明珠余國柱等交通聲氣糜帑分肥
狀請加嚴譴於是明珠等罷任降用有差事
詳明珠傳三月遷太常寺卿十月擢內閣學
士二十八年三月充

經筵講官授吏部左侍郎五月擢左都御史
九月疏劾少詹事高士奇與原任左都御史
王鴻緒表裏爲奸植黨招搖給事中何楷翰
林陳元龍王頊齡依附壞法狀得

旨高士奇王鴻緒何楷陳元龍王頊齡俱著

休致回籍十月御史張星法劾山東巡撫錢
珏貪黷劣跡珏奏辨所劾悉誣由珏曾致書
于珏屬荐卽墨令高上達等未允珏挾嫌使
星法誣劾事下法司鞫訊未定讞珏奏左都
御史馬齊于會訊時多方煨煉必欲坐以指
使誣劾之罪

上責珏疑揣法司羣法司以星法誣珏擬革
職珏致書屬荐事寔應革職擬杖折贖奏上
星法降二級留任

上念琇平時鯁直敢言從寬免革職治罪降
五級調用二十九年四月吏部推補琇通政
司叅議

上命改推琇以所降之級休致八月江寧巡
撫洪之傑以吳江縣虧空漕項事涉前任琇
應赴質牒山東巡撫佛倫佛倫因劾琇休致
違例逗留希圖復用請革職逮治又劾琇伯
父郭尔印係明季御史黃宗昌家奴琇父郭
景昌原名尔標曾入賊党伏法琇私改父名

濫請

封典應予追奪部議應如佛倫所請並革琇
頂帶逮赴江寧勘治於是琇坐侵收遲船飯
米二千三百餘石事發彌補罪部議充軍得
旨寬免三十八年三月

聖祖南巡琇迎

駕于德州

上回銜諭大學士阿蘭泰等曰原任左都御
史郭琇前爲吳江令居官甚善百姓至今感

頌其人。有胆量無朋比。可授爲湖廣總督。令
馳驅赴任。琇旣至。以黃州武昌二府屬兵米
二萬七千有奇。運給荊州鄖陽諸汛地。隔于
餘里。歲費輓輸不貲。疏請改爲折色。江夏等
十三縣有故明藩產田瘠賦重。數倍民糧。復
請照民糧一例起征。江夏嘉魚漢陽三縣瀕
江地畝。積歲水嚙土侈。有賦無田。並請豁免
地租三百餘頃。悉得

旨允行。三十九年正月入

覲具疏訟寃曰臣本生父郭景昌係卽遷縣
庠生伯父郭尔印無嗣臣例得繼爲後臣于
康熙十五年丁艱有冊可據邑匪郭尔標之
事合邑皆知伊無妻室安得有子不知佛倫
前日何所聞而捏爲無稽誣蔑臣父陷臣欺
飾部臣不俟行查輒令追繳

封軸乞

勅廷臣詳察時佛倫已任大學士

上詰問佛倫以悞疑郭尔印爲郭尔標昆弟

舉報舛錯對

命仍予琇誥軸二月琇

陸辭奏清丈地畝以武昌道莊摺衡永郴道
董承恩長沙府知府王益曾三員才堪委任
但湖南地廣民稀是以民多逃避不能完課
恐清查後錢糧較前差減

上曰約減幾何琇以大約減十分之三對

上曰果于民有益所減雖倍于此亦所不惜
若不清丈以荒田泐征錢糧有累窮黎斷不

可也此事綦重尔具疏來照所請行三月琇
復條陳三事一修築堤埝嚴定處分一無用
糧船宜停修造一苗地官員通融調補又疏
禁楚地陋弊八條錢糧攤費包收之弊宜除
陋規雜派之多宜去征糧之滾單宜行訟棍
宜治濫刑宜革捕役誣盜宜飭屍親抄掠宜
禁強族阻葬宜懲
上以所奏情事前任未及陳奏琇蒞任寔心
除弊

特旨褒嘉並從所請五月請肅清學政禁棚
規嚴賄賂七月疏奏湖南積穀一百萬四千
八百石有奇請五分積穀五分碾米貯倉以
平米價十一月與總督河道張鵬翮等遵

旨議奏科場事宜琇請定官卷中額各省在
監應試者責成祭酒力行考課之法部議並
從之時紅苗梗化叅將朱綬勦撫事竣琇陳
善後之策分設汛守建立哨台禁民私販火
藥與苗民爲婚每月三日聽苗民互市限時

集散

救旨勒石永爲遵守又請以沅州總兵移駐
鎮筸

上悉報可會河南撫徐潮陛辭

諭以如郭琇張鵬翮等所行則不獨爲當今
之名臣卽後世亦可取重四十年二月琇以
病乞休

溫旨慰留之尋

諭曰郭琇病甚欲思一人代之不可得果能

如郭琇者有幾人耶先是給事中馬士芳劾湖廣布政使任風厚卧病已久巡撫年遐齡狗庇不舉劾遐齡以與督臣郭琇矢公矢慎察釐有司任風厚實非病廢回奏至是風厚陛見年尙未衰

諭曰郭琇居官清潔而辦事公正如任風厚果不堪任使郭琇豈肯狗庇耶四月奏撥常平倉米給荊州兵餉六月請以極邊遊擊守備聽提督選補又請增湖廣鄉試中額十三

名照江南例下部議並從之八月秀以病不能支再疏求罷復

溫旨慰留之九月以委員摘督催不力之叅
章黃梅縣令李錦印縣民閉城拒官保留舊
任御史左必蕃劾秀既失察於前復不能彈
壓於後難勝總督之任部議應罷職得

旨郭琇丈量地畝事尙未竣俟事竣之日再
行具奏四十一年九月鎮筸生員李定等叩
閭奏紅苗任意殺掠總督巡撫諱匿不報又

給事中宋駿業劾秀向鶩虛聲近益衰廢持
祿養癰應請懲治

詔侍郢傳繼祖甘國樞浙江巡撫趙申喬馳
駟前往湖南察審值秀報清丈事竣附陳病
廢不能視事乞

賜罷斥奏至得

旨郭琇原係有罪革職之人特旨起用授爲
總督初陛見時朕詢問地方情形輒奏稱楚
地易治於丈量地畝復言刻期可以告竣今

丈量一事時日甚久始行題覆紅苗屢肆搶掠殺傷兵民匿不奏聞亦漫無籌畫又所屬知府許錫齡揭報知縣李錦虧空錢糧郭琇不加詳察輕率題叅委官署印以致百姓妄行聚眾擅閉城門臨時又不能禁戢此皆大負職掌所行俱與所言不符着明白回奏琇以老病昏庸失於覺察回奏自請治罪初紅苗出犯鎮筸村擄掠戶口遊擊沈長祿率兵往勦回至大梅山紅苗衝出守備許邦垣干

摠孫清及兵丁十餘名俱陷苗寨長祿贖歸
諱敗不報又副將朱紱報稱苗子就撫投誠
琇據詞入奏其事屬虛至是繼祖等奉

命往勸得寔琇與提督林本植並坐狗隱四
十二年四月

上從部議革琇及本植職五十四年三月琇
卒於家年七十有八五十五年入祀鄉賢
今上乾隆四年祀吳江縣名宦

魏裔介列傳

魏裔介直隸栢鄉人順治三年進士由庶吉士授工部給事中五年二月疏請舉行經筵日講以隆治本得

旨報聞是年充山西鄉試正考官六年轉吏科給事中丁母憂歸九年補原官疏請時

御正殿晉接羣臣令部院科道等官面奏政事又言各州縣間遇災荒既經報部其例得蠲緩錢糧卽與停征以杜吏胥欺隱並就各州縣所有積穀及存貯之銀先行賑貸疏並

下所司議行先是江南既定明兵部尙書張
縉彥赴招撫大學士洪承疇軍前投誠至是
河南巡撫吳景道援

恩詔荐舉部議予錄用裔介疏言縉彥在明
朝身任中樞值流賊李自成逼北京匿不以
報有盧杞賈似道之奸而庸劣過之若復列
朝班恐貽羞士類乞

敕部擯棄以協輿論疏下部察議以事在
赦前予外用十一年裔介遷兵科都給事中

疏劾勦撫湖南將軍續順公沈永忠當流賊
孫可望犯辰州時擁兵坐視不救致搃兵官
徐勇辰常道劉昇祚等守城力竭戰死乞
賜罷斥以懲庸懦疏下所司察議永忠罷任
削爵十二年疏劾福建提督楊名高禦勦怠
玩致漳州郡邑爲海賊鄭成功淪陷名高坐
罷任是年遷大常寺少卿尋擢左副都御史
十三年疏劾大學士陳之遴心術不端營私
植黨之遴旋奉

詔解任發遼陽閒住時孫可望盤踞貴州鄭成功鴟張海島裔介疏言孫賊借崗蛮爲助而崗蛮之甘爲所用弗歸順我

朝者因欲收其舊有之敕印也宜

命在事諸臣加意招徠給以

新勅印其舊者聽其存留俟向化有年再籌收繳則歸順者多助賊者少至鄭賊自明天啟之季作亂海上已三十年我之水師無多若揚帆大海以擣其巢非所素練惟於沿海

要地增兵築堡使賊船不得泊岸搶掠俟其
疲于遠涉坐而受困然後招其攜貳散其黨
與海患可以漸平又請定教官每年考察之
例令學政刊布明儒薛瑄王守仁等講學諸
書以培真才並下部議行十四年二月擢左
都御史四月因欽天監推算次月日月交食
齋介上疏請廣言路停緩工量寬州縣催科
考成速清

恩赦應釋滯獄減調移之兵節供應之費

上嘉其奏下部詳議行七月同左副都御史
能圖等疏請更定世職襲例

上以所奏似有受囑徇私情事

召集詰問下部論罪能圖倡議變亂成例革
世職裔介坐附和應革職

詔從寬留任尋遇

恩詔復職十六年

諭獎勤勞奉職諸臣加裔介太子太保十七
年二月裔介以京察自陳得

自御史巡方屢以貪黷敗檢魏裔介爲臺臣
長曾未據實糾叅殊負委任削去太子太保
並所加一級仍舊供職會陝西巡撫張自德
爲給事中金漢鼎疏劾駐欵解任給事中孫
光祀因劾裔介曾以洮岷道劉澍致託自德
故稔知自德貪婪不敢糾劾
詔裔介回奏裔介言不劾自德由聞見不廣
劉澍赴任時曾與自德書言當教誨之勉作
循吏

上以裔介既吐真情予免議五月疏劾大學士劉正宗成克鞏欺罔附和諸罪

詔正宗克鞏回奏未得實下法司勘鞫並革裔介職與質訛正宗獲罪籍沒入旂克鞏革職裔在裔介復原官時因雲南福建用兵裔介疏請

救部綜計軍需足用卽停止加派直省州縣錢糧得

旨除已派外其未派者並行停止

聖祖仁皇帝康熙元年雲南平裔介疏言雲南既有吳三桂藩兵數萬及督提兩標綠旗兵則滿洲兵可撤但滇黔川楚之遼澗不以滿洲兵鎮守要地倘戎寇生心恐鞭長不及荆襄乃天下腹心宜擇一大將領滿洲兵數千常駐其地無事則控扼形勢可以銷奸宄之萌有事而提兵應援可以據水陸之勝疏下部議部臣援順治十二年奏設武昌駐防有擾駟累民不准行之

諭旨寢其事裔介復請移舊駐武昌之湖廣
總督于荊州部議從之二年遷吏部尙書三
年擢保和殿大學士六年充纂修

世祖章皇帝寔錄總裁官遇

恩詔加一級九年充會試正考官是年四月
內院承

旨會同吏禮二部選新進士六十人試以文
字分擬上下中三等入奏

上親定二十七人爲庶吉士御史李士之方疏

卷之二

劾裔介先以閱擬上卷之二十四名私令家人通信招搖納賄並劾裔介於其兄魏裔魯任運使

敕書擅自更改令統轄知府前此遇

恩詔予廕時裔介候缺未補乃以其子魏嘉腺混得廕又劾裔介與班布尔善比匪相倚引用私人爲

寔錄館纂修提調越格優叙班布尔善者以党鰲拜伏誅之大學士也

詔裔介回奏裔介言閱卷非臣一人通信納
賄有何証據臣兄魏裔曾任運使
敕書未經閱看磨子由吏部題明

恩准皆有案可稽至謂臣與班布尔善比匪
則前此同在內院遇事輒相爭論以鰲拜之
勢焯臣足跡不登其門况班布尔善與臣同
官豈肯比匪之芳所指越格優叙私人構誣
皆屬無據由臣服官以來彈劾無所避忌如
劉正宗党類切齒于臣者十年於茲之芳係

正宗同鄉售其報復之謀難逃

聖明洞鑒因請

賜罷斥歸田疏入下吏部會質裔介一一辯
釋之芳爭執不已言劉正宗居安邱我居武
定非親非故彼獲罪身死已久謂我爲之報
復尔是大學士能令朝中直隸人爲尔報復
耶伏讀

世和章皇帝諭旨嚴戒被論之人反唇讐訐
尔何敢悖

旨於是裔介自引咎部議魏嘉廕生雖非臆混但候補官無得廕之例應革去之芳所劾事屬有因係言官應免議裔介於奉

旨回奏原欵外牽引已結案之劉正宗等殊屬不合應削加級罰俸一年得

旨魏裔介削級罰俸俱寬免益勤慎供職副朕宥過之意明年正月以老疾乞休得

旨卿才品優長簡任機務正資贊理覽奏患病情詞懇切准解任回籍調理病痊起用十

一年

寔錄告成加太子太傅二十五年四月卒
賜祭葬如例雍正十年入祀賢良祠所著有
兼濟堂集及希賢錄諸書乾隆元年

上念齋介與尙書湯斌等未邀易名之典
詔予追諡諡曰文毅

姚文然列傳

姚文然江南桐城人明崇禎十六年進士改
庶吉士

本朝順治三年以安慶巡撫李猶龍薦授
國史院庶吉士五年三月改禮科給事中七
月充山東鄉試正考官六年疏請
嚴敕撫按遵

恩詔清理刑獄勿任有司稽玩或條赦之外
有可矜疑原宥者許專疏上陳又請重定選
用會試下第舉人之例以廣任使又言直隸
與山東河北接壤兩省各有疆限每遇盜賊
竊發東西竄匿難於越境追捕請改保定巡

撫爲總督統轄直隸山東及河南懷慶衛輝彰德三府庶盜可弭息又請

嚴勅各省督撫勿濫委私人署州縣官疏皆下部議行尋轉工科給事中八年二月請令都察院大臣甄別各省巡按疏下部院會議分六等考核陞調有差是年秋江南浙江被水文然言災地漕米宜令改折以災之重輕定改折多寡又言折漕規則新立小民不能周知官吏因緣爲奸或改折外重征耗銀或

先已征米又收折價或私折重價而以輕價
運解弊端不一請

敕漕臣密察嚴劾

上並採納之十年疏言大臣負罪宜免鎖禁
城門以存國體得

旨嗣後滿漢諸臣有事發部候問不必鎖拿
送問俟審有實據依律擬罪是年遷兵科都
給事中尋以終養乞歸後於康熙五年補戶
科給事中六年疏言四川湖廣諸省官吏借

採木爲名或搜取民間屋材墓樹宜申飭禁止又言採買官物其由官發價者駁減之銀應如舊扣貯司庫若價出自民餘銀宜仍還之民間又言一部可結之事卽應一部逕結一疏可通結之事卽應一疏通結若各省錢糧考成已報完者部臣宜于議覆時卽予開復以省奏牘均如所請九年八月得

旨內陞以正四品頂帶食俸仍任給事中十年四月兩江總督麻勒吉以京口將軍李顯

貴鎮江知府劉元輔侵帑事覺逮繫至京文
然疏麻勒吉情罪輕重尙待質問宜釋鎖繫
上是其言令自後官員赴質槩免鎖繫五月
擢文然副都御史十一月遷刑部侍郎十二
年二月調兵部督捕侍郎充會試副考官尋
以京口將軍柯永蒸爲副都統張所養奏劾
徇私縱恣等事奉

命往鞫得實永蒸罷任十一月文然遷左都
御史十三年四月疏言耿精忠與孫延齡俱

受吳三桂指麾背

恩反叛中間阻隔者賴有廣東耿逆將士舊
駐其地熟悉山川地利倘與孫逆合謀互相
掎角則廣東勢危江西毗連閩粵若逆賊侵
踞贛州南安餉道中斷通京郵函有梗亦屬
可慮宜進駐重兵以通聲援

上嘉納之十二月陝西提督王輔臣叛時河
南巡撫佟鳳彩乞休已得

旨解任文然疏言河南密邇陝西恐流言易

滋煽惑鳳彩任巡撫數載民所悅服宜令力
疾視事

上命鳳彩仍留任十五年擢文然刑部尙書
十七年六月卒

賜祭葬如例諡端恪雍正八年入祀賢良祠

萬正色列傳

萬正色福建晉江人由行伍起家康熙三年
以招撫海賊陳燦等有功授陝西與安遊擊
十二年逆藩吳三桂反四川叛應之正色隨

西安將軍瓦爾喀進征叛賊譚宏等據陽平
關遣賊党拒戰正色率兵擊敗之於野狐嶺
政克陽平關擢山西平魯路叅將尋授岳州
水師提兵官時岳州久爲三桂所踞立椿木
於洞庭之套河陝阻我進勦十七年三月正
色率舟師乘夜入亂葦中盡拔其椿木屢擊
却賊眾旣而賊將江義巴養元杜輝等駕船
二百餘犯柳林嘴正色偕遊擊唐善等擊毀
賊船殲賊無算是年三桂死于衡州正色爲

反間計遣千總魏王曾賈書分致賊將十有
四人於岳州城爲僞摠統吳應麒所得士曾
遇害應麒旋殺賊將之爲所致書者數人賊
衆內潰僞摠兵陳華李超王度冲來降應麒
遁大軍遂復岳州正色爲魏士曾請卹得

旨魏士曾心存報國直抵賊營離間賊黨身
被殺害殊可憫惻下部優卹贈守備廕子衛
于摠十八年正色以追叙恢復陽平関功加
銜左都督時康親王傑書征福建逆藩耿精

忠降而海賊鄭錦猶踞金門廈門陷海澄正
色自以閩人素悉海上情形陳水陸戰守機
宜言閩地負山枕海賊踪出沒無常今宜擇
官兵習于陸路者分布要害使賊不得登岸
精于水戰者率戰艦自萬安鎮諸處順流攻
擊直抵金門塞海澄以斷其歸路賊自廈門
來援者則從金門掩擊更請

赦文武諸臣蠲除沿海邊地雜派差役使民
安居樂業不致窮而投賊又設法招撫善爲

安置則投誠日多賊黨日散疏入

詔曰萬正色勦寇洞庭著有勞績今岳州長沙諸處悉經恢復無煩水師且萬正色閩人稔知水性茲勦滅海寇之際從優加太子少保調爲福建水師總兵率所部官兵尅期速赴閩中至日卽以所條奏事宜與大將軍康親王等會議酌行是年擢水師提督時議調船荷蘭國進取廈門正色疏言荷蘭船遲速莫必轉盼二三月間南風一作卽難前進今

新舊烏船俱集臣與撫臣吳興祚決計進討
臣率水師直攻海壇興祚率陸兵爲聲援
上是之十九年正月正色進征海壇分前鋒
爲六隊親統巨艦繼之又以輕舟繞出其左
右并力夾攻以砲擊沉賊艦溺水死者三十
餘人遂取海壇僞將軍朱天貴等遁南日湄
州諸澳正色追躡至平海澳天貴聞風遁崇
武色自平海南下賊迎戰正色率兵掩擊
大敗之斬僞總兵吳丙僞副將林勳等會將

軍拉哈達總督姚啟聖巡撫吳興祚提督楊捷等並力來攻遂取廈門天貴來降鄭錦窳台灣三月正色疏言海島澄清寔借風潮利順相傳莆田縣林愿之女自宋時肇顯靈異明永樂中建廟龍江封爲天妃列在祀典迓者臣率舟師渡海虔申禱告方征崇武時賊恃南風揚帆直逼忽風從西發我師歡呼奮進遂以敗賊是因

國家之福亦由明神默佑乞

賜勅封以隆昭報疏下部議如永樂七年封
天妃故事遣禮部官祭告四月正色疏請分
兵鎮守濱海要地

上命兵部侍郎溫岱前往會議尋

詔銅山廈門諸處量設總兵以下等官留水
師二萬人分鎮之初海壇旣克有

旨下部議叙溫岱至福州總督姚啟聖與言
海壇之役正色先遣人與朱天貴密約投誠
乃進兵取彼空地無攻擊殪賊之事及溫岱

還京兵部奏正色冒功不應議叙

上曰萬正色志靖海氛不俟荷蘭國船領水師先行出洋驅逐海逆克奏膚功遵前旨議叙於是部議予騎都尉世職二十年六月改福建陸路提督二十五年調雲南提督二十六年十月鶴慶總兵王珍劾正色縱幕客家入借軍政造冊名索各營將弁銀數千兩正色亦劾珍侵挪捐造甲冑銀二千餘兩

詔正色與珍馳駟至京質問雲南總督范承

勲復劾正色婪取財賄侵蝕兵糧諸款

上遣侍郎多奇傳拉塔往雲南察取眾証下部定讞王珍侵挪事辨釋別以誣良爲盜擬徒收贖正色納賄侵蝕事鞫寔論絞得

旨萬正色久歷行陣勞績甚多從寬免死著革去提督仍留世職三十年四月卒于吉祥襲職

孫廷銓列傳

孫廷銓山東益都人初名廷鉉明崇禎進士

任永平推官

世祖章皇帝順治元年投誠授天津推官二年以巡撫雷興荐擢吏部主事三年充陝西正考官再遷至考功司郎中七年擢太常寺少卿明年遷左通政十年授戶部侍郎以大學士洪承疇荐

召同太僕寺卿衛周鼎等三人入對旋以會議抱兵在珍罪附和吏部尙書陳名夏等部議革職得

旨從寬罰俸十一年乞假省親明年假滿補
兵部侍郎擢尚書十三年調戶部尚書御史
侯于唐劾廷銓庸陋不勝司農任

上責于唐妄奏十四年廷銓疏言山東河南
除賦荒田未盡報墾請招民墾闢其已熟者
清釐賦額無使隱漏

上嘉其言有閑國計如所請行十五年六月
調吏部尚書加太子太保十六年三月
諭獎勤勞奉職諸大臣加廷銓少保十月疏

言學道一官自順治元年定制內而部卽外而府道皆序序倅荐陞補至四年始專以部屬考選每一學道缺出禮部二人戶兵刑工各一人內閣與吏禮部會考行之旣久不無滯碍人才文望隨地而有未必在咨送教員中學道職在衡文不公之弊大於不明今於其始授僅慮其不明而考之是遺其大而務其細也臣以爲凡考試各官出於宸斷者

神明睿照望其外而併得其內觀其文而遂
得盡其人取舍皆由

聖鑒故考試足重今學道旣奉
特旨罷其

御試卽內閣諸臣亦不與其事矣獨吏禮二
部會考臣等尋行教墨所見不出尺幅之外
其他何足以知之不如停其考試仍如初年
舊例于進士出身之部卽府道按俸舉荐隨
時陞補可以絕揣摩而抑奔競疏入得

旨學臣關係人才所奏停考試按俸荐陞補
事屬可行下所司集議如廷銓請時吏部銓
除一事數例胥蠹因緣爲奸給事中楊雍建
胡尔愷粘本盛孫際昌王啟祚御史許劭昕
先後疏糾其弊且劾廷銓因循委靡爲官吏
朦蔽事下宗人府都察院會議部臣均坐降
罰廷銓削加銜罰俸又以會推調漕督沈文
奎爲巡撫

上以巡撫不宜降調官下議政王等察議廷

銓降三級留任十七年四月疏言舊例新閣
邊疆員缺督撫委用者卽予寔授同部選之
官一體遷轉有莅事未久輒移內地者請嗣
後試署兩年果能安民靖盜乃予寔授又言
司道不宜輕易非大計處分及貪酷被糾而
降革者宜仍留任疏並得

旨俞允六月因旱陳言二事一曰寬考成二
日舉屯政

上命兵部議興屯事宜而摘考成疏中積資

累荐棄以一肯等語

諭令回奏所指廷銓言積疲州縣久累人材
稍請寬減以勵後效非爲處分人員求免十
一月大學士劉正宗爲左都御史魏裔介御
史季振宜劾奏罷職吏部尙書伊圖等謂科
道未劾正宗者應議處廷銓言正宗罪狀原
因言官舉發不應轉議言官因偕侍郎却惟
訥馮溥別爲一議

主以滿漢兩議傳

旨申飭尋

諭寬免科道各官議處

聖祖仁皇帝康熙二年二月都察院劾廷銓當會議之所與尙書杜立德喧爭失大臣體應並議罰

詔寬免之四月御史李秀疏劾廷銓爲劉正宗親党巧舞奸弊遇會議會推則閉目俯首如木偶素與侍郎馮溥同鄉相結其弟孫廷鐸考取推官徇私有據

上責秀以言官糾劾本應緣事指陳不得恣
詢詬詈

命廷銓溥回奏皆辨釋五月擢廷銓秘書院
大學士三年十一月以疾乞假歸里十三年
卒於家年六十有二

予祭葬如典禮諡文定

郝浴列傳

郝浴直隸定州人順治六年進士授刑部主
事八年遷湖廣道御史奉

命巡按四川時流賊張獻忠餘黨孫可望李定國劉文秀等降附明桂王朱由榔踞川南寇掠九年平西王吳三桂與都統李國翰分兵復成都嘉定叙州重慶駐師綿州浴在保寧監臨鄉試可望文秀等合眾數萬薄城浴遣使赴綿州告急逾月吳三桂乃移兵赴援危城得全浴因陳善後之宜畧言大兵勦賊借陝西運餉道遠費繁宜移陝西駐防屯田成都並招流民開墾借給土司牛種屯耕一

年可抵輸運三年之利又言滇黔賊寇善于騰山越嶺蜀中土官土兵習尙相近宜簡精銳爲前矛以滿洲驍騎繼其後疾雷迅霆之下賊寇咸鳥獸散矣

上嘉其所奏可採下部議部臣以戰守機宜應听三桂酌籌寢其事浴又言土賊投誠給劄授官恣行劫掠甚爲民害請嗣後願歸伍者歸伍其願爲民者卽令有司造冊編丁以資生聚又請免牛租除雜派惟就熟地開征

俾民有一定之額疏皆下部議行又劾奏永
寧總兵柏永醜臨陣畏縮廣元副將胡一鵬
驕悍不法並

命革職逮訊方保寧之奏捷也

詔頒賞將士三桂因以冠服與浴浴不受疏
言剪平賊寇平西王責耳臣司風憲不預軍
事而以臣預賞非黨臣則忌臣也因並疏三
桂擁兵觀望狀

上命三桂以賞物別賞有功將士大學士馮

銓成克鞏呂宮等疏奏浴固守保寧出入營壘奮不顧身收兵指餉轉敗爲功堪膺擢用三桂因摘浴保寧奏捷疏中有親冒矢石語劾其欺罔旨功部議浴應革職逮訊尋論死命免死流徙奉天

聖祖仁皇帝康熙十年

駕幸奉天浴迎謁道左

上親垂問焉十二年三桂反明年尙書玉熙給事中劉沛先交章荐浴爲部議所格十四

年侍郎魏象樞又荐浴才學識兼優不宜終棄得

旨召還錄用復原官時陝西提督王輔臣叛應逆藩吳三桂浴疏言大兵進勦平涼宜于西安潼關用重兵屯駐以待策應用卽陽之兵攻興安調河南之兵入武關直取漢中則逆賊計日可矜疏下部議令在事大臣相機而行又言民間納糧多額外征求致正額反缺又招買軍需名爲市易實係攤派里民比

及發價官役互相侵扣又於解餉時多索收餉之費任意遲延請

勅督撫嚴察又言京通各倉積貯已多請留山東河南額征耗米折銀以濟軍需疏並下部議行十六年巡視兩淮鹽課明年擢左僉都御史尋遷左副都御史十九年五月更定新例凡死罪減等及軍流人犯俱發遣黑龍江奉天諸處浴以天旱民飢恐遣犯道斃者多疏陳新例未便下九卿等會議惟犯贓官

役依新例餘仍如舊律七月疏言官員非正途出身者雖經保舉仍照常陞用不准考選科道又言各部院大臣宜于歲終視司官賢否各舉劾一人以昭懲勸亦下部議行十二月擢廣西巡撫二十一年疏言粵西地丁錢糧以米折銀乃一時權宜之計今軍餉既停請仍照舊征收又請御書清慎勤等字頒發各省督撫懸之堂上俾閭省士民均得瞻仰以垂億載得

旨俞允又言粵西外控土司內制猺獞今已
底定大兵盡撤守兵議裁惟撫標官兵不宜
再議裁戎䟽下部議准留其半又以廣西巡
撫馬雄鎮傅宏烈先後爲逆孽吳世琮世璠
所害請建雙忠祠于桂林潯州府知府劉浩
爲孫延齡所執不屈死請

賜卹典又請復賑濟貧生學租銀米俱得
旨允行二十二年七月卒

上諭曰郝浴簡任巡撫以來實心任事邊疆

重地正資料理忽聞盜逝深爲憫惻下部議
卹初巡撫傅宏烈以軍需移取庫金七萬餘
兩米七千餘石浴莅任欲以庫項扣抵及卒
署廣西巡撫布政使崔維雅劾浴報銷諸冊
皆虛抵虛銷私用庫金及採買餘銀十四萬
二千餘兩

上命郎中蘇赫陳光祖前往察審以浴採買
米豆浮開價值借支給兵船夫價爲名實侵
銀九萬餘兩覆奏部議革職追補二十四年

五月

上諭曰郝浴前任兩淮巡鹽潔已奉公恤商裕課後簡任廣西巡撫清廉愛民克稱厥職其所動錢糧非係入已從寬免追以昭朕優卹廉吏至意二十五年六月子林爲父訴寃請復原官部議不准

特旨准予追復九月林復請卹

賜祭葬如例二十六年入祀賢良祠林康熙二十一年進士累官禮部左侍郎雍正四年

國名目作
加尙書銜致仕見大臣表

李燾列傳

李燾直隸高陽人父國縉明天啟時官大學士諡文敏明史有傳燾七歲而孤

本朝順治二年舉人三年進士改庶吉士授檢討尋遇

太祖高皇帝配

天尊思晉編修十年二月

世祖章皇帝親試習清書翰林燾與侍講胡

兆龍檢討莊同生並列上等擢中允五月遷
侍講會直隸江南諸省學政需代例用翰林
壽同同生等以清書尙未精通恐致荒廢乞
免開列大學士圖海范文程爲之代表奏得
旨俞允尋擢侍講學士十二年遷秘書院學
士同學士禪岱麻勒吉胡兆龍教習庶吉士
時始設

日講官壽同麻勒吉胡兆龍及侍讀學士哲
庫納洗馬王熙中允方懋成曹本榮充之十

四年充

經筵講官十五年二月充會試副考官三月
考滿加一級廕一子入監五月授秘書院大
學士九月改東閣大學士尋與大學士巴哈
納等疏言內三院既改爲內閣別設翰林院
宜分職掌以專責成

上允所請十六年三月

諭獎勤勞奉職諸大臣加爵太子太保先是
十二年

上親選武進士二十三人以領侍衛內大臣
教習騎射

特詔肇行大典宜加優異一甲一名視副將
二名視叅將三名視遊擊二甲十九人視守
備皆按品食俸至是兵部以十五年所選武
進士劉炎等援例請

旨疏下內閣票擬既擬進

諭曰內閣之設原因章奏殷繁一時遽難周
覽故令其看詳票擬候旨裁定此舊例也膺

海內自任二
斯任者宜虛公謹慎悉心辦理方爲盡職今
兵部請武進士劉炎等品級俸祿一疏或令
部議或卽准給及不准給自應三擬乃止一
擬部議一擬不給特因劉炎等係武職聲氣
不通不擬給與如此偏懷私見任意妄裁負
朕倚任不重加懲治以後自專之端必至漸
長下九卿科道同吏部察議諸大學士及學
士並降罰留任以票擬由屬核定降四級調
用九月

命寬免諸大學士學士降罰爵復原官任事
如舊十九年四月同大學士巴哈納等校定
律例十八年

聖祖仁皇帝御極復設內三院爵改宏文院
大學士三年充會試正考官六年充纂修
世祖實錄總裁官九年仍以內三院爲內閣
爵改保和殿大學士十一年
世祖實錄告成

賜銀幣鞍馬加太子太傅十三年

海行... 二
詔舉素有清操堪膺繁劇者雷欽存休致布政使王舜年降調叅議道前之安副貢生楊始亨十五年充會試正考官十七年

詔舉博學鴻儒屬與大學士杜立德馮溥合荐副使曹溶布政使法若真叅議道施閏章中書曹禾陳玉璫知縣米漢雯進士沈珩葉舒崇二十一年充

三朝聖訓

平定三逆方畧重修

太祖高皇帝實錄摠裁官又无明定監修摠
裁官先是重修

太宗文皇帝實錄屬爲摠裁官至是告成
賜資如例晉太子太師尋充

大清會典摠裁官會臺灣初定提督施琅請
設官鎮守廷議未決有謂宜遷其人棄其地
者

上召詢諸大學士霽奏言棄其地恐爲外國
所據遷其人慮有姦宄生事應如施琅請設

官鎮守

上是具言二十三年六月以疾卒年六十遺
疏入得

旨李燾簡任机務慎勤敏練宣力有年勞績
素著忽聞溘逝朕心深爲憫惻下部議卹

命大學士明珠同學士一員奠茶酒

賜祭墓如典禮諡文勤四十九年三月

諭大學士等曰李燾任大學士時始終恪慎
茂著勤勞伊孫工部主事李敏啟著越格陞

補太常寺少卿以示崇舊臣優錄後嗣至
意十月霽第三子其旋以教習期滿部選知
縣引

見得

旨原任大學士李霽宜力年久其子李其旋
著以主事用遇缺卽補尋擢敏啟大理寺卿
其旋兵部員外郎

慕天顏列傳

慕天顏甘肅靜寧人順治十二年進士授浙

江錢塘縣知縣遷廣西南寧府同知

聖祖仁皇帝康熙六年遷福建興化府知府
九年擢湖廣上荆南道福建總督劉兆麟奏
天顏舊治錢塘多惠政士民至今思之及守
興化奉使臺灣熟悉邊海情形於建造臺寨
修葺戰船諸務殫心經理請調閩興泉道得
旨俞允尋擢江蘇布政使十二年丁繼母憂
總督麻勒吉巡撫瑪祐奏天顏廉明勤敏清
理積年逋賦剔除挪移諸弊以條款紛如尙

承報竣請令在任守制部議從之十三年正月天顏久

覲疏言江南田地錢糧有隱佔詭寄諸弊臣
莅任後飭各州縣通計田額均分里甲每甲
若干編有定數以均賦役又因科則不等所
刊由單小民未盡通曉應立征收截票之法
計每戶實征錢糧分作十限於開征日預給
限票俾民自知應輸若干依限完納截票其
逾限未截者按數催比吏不欺而民不擾第

卷二
三
恐日久奉行不力乞

諭部議行以期永遵又獄囚無親屬饋食者請月給米三斗疏下部議並著爲令十五年七月擢江寧巡撫十一月疏進錢糧交代冊上諭曰蘇松等處錢糧浩繁向來挪墊混淆慕天顏爲布政使後實心任事竭力清釐有裨國計據奏交代貯庫銀兩甚多欸項清楚深爲可嘉嗣後布政使交代時應以此爲式十六年三月以節減駙站錢糧加兵部侍郎

留任舊例有司侵盜公帑限一年完納逾根者遣戍財產入官天顏疏請于發遣前完納者仍贖其罪又言各省獄囚有因逸犯株連本無罪名而待質已三年者請卽於秋審時彙核開釋皆得

旨允行是時大將軍貝勒尙善討逆藩吳三桂於湖廣請以烏船濟師天顏奉

詔督造四十艘遣送岳州下部議叙應加三級得

旨慕天顏自簡任巡撫以來寔心任事勤勞
茂著深爲可嘉著從優加太子少保兵部尙
書仍兼都察院右副都御史授爲從一品十
七年

詔舉博學鴻儒天顏荐進士黃與堅教諭汪
楫等並得

旨召試與堅授編修楫授檢討十九年疏言
江南上年苦旱今夏霪雨連綿河流四溢淮
附近之吳淞江劉河諸州縣旣溢旋消幸不

重困宜興東南賴震澤轉洩西北全無出水
之路故受災倍于他邑若常熟武進江陰金
壇等縣出水要口在在湮塞遂致積雨成壑
先擇其工易費簡者次第勸民疏濬惟常熟
之白茆港爲長洲崑山無錫諸水東北出海
要道武進之孟瀆河爲丹陽以東宜興金壇
以北諸水歸江要道請動帑疏濬兼可寓賑
于工

詔允所請于是濬白茆港自常熟支塘至海

口四十三里濬孟瀆河自武進奔牛鎮至江
口四十八里各建閘以時啟閉費帑銀九萬
有奇初天顏任布政使時議濬劉河吳淞江
淤道巡撫瑪祐奏行之又自疏請減淨糧除
版荒坍沒公占田地額賦部議令確勘版荒
坍沒許豁除二十年疏請募民墾版荒六年
後起科部議如所請時守令挪移官帑相率
徇隱有鎮江知府高德貴承前任虧帑數萬
兩閱久未盡補既遷揚州府以他事劾罷旋

病歿天顏檄追苴豆減直銀七千餘兩于家
屬京口防禦高騰龍德貴族弟也商之叅領
馬崇駿以天顏浮冒奏銷諸款計于將軍楊
鳳翔副都統張元勳置弗理總督阿席旋劾
崇駿騰龍婪取事

上命兵部郎中圖爾宸刑部郎中鍾有德會
天顏鞫勘崇駿騰龍遣人叩

聞訟天顏奏銷浮冒惡其訐告構陷罪款唆
總督劾奏

詔圖爾宸鍾有德訛質定讞下部核議崇駿騰龍婪取事寔論絞天顏浮銷草豆價因戶部核減七千餘兩諉罪于無產可抵之已故知府高德貴應降三級調用仍賠銀得旨如議先是嘉定知縣陸隴其以才力不及部議降調由天顏疏劾之左都御史魏象樞摘其疏中操守稱絕一塵德有餘而才不足語謂今之有司惟守與德爲難耳旣知其才與德矣何不留之以長養百姓請

嚴飭督撫大破積習勿使廉吏灰心貪風日
長會有

詔舉清廉官象樞遂舉隴其事詳隴其傳至
是天顏將去任疏述軍興以來征發絡繹應
時立辦遇連歲災荒竭蹶撫循自謂夙夜永
兢精白乃心不意突遭誣訐幸蒙

睿慈鑒宥不加嚴譴僅於降調感泣無已

上曰慕天顏自任巡撫以來未聞有清廉之
名疏內稱夙夜永兢精白乃心殊爲不合著

嚴飭行二十三年二月起爲湖廣巡撫

諭之曰爾前任巡撫未能潔已率屬曾經申飭今宜痛改前非廉謹自持以副任使之意九月調貴州巡撫二十六年三月擢漕運總督十二月疏言京口至瓜州漕船往來有風濤之險宜仿民間渡生船式官設十船導引護防部議以非例不准

上曰朕南巡時見京口瓜州往來人衆備船過渡裨益良多其如所請行天顏又疏列江

南江西累年未完漕項銀米數請

恩寬得

旨盡免康熙十七年以前積逋二十七年正月
月疏言

皇上特發帑金濬下河海以消積水以救災
黎甚大惠也又以治河事宜奉行尙未盡善
命臣與督撫諸臣會同殫心料理乃去八月
河臣靳輔先具改圖之疏請築高家堰重堤
束水以出清口復欲分洩黃河入海臣與督

臣董訥撫臣田雯咸謂宜修舊隄盡塞減水
填疏場清口合黃刷沙歸海爲要策迨延議
再上

聖明洞照

特命尙書佛倫熊一瀟科臣達奇納趙吉士
會同勘議臣極言重隄必不可恃惟修築高
家堰堅厚卽可閉塞減水各填永杜水患又
以黃水挾沙而行今從毛城舖等處浸入諸
湖若年深月久濁流淤沙勢必墊高洪澤湖

底故毛慈舖閘埧斷宜堵寒時佛倫欲從臣
言定議而科臣趙吉士謂必須新輔擔承始
可定稿輔言修築高家堰非十年之力不可
成功佛倫乃有高家堰險處再築月隄之議
臣維高家堰障遏全淮前人修築著有成效
何獨今日不能加築完固况重隄旣估四十
萬兩月隄勢必再估二三十萬以如許經費
豈不能併力堅築舊隄乃故難其說而待十
年之久耶若下河海口各工因水鄉低窪時

借宣洩眾論仍濬白駒丁溪二處已定稿矣
忽改議盡停佛倫等攜稿自前途不知所改
又奚若至屯田一事靳輔疏稱額外新淤河
湖灘地招民屯墾多丈占民間熟田督撫二
臣業已疏劾當勘河之日沿途百姓又紛紛
訴告故佛倫亦謂必當停止而於疏稿中民
田作爲屯田及屯官苦累小民句各爲竄改
則又瞻顧河臣者也謹據寔密陳得
旨九卿詹事科道嚴察議奏會靳輔已爲御

史郭琇陸祖修等交章劾罷靳輔亦劾天顏
與現泊下河之侍郎孫在豐見女姻親欲其
建功故堅阻上流築隄事下九卿負問在豐
降用天顏韋職初靳輔議鑿中河謂閉塞支
河之日使駱馬湖水滙流中河漕運永無阻
滯天顏則謂中河不久卽淤徒費無益至是
工竣

上遣學士開音布侍衛馬武往閱還奏天顏
禁止堵塞支河口於已進中河之漕船勒令

退回

上以天顏有意阻撓下法司逮勘天顏反覆
申辯副都御史鳴爾圖詰天顏訴辭先後互
異及素與曾治下河之直隸巡撫于成龍書
往來尚議河工狀成龍削加銜天顏坐奏事
上書不以寔擬杖徒

上曰慕天顏前任江寧巡撫造送烏船曾經
効力從寬免罪三十五年卒年七十有三

王鴻緒列傳

王鴻緒江南婁縣人康熙十二年一甲二名
進士授編修初名度心因父名廣心奏改今
名十四年充順天鄉試副考官十六年充
日講起居注官授左春坊左贊善十八年遷
翰林侍講十九年

聖祖仁皇帝諭獎奉職勤勞諸講官加鴻緒
侍讀學士銜時湖廣有朱方旦者自號二眉
山人聚徒橫議造中說補謂中道在兩眉之
間山根之上又自詡前知與人決休咎初爲

湖廣巡撫董國興以左道惑眾劾奏逮至京
得

旨寬釋及逆藩吳三桂反順承郡王勒爾錦
統師駐荊州方且以古驗出入軍營巡撫張
朝珍利爲奇異神人

聖祖密諭勒爾錦軍機大事勿爲壘惑方且
乃往江南浙江二十年七月鴻緒得方且所
刻中質秘書遂以奏進指搗其與徒問答語
有誣罔

君上悖逆聖道搖惑民心三大罪言方且擁
妻妾廣田宅爲子納官交結勢要其所造中
說補不外坐功鍊氣之術而妖黨互相標榜
謂今之眉山古之尼山方且亦全無畏忌居
之不宜刊書流播向在荊州軍前煽惑兵事
後復遍遊江浙乘輿張蓋徒党如雲遠近奔
走祈問吉凶常聚至數千人輒以小信小惠
勾連入教雖漢之張弼元之劉福通亦不過
以是術醜亂臣明

漢名目傳卷二
恩侍從本無言責因見邪教橫行不勝憤激
具疏糾劾得

旨朱方且以帝井匪人妄言休咎詭立邪說
招致羽黨誣罔悖逆搖惑民心情罪重大此
疏所劾俱寔着湖廣巡撫嚴拿究擬在外督
撫不先究治在內言官未曾糾劾並嚴行申
飭方且尋論斬伏法二十一年鴻緒轉侍讀
充明史總裁官二十二年九月遷庚子十二
月擢內閣學士充

大清會典副總裁二十三年九月擢戶部侍郎二十四年充會試正考官二十五年四月疏請回籍治平生母喪得

旨賜祭二十六年三月擢左都御史七月疏劾廣東巡撫李士楨昏潰貪劣於曾從吳逆之潮州府知府林杭學保舉清廉

詔士楨回奏士楨以年老昏憤自引咎部議士楨休致杭學尋任會靈臺郎董漢臣上疏論時事以諭教元良慎簡宰執爲言御史陶

式玉劾漢臣披拾浮詞欺世盜名請速治疏
下內閣集九卿議議未決奉

持旨免議鴻緒疏言欽天監臺郎傅士等
官無知蒙昧者多皆由其始不擇流品星下
屑治之徒粗識數字領得濫竽授官之後又
不專心學習勉盡職掌惟行險僥倖希圖遷
擢請

赦下者試分別去留疏下禮部議行董漢臣
及博士賈文然等十五人並以詞理舛誤黜

革時尙書湯斌爲太子講官先是九卿集議
董漢臣罪斌有慚對董漢臣語至是鴻緒同
左都御史瑯舟副都御史徐元珙鄭重等劾
斌務名鮮寔並追論其于江寧巡撫去在巧
飾文告以博虛譽

聖祖素重斌換守清廉置弗問九月鴻緒丁
父憂歸里二十八年九月鴻緒將服滿尙未
起補左都御史郭琇疏劾之曰

皇上宵旰勤勞勵精圖治用人行政皆出

屠裁未嘗纖毫假于左右乃有流克營私招
拮撞騙如原任少詹事高士奇左都御史王
鴻緒等表裏爲奸恣肆于光天化日之下罪
有可誅罄竹難悉試約畧陳之高士奇出身
微賤其始也徒步來京覓館爲生

皇上因其字學頗工不拘資格擢補翰林令
入南書房供奉不過使之考訂文章原未假之
與聞政事爲士奇者卽當竭力奉公以服

君恩于萬一計不出此而日思結納諂附大臣攬事招一以圖分肥凡內外大小臣工無不知有士奇之名夫一事

南書房者先後豈止一人而他人之聲名皆未著聞何士奇一人辦事而一名赫奕乃至如此是其罪之可誅者一也久之羽翼既多遂自立門戶結王鴻緒爲死黨科臣何楷爲義兄弟翰林陳元龍爲叔姪鴻緒胞兄三項齡爲子女姻親俱寄以腹心在外招攬凡督

撫藩臬道府廳縣以及在內之大小卿員皆
王鴻緒何楷等爲之居停供一而愛隸照管
者餽至成千累萬卽不屬黨護者亦有常例
名之曰平安錢然而入之肯爲賄賂者蓋士
奇供奉日久勢焰日張人皆謂之曰門路真
而士奇遂自志乎其爲獯一亦居之不疑曰
我之門路真是士奇等之奸貪壞法全無顧
忌其罪之可誅者二也光棍俞子易在京肆
橫有年惟恐事發潛遁直隸天津山東洛口

地方有虎坊橋瓦房六十餘間價值人千金
餽送士奇求托照拂此外順城門外斜街並
各處長屋摠令心腹出名置買何楷代爲收
租打磨場士奇之親家陳元師夥計陳季芳
開張緞號寄頓各處賄銀資本約計四十餘
萬又于本鄉平湖縣置田產千頃大興土木
修整花園杭州西溪廣置田宅蘇松淮揚王
鵠緒等與之合夥生理又不下百餘萬竊思
以貧謁餬口之窮儒而今忽爲數百萬之富

海行自傳卷二
三
翁詰問金從何來無非取給于各官然官從何來非侵國帑卽剗民膏夫以國帑民膏而填無厭之溪壑是士奇等真國之一而民之賊也其罪之可誅者三也

皇上理明洞悉其罪止因各館史書編纂未完着解任竣事矜全之恩至矣極矣士奇乃不思改過自新仍怙惡不悛當

聖駕南巡時

上諭嚴戒餽送定以軍法治罪誰敢不遵惟

士音與王鴻緒慙不畏死卽淮揚等處王鴻
緒招攬府廳各官約餽萬金潛遺士音淮揚
如此他處又不知如何詐索矣是士音等欺
君滅法背公行私其罪之可誅者四也更可
駭者王鴻緒陳元龍鼎甲出身亦儼然士林
之翹楚竟不顧清議爲人作壘斷而不以爲
恥且依媚大臣無所不至卽人之所不屑爲
者亦甘心爲之而不以爲辱苟圖富貴傷敗
名教豈不玷

朝班而羞當世十哉摠之高士奇王鴻緒陳
元龍何指王頊齡等射狼其性蛇蝎其心鬼
域其形畏勢者既觀望而不敢言趨利者復
擁戴而不肯言臣若不言有負

聖恩臣罪滋大故不避嫌怨仰請

皇上立賜罷譴明正典刑人心快甚天下幸
甚疏入得

旨高士奇王鴻緒何楷陳元龍王頊齡俱着
休致回籍時解任尙書徐乾學管修書摠裁

事旋爲副都御史許三禮所劾乞歸復以山東巡撫傅倫劾其曾囑前任巡撫錢珏狗庇濰縣知縣朱敦厚草職事詳乾學傳三十年江寧巡撫鄭端鞠嘉定知縣聞在上爲縣民告發私派事先由按察使高承爵等訊結聞在上曾以賍銀二千兩分給聲言私派有干功令之舉人徐樹敏至告發乃退還論樹敏恐嚇取財應絞及鄭端覆訊衆証復得聞在上以賍銀五百兩餽送松江王總憲亦于告

發後退還狀乃疏劾之曰舉人徐樹敏卽原
任刑部尙書徐乾學之子也松江王總憲卽
原任左都御史王鴻緒也一爲司寇一爲總
憲富貴兄極雖被論聞佳當一飯不忘

君恩潔身自好約束子弟使鄉里仰其德行
後進奉爲典型乃不思自反專以招摺納賄
爲事蚕食鄉井爲心而且忌刻陰毒狡猾反
覆士民則效風俗薄惡其未嘗敗露者不敢
以風影入告今聞在上一案乾學從子行詐

鴻緒竟染賍銀修身教家之道已虧有玷大臣名節而司擬止及乾學之子不敢發鴻緒之奸殊非法紀之平乞

敕部將乾學鴻緒嚴加議處以儆官邪臣非不知乾學鴻緒各立門戶交結勢要內外聲氣無不通透言出禍隨但臣既受

國恩惟知有

皇上不知其他倘奸邪得除而士風民俗同歸於厚彼雖巧於中傷

聖明在上臣亦不敢他顧矣疏下部察議以
乾學已革職免議鴻緒應令總督審供定議
鄭端復疏劾鴻緒曰聞在上私派一案擬糧
里口供聞在上係鴻緒投拜門生私派之時
聞在上先到鴻緒處商量鴻緒爲之設計恃
其奸謀勢力屢審漏網臣題叅後部覆奉
旨交督臣審供定議爲鴻緒者自應靜聽實
審乃敢串通原供犯官聞在上等欲圖改供
從中暗行調度若不嚴懲將來紳棍效尤必

至毫無忌憚仰請

敕韋王鴻緒職銜與一于人犯交于督臣親
審定擬勿發下司致令如前徇情畏勢中其
好謀所關于風俗人心非淺鮮矣疏下部嚴
察議奏尋

論曰朕崇尙德教蠲滌煩苛凡大小諸臣素
經拔擢者咸思恩禮下逮曲全始終卽或因
事放歸雁咎罷斥仍令各安田里樂業遂生
乃近見各官內外間有彼此傾軋伐異党同

私怨交尋率連報復或已所銜恨而反囑人
代糾陰爲主使或意所欲言而不直指其事
巧陷術中雖業已解職投閒仍復次求不已
株連逮于子弟顛覆及于身家甚且而并奸
民亦得借端陵侮蔑紀傷化不可勝言朕摠
攬幾務已三十年此等情態知之最悉夫讒
譖嫉妬之害歷代皆有而明末爲甚公家之
事置若罔聞而分樹黨援飛誣排陷迄無虛
日朕于此等背公誤國之人深切痛恨自今

已往內外大小諸臣應仰體朕懷各端心術
盡蠲私忿共矢公忠倘仍執迷不悟復蹈前
非朕將窮極根株悉坐以交結朋黨之罪時
鴻緒就質

詔至得釋三十三年

命大學士于翰林官員內舉奏長于文章學
問超卓者太學士王熙張玉書等荐鴻緒與
徐乾學高士奇並

召來京修書三十八年授工部尙書三十九

年奉

命同尚書范承勳監修高家堰堤工尋以與河督張鵬翮持議不協撤回四十二年充

經筵講官四十三年以開濬京城河道浮銷經費坐失察部議革職得

旨留在尋以濬河工竣予開復四十七年調戶部尚書四十八年以附和內大臣阿靈阿侍郎揆叙等議奏改立皇太子事奉諭切責以原品休致五十二年遇

萬壽覃恩疏請

封典廕生下部議以非現任不准得

旨凡原品解任之員停其廕生俱給與封典
五十三年疏言臣舊居館職奉

命爲明史總裁官與湯斌徐乾學葉方霽互
相叅訂僅成數卷及臣回籍多年

恩召重領史局而前此纂輯諸臣罕有存者
惟大學士張玉書爲監修尙書陳廷敬爲總
裁各專一類玉書任志廷敬任本紀臣任列

傳因臣原銜食俸比二臣得有餘暇刪繁就簡正謬訂訛如是數年彙分成帙而大學士熊賜履續奉監修之

命檄臣列傳諸稿脩錄奏進玉書廷啟暨臣皆未忝閱臣恐傳稿尚多舛誤自蒙

恩歸田欲圖報扨因重理舊編搜殘補闕蒼萃其全復經五載成列傳二百八卷其間是非邪正悉據已成公論不敢稍逞私臆但年代久遠傳聞異辭臣未敢自信爲是謹繕屬

全稿寶呈

御監宣付史館以備參考得

旨下明史館察收五十四年復

召來京修書五十七年大學士王拱監修

省方盛典奏荐鴻緒學問素優堪任編輯

命爲承修總裁官六十年尙書田從典侍郎

張伯行副都御史李紱爲會試考官旣發榜

有下第舉人喧嘩李紱之門御史舒庫入告

以紱不自奏聞部議革職發永定河工効力

鴻緒奉

命同大學士王項齡學士阿克敦等磨勘取
中卷得文理疵謬者十二人三年後再令會
試雍正元年八月卒於京禮部循例議卹
世宗憲皇帝命勿予諡

今上乾隆四十年三月

諭曰國史館進呈所纂王鴻緒列傳於左都
御史郭琇劾鴻緒與高士奇招納賄賂等案
僅叙大畧而郭琇原疏未經載入恐傳于後

世其不知鴻緒輩之罪狀者妄疑一刻卽去
或有屈抑其知者又疑秉史筆之人意存袒
護不肯顯暴其短豈朕待命另修史傳之意
乎夫王鴻緒高士奇與明珠徐乾學諸人當
時互爲黨援交通營納衆所共知如郭琇所
劾諸事並不爲枉而我

皇祖不加窮究僅予罷退蓋于明珠念其有
襄辦討平吳逆之功而王鴻緒高士奇諸人
則因文學尙優官力史館是以屢下

明詔剴切曉諭由予矜全寔由我

皇祖聖德然卽以諸人事跡而論雖有交結
納賄之私亦止于暗爲閃照不至勢欲薰灼
生殺擅專如前明嚴嵩輩之肆奸蠹國陷害
正人此亦人所共知也卽如郭琇叅劾明珠
王鴻緒諸人後旋經

皇祖特加任用未聞有能稍事排擠者卽其
後郭琇于提督任內因他事罷官亦由其自
取並非諸人之所能媒孽又寔由我

皇祖聖明是郭琇原疏于諸人被劾款跡皆當據事直書不必稍爲刪減即使天下後世曉然于王鴻緒輩之罪狀如此郭琇之鯁直如此其後之自取罪戾如此並敬悉我

皇祖之仁智並用措直得中又如此既可令海內傳爲美談且足今朝臣共知鑑戒其於世道人心甚爲有益何必曲存隱諱乎其明珠本傳前已降旨改修外着交該館總裁將王鴻緒徐乾學高士奇等列傳復加核訂所

有郭琦等原劾諸疏悉載入傳內另繕呈覽
其餘有類此者並着一體詳載以示大公而
昭傳信焉

漢各臣傳卷二終

通鑑卷之三

日講起居注官二十一年充明史總裁官二十二年遷翰林院侍講二十三年遷侍講學上時乾學之弟元文以左都御史降調候補其子構聲與乾學子樹屏並由順天鄉試

聖祖仁皇帝以是科取中南皿卷皆江南浙江而湖廣江西福建無一人下九鄉詹事科道磨勘舉出文理悖謬者一名文体不正者樹屏等三名字句疵累者樹聲等八名請與正副考官諭德秦松齡編修王沛思同考官

主事張雄中書王鐔等並視革嚴究情弊得
旨此次取中各卷類有情弊姑從寬免究其
文理悖謬文理不正四名及徐元文之子並
革去舉人餘照例議處是年十二月乾學遷
詹事二十四年正月

召試翰詹諸臣於

保和殿乾學列上等第一

諭獎乾學暨侍讀韓茨編修孫岳頌侍講歸
允肅編修喬萊等五人學問優長文章古雅

優加賞賚乾學旋奉

命直南書房灌內閣學士充

大清會典一統志副總裁教習庶吉士時海
賊初平戶部郎中色楞額往福建稽查鼓鑄
疏請禁用明代舊錢戶部尚書科爾坤余國
柱等議如所請

上以詢內閣諸臣乾學言自古皆新舊兼行
以從民便若設例禁程滋煩擾因考自漢至
明故事爲議以獻

諭曰舊錢流布不止福建一省他省亦皆有也若驟爲禁止恐不肖之徒借端生事貽害平民色楞額所奏不准行會有

詔購采遺書乾學以宋元經解十種李燾續資治通鑑長編及唐開元禮或繕寫或仍古本綜其体要條列奏進得

旨所奏進藏書善本足資考訂俱留覽二十五年

諭吏部曰學士徐乾學張英學問淹通宜留

辦文章之事嗣後勿開列巡撫尋授禮部侍郎充

經筵講官二十六年九月擢都御史二十七年二月充會試正考官卽于是月遷刑部尙書乾學初在左都御史卽劾罷江西巡撫安世鼎勸諸御史風聞言事遇會議會推與尙書科爾坤佛倫等多齟齬其會議河工屯田事也同尙書張王書言屯田所古民間地畝應歸舊業科爾坤佛倫弗從御史陸祖修因

疏劾科爾坤佛倫等偏袒河臣靳輔不顧公
議御史郭琇亦劾靳輔與屯累民

勅罷靳輔任先是

命侍郎色楞額往湖廣鞫上荆南道祖澤深
被劾各款并察巡撫張汧有無穢蹟色楞額
于劾款悉爲開釋又不察劾張汧御史陳紫
芝旋劾張汧貪黷

命副都御史開音布往會直隸巡撫于成龍
山西巡撫馬齊覆審旣鞫寔張汧祖澤深焚

索事復得祖澤深交結大學士余國柱爲囑
色楞額狗庇及張沂未被劾時遣人赴京行
賄狀下法司嚴議核擬時余國柱因御史郭
琇劾其與大學士明珠尙書佛倫等營私附
和已罷歸法司請撤追質問並鞠詰張沂行
賄何人沂以分饒甚衆不能悉數抵塞旣而
指出乾學

上命免余國柱質問復

諭曰此案嚴審牽連人多就已經審寔者卽

可擬罪勿令滋蔓于是色楞額張沂祖澤深
論罪如律事遂寢互詳高士奇傅乾學尋乞
罷疏言臣蒙

特達之知感激矢報職掌所係務殫區區苟
直餽遺一切禁絕近者前任楚撫張沂橫肆
污蔑祇緣臣爲憲長拒其幣問是以銜恨誣
拔幸

皇上鑒臣悃悃當眾臣傳問沂供語參差駕
虛鑿空良心難掩隨卽自吐寔情然非

聖明在上是非幾至混淆此臣所以感戴
高深日夜隕涕者也臣備位卿僚乃爲貪吏
誣搆

皇上覆載之仁不加譴斥臣復何顏出入
禁近有玷清班反躬刻責不能自己伏冀
聖慈放歸田里疏入得

旨覽奏情辭懇切准以原官解任其修書總
裁等項着照舊管理二十八年充學弟元文
任大學士子樹穀由中書考選御史時解任

修書少參事高士奇丁憂在籍左都御史王
鴻緒爲左都御史郭琇疏劾植黨營私招搖
撞騙諸款得

旨休致事詳士奇鴻緒傳副都御史許三禮
疏劾乾學曰

聖主必需賢佐懲貪不外遠近大小臣工幸
逢

聖主應爲賢臣乃有原任刑部尙書徐乾學
者不顧品行律身不嚴致被罪臣張汧所供

皇上寬仁不加譴責卽宜引咎自退乞
命歸里又復優柔繫戀潛住長安乘留修史
爲名出入

禁廷與高士奇相爲表裏物議沸騰卽無官
守落得招搖納賄五方寶物歸東海之詔所
自來也其子試御史徐樹穀不遵成例朦朧
與考明有所恃獨其弟徐秉義文行兼優寔
係當代偉人原任禮部尙書熊賜履理學醇
儒可稱千古人品臣職居言路知而不言卽

爲不忠俯採輿論直陳賢奸乞卽

召用熊賜履徐秉義以佐

盛治徐乾學旣無好事業焉有好文章應逐
出史館以示遠奸徐樹穀尙書之子申堂之
姪身爲御史太覺招搖應調部屬以遵成例
臣不避嫌疑披瀝直陳得

旨所參事情著徐乾學明白回奏熊賜履原
係簡任大臣朕所深知已經起用現在丁憂
許三禮請卽召用殊屬不諳著飭行乾學回

奏曰憲臣謂臣律身不嚴致罪臣張汧所供
臣若果受張汧一錢臣甘寸磔祇以臣爲臺
長聞張汧狼籍屢向僚屬斥言其非汧知而
恨臣遂肆誣讎業蒙

皇上洞鑒臣以性不諧俗遭人嫉忌具疏懇
歸田里蒙

恩准解部務仍領各館總裁早夜編摩每隔
數日入直與高士奇等共訂書史校讐

御選古文此外一無干涉臣在任之日尙且

嚴絕苞苴豈解任以後反行招搖納賄意臣
忽云潛住忽云招搖皆臣所惶惑不解者臣
子樹穀考選經吏部及臣弟元文奏明其時
大臣子弟與考者不止臣子一人
特恩簡用安得朦朧皆由臣平時好講忠孝
大義言論時或激切易以招尤乞
賜罷斥歸田并罷臣子官職以安愚分疏並
下部察議以所劾招搖納賄皆無寔據卽所
劾朦朧考選亦不詳確許三禮應降二級調

用議甫上三禮復疏劾乾學曰三品以上大臣子弟不得考選科道成例遵行已久無敢紊越今乾學回奏指稱吏部題請閣臣奏明以鉗制言官要知

皇上之留乾學者留於史館辦事豈留潛地招搖物議沸騰閣臣之奏明者不過奏避閱卷之嫌疑豈有題破歷來之定例乾學雕琢字眼粉飾要旨欲坐臣以指紊不寔而使徐樹穀仍居御史之職明欲肇釁開端紊亂

國制專擅之漸不可不防更奇者乾學律身
不嚴教子無方穢迹昭著有案可據尙敢肆
口狂言好誦忠孝大義希圖黃惑

聖聰不得不列欵糾叅懇乞窮究一乾學於
丁卯鄉試戊辰會試在外招搖門生親戚有
名文士各與關節務期中試有蕪州府貢生
何焯往來乾學門下深悉其弊特做會試墨
卷序文刊刻發賣寓言詆刺乾學聞知卽向
書舖將序抽燬刻板焚化囑託江蘇巡撫訪

學何焯至今未結一乾學發本銀十萬兩交
鹽商項景元於揚州貿易每月三分起利本
年七月間令伊孫壻史姓家人李湘押同景
元於八月二十四日到京算賬共結本利一
十六萬餘兩又布商程天石新領乾學本銀
十萬兩現在大蔣家衚衕開張當舖其餘銀
號錢桌發本放債違禁取利怨聲滿道一乾
學以門生李國亮爲江蘇按察使代爲料理
國亮差剝管家送銀一萬兩交乾學管家吳

子彥吳子章收遇節送銀四百兩小禮銀四
十兩生日送銀一千兩吳子彥爲張汧事發
迹回吳子彥胞弟子章收伊弟元文入閣辦
事國亮差劉管家送賀禮銀五千兩交吳子
章收繳一乾學認光棍徐紫賢徐紫書二人
爲姪通同扯牽得贓累萬徐紫賢徐紫書現
造爛面衝衝花園房屋書辦之子一朝富貴
明爲乎來乾學之贓半出其手一乾學因弟
拜相後與親家高士奇更加招搖以致有去

了余秦檜來了徐巖嵩乾學似龐涓是他大
長兄之誦又有五方寶物歸東海萬國金珠
賁澹人之對京城三尺童子皆知若乾學果
能嚴絕苞苴如此醜語何不加之他人而獨
加之乾學耶一乾學遣弟徐宏基遍遊各省
抽豐剋剝民膏獨于河南磁州彰德等處久
戀一載有餘放賭宿妓良民受害怨聲載道
一乾學買憲臣傅感丁在京房屋一所價銀
六千餘兩買學士孫在豐在京房屋一所價

銀五千五百兩買慕天顏無錫縣田一萬頃
京城繩匠劬術與橫街新造弓室甚多不能
枚舉諸州太倉良山吳縣長洲常熟吳江等
州縣俱係徐府房屋田地一乾學子姪徐樹
屏徐樹聲於甲子科負綠中式癸癸黜革行
止有虧莫此爲甚以上各處百未盡一乾學
身受

國恩乃敢植桃李于一門拊腹心於九州橫
行聚斂不顧在直順之則生逆之則死勢傾

中外權重當時朝綱可紊成例可滅伏乞

皇上立賜處分國家幸甚萬民幸甚疏入得旨許三禮身爲言官凡有糾劾當據寔一併指陳乃于交部議處後復列欵具奏明係圖免已罪著嚴飭行

命免許三禮調用仍留任是年十一月乾學疏言臣年六十精神衰耗祇以受

恩深重依戀徘徊憲臣許三禮前因議先賢先儒坐位其言不合經典臣與九卿奏對之

時斥言其非本以公事相爭不謂觸其私怒
捏造事款違忤劾臣幸

聖主洞燭幽隱臣欣荷再生但臣方寸靡寧
不能復事鉛槧且恐因循居此更有無端彈
射乞

恩終始矜全俾得保其衰病之身歸省先臣
邱隴庶身心閑暇願比古人書局白隨之義
屏跡編摩少報萬一得

旨卿學問淹博總裁各館書史著有勤勞覽

奏請歸省慕情辭懇切准假回藉書藉著陪
帶編緝明年二月陸辭

賜御書光祿萬丈扁額五月兩江總督傅拉
培劾乾學于三月內回籍卽于四月內欲沽
名譽囑託蘓州府貢監等具呈巡撫洪之傑
建造生祠于虎邱山土平日縱其子樹敏樹
屏與元文之子樹聲樹本交結洪之傑借勢
招搖競利害民乞

勅部嚴擬語詳元文傳

聖祖命元文休致劾欵免究三十年山東巡撫佛倫鞫濰縣知縣朱敦厚加收火耗事劾乾學曾致書前任巡撫錢珏狗庇敦厚劾議乾學與珏均革職先是乾學未罷歸時嘉定知縣聞在上爲縣民告發私派事革任究擬閱二年不結至是按察使高承爵窮詰聞在上追憶未告發時因徐樹敏聲言私派有干功令曾以贓銀二千兩餽之至告發追還論樹敏嚇詐取財應絞江寧巡撫鄭端因疏劾

休致左都御史王鴻緒曾受聞在上餽銀五百兩爲之設計私派亦於告發後追還應與不約束子弟之徐乾學並

勅部嚴議却議乾學已革職免議王鴻緒應令總督審供定議尋奉

詔嚴戒內外各官私怨交尋牽連報復于是釋鴻緒弗問乾學子樹敏亦贖罪三十三年七月

諭大學士於翰林官員內奏舉長于文章學

問超車者大學士王熙張王書等薦乾學與
王鴻緒高士奇得

旨徐乾學等着來京修書徐乾學之弟徐秉
義學問亦優並着來京乾學未聞

命于四月疾卒年六十有四所著有澹園集
讀禮通考諸書遺疏進其所纂一統志下所
司察以弟秉義康熙十二年一甲三名進士
十四年充浙江鄉試正考官二十一年遷右
春坊右中允尋乞假歸里乾學既卒後應

召補原官累遷侍讀庶子少詹事三十八年
遷詹事三十九年擢禮部侍郎旋調吏部皆
兼管詹事府是年充武會試正考官明年充
經筵講官四十一年以同刑部侍郎綬色克
往詆陝西糧益道黃明受賄事擬罪失當部
議革職

命仍以翰林官用後補詹事充順天鄉試正
考官明年遷內閣學士四十三年乞休歸四
十四年

聖祖南巡

賜御書恭謹老成匾額五十年四月卒於家
年七十有九

賜祭葬如例

徐元文列傳

徐元文江南崑山人初冒姓陸後復本姓順
治十六年一甲一名進士授修撰

聖祖仁皇帝初御極元文以名列江南通賊
籍中降鑾儀衛經歷乞假歸里辨釋其事得

自復修撰康熙八年充陝西鄉試正考官尋
遷秘書院侍讀九年擢國子監祭酒充
經筵講官先是

世祖章皇帝詔天下選諸生文行兼優者與
鄉試副榜貢生成于國子監肄業康熙元年
給事中晏楚蘭奏停鄉試副榜而優生亦久
不復舉至是元文同監臣札祿等疏請

勅學政間歲一舉優生鄉試仍取副榜俾辟
雍多經明行修之士又請足入旂官學生與

慶監生並用筆帖式之例順天鄉試廣監生中式之額疏皆下部議行十三年擢內閣學士充重修

太宗文皇帝寔錄副總裁十四年改翰林院掌院學士充

日講起居注官

上嘗諭元文及諸講官曰經書屢經進講朕心熟曉通鑑一書事關前代得失甚有裨于治道宜次第進講元文請就朱子綱目中擇

事之尤要者採取先儒之論參以臆斷演繹
癸揮按期進講是歲元文奉

命教習庶吉士時其兄秉義以一甲三名進
士授編修尙未散館元文因疏辭教習

上特諭秉義勿預教習弗允辭十五年冬丁
母憂歸十八年

召爲明史監修總裁官元文旣至疏薦明紛
事中李清者儒黃宗羲二人宜延致訪問或
老疾不能就道令有司錄所著以上又以史

館需人薦曾舉博學鴻儒之未赴戎者曹溶
汪懋麟黃虞稷姜宸英四人及教習貢生萬
言共襄編纂

上俱允所請尋補內閣學士

上以元文舊由內閣學士改掌院學士因
諭閣臣曰內閣與翰林官不妨互爲調用其
行坐之處以進衙門先後定次第十九年擢
都察院左都御史疏言逆藩吳三桂甘心反
叛遺孽旦夕伏誅凡耆從之衆

恩許自新若仍留本土既非永久之規而移
調他方亦多遷徙之費統以別將則疑情未
化終涉危嫌攝之歸旂則放恣既久猝難檢
束請以應補職及入伍者與綠旂將弁一例
錄用餘俱分遣爲民則俸餉既減軍需益漸
裕矣至耿精忠尙之信孫延齡舊隸將弁尤
宜解散勿仍藩旂名目又言閩粵兩逆藩雖
已剪除而夙日占奪民利于紀害政之事如
蓋埠牙行市船漁課渡稅諸類恐官司營伍

或有一二因襲則閭閻積困終不能一日豁除乞

嚴飭督撫寔力禁革吳逆荼毒生民滇南受禍尤酷藩莊藩田責軍民輸租較舊額加十有餘倍廣設礦廠擅銅鉛之利其橫征苛斂未可悉數今大兵勢若雷霆滇民望救水火宜豫

勅將軍督撫入境日卽爲蠲除又疏言安民察吏責在督撫其撫綏無術之處分宜依例

劾治一切小事望誤並量與寬貸俾得早作
夜思圖其重且大者不致苟且塞責藩臬而
司貪污督撫不糾劾宜以狗庇論又言舊例
大計卓異之藩臬兩司赴京許條陳事宜由
通政司奏進請嗣後於入

覲時自行陳奏

皇上親加諮訪可以鑒其才能之高下兼可
知督撫所舉之當否又請飭禁外省丁憂官
遲報計期不卽奔喪及士大夫喪中聽樂易

衣從吉請薄俗又請申嚴虛捏田畝加糧狗
從窩贖人口條例疏並下部議行先後劾奏
福建總督姚啓聖縱恣譎詐杭州副都統高
國相縱兵虐民兩淮巡鹽御史康泰狗庇貪
官候補御史蕭鳴鳳蔑禮輕狂等事皆識鞠
得寔惟啓聖辨釋二十二年冬九卿會推道
員王垓胡悉寧爲湖北按察使

上以二人才具平庸詰問覆奏元文倡舉下
部議降三級調用二十六年仍授原官充

經筵請官疏請申明御史責成無論掌道與否分派各道理事凡法司會勘重案及各省揭帖有無疑竇限三日說堂刑部現審重案先移送供詞查核然後定稿巡城御史與旂人詞訟舊例概弗審理今旂人移居城外者多如係所管之地應一体審理疏下部並議行又劾而准巡益御史陶式玉穢鄙乖張官箴有玷式玉遂罷任是年十二月元文遷刑部尚書旋調戶部先是御史郭琇劾罷大學

上余國柱懸缺未補二十八年五月授元文
爲文華殿大學士會翰林院掌院學士李光
地調授通政使司吏部開列應陞各員以奏
諭曰翰林掌院必文學淹通衆所推服者始
克勝任凡翰林撰擬之文亦須掌院刪潤成
章明代大學士有兼管之例徐元文著兼管
翰林院事時纂修
平定三逆方略

政治典訓一統志元文並充總裁官二十八

年九月副都御史許三禮劾元文兄乾學既
解尚書任不卽歸里與親家高士奇私搆納
賄元文入閣辦事後收江蘇按察使李國亮
賀禮銀五千兩致有去了余素檜來了徐巖
嵩及五方寶物歸東海萬國金珠貢滬人之
話疏詳乾學傳元文奏辯曰三禮因忝臣兄
乾學不實知吏部已議降調遂誣列臣兄多
款并誣及臣謂曾收李國亮賀儀五千兩臣
與國亮雖曾相識初無交涉三禮以不根之

詞橫肆汚蟻即使孤竹復生何難指爲盜跖
聖明在上必能洞察其誣國亮三禮皆可互
質也臣初入閤時曾聞有人却貼謗紙此乃
忌嫉臣兄弟者布散流言以圖傾陷于天匿
名榜貼律禁至重又屢奏

嚴諭申飭地方不行察拏有處分定之三禮
既佐理憲綱聞知正宜痛疾乃公然引入奏
章指爲證據則三禮必深知造謗之人與匿
貼所由來矣總之臣兄弟直道自處不免招

尤而不悅臣兄弟者遂欲一網盡之三禮向
者考選之後曾請執弟子禮臣以於義不可
始終拒之今於數日間忽而誣臣兄又忽而
誣臣殊難測憶臣荷

恩深重一旦爲人排繫致無影之辭涵入
聖聽跼蹐惶恐何地自容伏祈
皇上立賜罷斥庶臣心稍安疏入

報聞二十九年四月

詔修

三朝國史以大學上王熙爲監修總裁官十
學士伊桑阿阿蘭泰梁清標及元文爲總裁
官五月兩江總督傅拉塔疏劾之曰凡爲人
臣宜感戴

上恩不負養育乃有不遵法度彼此施威朋
比背

恩以官職爲生理公然受賄擾害地方如巡
撫洪之傑原任刑部尙書徐乾學大學士徐
元文並伊等子姪穢跡謹臚列陳之一康熙

二十八年前徐元文陞任大學士洪之傑誦媚
製金字大匾一方旂捍二根旂上金鑄瑞叶
金匾泰開玉燭八字委督糧同知姚應鳳賚
至徐元文門前樹立復送賀儀一萬兩徐元
文之子舉人徐樹本親收一康熙二十八年
原任松江府知府趙寧投拜徐元文門下餽
銀一千兩徐元文之姪徐樹屏徐樹敏親收
一康熙二十八年松江常三府採買青藍布
解部以少價買多支銷銀一萬四千餘兩洪

之傑趙寧徐樹本等分肥一徐元文之子徐
樹聲自京到巡撫衙門稱有要緊密信因開
門稍遲喝打門吏洪之傑聽聞忙卽大開中
門鳴鑼擊鼓作樂迎進衙役路人皆爲耻笑
一洪之傑于康熙二十八年因重犯減等案
內部議革職蒙

皇上寬宥降級留任而元文乾學冒

恩以爲己力洪之傑將銀二萬而令原任松
江府知府趙貞送徐樹本收一康熙二十八

年閭門外居民欽涑欽鼎丞彼此爭討徐樹
敏見欽鼎丞家裕囑託巡撫令欽涑欽宸樞
控告詐欽鼎丞銀一千兩交與伊家人徐孔
昭李孔章兌收一徐樹聲兄弟前往蘓州府
承天寺內瞰現山房惡僧等富厚詐銀一千
兩囑巡撫止留現山房之僧餘房僧盡皆驅
逐後被逐之僧及衆百姓爲留惡僧反將好
僧逐出公憤怨恨一徐樹本峻王緝植之母
告同縣監生李端匏久不葬親詐得李端匏

銀四百兩一康熙二十九年壽門外菓子行
陸雲椿韓雲若二人爲爭行業買賣徐樹本
詭令伊親湯機先湯在治生理勒得陸雲椿
銀二百四十兩一徐樹屏庇護光棍徐長民
將徐長民仇家生員黃中堅聲言必受其害
誣詐黃中堅銀四千兩田抵六百兩又將黃
中堅交與光棍徐長民被毆折指一徐樹聲
徐樹本等將伊銀米自六月放出於民十月
亥收起息銀每兩五六錢米每石五六斗重

利剋剝貧民不能償還卽差家人打罵貧民
難受致將妻子典賣畏其勢力不敢告理一
徐乾學徐元文將伊子姪田地均填入別入
名下每年拖欠錢糧不管官員議處以勢欺
壓終不完納所以崑山縣知縣總爲錢糧革
職降級不得陞任者多一徐乾學于本年三
月內回籍卽于四月內欲沽名譽囑託蕪州
府貢監胡三錫周隣詩等違例建造長生祠
堂在干虎邱山上赴巡撫衙門具控撫中軍

遊擊楊鉉收送巡撫洪之傑一徐樹本樹聲
樹屏樹敏家人徐孔昭高彬甫吳漢周曹爾
玉蘓雲生金正昌等往來蘓城輪番更替馬
弔潢劇無虛晷夜勤索崑山知縣船失承攬
大小衙門事件蘓州府城東有毛上列西城
黃聖微閩門外有顧思誠處處差遣打听有
業之人控告信息蘓州民人皆稱爲拉緯擺
渡船怨恨切齒無可奈何總之元文等至富
至貴尙不知足以

皇上之仁恩邀爲已力招搖權勢恐嚇通省
官民顛倒是非得受銀錢又縱放如虎如狼
子姪家人出入大小衙門擾害地方又復唆
使爭訟重利累民收惡徒爲羽翼世世相扶
以圖富貴而地方之大臣如巡撫洪之傑又
趨附勢力獻媚應付有司皆畏無不逢迎官
既逢迎而累及小民矣若臣畏懼伊等親友
門生之衆於其犯法害民至奸至暴不行題
忝有負

聖祖養育重恩難免大罪矣疏入得

旨所叅各款從寬免其審明徐元文著休致
回籍三十年七月元文卒于家年五十有八
所著有含經堂集

高士奇列傳

高士奇浙江錢塘人初由監生充書寫序班
供俸

內廷授詹事府錄事遷內閣中書食六品俸
賜居西安門內康熙十七年

聖祖仁皇帝賜敕曰爾在內辦事有年凡密
諭及朕所覽講章詩文等件纂輯書寫甚多
特賜表裏十足銀五百兩以旌爾之勤勞十
九年

諭吏部曰高上奇學問淹通居職勤慎供奉
有年應授爲翰林院從優議敘部議授爲額
外翰林院侍講二十年六月奉

勅曰爾內直以來勤慎盡誠夙夜匪懈近日
聞爾偶得暑病特賜醫養之資爾當安謝自

怡輔以醫藥二十二年補侍讀充

日講起居注官二十三年遷右春坊右庶子
尋擢翰林院侍講學士二十四年轉侍讀學
士充

大清一統志副總裁官二十六年遷詹事府
少詹事二十七年法司逮問貪贖劾罷之巡
撫張沅因沅未被劾時曾遣人賫銀赴京詰
其行賄何人初以分餽甚衆不能悉數抵案
既而指出上奇會奉

諭此案若嚴審率連人多就已經審定者卽
可擬罪勿令滋蔓於是置弗問互詳徐乾學
傅士奇因疏言臣等編摩纂輯惟在直廬
直諭奏對悉經中使非進講外或數月不覲
天顏從未于政事有所干涉此不獨臣士奇
爲然從前入直諸臣如熊賜履葉方謁張王
書孫在豐王士禎朱彝尊等近今同事諸臣
如陳廷敬徐乾學王鴻緒張英勵杜訥等莫
不皆然也至於人物之臧否事務之利弊

皇上明見萬里洞徹。微素未蒙。

皇上詢及臣何敢輕進一言。獨是供奉日久。嫌疑日滋。考之古昔。儒臣侍從禁密。恒難調。於衆口。卽今張汧無端疑怨。含沙污。巖臣將無以自明。幸賴

至明在上。誣構難施。張汧旋卽自吐真情。臣心始得大白。但

禁廷清秘。職任綦嚴。來茲萋菲。寔是幸

聖恩。豈容仍玷清班。伏乞

賜歸田里疏入得

旨覽所奏情辭懇切准以原官解任其修書副總裁等項著照舊管理二十八年春從

上南巡至杭州

駕幸士奇之西溪山莊

賜御書竹窓匾額九月左都御史郭琬疏劾之曰

皇上宵旰焦勞勵精圖治用人行政皆出
睿裁未嘗緘臺假手左右乃有植覺營私招

搗撞黷如原任少詹事高士奇左都御史王
鴻緒等表裏爲奸恣肆於光天化日之下罪
有可誅罄竹難悉試約畧陳之高士奇出身
微賤其始也徒步來京覓館爲主

皇上因其字學頗工不拘資格擢補翰林令
入

南書房供奉不過使之考訂文章原未假之
與聞政事爲士奇者卽當竭力奉公以報
君恩于萬一計不出此而日思結納諂附大

臣攬事招權以圖分肥凡內外大小臣工無不知有士奇之名夫辦事

南書房者先後豈止一人而他人之声名總未著聞何士奇一入辦事而聲名赫奕乃至如此是其罪之可誅者一也久之羽翼既多遂自立門戶結王鴻緒爲死黨科臣何楷爲義兄弟翰林陳元龍爲叔姪鴻緒胞兄王頊齡爲子女姻親俱寄以腹心在外招攬凡督撫藩臬道府廳縣以及在外之大小卿員皆

王鴻緒何楷等爲之居停哄騙而實緣照管者餽至成干累萬卽不屬黨護者亦有常例名之曰平安錢然而人之肯爲賄賂者蓋士奇供奉日久勢燄日張人皆謂之曰門路真而士奇遂自忘乎其爲撞騙亦居之不疑曰我之門路真是士奇等之奸貪壞法全無顧忌其罪之可誅者二也光棍俞子易在京肆橫有年惟恐事發潛遁直隸天津山東洛口地方有虎房橋瓦房六十餘間價值八千金

餽送士奇求托照拂此外順城門外斜街並各處房屋總令心腹出名置買何楷代爲收租打磨場士奇之親家陳元師駁計陳季芳開張緞號寄頓各處賄銀資本約至四十餘萬又于本鄉平湖縣置田產千頃大興土木修整花園杭州西溪廣置田宅藉松淮揚王鴻緒等與之合夥生理又不下百餘萬竊思以覓飽餬口之窮儒而今忽爲數百萬之富翁試問金從何來無非取給于各官然官從

何來非侵國帑卽剗民膏夫以國帑民膏而填無厭之谿壑是士奇等真國之蠹而民之賊也其罪之可誅者三也

皇上聖明洞悉其罪止因各館史書編纂未完著解任竣事矜全之恩至矣極矣士奇乃不思改過自新仍怙惡不悛當

聖駕南巡時

上諭嚴戒餽送定以軍法治罪誰敢不遵惟士奇與王鴻緒愆不畏死卽淮揚等處王鴻

緒招攬府廳各官約餽萬金潛遺士奇淮揚
如此他處又不知如何索詐矣是士奇等欺
君滅法背公行私其罪之可誅者四也更可
駭者王鴻緒陳元龍鼎甲出身亦儼然士林
之翹楚竟不顧清議爲人作壘斷而不以爲
耻且依媚大臣無所不至卽人之所不屑爲
者亦甘心爲之而不以爲辱苟圖富貴傷敗
名教豈不玷

朝班而羞富世士哉總之高士奇王鴻緒陳

元龍何惜王項齡等豺狼其性蛇蝎其心鬼
蜮其形畏勢者既觀望而不敢言趨利者復
擁戴而不肯言臣若不言有負

聖恩臣罪滋大故不避嫌疑仰請

皇上立賜罷黜明正典刑人心快甚天下幸
甚疏入得

旨高士奇王鴻緒何楷陳元龍王項齡俱著
休致回籍時解任尚書徐乾學管修書總裁
事副都御史許三禮以士奇既奉

旨回籍乾學亦不應留京疏劾乾學士奇爲
子女姻親其招搖納賄相爲表裏有五方寶
物歸東海萬國金珠貢澹人之譟疏下史部
以所刻無據寢議乾學尋以省墓回籍三十
三年

命大學士於翰林官員內奏舉長於文章學
問超卓者大學士王熙張玉書等薦乾學鴻
緒及士奇並

召來充修書士奇既至仍直

南書房三十六年以養母乞歸

特授詹事府詹事

允其請四十一年授禮部侍郎以母老未赴
四十三年

聖祖南巡士奇於淮安迎

駕扈

躡至杭州及

回鑾隨至京

侵賚以歸是年六月卒于家陞疏至得

旨高士奇簡侍內廷勤勞歲久忽聞在籍病
逝朕心深爲軫惻下部議卹部臣議士奇未
赴侍郎任例予祭一次

聖祖命加級全葬子與時爲庶吉士

特旨授編修四十四年

諭大學士張玉書等曰原任禮部侍郎高士
奇在內廷供奉有年其品級不應予諡朕軫
念舊臣原任刑部侍郎勵杜訥已照侍郎沈
荃例子諡今士奇亦應予諡以示特恩士奇

於是

賜諡文格所著有經進文稿天祿識餘讀書
筆記扈從日錄隨輦集城北集苑西集清吟
堂集春秋地名攷畧左傳國語輯註諸書

湯斌列傳

湯斌河南睢州人母趙氏明末流賊陷州城
狗節死父祖契投斌避兵流寓浙江衢州
世祖章皇帝順治二年大兵定江南江西斌
隨其父還里九年舉進士由庶吉士授

國史院檢討十二年二月應

詔陳言請廣搜野乘遺書以修明史且言宋
史修於元至正特傳文天祥之忠元史修於
明洪武亦著巴顏布哈之義我

朝順治元二年間前明諸臣亦有抗節不屈
臨危致命者與叛逆不同宜令纂修諸臣勿
事瞻顧昭示綱常於萬世下所司大學士馮
銓企之俊等謂斌誇獎抗遺之人擬

旨嚴飭

世祖特詔斌至南苑溫諭移時九月

論吏部曰翰林官員讀書中秘習知法度目
能以等閒爲經濟助登上理茲朕親行裁定
十及負昔品行清端才猷贍裕各照外轉應
得職銜陞一級用於是斌爲陝西潼關兵備
道十六年調江西嶺北道甫至任流賊鄭成
功犯江寧陰遣賊党至贛州流言煽誘僞通
海候李王庭踞粵都山寨詐約降寔伺南安
無備謀陷城斌廉得成功奸細自巡撫蘓宏

祖漸之又請移兵守南安玉庭果來犯見有
備卻走遊擊洪起元追逐數月乃就擒斌以
父老乞休歸里尋丁憂既服闋問容城孫奇
逢講學夏峯往受其業

聖祖仁皇帝康熙十七年

詔舉博學鴻儒尚書魏象樞薦斌學有淵源
躬行實踐副都御史金鉉薦斌文詞淹雅品
行端醇

召試一等授翰林院侍講同編修彭孫道等

纂修明史二十年充

日講起居注官浙江鄉試正考官轉侍讀明年爲明史總裁官並纂修

太宗文皇帝

世祖章皇帝聖訓遷左春坊左庶子二十三年二月擢內閣學士充

大清會典副總裁官時江寧巡撫余國柱內遷左都御史調湖廣巡撫王新命代之新命旋遷兩江總督六月九鄉等會推學士孫在

豐浙江布政使石琳堪任江寧巡撫

上諭大學士曰所貴道學者在身體力行見諸實事非徒託之空言今有道學名著甚多考其究竟言行皆悖朕聞學士湯斌曾與孫奇逢請明道學頗有定行前典試浙江操守甚善可補授江寧巡撫斌瀕行

上諭曰以爾久侍講筵老成端謹江蘇爲東南重地故特簡用居官以正風俗爲先江蘇風俗奢侈浮華爾其加意化導移風易俗非

且夕事從容漸摩使之改心易慮當有成效
錢糧歷年不清督撫所奏錢穀刑名大事多有
舛錯爾能潔已率屬自然改觀

賜御書三鞍馬一表裏十銀五百兩十月

上南巡至蘓州

論斌曰向聞吳閭繁盛今觀其風土大畧尙
虛華安佚樂逐末者多力田者寡遂至家鮮
蓋藏人情澆薄爾當使之去奢返樸事事務
本庶幾家給人足可挽頽風朕欲周知地方

風俗小民生計有事巡行凡日用所需皆自
內府儲備秋毫不取之民間恐不肖官吏借
端妄派以致搜民爾其嚴察劾奏

駕至江寧

諭斌回署治事

賜御書及狐腋蟒服初余國柱在巡撫奏言
淮揚二府屬水淹涸出者令次年徵輸額賦
至是斌以遣員履勘仍然水淹卽涸出者亦
未耕種奏入部議令再勘斌仍以寔奏事乃

寢二十四年四月疏言蕪松等府賦額繁重
康熙十八年以來積逋若同時並徵民力不
能兼完知縣催科幾敲撲不輟請于二十四
年起分年帶征俾官無加新補舊之嘆民無
廢棄農桑之苦疏下部議行是年秋淮揚徐
三府復水斌條列蠲賑事宜以
聞請發帑五萬兩糴米湖廣先借所屬知縣
倉穀散給又言災地百姓餬口無資恐人冬
飢寒兼迫流亡者多臣與漕臣徐旭齡河臣

靳輔定議二臣就近分董淮安賑務臣卽至
清河桃源宿遷邳豐諸州縣察賑

上命戶部侍郎素赫往助督賑俾災民成就
撫輯斌先後奏勅蕪州知府趙祿星揚州知
府張萬壽句容知縣陳協濟官興知縣蔡司
霑如臯知縣盧綆睢寧知縣葛之英江都知
縣劉濤金壇知縣劉茂位等貪酷劣蹟並褫
革勘治常州知府祖進朝以失察屬吏降調
斌奏留之部議不准得

旨祖進朝既經巡撫湯斌保奏清廉可從所請仍留原任以勸廉吏時吏部行取知縣爲御史斌疏官行取定例必錢糧胥完而蘓州松江二府賦重役繁甲於天下銓選得此輒謂遷擢難期頽然自放或竟罔顧官箴臣受任巡撫首以察吏安民爲念徧告屬員

聖上知人之明出自天授苟能潔已愛民決不至久沉下位故一時守令爭自濯磨操守廉潔政績表著者莫不乏人然錢糧則萬萬

不能十分全完蓋勢處其難智勇才力俱困
今若拘成例勢必以僻壤小邑易於藏拙者
塞責未足以光鉅典惟吳縣知縣劉滋吳江
知縣郭琇廉能最著乞

俯准行取以勵循良俾繁劇與兩邑相符者
亦知有登進階相率奮勉疏下部議以二員
俱有錢糧未完案格於例得

旨劉滋郭琇湯斌既稱爲廉能最著准其行
取二十五年三月斌疏言吳中風俗尙氣節

重文章而佻巧者每作淫詞艷曲壞人心術
蚩愚之民斂財聚會迎神賽社一幡之值至
數百金婦女有遊冶之習靚妝艷服連袂寺
院無賴少年習學拳勇輕生好聞名爲打降
臣嚴加訓飭委曲告誡一年以來寺院無婦
女之遊迎神罷會艷曲絕編打降斂迹惟妖
邪巫覡習爲怪誕之說愚民爲其所惑牢不
可破蕪州府城西上方山有五通淫祠幾數
百年遠近之人奔走如鶩牲牢酒醴之饗歌

舞笙簧之聲無時閒歇諺謂其山曰肉山其
下石湖曰酒海凡少年婦女有寒熱症者巫
覡輒曰五通將聚爲婦病者神魂失據往往
羸瘵而死每歲常至數十家視河伯娶婦爲
更甚臣多方禁之其風稍息比因臣勘災至
淮乘隙益肆猖獗臣遂收妖像木偶付之烈
炬土偶投之深淵檄行有司類此者盡撤燬
之其材備修學宮葺城垣之用民始而駭以
爲從前曾有官長銳意革除旋卽遇祟而死

皆爲臣危之數月之後見無他異始大悟往日之非然吳中巫覡最黠且悍恐臣去任後又造怪誕之說箕斂貲財更議興復請

賜特旨嚴禁勒石山巔庶可永絕根株疏上得

旨淫詞惑衆誣民有關風化如所請勒石嚴禁直隸及各省有似此者一體飭遵先是廷臣有言輔導皇太子之任非斌不可者於是上諭吏部曰自古帝王諭教太子必簡和平

謹恪之臣統領官僚專資贊導江寧巡撫湯
斌在講筵時素行謹慎朕所稔知及簡任巡
撫以來潔已率屬寔心任事先宜拔擢大用
風示有位特授爲禮部尚書管詹事府事閏
四月斌至

諭曰天下官有才者不少操守清廉者不多
見爾前陞辭時言平日不敢自欺今在江蘇
克踐前言朕用嘉悅故行超擢爾其勉之初
河臣靳輔與按察與干成龍論河工事久未

決

命尙書薩穆哈穆成額往會斌勘議斌謂宜
濬高郵寶應諸州縣下河俾積水漸歸於海
開一尺有一尺之益開一丈有一丈之益薩
穆哈等因斬輔欲於下河築隄束水入海還
奏開濬無益至是

上詢斌斌以前議對

上詰問薩穆哈穆成額各語塞遂梘其職
特遣侍郎孫在豐督濬下河如斌議尋充

經筵講官時始設太子講官以斌與詹事尹
泰郭棻少詹事舒淑中允閣世繩贊善黃與
堅充之斌疏薦侯補道耿介斌質剛方踐履
篤寔潛心經傳學有淵源雖年逾六旬精力
尙健乞徵取引

見以備錄用

上遂授介爲少詹事

命斌與介輔導太子二十六年五月因不雨
詔臣工直言得失靈臺郎董漢臣以諭教元

良慎簡率執奏御史閻式玉劾漢臣儲拾淨
泛之事誇大其詞欺世盜名請送禁嚴鞠疏
下內閣集九卿議有欲重罪漢臣者尋奉

特旨免議而余國柱時爲大學士以斌嘗九
卿會議時有慚對董漢臣之語傳

旨詰問斌奏董漢臣以諭教爲言而臣忝長
宮僚動違典禮負疚寔多

上以詞多含糊令再回奏斌言臣貪性愚昧
前奉

論音一時惶怖罔知所措本欲自陳愆過致
語多率混罪何可辭臣自念供奉以來並無
正經善言足以仰助萬一而臣動違典禮循
省自慙年來衰病侵尋愆過叢積乞
賜嚴加處分以警瀆職

上因其遮飾具奏仍不明晰降

旨嚴飭之左都御史璫丹王鴻緒副都御史
徐元瑛鄭重等劾斌奉

諭申飭不痛自引咎並追論其於蘓州去任

時巧飾文告沽名干譽會耿介以疾乞休詹
事尹泰少詹事舒淑開音布翁淑元劾介僥
倖求去寔無痼疾并劾斌妄薦如尸之人吏
部尙書達哈塔疏言臣奉

命輔導東宮數日之內負罪寔多以湯斌耿
介不能當其任况庸陋如臣乞准解退疏並
下却察議斌介達哈塔俱應革職

上命斌與達哈塔仍留任九月改工部尙書
未幾疾作

遺太醫診視十月卒年六十有一遺疏入遣
大臣奠茶酒

諭日湯斌任巡撫時廉以自守特加擢用忽
聞溘逝深軫朕懷

命由驛還擬下部議卹部臣以斌曾降七級
回奏奉

特旨仍如尙書例子祭葬後祀陝西江西江
南名宦

世宗憲皇帝雍正十年

詔入賢良祠

今上乾隆元年

賜謚文正所著有洛學編潛菴語錄詩文諸集

王進寶列傳子用予附

王進寶甘肅靖遠人初隨陝西總督孟喬芳平河西叛回授守備隸甘肅總兵張勇標下順治十一年張勇調經畧右標總兵進寶隨往湖南十五年進征貴州師次十萬谿懸崖

千似僞安西王李定國使僞都督羅大順扼據險要進宝率眾攀崖直上搗其巢賊眾潰以功遷經畧右標中營遊擊康熙二年張勇任甘肅提督奏授提標左營遊擊尋隨張勇討平西羗授本營叅將時羗人乞駐牧大草灘張勇用進宝議持不可于是卽單于城故址建永固城以進宝爲副將駐之十二年擢西寧總兵明年冬陝西總督王輔臣叛應逆藩吳三桂陷蘭州斷浮橋以拒河西兵進宝

率師進討十四年二月師次黃河進宝以草
囊結筏自蔡灣夜渡抵率蘭龍尾山大破賊
衆擒僞遊擊李廷玉等乘勝東拔金縣定安
復西攻臨洮會大雪偵賊無備遂襲破之輔
臣遣使持吳逆僞劄來招進宝以奏得
旨嘉獎加銜左都督四月進攻蘭州賊兵千
五百人出東門迎戰進宝率衆奮擊自辰至
午擒斬過半別遣兵分路勦殺賊退保不敢
出我兵環圍之斷賊糧運六月賊造筏百餘

謀潛遁進宝分兵沿河伺擊賊勢窮蹙進宝
乃遣人招諭偽總兵趙士昇等率眾降遂復
蘭州十五年正月

詔嘉進宝素著勞績克殫忠誠授陝西提督
兼西寧總兵暫駐秦州時偽將軍王屏藩吳
之茂互爲聲援窺伺秦州二月吳之茂率賊
眾進踞北山絕我餉道進宝會將軍佛尼勒
進勦大敗之生擒偽總兵徐大仁復遣兵馳
擊敗賊眾於羅家堡又敗之盭閉賊復集潰

衆萬餘築壘排椿據鐵葉硤紅山堡潛出賊
兵接運芻糧進寶遣兵撲剿大敗賊衆於牡
丹園擒斬僞官獲糧械無算五月撫遠大將
軍圖海統兵進牧平涼輔臣勢窮蹙引四川
叛鎮譚宏爲援連兵犯通渭進寶指揮將士
急擊破之降其僞官復靜寧州城輔臣尋請
圖海軍前降六月進寶率兵次樂門甫駐營
吳之茂遣賊衆來犯進寶統兵環擊擒其僞
總兵遊擊等斬之復與將軍佛尼勒合兵攻

勦屢戰克捷吳之茂僅以十餘騎逾北山道
走平原固原悉定大將軍圖海奏陝西提督
原駐平涼固原與平原密邇據秦省形勝宜
合進寶駐鎮

詔進寶移駐固原兼攝固原總兵事八月敘
功議授二等男

諭曰王進寶宿將重臣矢心報國兼以訓練
士卒忠義素孚故能身先行陣所向克捷朕
甚嘉之於軍功議敘之外從優加一等男授

奮武將軍仍兼提督平涼諸路軍務十七年
四月進寶復慶陽斬僞總兵袁本秀及賊衆
二百餘人十八年十月進寶與提督趙良棟
等分兵四路規復漢中進寶偕總兵費雅達
由棧道進先是進寶奏請令子用予率兵往
勦俾練習戰陣

上允其奏遂授用予副將進寶復疏言臣父
子均在秦中例應迴避

詔曰王進寶父子統率官兵誅勦賊寇保守

封疆著有勞績王用予仍留與伊父玉進寶
同守秦中要地至是從征寶雞進寶遣用予
擊賊紅花舖大敗之復鳳縣兩當縣進軍武
關令用予率偏師繞山關後而自以大軍當
其前賊腹背受敵皆潰夫擒僞總兵羅朝興
等奪雞頭關直抵漢中王屏藩率賊眾自青
石關走廣元進寶復遣兵躡擊賊眾奔竄降
其僞將軍楊永祚僞總兵孫啓耀遂盡復漢
中地得

旨褒獎時趙良棟亦恢復畧陽

命進寶與趙良棟進定四川并

勅將軍吳丹鄂克濟哈率海洲大兵分繼其
後進寶自青石關至神宜駟聞賊踞朝天關
督兵躍馬直前賊驚竄走疾馳至廣元斬賊
無算遂復其城十九年正月分兵三路趨保
寧距城二十里當孔道而軍賊衆二萬來犯
進寶率兵奮擊大破之追至錦屏山連拔賊
壘奪浮橋薄保寧城用子斬門突入進寶率

兵繼進王屏藩計窮與僞將軍陳君極皆自
縊吳之茂及僞將軍張起龍僞總兵郭天春
等十七員並就擒保寧平別遣兵克復昭化
劍州蒼溪蓬州廣安合州西充岳池等州縣
時趙良棟已復成都授雲貴總督

詔進寶駐守四川擢用予松潘總兵進寶尋
以疾再疏乞休

命回固原就醫以用予駐保寧暫代管標下
兵尋改用予爲固原總兵趙良棟以進征滇

黔奏調川陝各營兵隨在固原兵亦多檄調
進寶以本標兵宜留鎮守奏停撥遣

詔允之未幾賊將胡國柱夏國相等由黔人
川譚宏彭時亨復叛永寧建昌相繼失守良
棟劾進寶擁兵不救進寶以臥疾固原疏辯
且言建昌之陷咎在良棟

詔進寶馳赴保寧於是進寶復統固原兵駐
保寧是年冬敘功進寶晉三等子用予加左
都督授雲騎尉職明年賊將馬寶犯敘州用

予擊敗賊衆恢復納溪江安仁懷合江等城
降其僞將軍何德成等馬寶竄雲南用予駐
敘州尋奉

詔率所部兵馳赴永寧駐守二十一年滇黔
既平

上詔進宝及趙良棟至京

命王大臣發還前此互許奏章宜

諭二臣功績並茂欲矜全保護之其不諳大
體私忿攻許概不究問事詳趙良棟傳

賜服物仍還鎮二十三年五月疾甚再請休
時用予已調太原總兵

命馳鐸偕太醫視疾且調用予甘肅總兵二
十四年八月卒年六十得

旨王進寶性篤忠貞威望素重率先征勦賊
寇勇畧兼優邊防戎務籌畫周詳勲猷茂著
忽聞溘逝深爲軫惻下所司優卹尋

贈太子太保

賜祭葬如典禮諡忠勇

世宗憲皇帝雍正十年入祀賢良祠初次襲爵者卽用予合其軍功議敘并雲騎尉爲二等子後再襲仍爲三等子

今上乾隆三十三年

詔予世襲用替

楊雍建列傳

楊雍建浙江寧海人順治十二年進士除廣東高要縣知縣十五年兩廣總督王國光疏薦賢能謂其恤困窮苦痲身厘奸弊如免已

於是行取入京考選授兵科給事中時平南
王尙可喜靖兩王耿繼茂並鎮廣東十六年
正月雍達疏言臣前官粵東目擊粵民困苦
由兩藩並鎮每印官缺員市井無賴輒重賄
鑽營委署取償民間凡往來饋運土木工作
役民無限制增立蓋埠分設私稅縱悍兵開
山伐木奪商賈利復于正賦外以藩令採買
名曰王穀王席皆責民供應民困已極請移
一藩於他省俾粵民甦息疏下部議以藩王

應約束弁兵勿于預印官委署泉商害民請
旨飭禁尋

詔移耿繼茂鎮四川旋改鎮福建先是

上欲幸南苑雍正具疏諫止

上旣宜諭以閱兵習武之義復

命雍正同科道官隨往翼日雍正疏昨奉

上諭閱武南苑令諸臣侍從臣因得觀軍容
之盛武備之備知

皇上安不忘危原非無事而出始深悔前疏

之愚昧無知皆由沽名釣譽習氣未除仰請
敕部處分疏入得

旨寬免四月疏劾銓政舛錯下宗人府都察
院會議吏部諸臣削級罰俸有差五月海賊
鄭成功陷鎮江犯江寧雍建劾兵部尙書梁
清標等不經畫于幾先又不圖維於事後請
嚴旨申飭俾痛改積習疏下吏部察議兵部
諸臣削級罰俸有差雍建累轉禮科吏科至
刑科給事掌印給事中疏言明季仕途分門

立戶意見橫生國事遂不可問出札盟標榜
排擠報復所致請

嚴飭學臣禁止士子立社結盟以杜朋黨之
漸又奏定鄉會兩試絕營競防獎賞之例疏
俱下部議行康熙三年十二月因彗星見上
疏請

修省廣求直言詳詢利病有可惠民者立
賜舉行疏入得

旨場雍建直言可嘉星象示異皆數政失宜

所致今惟力圖修省務期允當以答

天心尋

詔內外臣工各抒所見勿因循瞻顧雍建又
言治本之未登由于臣職之未盡比者部臣
於應議之事或請移他部或請下督撫不肯
直辭決斷一案之處分經年未結一事之行
止重複咨詢民間利病所關憚于厘正輒援
往例請議是惟以推諉爲卸責而無任事之
寔心也督撫知百姓之苦於私派淨征而不

卷之三
三
爲建長策以除積困見有司之貪暴措克間
有特糾者反爲摘小罪以引輕條是惟以蒙
蔽爲養好而無澄清之寔政也請

嚴飭內外臣工力圖稱職如仍蹈舊轍立予
罷斥

上是其言四年戶部議令江浙二省停運白
糧折銀解部以充兵餉雍正建言北年江浙之
米每石值七八錢而止今每石改折二兩加
以耗羨備辦夫舡之費非本色三石不足以

完折色之一石臣以爲有本色則有耗羨有
夫舡旣經改折不應并耗羨夫舡而又徵之
必不得已而議折則當權衡穀價之高下以
便于民然亦可以權宜不可以久遠乞

勅巡撫量時價減徵并

勅戶部自今勿輕議改折疏并下所司知之
是年得

旨丙陸十一年

命以四品頂帶食俸仍任給事中尋遷兵部

督捕理事官右通政太僕寺卿十八年正月
擢左副都御史疏劾江西巡撫佟國禎庸碌
無能下部察議國禎降二級調用二月充會
試副考官旋

命巡撫貴州時逆賊吳世璠尙據雲南雍正
既至貴陽請設撫標三營兵部以例止二營
議駁奉

旨貴州新經恢復地方緊要應如所請設立
三營後不爲例又疏言貴陽殘破尙餘未燬

室盧宜招復流散人民量減差役使安其業
禁止借端私派

上命雍正建速行招集流民還業務令得所除
供應大兵諸正役外有以私派擾民者卽指
名劾奏二十年三月以軍興旁午奏停貴州
本年鄉試俟來年補行十月疏言貴陽等七
府土司錢糧若歸併附近知縣恐呼應不靈
宜仍令土司管理責令知府督催下部議如
所請二十一年十二月以考試武舉策問語

涉譏諷部議革職得

旨楊雍建爲封疆大臣如管兵官員不職應
卽具疏糾劾考試關係大典乃於策題內詣
含譏諷殊屬不合本當如議革職姑寬削去
所有加級紀錄仍降五級留任二十三年八
月授兵部左侍郎二十五年十一月以母老
病歸養旣終制以部議保舉失當應降二級
未赴補三十八年

上巡幸浙江

賜御書松喬堂匾額三十九年

詔舊任巡撫學政諸臣分修河工雍正建修高
家堰隄工工竣議敘復所降級四十二年五
月卒於家

賜祭葬如例

熊賜履列傳

熊賜履履湖北孝感人順治十五年進士由庶
吉士授檢討十七年充順天鄉試副考官康熙
熙二年遷國子監司業四年遷宏文院侍讀

六年

聖祖仁皇帝屢詔臣工直陳政事得失時內大臣鰲拜輔政自專賜履疏言內臣者外臣之表也今

國家章程法度不聞畧加整頓而急功喜事之人又從而意爲之但知趨目前尺寸之利以便其私而不知無窮之弊已潛滋暗伏於其中部院臣工大率緘默依阿托老成虛重之名以濟尸位素餐之計樹義者謂之疎

在事者目爲躁競廉靜者斥爲矯情端方者
病爲迂腐間有讀書窮理之士則羣指爲道
學百計詆排欲藥餌其終身而後快乞

皇上申飭滿漢諸臣虛衷酌理是心在事化
情回爲肝膽轉推諉爲擔當漢官勿阿附滿
官室官勿偏任司官率執盡心論思毋以唯
語爲休咎台諫極力糾繩毋以鉗絕爲將順
則職業修舉官箴日肅矣疏入

報聞七年遷秘書院侍讀學士疏言朝政積

習未除國計隱憂可慮

皇上聰明天亶天下之人靡不翹踵拭目仰
觀德化之成而設施措置猶未足厭服斯人
之望年來災異頻仍飢荒叠見正

宵旰憂勤撤懸減餼之日乞

時御便殿接見儒臣講論政治行之以誠持
之以敬庶幾轉咎徵爲休徵疏人內大臣鰲
拜傳

旨詰問積習隱憂及未厭人望寔事賜履言

卽制治未亂保和未危之意欲

至尊憂勤惕勵也齎拜復傳

旨嚴飭賜履不能寔是在指陳妄行冒奏以沽
虛名下部議處應降二級調用

上寬免之未幾

命康親王傑書等勘鞫齎拜結党專權罪狀
讞辭有齎拜叩賜履効已意圖傾害一欵互
詳齎拜傳賜履嘗以

上卽位後未舉行

經筵舊典謂宜慎選儒臣以資啓沃並請規
記言記動之職設

起居注官又以

上欲巡幸邊外疏請停止皆得

旨俞允

諭廷臣曰朕頃以農隙講武之時欲一往邊
外閱視有疏稱災變甚多不宜出邊增兵民
困苦者深嘉其抒陳忠悃直言進諫已如所
請停止此後有未當之事其各直陳所見朕

不憚改焉九年四月擢國史院學士十月改
內三院爲內閣設翰林院以賜履爲掌院學
士會復設

起居注日講官

命賜履充之又充

經筵講官十年六月乞省母疾

命勿開缺十一年

命教習庶吉士十二年充會試副考官十四
年三月奉

旨翰林院掌院學士熊賜履素有才能居官
清慎著陞內閣學士於是授武英殿大學士
時恭輯

太祖高皇帝

太宗文皇帝聖訓

御撰孝經衍義重修

太宗寔錄賜履並充總裁官十五年六月陝
西總督哈占有盜犯已獲開復陳防官員一
旣內閣設票三法司核擬旣檢舉得

旨寬免處分大學士杜立德告之大學士索爾圖謂前此票擬草簽今已改寫不無情弊既而索爾圖欲閱草簽杜立德又以被竊去告于是索爾圖大學士巴泰同奏請

勅吏部集問諸大學士學士及中書等嚴察改寫竊取情弊吏部尙書明珠郝惟納等議賜履票擬錯悞欲誘咎杜立德改寫草簽復私取嚼毀夫大臣體草職遂罷歸家江寧二十三年

土南巡賜履迎

駕

召封良久

遣侍衛賫

御書及食物

賜之尋

御題經義齋扁額以

賜二十七年六月授禮部尙書十二月丁母
憂歸二十九年十一月仍授禮部尙書三十

年充

經筵講官及武會試正考官三十一年二月
命往江南察審運河同知陳良謨訐告河道
總督王新命勒取庫銀事鞫新命及良謨並
挪移庫銀論罪如律十月調吏部尙書會河
道總督靳輔奏所屬州縣開河築堤建埝栽
柳之民間田地應令督撫察勘豁免額賦
上曰此事若令地方官履勘丈量恐借端擾

良

特遣賜履前往會同督撫察勘尋還奏高郵
山陽等州縣應豁免額賦田地三千七百二
十八頃有奇三十三年九鄉會推兩江總督
以吏部侍郎布彥圖等十二人列奏

上詰問保舉布彥圖者何人大學士等以賜
履覆奏

上以尙書庫圻納與布彥圖同旗同部素所
稔知

諭責之寘賜履弗問互詳庫圻納傳三十五

年七月御史龔翔麟劾奏吏部擬補擬選先後互異卑月府州縣缺壓歸雙月河工咨留人員或准或否高下其手尙書熊賜履竊道學虛名負

恩溺職應與久任吏部之侍郎趙士麟嚴加處分得

旨吏部回奏復下都察院察議以回奏含糊矛盾賜履與尙書庫勒納侍郎趙士麟彭孫適並應降三級調用

卷三十一
三十一
上命從寬留任三十八年授東閣大學士時
纂修

平定朔漠方畧及明史賜履充總裁官先是
三十三年三十六年會試至是三十九年會
試並爲正考官四十二年二月復充會試正
考官三月以年屆七十乞休得

旨卿才學敏贍講幄久勞簡任綸扉勤慎益
著老成在列倚毗方殷覽奏引年求罷情詞
懇切准以原官解任仍食俸留任京師用備

額問以示優眷四十三年

賜

御書壽考匾額四十五年十月疏辭食俸乞
歸江寧

命乘驛官爲護送四十六年

上閱河

駕幸江寧

召見慰問

賜御用冠服四十八年十月卒於家年七十

卷之三十三

有五

命禮部遣滿漢司官各一員往視其喪

子卹銀一千兩

贈太子太保

賜祭葬如典禮諡文端所著有經義齋集學
統學辨學規學餘諸書當賜履遺疏至京時
其同姓編修熊本竄入薦已語

上覽疏

諭廷臣曰熊賜履學問既優人品亦端此遺

疏內薦舉其姪熊本必係虛偽

命總督噶禮確察噶禮取其疏草以進果無是語下法司鞫問論熊本罪如律五十一年諭吏部曰原任大學士熊賜履夙學老成歷任多年朕初立講官熊賜履早夜惟勤未嘗不以內聖外王之道正心修身之本直言講論務得至理而後已且品行清正學問優長身歿以後朕屢加賜恤至今猶軫於懷原任大學士張英張玉書朕因卷念舊勞擢用其

子能賜履之子曰應一例推恩著調取來京
酌量錄用以示不忘耆舊之意六十年吏部
以其二子引

見

命俟年壯錄用

諭大學士等曰原任大學士熊賜履居官清
正學問優瞻朕每念舊勞不忘於心屢諭織
造李煦曹頌周恤其家今其二子來京觀其
氣質尙可讀書熊賜履屢爲試官所取門生

不下于人身後竟無一顛恤其家者朕於故
舊大臣身故之後不忍忘懷當能賜履居官
時政事言論有不當者朕未嘗不加訓飭卽
凡大臣皆然及已去位身故則但念其好處
如李蔚王熙之孫勵杜訥之子俱現爲京職
現任大學士王項齡之子王圖炳亦在內廷
行走沈荃之子沈宗敬爲人叅劾朕念伊父
存日勤勞姑留其職杜立德張玉書之家時
時問其子孫何如乎於讀書學問之事必思

及李光地其子姪亦現在爲官職此皆爾等
所知也今熊賜履二子家甚清寒爾等亦應
共相扶助令其讀書俾有成就

今上乾隆四年吏部以熊賜履之子志契年
已及壯具奏奉

旨以京職用尋授翰林院孔目

漢名臣傳卷三

漢名臣傳卷四

陸隴其 杜立德 黃機 傅宏烈

村篤祐 馮溥 李芳述 梁化鳳

許占魁

陸隴其列傳

陸隴其浙江平湖人康熙九年進士十四年
授江南嘉定知縣十五年十二月巡撫慕天
顏請行州縣煩簡更調之法因言嘉定及崑
山丹陽金壇等縣政務甚煩賦多逋欠如隴

其之操守稱絕一塵才幹寔非肆應若調補
稍簡之縣必勵其素守惠愛百姓疏下部議
謂煩簡更調非例既無肆應之才應照才力
不及例降三級調用會縣民有被盜殺而其
親屬以讐殺訴隴其詳報是讐是盜俟緝獲
後擬既而獲盜鞠寔論如律總督阿席熙人
奏部議隴其初報不直指爲盜應照諱盜例
革職隴其遂罷歸十七年
詔舉博學鴻儒工部主事吳源起薦隴其理

學純深又行無愧得

旨召試隴其赴京未及試丁父憂歸十八年
左都御史魏象樞應

詔舉清廉官疏言隴其任嘉定知縣清操飲
水愛民如子去官之日萬民遮道攀轅既去
之後家家尸祝比于父母部議俟服滿日仍
補知縣

上曰陸隴其係保舉廉能之官如直隸清苑
江南無錫等縣最稱煩難之區用之庶可展

其才二十二年補直隸靈壽知縣二十三年
六月直隸巡撫格爾古德疏言隴其潔已奉
公寔心在事革除火耗陋規務農重穀匪類
斂跡履在未久而教化已洽輿情循例薦揚
以備擢用疏下部議予紀錄時九卿奉

旨公舉清廉官格爾古德以兗州知府張鵬
翮與隴其並舉焉二十九年吏部以科道需
人奏

命九卿舉學問優長品行可用者九卿以隴

其與清苑知縣邵嗣堯三河知縣彭鵬並舉
得

自行取授隴其四川道監察御史十月疏言
畿輔沿山州縣土瘠民貧荒多熟少自昔而
然數年以來

皇上加意撫綏禁止私派不惜蠲賑鳩餉之
民得苟延殘喘然以言乎家給人足則未也
上年荒旱雖間有未被災之處不過差勝于
被災者初奉

論概予蠲免二十八年全租及二十九年半
租後因部議分別被災輕重撫臣奏災輕田
畝秋後帶征今雖秋收稍稔所入無幾私債
之迫索者衣服之典當者已去其大半仰事
俯育仍憂不足又可責其兼完新舊之糧乎
若非

皇上曲加垂卹恐有司惟考成是急不顧民
力難勝也疏下部議尋

勅部遵前旨盡行蠲免十二月湖廣總督丁

思孔以偏沉巡撫于養志在任守制題請隴
其疏言天下當承平之時湖南非用兵之地
無藉于養志在任守制若因督臣之題請而
留將來督撫丁憂皆將援此爲例其不奪情
者鮮矣名教自此而弛綱常自此而壞關係
世道人心非淺也

上覽疏卽以順天府尹王樑代于養志爲偏
沉巡撫三十年正月戶部以大兵征噶爾丹
軍用浩煩奏行輸運糧草准作貢監及紀錄
美可至專一

如級復級封贈與捐免保舉例御史陳壽奏
請刪捐免保舉條而增捐應陞先用部議不
准隴其疏言捐納一事原非

皇上所欲行不過因一時軍需孔亟不得已
而暫開若許捐免保舉則與正途無異且督
撫保舉之人必曰清廉方可合例保舉可捐
納是清廉可捐納而得也至于捐納先用大
抵皆奔競躁進之徒多一先用之人卽多一
害民之人此皆不待辨而知其不可者也臣

更有請者竊見近日督撫于捐納之員有遲
之數年既不保舉又不糾劾者不知果清廉
乎非清廉乎抑在清濁之間乎夫既以捐納
出身又不能發憤自勵則其志趣卑陋甘于
污下可知使之久居民上其荼毒小民不知
當何如乞

勅部通稽捐納之員到任三年而無保舉者
卽行開缺休致庶吏治可清選途可疏而民
生可遂矣疏入下九卿議九卿言先用未准

捐止捐免保舉寔無碍正途若定限到任三年而無保舉者卽行休致則營求保舉奔兢益甚應俱無庸議議上得

自保舉一條着會同陳菁陸隴其再行詳議及議陳菁與九卿等並言事例已行次年三月卽停止可不必更張隴其遂獨爲一議曰捐納一途寡係賢愚錯雜惟恃保舉以防其弊雖不敢謂督撫之保舉盡公然猶愈於竟不保舉也今若并此去之何以服天下之心

卽貪污之輩自有督撫糾劾而其僥倖獲免者遂與正途一體陞轉雖有次年三月停止之期而此輩無不先期捐納卽無不一體陞轉未可云無得也至於到任三年無保舉者令休致謂恐近於刻不知此輩由白丁捐納得官其心惟思償其本錢何知有

皇上之百姓踞于民上者三年亦已甚矣又
可久乎况休致在家仍得儼然列于搢紳爲
榮多矣若謂將屆三年輒營求保舉此在督

卷之二

撫不賢則誠有之若督撫賢何處營求且卽使督撫不賢亦必不能盡捐納之員而保舉之此休致之議亦從吏治民生起見未有吏治不清而民生可安者未有仕途龐雜而吏治能清者俱難無庸議者也于是陳菁與九卿等各爲一議曰捐納官員倘有劣蹟可隨時糾劾捐納保舉之後仍按俸陞轉督撫既未保舉必無徇庇之情而官之賢否自有分別何虞龐雜至致仕三年之內雖無奇政動

上官之保舉亦無劣蹟來下民之告發卽爲
安養無事之官何可勒令休致以從前急公
之人附入法之末乎且天下何地無才何途
無品貨卽始自漢文而文章如司馬相如政
事如張釋之皆以貨卽顯故國家用人不必
分其門而阻其途寔是政惠民不必格成議而
徇迂見邇者軍需孔亟計各項之捐納人少
而保舉之捐納人多是以增列此項隴其不
計緩急輕重浮詞粉飾寸步難行致捐納之

人猶豫觀望緊要軍需因此遲悞務虛名而
僨寔事莫此爲甚應請革職發往奉天安插
議上

上曰陸隴其居官未久憤憤不知事情妄昧
陳奏理應依議處分念係言官著寬免六月
命巡視北城八月以試俸期滿甄別應外調
遂乞似歸三十一年十二月卒於家年六十
有三所著有困勉錄松陽講義三魚堂文集
諸書三十三年正月江南學政許汝霖任滿

上諭大學士等曰學政關係人才甚屬緊要
朕觀原任御史陸隴其學問優長操守其善
若以補授必能秉公考校破除積弊有神士
習大學士王熙以隴其已故奏

上乃以前此與隴其同舉清廉之直隸守道
邵嗣堯爲江南學政隴其尋祀直隸江南名
宦浙江鄉賢

世宗憲皇帝雍正二年

臨雍釋奠

諭九卿議增

文廟從祀賢儒因議曰隴其自幼以斯道爲
已任精研程朱之學兩在邑令務以德化民
平生孝友端方言笑不苟其所著述寔能發
前人所未發弗詭于正允稱純儒宜配饗俎
豆得

旨俞允

今上乾隆元年

詔九卿核議應予追謚諸臣因議曰宋儒胡

瑗呂祖謙諸儒皆未居顯職而有諡隴其雖
官止五品已從祀

文廟應予追諡

上特賜諡曰清獻尋禮部以會典未載五品
官予諡立碑給價之例請

上裁定得

旨陸隴其着加贈內閣學士兼禮部侍郎照
例給予碑價

杜立德列傳

杜立德直隸寶坻人明崇禎十六年進士
世祖章皇帝順治元年以順天巡撫宋權薦
授中書科中書二年七月考選戶科給事中
疏言治平之道有三一曰敬天人君爲天之
于當修省以迓天休今秦晉燕畿水旱風雹
大心示警凡開誠布公懋德敦行皆敬天事
也一日法古古者事之鑑也是非定于一時
法則昭于百代故合經而後能權遵法而後
能創凡建學明倫立綱陳紀皆法古事也一

曰愛人自大臣以至百姓宜一視同仁且無
論新舊悉存棄短取長之心凡親賢納諫尙
德緩刑皆愛人事也疏入

上嘉其所奏有裨治理採納之尋疏言牧民
之官任不數月卽行遷轉則欲興利除害而
前後手之易其局往來間之疲其神將悠忽
之念起推諉之路開宜久任以驗成功于三
年大計時分別糾劾俾銳者就繩懦者知奮
又言荒地以踏勘爲憑亡丁以審編爲據請

自今賑蠲之數分列款項豫行頒示使小民咸喻則胥吏不能爲姦又言條編之法簡易便民近因軍興旁午草豆未有定額徃徃取辦臨時徒飽姦吏之橐請

勅部酌定價值使民先事爲備疏並下部議行三年轉兵科右給事中四年轉吏科左給事中又轉戶科都給事中六年疏言漕運爲國家重務數年來姦弊叢生不可窮詰徒以未經發覺指寔無從今漕臣庫禮搜獲運官

使費冊三十本送部其中所費皆東南數百萬生民膏脂共貪墨之人魚肉請

勅部將原冊移送內院按款研究則轉移無術而姦弊悉厘矣得

自如所請行七年轉吏科都給事中八年正月疏言自古帝王致治必由經術宜及時舉行經筵擇廷臣經明行修者拔爲講官庶幾裨益

聖治

上亦嘉納其言初睿親王多爾袞攝政時給
事申許作梅御史吳達李森先桑芸等交章
劾大學士馮銓姦貪狀立德疏言馮銓所行
弗類諸臣具寔以告非私論也將逾旬日未
蒙

鑒裁恐無以鼓直言之氣宜令滿漢大臣集
議朝堂以伸公論又如逋逃之馬士英阮大
鍼朱企郊等或納賄招權或煽惡流毒宜急
捕誅以彰法紀疏下刑部以事在赦前寢議

至是

上既躬親大政甄別大臣黜罷馮銓立德因
疏言前此糾劾馮銓諸言官如吳達李森先
桑芸許作梅等並爲銓所切齒又僉都御史
趙開心素爲銓忌銓皆假票擬于數言輕重
之中弄機權于旁引曲借之內相繼構陷斥
罷茲逢

聖政方新仰乞

皇上矜察疏下吏部開心等尋得

美名臣傳

旨起用九年立德遷太常寺少卿十年三月
擢工部右侍郎六月調兵部左侍郎十一年
二月

上以畿輔八府上年退水發帑賑濟

簡才能清正大臣十六員督率府州縣衛官
散給立德同通政使喀愷分賑大名府所屬
一州十縣一衛還奏稱

旨四月調吏部右侍郎七月丁父憂歸十一
月以前在兵部鞠訊窩隱逃人事不詳悉察

究降一級調用服闋補太僕寺卿尋遷大理寺卿十四年四月疏言熱審之制因天氣炎熱省釋繫獄凡笞罪釋免徒流以下減等發落重囚可矜疑者奏請定奪乃欽恤至意也但每歲小滿後刑部具題始通行各省在路近者可如期舉行而路遠者恐炎暑已過視爲故事請嗣後各按遠近豫爲通飭舉行俾寔被

皇仁疏下刑部議如所請六月擢刑部右侍

郎八月轉左侍郎十一月疏劾內院學士胡
批龍圭使寶坻紳衿藉自縊命案傳帖請托
誣告立德引吏部侍郎王崇簡內院侍讀張
永祺爲證疏下部質訊弗寔議立德捏詞妄
奏應革職

恩赦寬免十六年三月

諭獎勤勞奉職諸大臣加立德太子少保銜
有領侍衛內大臣額爾克岱青家奴陳保糾
聚衆棍毆縛侍衛阿拉那干本族佐領處誣

告阿拉那酒醉持刀斫人刑部議處旗牒率
擬阿拉那罪事

聞下內大臣索尼等察得寔陳保等伏法刑
部諸臣降革有差立德應革加銜降一級調
用得

旨創加銜仍留原任九月遷刑部尙書十八
年

聖祖仁皇帝御極調立德戶部尙書康熙二
年二月都察院劾立德與吏部尙書孫廷銓

于會議時喧爭失大臣體應並議罰

詔寬免之五月考滿加太子少保三年充會
試正考官調吏部尙書八年四月授國史院
大學士充

世祖寔錄總裁官九年三月充

玉牒副總裁官十月改內三院爲內閣授立
德保和殷大學士兼禮部尙書十一年

世祖寔錄告成

賜銀幣鞍馬晉太子太傅十二年充會試正

考官又充重修

太宗文皇帝寔錄總裁官十三年

詔舉素有清操堪任繁劇者立德薦副使道
曹溶可爲藩臬縣丞楊大鯤降調知縣歐陽
勤生可爲府佐州牧並下吏部錄用十五年
六月內閣票擬陝西總督哈占奏盜犯已獲
開復疎防官員一疏誤書三法司核擬旣檢
舉得

旨寬免處分立德告之大學士索額圖謂前

此票擬草簽今已以寫及索額圖欲閱草簽
立德又以被人竊去告于是合疏請

勅吏部嚴察情弊諸臣集問閣臣太學士能
賜履自咎草簽曾經改寫旋因嚼毀部議賜
履票擬錯誤改寫草簽復私取嚼毀希圖委
咎立德失大臣體應革職賜履遂罷歸立德
尋引年乞休不許十七年

詔舉博學鴻儒立德與大學士李蔚馮溥合
薦原任副使道曹溶布政使法若真叅議道

施閏章等二十一年正月上元節

賜廷臣宴立德有疾未預

上遣中使賫酒饌

賜之

諭曰卿弼亮老臣久任機密茲海宇蕩平時當令序內殿賜宴羣臣念卿臥病不克同此歡譙特遣中使慰問賜以醴饌卿其加餐珍攝以副朕惓惓至意五月以疾乞休

允解任調理

集賢堂專司

六

命乘駟回籍遣行人司員護送尋

諭講官紐紐陳延敬曰大學士杜立德贊襄
機密積有歲年敬慎公忠寔多勞績今請老
還廂朕念老臣遠去親製詩章揮灑翰墨爲
一卷軸又書唐詩二軸及怡情洛社象章一
方墨刻二冊汝等賚賜以昭優禮眷顧之意
十一月以重修

太宗寔錄告成

賜銀幣鞍馬晉太子太師三十年六月卒于

家年八十有一

上諭大學士日杜立德在

世祖時居官早著賢聲稟性厚重行事正大
非若他人之徒負虛名朕任用多年老成恪
慎遇事得其情理從不肯苟隨同列必直言
敷奏從前在在任時陳奏之處頗多可謂賢臣
矣

賜祭葬如典禮

黃機列傳

黃機浙江錢塘人順治四年進士改庶吉士
六年授宏文院編修八年充江南正考官十
年二月

世祖章皇帝幸內院

詢機籍貫品職

命同侍講法若真修撰呂宮編修程芳朝撰
柳下惠不以三公易其介論

閱畢

賜茶五月授機左春坊左中允七月遷宏文

院侍講十一年七月轉侍讀明年二月機奏
言自古聖仁之君必祖述前謨以昭一代文
明之治今纂修

太祖

太宗實錄告成乞

上特命諸臣校訂所載嘉言善政倣貞觀政
要洪武實訓諸書輯成治典

欽定鴻名頒行天下尤望

萬幾之暇朝夕省覽法開創之維艱知守成

之不易何以用人而收羣力之效何以納諫
而宏虛受之風何以理財而裕酌盈劑虛之
方何以詳刑而無失出入之患力行身體
則動有成模紹美無極得
旨此奏有理下所司議聒

太祖

太宗聖訓以機充纂修官十三年遷左春坊
左庶子明年遷國史院侍讀學士十七年充
武會試正考官擢禮部右侍郎

聖祖仁皇帝康熙三年以會試場前清冊不定又失察欠糧舉人入場部議各降一級得旨仍留原任五年轉本部左侍郎六年三月擢禮部尙書五月疏言今天下民窮之由有四一雜差私派或措克以奉上官或巧取以充囊橐一棍徒結黨成羣假借逃人名目詐平民動輒舉首及審無干而家已被一設官原以撫民其中豈無匪類惟畏督撫糾劾不敢尋害今一歲之中劾者無幾貪風愈熾

民何以堪一設兵原以衛民近聞各省兵丁
私放營債霸估行市欺壓小民此四者皆民
窮之源而責任全在督撫今大計將行文武
各官紛紛請証非徇私害公卽市恩養患吏
治何由肅情請

勅部院嚴察各省督撫如有舉劾未當卽以
此定督撫之賢否庶貪風息而民命甦至各
省藩王將軍提鎮如有不法害民之事督撫
得以糾劾乞

嚴飭諸臣共破情面不得因循畏縮貽悞地方則民生幸甚疏入下部議行七年轉戶部尙書八年四月轉吏部尙書六月疏言臣前在戶部竊見各省荒棄田地尙未開除雖冊籍載有虛名而錢糧究無歸結且恐不肖有司因帶徵受罰強派熟田代賠現在有業良民必致逃亡避役卽如浙江總督趙廷臣以溫處等府無徵荒逋入奏奉

旨清查臣思荒田逋賦不獨浙省有之請

令各省督撫核寔報部准與豁免疏下戶部
議行十二月疏言

世祖時舊制降補官員皆對品遇缺補用自
康熙六年允御史錢延宅條議將降官預掣
一項註冊候補如運同運副等官不過數缺
而掣定守候者甚多每遇選期有人者無缺
可補有缺者又無人可補請仍遵舊例令降
官對品補用庶銓法不致壅滯下部議從之
九年二月季振宜疏劾機從降級留任之侍

郎越次超陞尙書不思秉公協和勤敏部務
前奏疏通銓法令降官對品補用不知設官
之法尊卑高下有不盡從品級次第者卽如
知府爲正四品而叅議則從四品僉事則正
五品皆知府之上司也若如機議知府應降
一級反可陞叅議降二級反可陞僉事品雖
降而官則尊徒開奔競之門仍於銓法無益
上命機明白回奏機奏言降補官員自有應
得之缺知府降從四品補運同降正五品補

同知係

世祖時久行定例今部議允臣所請復遵舊
例本無府降道銜之例疏并下都察院尋議
機奏復舊例未申明知府不應降補叅議僉
事及回奏又不剖晰降級侍郎開列尙書情
由均屬朦混應解任以降級侍郎致仕

上諭令洗心滌慮改易前非免解任十年二
月充

經筵講官四月給事中王日溫疏言已故庶

吉事王彥寔係機子黃彥博抱病臥邸卽選庶常機爲大臣並未檢舉請罪應黜罷以爲徇私者戒機以其子黃彥博與庶吉士王彥姓名旣不相同且彥博病故已久何敢以姓名不符之人妄認己子而請罪乎具疏辨釋十一年二月以遷葬乞假歸十二月御史竈爾講劾機自知清議不容乞假歸里今假滿在卽勢必醜顏赴補請將科臣王日溫所劾黃彥博事窮詰寔情明正其罪疏下吏部以

事已結案寢議十八年

上聞機居鄉謹飭安靜

特旨召用時已擢左都御史魏象樞爲刑部
尙書象樞疏辭乃

命象樞以陞銜留任機以吏部尙書銜管刑
部尙書事十九年五月

詔九卿等陳時政得失機奏言九門捕獲竊
匪給賞太重恐因邀賞致滋波累又審案反
覆妄供每誣拔良民並請申嚴禁令得

旨如所請行十一月徇史張志棟疏言黃機素稱老成忠厚然衰邁寔甚刑部事件皆人命攸開苟有貽誤受害非淺在機或以新蒙上思起用不敢遽自引年求退應請特旨罷歸田里弗致貽悞部務

上曰張志棟所言過當從來才德難以兼全國家用人正需老成黃機可照舊供職是月調任吏部尙書二十一年二月充會試正考官九月疏言臣前此請假歸田臥病入載復

應起用伏思諸臣請假者多而臣獨蒙
恩召且不由薦引斷自

宸衷自當勉圖報効然齒寔是向衰乞

賜歸里疏入得

旨慰留十月授文華殿大學士兼吏部尙書
時重修

太祖寔錄

三朝聖訓

平定三逆方畧並充總裁官二十二年二月

復乞休得

旨卿簡任機務端恪謙慎倚毗方殷覽奏情辭懇切准以原官致仕馳驛回籍遣官護送以示眷懷二十五年二月卒於家年七十有五

賜祭葬如典禮諡文僖

傅宏烈列傳

傅宏烈江西進賢人明末流寓廣西

世祖章皇帝順治十四年兩廣總督王國光

疏薦授廣東韶州府同知

聖祖仁皇帝康熙二年遷甘肅慶陽府知府
七年以許告平西王吳三桂陰謀不軌革職
逮繫論斬九年

詔減辟徙梧州十二年冬吳三桂反廣西將
軍孫延齡提督馬雄叛應之宏烈招集驍健
陽附三桂受偽職爲信勝將軍而密約平南
王尚可喜共圖恢復十六年正月遣人至贛
州致書鎮南將軍覺羅舒恕言定南王女孔

四貞不忘

國恩孫延齡可招撫狀又致書督捕理事官
麻勒吉言大兵若速進南安宏烈從韶州策
應則兩粵可定舒恕麻勒吉先後陳奏

上嘉宏烈忠誠授廣西巡撫宏烈聞

命疏言逆賊吳三桂陰險小人蓄謀不軌臣
自康熙六年知之七年發覺其概審事請臣
惟恐激變凡涉三桂口供一字不錄臣憤激
願死自認其罪蒙

皇上特恩免死出獄安置嗣聞三桂反臣罪
廢梧州計無可展廣西布政使李迎春梧州
知府楊彥溶等降賊苦勸臣從臣憤不欲生
自投汀水願爲厲鬼殺賊漂流十里遇救不
死仍赴梧州佇待一年因思不入虎穴焉得
虎子乃投身賊地從中反間又假他事赴南
寧遂入思州泗城廣南富川諸土司及交趾
界聯絡義勇助平南王尚可喜軍可喜病篤
猶執手相勗速復肇慶遂與其子之信合謀

討賊擊敗僞將軍楊鎮邦僞總兵古元隆金朝相袁茂明等乃得由龍南達贛州歸命

朝廷以展夙志吳三桂昨聞規復肇慶卽百計欲殺臣而終不得遂計者隨臣義勇五千入寔賴其力請留爲援勦營進征廣西並請勅尙之信遣兵合勦

上悉允所請加授撫蠻滅寇大將軍時宏烈已率兵擊敗賊衆千韶州擒斬僞總兵王雲龍僞遊擊何嘉會等遂進征廣西擊走僞將

軍趙天天復梧州分遣總兵曾大熾叅將周光裕李士龍等攻復昭平賀縣又招降鬱林州博白北流陸川興業等縣賊衆復犯梧州宏烈遣總兵楊國泰等水陸夾擊陣斬偽總兵張元乘勝復潯州府遣平樂知府劉曉賈疏縷陳進勦機宜

上諭吏兵二部曰將軍傅宏烈謀畧優長忠貞夙篤自簡任以來寔心爲國宣力邊疆親統官兵進取粵西恢復梧潯等處屢奏捷功

勞績茂著今覽所奏進勦機宜籌畫詳密矢志滅賊據忠効謀深可嘉尙著加太子太保所屬官員同心報國効力行間深爲勞苦各加職銜一級其代奏知府劉曉立有軍功諸悉形勢敷奏詳明亦屬可嘉著加叅議道職銜方馬雄之甫叛也宏烈家屬百餘人盡陷賊中爲叛賊李迎春執送吳三桂與總兵楊國泰及諸將士家屬並遇害至是宏烈以奏諭獎其爲國忘家遇害家屬

勅所司優恤時叛鎮馬雄踞柳州吳三桂諸
賊分踞平樂南寧橫州勢猖甚宏烈欲借尙
之信兵力共取平樂乘孫延齡已謀歸順赴
桂林駐守屢請

旨趣之信遣兵繼進之信以防守廣東爲說
宏烈向借大砲及營馬皆弗應吳三桂知孫
延齡不附已遣其從孫吳世琮與賊將馬寶
李廷棟陶志貴趙天元擁賊數萬掠桂林紿
孫延齡出城殺之遂陷平樂伺宏烈赴南寧

招撫土司襲梧州宏烈移師擊斬賊乃遁十
七年三月與將軍莽依圖進圍平樂賊水陸
拒阻我兵失利退保中山鎮莽依圖奏宏烈
所率兵先卻江水泛漲孤軍難以久留宏烈
奏莽依圖所率兵不相應援仍自請議罪
諭曰江水泛漲大軍不能相援賊衆我寡以
致失利免議罪莽依圖與傅宏烈宜同心和
協謀濟國事

諭至大臣曰傅宏烈所領官兵從未支領俸

餉奮勇收復諸路嗣以規定滇黔請發大軍
並進因令莽依圖協力進取不意莽依圖既
抵平樂借口綠旗兵失陷退至賀縣又言糧
乏退保梧州以傳宏烈恢復如許城池盡棄
與賊宜嚴飭痛改前非勉圖後効尋宏烈復
奏守戰機宜奉

諭曰覽所奏安人心固內地勦賊之策悉備
佇看掃蕩逆氛以副倚任四月偕都統貝勒
等率兵自北流陸川博白進勦新賊將梁子

王等六月賊兵數萬渡左江我兵與戰失利
退守藤縣十月賊并力來犯藤縣失守遂逼
梧州十八年正月宏烈自梧州分布水陸官
兵乘賊來犯木城時奮力夾擊鎗砲矢石齊
發殲賊二千餘遂遣總兵譚昇等收復藤縣
進定平樂桂林五月疏言臣甫至桂林舊監
孫延齡部下甲兵請糧請餉呼告盈門其野
性未化養之無益而又未可猝然解散宜仍
立藩旂各色照額支餉以滿洲將軍帶甲兵

一千駐省署理藩旂俟賊平後然後撤回京
師至新自賊申來降諸將各帶兵馬若不用
之則其心生異且無以鼓勵將來若用之則
名器太濫不成體制宜各照偽銜給劄令偽
將軍赴部補用總兵副叅遊及文職等官或
願赴部或願在外將軍督撫軍前補用悉聽
自便務令得所則各偽官解散矣臣暫留本
標官兵以資彈壓俟投誠官兵安插妥當地
方平定臣解組養母卽以臣標官兵交付滿

洲將軍統轄酌量汰留總之天下久安長治
之策要緊城池宜照江南陝西例設滿洲賢
能將軍駐守以制反側文臣事權不宜太輕
藩鎮兵權不宜太重趁此大兵在外軍威大
振之日急應善爲布置密爲解散億萬年太
平之基地也又言尙之信歸正後怙惡不悛
前此臣與之交好隱忍調停欲導其爲
朝廷出力未卽陳奏其在廣東賣官虐民抄
家充餉遍地起稅恣行無忌時而疏請出兵

湖南時而疏請平定廣西及至

旨下則一兵不發閉門不出目中竟不知有君命臣因逆賊分犯梧州求其借用大砲不發求其援兵不發又因孫延齡請兵緊急求其借馬兵數百相助不發求其借空馬三百匹相助不來以致孫延齡全家受害廣西恢復遲悞至今臣不解其是何心也今年正月奉

命特加大將軍進勦廣西值湖南大捷乘機

可爲自應奮武前驪乃安駐封川不肯進兵
日事狂飲臣不解其是何心也桂林官兵歸
正值逆賊四面屯聚城中絕食勢甚危急幸
得征南將軍穆占自永州發兵接應賴以保
全今之信行文僞將軍劉彥明等責其不應
繳僞敕印劄于征南將軍臣不解其是何心
也臣久知尙之信狂野性成反覆莫惻故厚
集兵力整飭水師以爲東西未雨之防今吳
三桂已死餘孽蕩平在卽尙之信必無能爲

但善後之策宜于肇慶設滿洲將軍或換滿洲總督帶領甲兵駐守彈壓削之信藩封散所屬多兵設水師提督以分其權則兩廣得以久安臣冒昧密陳乙

留中採擇

上並是其言以密疏示議政王大臣等酌行先是馬雄叛踞柳州病死其子承騰仍附吳三桂爲僞懷寧公廣西大將軍至是詭言投順宏烈以其降兵衆驕悍成習奏請仍以

承蔭統轄

詔授承蔭伯爵給昭義將軍印時賊將范齊韓等尙居粵西宏烈遣遊擊鄧林材合承蔭兵勦擊復柳城融縣十一月疏言進兵雲貴多屬山險之路非可專恃馬騎必用綠旗前驅而進兵之路廣西爲要湖南次之今兩廣綠旗肯爲

朝廷捨命殺賊者惟臣標官兵願進勦雲貴
朝聞

命而夕行者亦惟臣標官兵逆賊未滅臣不
安坐現乘此時天寒水涸遣臣標中軍叅將
溫紹賢等挑選精兵三千五百從小路往駐
古泥相機進取貴州黎平府湖南靖州斷賊
楓本領糧道又調馬承蔭兵四千往慶遠以
分賊勢臣專候

命旨卽親帶官兵或從慶遠泗城進發或從
黎平靖州進發先奪楓木嶺會合湖南大兵
努力前驅矢圖報稱

詔如所請行十九年二月宏烈至柳州疏言
柳州兵數不下三萬逆賊不端誘惑人心不
一近以乏餉鼓噪臣欲擒誅首惡恐激衆生
變又費兵力只得暫爲姑容大抵此股兵馬
積成驕悍必俟殺盡邊界逆賊後設法陸續
解散安置現在馬承蔭兩協五營乞
勅盡給糧餉先收七千人心鼓勵前征庶不
爲內地變患疏上未及

報聞而宏烈已爲承蔭所給登舟赴柳城會

議潛伏賊党劫之潰其營遂挾宏烈往九月
至貴陽逆孽吳世璠誘以僞職宏烈罵賊不
屈遂遇害十一月征南將軍穆占攻復貴陽
收骸骨以

聞

上曰傅宏烈宣力粵西勞績茂著陷賊不屈
捐軀殉難忠節可憫下所司優卹令由駟歸
櫬贈太子太師廕子入監
賜祭葬如典禮諡忠毅並

允廣西巡撫郝浴請建雙忠祠于桂林與前
爲吳世琮所害之巡撫馬雄鎮並祀
世宗憲皇帝時入祀昭忠祠于明壇由廕生
官知州

杜篤祜列傳

杜篤祜山西蒲州人明崇禎舉人

世祖章皇帝順治二年授延安府推官五年
遼取授戶科給事中七年疏言各省錢糧總
歸戶部我

朝定鼎七年以數千萬金錢任部臣之出入
從無一疏奏銷年復一年互相隱卸臣職司
部垣屢催通州坐糧廳收發漕糧清冊久不
造報一事如此其餘可知請

勅循舊例年終逐一奏銷以杜朦混又司官
出差期滿必經堂官考核題准回部管事方
許另差乃有揚州鈔關主事張彥珩甫屆報
滿戶部不行考核輒題管大迤橋糧務專擅
違例並請

旨嚴飭疏下內院及吏部察議尋議錢糧弊
有册檔可據不依例奏銷寔爲怠玩司官差
滿未經考核不應題差戶部諸臣降罰有差
八年四月

命赴山西賫頒

恩詔還奏沿途目擊達賴喇嘛等自直隸赴
山西遇大雨泥濘車輛遲滯夫馬苦遭顛蹙
以致駟夫斃命者六人倒斃馬騾共十九匹
應請

旨勅理藩院嚴飭嗣後滿漢奉差官員如有
額外需索苦累駟遞各撫按指名劾奏治罪
下部議如所請八月充山東正考官九年七
月遷吏科給事中十二月疏劾左都御史房
可壯自任總憲不能秉公糾駁惟以無益條
陳苟且塞責大計在卽舉劾尤宜公正難容
尸位素餐請

賜處分

上命可壯回奏奏上篤祐復劾其疏詞支端

可壯乞休歸事詳房可壯傳十年三月篤祐
流言前明詔天下戶口編造黃冊所以定賦
役敷隱漏清逃亡爲法甚善今賦役豈無漏
冒戶口豈無凋零奸民豪戶豈無飛派貧官
汚吏豈無挪移况窮民之失業者累及里圖
紳衿之優免者加謫貧弱請查照前明舊例
斟酌行之其過割之影射作何清剔審編之
隱瞞作何釐正戶口之倒絕作何闕除流移
之就居作何安頓務將丁糧戶口編輯全書

以重民命

上以奏有可採下部議行十一年三月遷戶
科都給事中四月疏陳清釐閭獎四事一闕
員例以一年報滿而吏員積年不換把持既
久索端愈工宜令役滿者通行裁革一商稅
止聽各關報銷無憑稽核請別立稅票分給
商船徑投所在官司按票造冊送部磨對以
杜侵欺一各關主事宜迴避本籍豫絕弊端
一差滿繳批毋得逾限逗遛蒞事下部議從

之是月又言通政使淮過狀詞請

敕部速結以伸冤抑又因直隸欒城等州縣
奉

詔蠲免錢糧仍私自征收請

勅各督撫清查被災戶口提驗各戶由單會
送部科磨對使貪官藏奸無所並從之五月
疏言直隸報銷

國課本以防奸詎里書指名攤派牧令復借
稱上官經承使費上下分肥至賍敗被忝累

民已甚

上日銷算錢糧攤派使費急宜痛革其酌定畫一之規以除民害尋

允部議州縣逐年分晰欵項備造清冊由司達部不得派費滋弊苦累小民并

諭各督撫嚴飭行八月陞太僕寺少卿十三年四月遷左通政六月遷宗人府丞十月擢戶部侍郎明年丁母憂歸十五年服闋補原官十六年三月

諭獎勤勞奉職諸臣加篤祜太子少保

聖祖仁皇帝康熙四年調工部侍郎七年轉
吏部九年三月擢都察院左都御史五月因
御史季振宜劾吏部尙書黃機以降級侍郎
滕混開列陞授尙書下都察院及吏部議以
篤祜前任吏部侍郎時與尙書瑪希納等徇
庇不舉應降級得

旨寬免十一月疏言降級革任人員不論有
無冤抑甫經離任卽具呈辨復不足以清銓

法疏下部議禁止十一月以京察屆期上言
入法處分應詳註劣蹟無得混稱不孚衆論
又六科向無堂官止令本科掌印開送恐有
瞻徇應移送吏部都察院堂官考察皆下部
議行明年二月乞休
命以原官致仕尋卒于家

馮溥列傳

馮溥山東益都人順治三年進士四年補
殿試改庶吉士六年授編修十年五月遷司

紛局洗馬七月遷國史院侍讀十一年授國
子監祭酒十三年正月遷宏文院侍講學士
十二月轉秘書院侍讀學士充

經筵講官十六年九月擢吏部右侍郎十一
月給事中張維亦疏言向例各部郎中等咨
送學道聽候吏部掣籤遇別項應陞缺出理
合扣留今郎中吳六一等待掣學道竟行別
補顯係濛混徇私

上命吏部回奏時尙書孫廷銓侍郎石申並

道行... 卷四
三
暫假溥奏言學道員缺以各部送到郎中員外主事考補乃舊例也此次已奉

特旨停考止論俸深部員及知府應陞者補用吳六一等雖經保送不復候考學道遇別項缺出應卽陞補是非朦混臣初任吏部此事同禮部公議非臣一人所得行私奏入事得釋

聖祖仁皇帝康熙元年轉左侍郎時左都御史阿思哈已奏停各省巡按因議遣大臣二

人巡察督撫設衙署十城東西聽其召募書
役溥疏言

國家設立督撫皆係重臣今弗信之又遣兩
大臣稽察權既太重勢復相軋保無下屬仰
承胥役恣橫之弊况創設衙署勞費頗民事
多不便疏入遂寢前議二年四月御史李秀
疏訪溥與尙書孫廷銓同郡同官腹心相結
廷銓目疾百事曠曠凡遇會推會議溥任意
徇私毫無顧忌廷銓弟舉人廷鐸於會試後

赴部考取推官廷銓借名迴避寔假手于溥
無異自定優考大臣藐法何以振肅百僚

上諭責李秀恣詞詬訾仍

命廷銓與溥回奏溥奏言下第舉人赴部考
選推官知縣本無不許大臣子弟揀選之例
考試時糊名公閱取定高下孫廷鐸試卷現
貯部庫請

勅滿漢諸臣公同磨勘則公私自見疏入

報聞七月溥乞假遷葬五年七月

命以左侍郎管右侍郎六年充會試副考官
明年擢左都御史時有紅本已祭科抄輔政
大臣鰲拜取回改批溥奏言本章既經批紅
發抄不便更改鰲拜欲罪溥

上特旨嘉獎溥所言是

諭輔政大臣此後當益加詳慎批發八年三
月溥因江南有捕役誣良非刑斃命事請
旨嚴定失察官員處分例又疏言

皇上軫念民生窮困令臣等各陳所見臣以

爲欲民安居樂業一在省刑省刑者非謂犯
罪而姑寬之也古者罪人不孥今一事牽連
証佐或數人或數十人往往本犯尙未審明
而被累致死者已多又或遲至七八年仍不
結案雖有部限屢請寬期遂至力穡供稅之
人拋家失業甚可憫惻乞

敕部嚴飭以後除叛逆外不得提究多人孥
累無益証佐若督撫屢請寬限者治以才力
不及之罪一在薄稅薄稅者非謂應納而姑

免之也古人云二月賣新絲五月糶新穀言
征收之急也百姓之財不過取之田畝今則
正月已開征矣舊歲之逋甫償新歲之田未
種錢糧從何辦納有司不能設法勸諭或用
重刑以恫真有目不忍覩耳不忍聞者請
勅部酌議自後征賦緩待夏秋仍無虧於國
課有益於民生疏下戶刑二部議刑部議凡
強盜人命重情依限一年速結不得牽累無
辜督撫及承審問官如有隱漏及延遲者並

議處戶部議春季兵餉不能往至夏秋宜仍舊例得

旨錢糧夏秋征收本當允行但國用尙在不敷俟充足時戶部奏請更定八月戶部書役陳一魁用部印行文冒領直隸清苑等縣地丁錢糧事發溥疏言錢糧者百姓之脂膏也其已輸在官則

朝廷之帑藏也若任胥役侵盜職掌謂何請嚴定所司處分懲前毖後又言藩王將軍督

撫提鎮購買馬匹以資戢守事屬相同今平
南王尙可喜靖南王耿繼茂續順公沈永忠
獨腓戶部請免其所買馬匹之稅臣思若許
霑

恩免稅似應一例遵行若

國課所關可喜等不應獨邀異數且恐有匪
人借買馬之名漏稅作弊請照順治十六年
定例概行收稅以昭畫一皆下部議行九年
擢刑部尙書十年二月授

文華殿大學士十一年五月疏言直隸山東
河南山西陝西二麥皆登秋禾並茂民間穀
價每斗不過值銀三四分當此豐稔之時宜
廣爲積貯以備荒年至陝西近邊處所更宜
多積以寔軍儲又見連年河決未塞所需夫
役及柳枝甚衆請及此豐登將沿河州縣寬
免租稅責令種柳庶人無棄力而不時之需
亦豫部議下各督撫議行之是年薦起原任
光祿寺丞魏象樞兵部給事中成性俱得

旨以科道起用十二年充會試正考官又充
重修

太宗文皇帝寔錄總裁官十七年

詔舉博學鴻儒溥同大學士李蔚杜立德合
薦原任布政使法若真副使道曹溶叅議道
施閏章進士沈珩葉舒崇中書曹禾陳玉璫
知縣米漢雯並得

旨召試施閏章授侍講沈珩曹禾米漢雯俱
授編修是年疏言向者逆賊狂逞

聖主宵旰不暇臣何敢爲自便之計今四方
漸次平定

盛德大業與日俱新臣已衰朽乞

賜罷歸

上慰留之十八年充會試正考官二十一年
六月復乞休得

旨卿輔弼重臣端敏練達簡任機務宣力有
年勤勞素著倚毗方殷覽奏以年邁請休情
詞懇切准以原官致仕馳賜回籍遣官護送

以示眷懷八月溥將歸疏言臣遠辭

闕下敬抒愚悃伏見

皇尤掃除逸孽廓清四海無念不思安全百姓日未出而求衣臣下章奏無不

披覽勞百倍千臣下尙望

皇上靜以宜民寬以敷政凡事非萬不得已者勿爲勞費如旂人遠出籌備糗糧半由借貸祈

皇上曲加體恤外省許告事非督撫所能審

者則遣官其餘勿遣以省騷擾臺灣小醜不
數年必自成滅勿輕遽進勦益課關稅借諸
商寔出諸民近者山海關潼關蒙

皇上帝罷部差人情莫不感悅其鳳陽及湖
日亦祈

特渙德音并刪去益關二差溢額議敘之列
休養閭閻扶植元氣

上嘉納之尋

諭講官組紐陳廷敬曰大學士馮溥請老歸

皇特賜詩一章適志東山篆章一方墨刻一册爾等傳諭朕意朕聞山東之仕于朝者大小固結彼此援引凡有涉于已私之事不顧國家往往造爲議論彼唱此和務使有濟於私而後已又聞其居鄉多擾害地方朕皆審知其弊馮溥久在禁密之地歸里後可教訓子孫務爲安靜副朕優禮之意是年冬太宗文皇帝寔錄告成加太子太傅

賜銀幣鞍馬三十 十二月卒于家年八十

真名臣傳

有三遺疏上

賜祭葬如典禮諡文毅

李芳述列傳

李芳述四川合州人由行伍隸貴州大定總兵劉之復標下勦水西土司安坤有功授千總

聖祖仁皇帝康熙十二年冬逆藩吳三桂反劉之復從逆脅芳述往湖北據彝陵巴東閔隘芳述謀脫走託他故留四川其妻子在大

定越五年乃得以計取至敘州逆孽吳世璠
加芳述僞總兵逼之由巫山襲郾襄芳述仍
留重慶十九年正月勇畧將軍趙良棟進取
成都芳述遣弁赴軍前呈繳僞劄隨挽舟逆
流而上率重慶府瀘州敘州所屬州縣文武
官弁歸順三月趙良棟令芳述招降永寧卽
鎮守之其城日久傾圮芳述督兵修築甫竣
事僞總兵毛友貴等擁馬步兵萬餘來犯芳
述督兵迎擊賊却走尋以悍卒數千逼城乘

夜樹梯攀堞芳述率兵鏖戰斃賊千餘人斬
毛友貴于陣獲器械旂幟無算僞將軍胡國
柱王邦圖等復誘以僞劄及顯武將軍僞印
芳述俱封送趙良棟軍前良棟奏芳述前陷
賊中不從僞令率衆投誠順義可嘉今復固
守孤城不惑餌誘可令爲前導以定雲貴
詔授爲隨征總兵官七月賊陷仁懷合江芳
述移兵守敘州擒胡國柱所遣奸細二人械
送趙良棟軍前斬以徇賊計不得逞旋犯敘

州芳述于城外真武翠屏等山堅壁張旂幟以壯聲勢賊屢犯不克潛退馬湖謀出木川犍爲襲取成都芳述偵知之先率兵至犍爲扼其衝要大破賊衆躡擊至新鎮黃茅岡斬殺過半降其僞副將夏昇羅應申等收回被擄男婦二千餘十二月

詔授西寧總兵官仍進征雲南二十年四月趙良棟用芳述爲前驅由洪雅榮經二縣出大象嶺之左賊于開山前列五營據橋守險

並于兩岸層布竹排伏賊于後鎗砲交發我
兵欲攻橋口因地險不能進芳述同副將康
嗣元遊擊唐希順等由間道繞出關山之後
舉烽燧爲號首尾夾擊賊不能支退遁關口
芳述督兵奮擊復大敗之追至大渡河降其
僞總兵蔡國明斬獲無算時胡國柱距建昌
聞關山大象嶺俱失棄建昌走雲南芳述遂
復越雋昆山等衛旋率師渡金沙江會大軍
取雲南賊兵屯于得勝橋相持累月芳述以

偏師奪取得勝橋板其東西二營二十二年
叙功加左都督三十一年授貴州提督四十
年十一月雲南總督巴錫疏劾遊擊高鑑審
理訟案捏飾並劾芳述牒咨徇隱芳述亦劾
巴錫置咨勿復未會稿遠題有違成例部議
令巡撫察審

上曰李芳述在西寧時甚有聲名此事似曲
在總督巡撫與總督同事未必從公著遣侍
郎溫達前往察審尋還奏高鑑捏詞稟報罪

應徒巴錫未行詳審又不曾同提督具題應
降級李芳述護庇屬員不卽題參應罰俸議
上

上命免芳述罰俸並免巴錫降級四十二年
湖南鎮筇紅苗作亂芳述奉

詔移兵會勦深入苗地平糲塘山及葫蘆天
星諸寨四十二年四月疏言貴州苗民雜處
控制尤在得人保題武職請照文員例以久
任苗地熟悉風土之人揀選坐名題補送部

引

見得

旨李芳述提督巖疆居官甚優訓練兵丁俱
極精勇所奏保題武職事如所請行四十五
年四月

上諭兵部曰國家綏靖疆圉安輯軍民惟專
閫元戎是賴有寔能久鎮邊境懋著勞績者
則獎勤酌庸宜逾常格貴州提督李芳述自
歷行間二十餘載屢立戰功及莅事黔省馭

軍有法訓下知方威望著聞謀猷益殫現今
舊將閱歲之久罕與比倫用沛殊恩特彰優
異著加太子少保授爲鎮遠將軍以示朕褒
寵勞臣至意四十七年十二月卒于任年七
十有七得

旨李芳述簡任嚴疆素有威望効力年久茂
著勤勞忽聞病逝朕心深爲軫惻下所司議
卹贈太子少傅

賜祭葬如典禮謚壯敏

梁化鳳列傳

梁化鳳陝西長安人順治三年武進士四年授山西高山衛守備五年大同總兵姜瓖叛化鳳從英親王阿濟格攻克陽和城賊將郭二用就擒敘功陞大同掌印都司時大同左衛渾源太原汾澤諸郡邑賊衆蜂起六年化鳳破大同北窰溝生擒賊將李義張豹二月攻渾源州克三堡破賈莊城擒賊帥王平進攻左衛下之論功加都督僉事以副將推用

五月攻太原賊悉眾殊死戰化鳳身被重創
督攻益力執其僞巡撫姜建勳六月攻汾州
進薄孝義縣穴地置火藥藥發城圯拔其北
關賊帥沈海襲大營化鳳破走之遂下管家
記古善信諸寨堡介休平遙祁縣望風悉降
十月攻太原延安皆下進逼沈海于九臺火
其寨海降遂乘勝進定澤州七年復殲餘寇
於牛鼻寨晉地悉平八年授江南蕪永營叅
將勦石皿鷺鷺二湖盜十二年陞浙江寧波

副將海寇張名振犯崇明之平洋沙總督馬國柱委化鳳署蕪松總兵事至則遣都司談忠出戰名振復圍高橋化鳳親馳援勦擊敗其衆十三年三月寔授蕪松總兵化鳳以平洋沙懸隔海中爲賊佔聚因沿海築垣長十餘里引平洋沙入內地且灌田千頃俾斥鹵盡爲膏腴時海寇鄭成功率衆號百萬先犯崇明化鳳擒間諜督兵逆戰獲賊渠餘衆潰遁十六年七月成功以大艦陷鎮江瓜州直

犯江寧南北申梗化鳳率所部兵三千人疾
抵江寧登高審視見賊精銳盡屯江干遂偕
駐防都統喀喀木副都統噶褚哈分儀鳳鍾
阜二門身先戰拔賊巨燾毀其木寨命勇士
踞高發巨砲飛火鏃乘勢奮擊拏偽總兵余
自新等賊衆奔潰是夜偽帥連營屯白土山
崗化鳳由陸路進兵賊列陣迎師化鳳督諸
軍自下仰攻生拏偽提督甘輝等賊大敗奔
北化鳳追斬甚衆別遣部將燒賊船五百餘

艘賊衆目相蹂躪溺死者無算江南遂通成
功敗遁入海化鳳遣將防崇明賊果薄城下
適化鳳兵自江寧回聲勢相應括民舟出白
茄港絕流迅擊賊復大敗成功僅以身免十
六年八月授輕車都尉世職

賜金甲貂裘十七年擢蘓松提督加太子太
保左都督化鳳疏言蘓松濱海要地延袤八
百餘里原設標兵僅二千餘名請酌調省兵
三千八百名立爲中左右前後城守六營以

寶捍禦下部議行十八年七月

上特詔日海寇入犯江寧時梁化鳳擊敗其
衆繼援崇明保全孤城功亦不小應再敘捷
功加授世職以示鼓勵遂晉爵三等男准襲
八次八月以病乞休

溫旨慰留之九月裁江安盧鳳提督缺以化
鳳爲江南全省提督時議者以海寇初平遊
氛未靖欲立界遷沿海居民于內地化鳳日
沿海設兵以所棄地畝賦之則國旣足兵民

無廢業遷界何爲奏上

詔從其言康熙元年丁父憂令在任終制十
年十一月卒于官

賜祭葬如典禮贈少保謚敏壯以其孫作長
襲爵四十二年

聖祖仁皇帝巡幸西安府遣官奠其墓子鼎
另有傳

許占魁列傳

許占魁陝西蒲城人流寓遼東

莫子正傳

世祖章皇帝順治二年隨豫親王多鐸定江
南授陝西陽年閏叅將六年二月僞侯趙榮
貴擁僞秦王朱森金聚衆數萬犯階州占魁
從間道山碧魚口襲其後而先與定西將軍
李國翰臨鞏總兵王允久期師夾擊遂大破
賊衆陣斬森金榮貴及僞叅將二俘男婦二
百餘人十一年七月遷山西平陽副將時土
賊張武擁僞魏王朱秀唐刦掠聞喜縣占魁
與遊擊苗成龍等分路搜勦敗賊于柴家峪

斬首百餘級於朱秀唐等十五年調陝西西
寧副將十六年八月以裁缺調直隸紫荆關
副將

聖祖仁皇帝康熙九年擢延綏總兵官駐榆
林十三年陝西提督王輔臣定邊副將朱龍
俱叛應吳三桂十四年三月古魁舉首朱龍
所與逆書疏言臣雖武夫亦聞大義豈肯移
忠貞之素志遺臭名于萬世

止嘉獎下部議敘加都督同知銜先是延綏

標兵調征四川者過半至是朱龍等窺榆林
防守單弱屢糾衆來犯古魁遺副將張國彥
孫維統遊擊謝鴻儒錢應龍等分路堵勦又
自督兵勦賊綏德旣已踞城出拒河濱我兵
以砲擊斃賊數百終未能薄城古魁慮賊襲
榆林滴張國彥孫維統大破賊兵于懷遠縣
遂率孫維統謝鴻儒等回榆林張國彥回守
波羅堡未幾朱龍煽誘波羅營千總劉尙勇
等突逼張國彥劫奪

勅印國彥禦賊力竭閭門自焚死叛將孫崇
雅引賊衆戕神木道楊三知知縣孫世譽守
備張光斗等遂據神木縣城賊勢猖甚占魁
遺子登隆詣

關告急

上授登隆鴻臚寺少卿

詔趙瑛駐大同之將軍畢力克圖副都統覺
和託移師援勦占魁復分遣孫維統錢應龍
等往隨覺和託兵勦賊於斬無算魚河响水

波羅三路營堡及神木縣俱復畢力克圖進
復綏德延安朱龍孫崇雅劉尙勇相繼就擒
伏誅殉節之張國彥楊三知等皆
賜卹贈榆林從征將弁並

特勅議敘占魁疏言自叛提王輔臣令逆協
朱龍竊踞定遠遂陷綏德米脂及葭州神木
賊騎竟至歸德堡北踞榆林僅二十里許臣
集閣城官員士民誓死守城遣調兵馬擊賊
潰遁人心始堅嗣因臨洮鞏昌安慶平涼漢

中興安固原相率從逆獨存榆林孤城餉道
阻隔粒米如珠百姓日食糠粃臣罄捐家貲
于邊地購米計日給散及大兵旣至道臣高
光祚措辦糧草軍需不匱諸將士各奮勇擊
賊刻期奏凱回思逆賊環逆之時榆城危若
纍卵今得安全如常者皆由閣城文武同心
兵民合力宣揚

聖上威德堅守三晉門戶保全數萬生靈旣
派復十五城堡又招回兵民二萬餘人安輯

得所今出征有功人員已奉

恩旨察敘其在城各官勞績謹另冊開報所
勅部核議以爲困守孤城者勸

上諭吏兵二部曰鎮臣許古魁道臣高光祉
及文武各官勦禦賊寇保守孤城措辦糧草
安輯地方寔心任事深爲可嘉俱從優議敘
于是光祉與各官加職有差占魁晉左都督
予騎都尉世職尋以病而疏乞罷並奉

溫諭慰留十六年八月擢銜儀衛銜銜使古

魁聞

命復以疾劇乞罷得

旨卿久鎮岩疆勦誅賊寇安輯地方勞績茂著特擢銜儀使正資倚在覽奏以病乞罷情詞懇切准馳駟回藉調理仍支原俸俟病痊起用十二月卒于家年七十有二

勅所司予卹兵部議加贈禮部以銜儀使舊無卹例奏上

特旨贈太子少保

賜祭葬如一品價謚曰恪敏長子登隆仕至
雲南臨安知府次子登伋襲世職

漢名臣傳卷四終

漢名臣傳卷五

劉 樾 吳 英 趙申喬 陳廷敬

王 熙 宋德宜 姚絺虞

劉樾列傳

劉樾直隸大城人順治三年進士時

簡新進士十人分用六科遂授樾戶科給事中疏言頃見燕按察劾嚴小吏而寬大員非有司多不肖而道府多賢也勢位漸崇情面難破卽加青州道韓昭宣受賄縱釋叛賊多

至十四人巡撫楊聲遠僅議令住俸勦贖罰
不蔽辜請下部飭究昭宣坐視責四年轉兵
科右給事中以秦州遊擊潘延吉棄城遁劾
江南巡按宋調元濫舉失當調元亦坐革職
是年槩循太計拾遺例揭山東聊城知縣張
守廉住欵吏部奏令所司勘議以守廉住失
察吏役罰俸三月槩誣駐坐革職十年正月
吏科都給事中魏象樞疏奏行大計拾遺例
且言順治四年

上未親疏科臣劉捷糾拾坐誣褫革于法未
爲平允得

旨糾拾反坐言官壞吏治塞言路以後科道
糾拾官卽準大計例議處如科道挾私妄糾
訐吏部都察院指實叅奏又

諭曰吏役詐贓知縣全無覺察僅議罰俸言
官反議革職劉捷明有冤抑其令吏部察奏
奏上

命以原官起用六月授兵科左給事中十年

充福建副考官十一年五月疏言近畿水澇
之後地畝可耕方春農事尤急請

勅撫臣檄州縣手存留銀內酌借災黎以備
籽種俟秋成後照數償官仍飭親履鄉村察
核不使假于吏胥俾民得沾實惠十二年五
月因復設巡按御史條上四事一舉劾無約
虛名宜盡悃愾吏而抑巧宦一禁交納以清
賄賂之原一提問無致稽遲貽累一慎開故
無使募役叢弊疏皆下部院行之是日疏言

盜賊鄭成功蹂躪漳泉窺伺省會臣前奉使
人聞詢悉地勢福清之鎮東衛明時曾駐兵
防倭倘復舊制可以保障長樂可以藩衛會
城又朱元以來設州治于海壇島明初以倭
怠棄之若設將鎮守可與鎮東互爲犄角仙
霞嶺乃八閩門戶與江西浙江接壤易于藏
奸宜設官控制招民以實其地使賊無隙可
乘又海賊數犯京口皆泊州平洋沙爲巢穴
若乘賊未至移官兵駐鎮其地賊旣退無可

漢書卷之九十三
三
據必不敢深入內地疏下各督撫酌議以海
賊分道人寇請

勅鎮海將軍石廷柱等驅勦後分別駐守十
三年授山西河東道十五年轉河南鹽運道
明年遷湖廣按察使尋擢本省布政使十八
年總督張長庚巡撫楊茂勳交章薦其操守
廉潔才識精詳協濟滇黔兵餉至八百餘萬
并清通賊壅地及除鼓鑄積弊數事疏下部
會擬可母夏四籍康熙二年服闋補江西布

政司十四年內陞太常寺卿十六年遷大理
寺卿明年三月擢副都御史五月疏言自吳
逆叛亂軍需旁午大計暫停恐法紀久弛人
情易玩今大兵所至漸次蕩平直省督撫絕
無舉劾多以軍需未竣爲辭伏思兵燹之後
殘壞已極正賴賢有司招徠安輯潔已奉公
若使不肖者滋擾何以澄吏治奠民生息盜
賊請令督撫速行舉劾凡經保舉各官或改
行易操一體嚴察不得偏徇干咎

海平非在...
上是其言下部如所請行六月因病乞休
溫旨慰留之

遣太醫診視七月遷吏部右侍郎十二月擢
刑部尙書明年四月病劇再疏乞休

允回籍調理五月卒于家得

首劉樾宣丸有年勤勞素著下部議卹
賜祭葬如典禮諡端敏

吳英列傳

吳英福建莆田人幼爲海賊掠置島中更姓

王康熙二年九月赴泉州投誠給守備劄三年提督王進功征海賊鄭錦拔銅山城叙功加都司簽事銜尋授浙江提標都司十三年逆藩耿精忠叛偽帥曾養性連結叛鎮祖宏勦陷溫州分犯寧波紹興英隨提督塞白理擊敗賊兵招降偽總兵李榮春等遷提標左營遊擊十四年四月提督常進功領水師至毛頭洋我軍先進者爲賊所困英乘船奮進用砲擊死賊將朱飛熊賊驚遁七月曾養性

祖宏勳率賊十餘萬犯台州英獻計塞白理
伴修茅坪山徑潛引兵從仙居縣涼棚小道
襲賊後賊踞黃岩縣半山嶺以拒英同遊擊
曾承等冒矢石前進陳斬僞都督劉邦仁邱
天陞等及賊兵二千餘尋復黃岩縣城九月
遷提標中軍叅將十五年二月貝子傅拉塔
規復温州曾養性祖宏勳率賊三萬餘用木
馬拒阻乘夜焚劫我營矢集如蜻英所乘馬
中袍斃卽斬賊奪馬力戰衝破木馬賊返走

追斬及溺水死者無算六月隨提督石調聲
援象山賊屯踞石門西溪二嶺英同遊擊侯
奇副將汪國祥叅將饒承德分兵三路前抵
黃溪擊沉賊船殲殪甚衆遂復象山縣九月
康親王傑書進征福建耿精忠降檄曾養性
祖宏勳率衆還閩温州平僞總兵馮公輔猶
盤踞松陽山中英入山招之出降其党林惟
仁等屯處州之杜溪周公源口及黃皮山楊
梅灘諸處英相機勦撫斬賊五百餘降惟仁

及弁丁千餘名十七年五月海賊鄭錦犯泉州康親王檄提督石調聲赴援英率兵隨征偽帥劉國軒據洛陽橋英從上游陳山埧渡汀以奇兵出賊後乘賊返顧乘造浮橋濟師前後夾攻斬賊六百餘級九月遷福建督標中軍副將尋爲先鋒赴援漳州偵知江東橋爲賊所焚燬賊眾分踞山寨英直前勦殺破其營壘轉戰至江邊用砲擊沉賊船督造浮橋以通漳泉路十八年四月劉國軒復引賊

萬餘屯郭塘歐溪頭謀奪江東浮橋英率本
標兵擊走之十二月擢同安總兵官十九年
二月提督萬正色進征海壇英同寧海將軍
拉哈達巡撫吳興祚由同安港口進攻破泗
州尋尾二處賊寨分兵徑渡拉哈達由中路
興祚由左英由右用砲擊沉賊船賊大潰遂
克廈門僞鎮張雄黃瑞吳興隆吳俊率眾降
是年十一月英奏復原姓二十二年正月調
興化總兵官六月同水師提督施琅進取澎

湖英與總兵朱天貴林賢等由入罩嶼乘風
破賊遊擊監理陰賊圍英與施琅衝入擊傷
偽總督林陞救出監理次日進取虎井嶼賊
右先鋒陳諒偽鎮鄭仁等拒戰林賢中傷朱
天貴中砲死英右耳亦中創益力戰大破賊
復乘間躍入賊船手刃鄭仁餘賊駭竄劉國
軒旋與鄭克塽乞降事詳施琅傳二十四年
三月英入

觀

上問有何欲言英奏台灣設兵八千請半爲
鎮守半爲屯種

諭曰邊地屯田古有成法爾具疏奏朕自酌
行籌奏台灣地勢南北延袤三千餘里四面
海勢絕險土番止求衣食素無他願從來小
寇竊發皆內地奸民下海作祟陸師搜剿可
盡前議設水師趕繪雙篷船一百號不特歲
修多費且恐多船泊外洋或起奸人覬覦之
心請減去十之八留二十船分撥台灣澎湖

專科道議令督撫提鎮會同酌行四月調浙
江舟山總兵官九月擢四川提督先是兩叙
軍功由總兵加左都督銜予雲騎尉世職至
是敘克澎湖平台灣功晉世職三等輕車都
尉三十六年調福建陸路提督三十七年調
水師提督四十四年
土南巡

賜

御書作萬人敵匾額並

御書燕翼詒謀

賜其祖祠四十六年

上南巡復

御書世錦堂以

賜

上詢英閩地有海寇否英奏言海寇斷不至
蔓延若蔓延則在臣等何用但海中與城郭
不同城郭有里甲易于稽察海水汪洋乘一
小舟到處可以藏匿殊難緝獲然多由商販

廟折資本不得已而劫奪不可遠謂之海寇也

上是其言

諭大學士等曰朕名吳英入語良久見其爲人篤寔而明達朕言及海寇其所奏深得窾要

諭兵部曰國家綏輯兵民久安海嶠必資威望素重之臣以昇干城之寄有能久鎮岩疆寔彰勞績者則錫命酬庸宜加顯秩福建水

師提督吳英當王師初定八閩卽親履行陣
自偏裨以至大將敍歷四十餘年比任提督
以來益殫壯猷克修軍紀目前諸將中明習
水性訓練舟師者罕與比倫是用特渙殊恩
膺茲異數著授爲威畧將軍仍管水師提督
事務以示優眷勞臣至意

回鑿後

御製七言詩存問有驅勉防微計未然之句
五十二年七月卒于官年七十有六

詔贈太子少保

賜祭葬如例遺疏言次子應龍第三子應鳳
俱官郎中請以隨標遊擊第四子應鵬襲世
職下部議從之

趙申喬列傳

趙申喬江南武進人康熙九年進士二十年
授商邱縣知縣二十五年八月

聖祖仁皇帝命行取直省賢能官申喬預焉
奉

旨以主事用二十七年四月授刑部主事三十年三月遷本部員外郎以病假歸四十年正月以直隸巡撫李光地薦

特旨召見

諭大學士等曰趙申喬人甚敬慎委以錢糧斷無苟且遂授浙江布政使及

陞辭

諭曰浙省財賦之區自張鵬翮陞任後錢糧漸多蒙混惟秉公察核不虧帑不累民方不

負朕委任至意布政爲一省表率爾清廉則
屬吏自皆守法明年正月

上曰趙申喬居官甚清所有家人僅十三人
並無幕客辦事皆躬親火耗分厘不取昔伊
陞辭奏云到任不做好官請置重典今觀其
居官若此能踐其言矣卽擢浙江巡撫尋奏
築錢塘江口隄修葺禹陵及增浙江舉人中
額並從之九月湖南鎮筸土民叩

關言紅苗肆行擄殺地方官不究不報給事

中宋駿業因劾總督郭琇衰廢巡撫金璽庸
懦提督林本植昏耄

上命申喬往湖南會同侍郎傅繼祖甘國樞
察勘尋復奏紅苗搶掠狀郭琇金璽林本植
並坐降階黜罷十二月調申喬偏沅巡撫四
十二年八月同提督俞益謨疏請發兵征剿
紅苗又奏言臣與督臣喻成龍令衛永道張
士可賚檄赴鎮筸苗洞爲先撫後剿之計其
歸順苗民已得二十餘寨

上命尙書席尔達等率荊州駐防兵梅圖齡
楚三省提督會同湖廣督撫進剿十二月自
龍叔洞至天星寨分路搜剿斬馘千餘降其
寨三百餘紅苗悉平移辰沅道駐鎮其地彝
論曰近征紅苗貴州提督李芳述親冒砲銃
鼓衆力戰連斬數寨聞趙申喬亦甚強毅也
先是

上南巡由喬朝蘇州府
行在

上以湖南道遠而官吏私征加耗倍于他省
特頒諭旨申飭申喬還建

上諭碑亭勒石通衢疏劾巴陵知縣李可昌
等勒派苛斂革職治罪四十五年疏言清源
平溪二衍僻處山隅請改征本色爲條銀以
免運費明年又言漕運旂丁舊有耗增及行
月銀米于起運前預行給發經給事中戴嵩
條奏俟歸次後始發以防虧缺部議通行臣
按湖南道遠于江浙而無耗增獨特行月

銀米以資飛輓今既扣存窮丁不能涉遠必致誤漕且抵通後卽無虧缺而事後補給恐滋胥吏侵蝕諸弊請仍照例給發

上是之著爲令又言全楚延袤數千里介以洞庭之險教職以寒士銓除赴任率多踰限請就湖南北分省選授下部議行四十七年九月奉

命赴湖北察審荊州府同知王侃等侵蝕木稅鞠實治罪疏請裁港口渡私稅其荆關稅

務仍歸部差管理又請以靖州屬鸕鷀關稅併入辰關征解以杜侵漁又言營兵給餉每于正月支領時地丁尙未開征州縣挪移于一時不得不預征于平日官民交累請以隔歲餘存米石撥給兵餉並下部議行是月內閣學士宋大業祭告南岳歸劾申喬輕褻御書下申喬回奏尋奏言大業前曾奉使至衡索餽無厭此次人楚以南岳廟工餘銀札諭藩司董昭祚不必報部而臣以解部充餉

以此摠詞誣劾疏入大業坐蓋職明年八月
疏劾提督俞益謨抽取銜協兵丁食糧至三
十五石之多以教營伍空缺

士命益謨回奏四十九年正月益謨亦疏劾
申喬苛刻請並解任質訊

命尚書蕭永藻赴楚察審

諭大學士曰自趙申喬叅俞益謨武弁始知
敬畏今天下兵額缺而空名食糧者多所關
非細故也七月永藻以劾疏皆實回奏

上命俞益謨休致而申喬得還職十二月內陞左都御史等

諭曰趙申喬任偏沉時甚清廉但有性氣人皆畏其口直與俞益謨互相訐叅彼時亦有以趙申喬爲非者朕細加察訪即彼所轄文武及陝西人良心不昧俱言俞益謨之非無有言趙申喬爲不是者清官固所當惜其言之不可行者朕亦不行雖所言未嘗而並無私見凡事皆實心辦事朕是以護惜之五十

年五月奏請刊部行則例八月充順天鄉試
正考官十月疏劾編修蔣名世所著南山集
子遺錄有大逆語下刑部鞠實正法十二月
疏言直省寺廟眾多易藏奸匪請

勅禁增建從之五十一年二月充會試正考
官十一月疏請禁營兵頂名食糧以清虛伍
又言奉

旨普勉各省地丁錢糧惟潼關衛大同府征
收本色不列蠲例請援奉天台灣例一體蠲

角並

允所請行五十二年四月奉

命赴廣東平糶因奏改電白縣解運瓊州等
府兵米仍征折色免涉海洋之險及回京奏
潮州知府張應詔清廉

上擢應詔爲兩淮運使十月申喬遷戶部尙
書五十三年七月王庄庄頭李必達具呈指
圈滄州民地直隸巡撫趙宏燮請于旂退地
內另撥部議不准申喬上言滄州民地經奉

旨傳國請如撫臣議十二月商人馬維所呈
請納銀萬兩交部領大錢易小錢送局改鑄
下內務府戶部會議將許之申喬亦上言收
換小錢有司責也商人圖利恐致藉端擾民
請勿許皆

特旨允之五十四年十月山西巡撫蘇克濟
疏劾太原知府趙鳳詔受賍三十餘萬兩請
革職寃擬申喬以不能教子致鳳詔居官不
肖求賜罷斥得

昔朕禮遇大臣甚優自始至終無不期其保全凡官員才守靡不詳察朕曩巡狩至龍泉關馳蹕之日曾面詢趙鳳詔噶禮居官何如趙鳳詔奏稱噶禮爲山西第一清廉官朕以趙鳳詔乃趙申喬之子斷不欺朕因擢噶禮爲江南總督趙鳳詔又以居官受賄比之婦女失節朕諭尔言雖鄙俚能如此存心甚佳迨噶禮事敗朕以趙鳳詔居官詢尙書張鵬翮而張鵬翮言其貪婪近晉撫蘇克濟奏

趙鳳詔受賄甚多今聞趙申喬所奏詞意忿
激殊非大臣之体著飭行仍令在任供職鳳
詔緣以婪黷情寔斬決五十六年戶部奏銷
鼓鑄錯誤申喬革職留任明年復充會試副
考官五十九年三月以衰疾乞休

上覽奏

諭大學士曰趙申喬操守清廉始終一轍性
雖燥急而爲人樸直年經八旬病勢料難卽
愈念係革職留在之員可復還原職仍令在

在調理其應賠之項從寬免追尔等速傳此
旨使其早知庶服藥可效也十一月卒于官
年七十有七

賜祭葬如典諡曰恭毅雍正元年正月
世宗憲皇帝以趙申喬與故大學士阿蘭泰
等並宣力効忠

恩賜追卹贈太子太保六年三月湖廣總督
邁柱疏趙申喬應分賠屬員虧帑得
旨爲督撫者或操守不謹勒索屬員或沽譽

邀名徇情寬縱有此二者屬員虧空當令分
賠如趙申喬當日居官操守清廉寔心在事
毫不瞻徇情面寔大臣中之罕見者若照例
令其賠補是清正在任事之大臣與貪鄙庸碌
者同一處分而子孫皆不免拖累殊非激濁
揚清之道此項銀兩不必追賠倘趙申喬名
下再有似此應賠之項俱照此例寬免八年
詔入祀賢良祠尋祀湖南浙江名宦

陳廷敬列傳

陳廷敬山西澤州人順治十五年進士改庶
吉士初名敬以是科館選有同姓名者奏改
廷敬十八年充會試同考官尋授秘書院檢
討康熙元年告歸省四年補原官八年遷
國子監司業游陟侍講學士十一年充
日講起居注官十二年轉侍讀學士充武會
試副考官十四年遷詹事十五年擢內閣學
士充

經筵講官十六年正月改翰林院掌院學士

教習庶吉士九月同掌院學士喇沙里侍講
學士張英奉

諭曰尔等每日進講啟迪朕心甚有裨益嗣
後天氣漸寒特賜尔等貂皮各五十張表裏
兼各二疋十七年正月

詔舉博學鴻儒廷敬荐原任主事汪琬

召試一等授編修七月廷敬偕侍讀學士葉
方藹入直

南書房十一月丁母憂

上遺學士二員慰問賚

賜奠茶酒

諭禮部曰陳廷敬侍從勤勞其母准照學士
品級賜卹二十年熙闕補原官二十一年充
會試副考官時副都御史余國柱以滇南平
定請釐定樂章礼部翰林院會議

郊壇

宗廟仍循順治元年之舊朝會燕饗宜更定
廷敬撰擬十四年

旨下所司肄習二十二年遷刑部右侍郎尋
轉左二十三年正月調吏部右侍郎管理戶
部錢法八月疏言自古鑄錢時輕時重未有
數十年而不改易者今日民所不便莫過于
錢價向日每銀一兩易錢一千今則僅得九
百其故由煨錢作銅夫銷煨制錢其罪至重
然而不能禁者厚利之所在也銀一兩僅買
銅七觔而銷錢一千得銅八觔十二兩奸人
以爲射利之捷徑錢安得不日少而日疵乎

順治十年因錢價賤壅滯改舊重一錢者爲一錢二分五厘十七年又增重爲一錢四分所以杜私鑄也今不私鑄而私鑄自應改重爲輕則燬錢之弊不禁而自決近來產銅之地收稅過重致開採寥寥並宜停其收稅聽民開採則銅日多而錢價益平矣疏下部議行九月擢左都御史二十四年正月疏言貪廉者治理之大閑奢儉者貪廉之根柢欲教以廉先使之儉古者衣冠與馬服飾器用之

具婚喪之禮賤不得踰貴小不得加大今或
等威未辨奢儉之風未除機絲所織花草虫
魚時新時異貧者循舊而見強富者卽新而
無厭轉相慕效積以成風由是富者黷貨無
已貧者恥其不如冒利觸禁其始由于不儉
其繼至于不廉好尚嗜欲之中于人心猶水
之失隄防乞

勅下廷臣傳考舊章官員士庶冠服衣裘飾
用之制婚喪之禮有宜更定者斟酌損益務

合于中制度既定罔敢凌越則節儉之風庶
可漸致疏下王大臣議謂儀制久頒無庸更
定得

旨服飾諸項久經定例禁飭近見習俗奢靡
應用僭亂者甚多皆因所司視爲具文嗣後
須切實奉行務須返樸還淳恪循法制以副
朕敦本務實崇尚節儉至意九月疏言水旱
凶荒堯湯之世不能盡無惟備及于豫而期
當其急故民恃以無恐臣維報免灾荒

聖意之所垂念者敢獻其未議如山東省去年九月題報濟寧海豐霑化水災情形戶部議覆行令委官踏勘十一月以踏勘成災分數應蠲錢糧冊結具題戶部議覆行令分晰地畝高下今年四月以並無捏報分數具題戶部覆准蠲免

德音下逮近省已逾半年遠省將不止一載如此其遲回者所行之例則然耳臣愚謂被災分數卽見地畝高下既有冊結可據卽宜

具覆豁免上宣

聖主勤民之意下慰小民望澤之心中不使
猾吏奸胥緣爲弊實勿循舊例爲便疏下部
議令嗣後巡撫題報情形後速分晰高下具
題戶部覆核無舛卽准其蠲免又疏言督撫
之職在察吏察吏欲令民安非明于擊所之
爲能盡其職也必先嚴禁令謹科條使民遷
善遠罪至于刑清政簡之爲能盡其職也孔
子不云乎上教之不行罪不在民也故欲使

民不犯法而刑辟衰止莫先于行上之教欲
行上之教緊惟督撫是問督撫曰是將左羣
吏夫吏果廉能無敢有加派火耗毋敢黷貨
于詞訟毋敢廢削夫富民然後一意行上之
教而民不懼于刑今吏或不能誠有罪焉然
非盡吏之罪也上官廉則吏自不敢爲貪上
官貪則吏雖欲爲廉而不可得凡所爲加派
火耗黷貨廢削日以曲事上官之不服而又
何有于行上之教使民不懼于刑雖吏勉強

行之而民習見吏之所爲多不法也曰是惡能教我誰其從之是教之不行刑之不止吏爲之也吏之爲之者督撫使之然也方今要務在于督撫得人爲督撫者不以利欲動其心然後能正身以董吏吏不以曲事上官爲心然後能加意于民民可徐得其養養立而後教可行歷代以來有講讀律令之法皆周禮之遺意爲教民之要務我

皇上聖諭十六條頒行已久而鄉村山谷之

民至今尙有未知者宜通飭督撫凡保老癯
州縣官必確察其無加派火耗無贖貨詞訟
無賤削富民每月吉集眾講解

上諭實心奉行爲開具事迹所最先加保
荐不實加嚴處分俾知功令之重在此顧名
思義觸目警心以導群吏而

皇上之考察督撫則以潔已教吏吏得一心
養民教民爲稱職使賢者知勉而否者知懼
洗滌舊染以幾刑清政簡御副

聖主惓惓求治之心疏並下部如所請通飭
督撫嗣後保舉開列寔迹以無加派火耗等
事爲第一條寔心奉行

上諭每月吉聚眾講解爲第二條如保荐不
寔督撫降二級調用司道府降三級調用定
爲例又疏劾雲南巡撫王繼文當凱旋大兵
在滇之時動支庫銀採買米石草束及凱旋
後以所存米抵給本省官俸所存草抵給驛
站前後銀數贏縮相懸卽非侵沒人已而虧

損庫銀幾至百萬溺職不忠何以自解疏下
部嚴察以抵給官俸駟站銀數繼文尙未題
銷責令改照採買原數具題二十五年閏四
月同學上徐乾學奏

旨覽卿等奏進鑑古輯覽具見盡心編纂博
採考訂勸戒昭然有裨治化朕心深爲嘉悅
書函覽時纂輯

三朝聖訓

政治典訓

平定三逆方畧

皇輿表一統志明史廷敬並充總裁官九月
遷工部尙書二十六年二月調戶部九月調
吏部二十七年二月法司逮問貪黷劾罷之
湖廣巡撫張沂因沂未被劾時曾遣人賈銀
赴京詰其行賄何人初以分餽甚眾不能悉
數旣而抵出尙書徐乾學少詹事高士奇及
廷敬會奉

諭此案若嚴審牽連人多就已經審寔者卽

可完結于是置弗問並詳徐乾學高士奇傳
廷敬疏言臣無他才能惟早夜兢兢思自淬
勵不徇親黨不阿友朋上恐辜

聖主殊思下欲全微臣小節乃至積有疑竇
飛語中傷知張汧一案者汧雖臣戚涇渭自
分嫌疑之際尤臣所慎汧旣敗潰遂疑及臣
積疑成恨語涉誣染假使臣稍有私于汧爲
之庇護則汧必深德于臣豈肯扳連幸蒙
聖明洞照一付盈庭公論使臣心迹可自名

節得全破腦剗心未足爲報獨念臣備伍于朝宜擇所處詎可抱良猶夙班行自被謗以來神志摧沮事多健忘奏對失其常度雖

皇上不加譴責而臣心寔難自安且臣父年八十有一倚闥懸望伏乞

聖心憐憫准與回籍得

旨覽卿奏情詞懇切准以原官解任其修書總裁等項著照舊管理二十九年二月起爲左都御史四月疏言臣再領台班每告誡科

道官凡有建白不許豫聞于堂官僚友以滋
指使囑託之弊如中外臣僚果有奸貪不法
因革事宜果有紀綱關係者則當切寔指陳
否則與其生事以塞責不若省事而擇言蓋
毛舉細故剔摘成例馴至刻薄煩碎無裨
聖朝寬大經久之規誠能持重養銳言不輕
發而必當使不肖之徒有所警戒顧忌不敢
恣意爲非此所謂省事而擇言乞

天想以誠科道官勿以無補之言瑣瀆臣又

念條奏貴乎簡明近見冗詞多而論事之言
反少我

皇上聖學聖治豐功懿德日盛月新史官書
之儒臣紀之而且萬方謳歌海外頌禱亦何
待言官于條奏建白之時綴述數端既不足
以揚盛美之萬一兼乖辭尚体要之義致煩
乙覽必厭薄之特

聖度優容不加詰責耳所

勅此後勿踵習前弊多引煩詞如有不遵量

加處分庶幾息便僻之風而作審鄂之氣矣
疏人

報聞又

諭曰科道官所奏之事是否可行自有裁定
若必大事方令建言致進言者少非所以集
眾思廣眾益也七月遷工部尚書三十一年
八月丁父憂得

古慰恤如例三十三年十一月授戶部尚書
三十八年十一月調吏部尚書四十二年二

月充會試正考官四月授文淵閣大學士兼
吏部尙書四十四年正月

賜以詩

題三覽皇清文淵閣大學士陳廷敬作各體
詩清雅醇厚非積字累句之初學所能窺也
故作五言近體一律以表風度四月
士南巡

召試舉貢生監于杭州蘇州江寧廷敬與大
學士張玉書掌院學士揆叙奉

命問卷四十九年十一月以耳疾乞休

允之五十年五月大學士張玉書卒李光地
疾未愈

詔廷敬人直辦事五年三月病劇

遣太醫院診視四月卒

命皇三子允祉率大臣侍衛奠酒給銀一千
兩治喪令各部院滿漢大臣各往弔

御製輓詩云世傳詩賦重又云國典玉衡平
諭內閣及禮部曰陳廷敬夙侍講幄簡在綸

屏恪慎清勤始終一節學問淹洽文采優長
予告之後朕眷注尤殷留京修書仍預機務
尙期長享遐齡以承寵渥遽尔病逝深為軫
惻其察例議卹

賜祭葬如典祀加祭一次諡曰文貞

王熙列傳

王熙順天宛平人父崇簡明崇禎進士戶部
觀政

世祖章皇帝順治三年以順天學政曹溶荐

補選庶吉士授檢討洊遷侍讀祭酒侍讀學士少詹事學士吏部侍郎禮部尙書加太子太保嘗疏請

賜卹明季狗難諸臣范景文蔡懋德等二十八人又議定帝王諡典罷宋臣潘美張浚從祀議北岳恒山舊立廟曲陽非是當移祀渾源州皆從之十八年以疾解任康熙十七年卒諡文貞熙由順治四年進士改庶吉士授檢討十年二月

上親試會習

國書翰林熙烈次等

諭令勉力學習尋遷司業中允洗馬諭德會
初設

日講官以熙同學士麻勒吉胡兆龍等充之
命每日直講十三年轉庶子遷侍講學士十
四年七月擢宏文院學士

上曰父子同官古今所少以尔誠恪特加此
恩九月充

經筵講官十五年教習爲詩士充武會試正
考官擢禮部右侍郎兼翰林院掌院學士十
七年六月

上命造直房景運門內熙與諸翰林分班直
宿十一月考滿加禮部尙書十八年

聖祖仁皇帝御極復內三院舊制熙緣諒宏
文院學士尋轉禮部左侍郎康熙三年以失
察欠糧舉人入場削尙書銜降一級留任五
十年十一月擢左都御史十二月疏言藩息

兩司總理錢穀刑名守巡各道分蒞各府州縣職任甚重其貪穢暴酷者固爲民害卽間冗衰庸病廢者亦足貽悞地方乃近來督撫因其地近情親弭縫便巧互相容隱糾劾無聞請

勅部嚴定狗庇處分得

旨如所請六年疏言六部滿洲員外郎主事與郎中一體辦事乃漢官則以一司之事專委之郎中其員外郎中主事不過積俸待遷

自後應照滿官例各勒職業其不辦事者即
行劾罷今各省開倉抽分造船等事已歸有
司管理停遣部員其戶部漢主事二十八員
工部漢主事二十員當酌議省減在京六衛
管征錢糧二千餘兩設守備于總等官三十
六員寔爲冗亦宜裁併疏下部議員外郎
主事令與郎中同辦事裁戶工二部主事十
七員于總六員又疏言近例招民百家送至
盛京優授知縣恐有不肖奸民借資爲市貽

害地方宜改授散秩以絕僥倖又現任官員
捐助銀米博取議叙每云設法捐輸夫設法
之中何可究詰名出私橐寔則取自民間請
一切停罷並從之又疏言入旂官學教習向
以息拔歲副貢監生考取近因人少參用納
粟監生不肖文理優長請改令舉人預考禮
部會同監臣嚴加考選並分派博士助教等
官時至官學稽查教習勤惰及諸生學業課
程得

育國子監作表人才教習宜嚴加考試選用
文理優長之人復派員赴官學稽查勤惰下
所司詳議行是時平西王吳三桂駐雲南平
南王尚可喜駐廣東靖南王耿精忠駐福建
韓兵踰制三桂驕縱尤甚熙疏言直省錢糧
大半耗于雲貴閩廣之兵餉就雲貴言藩下
官兵歲需俸餉三百餘萬本省賦役不足供
什一勢難經久臣愚以爲滇黔已平綠旗額
兵亟宜汰減卽藩下餘丁亦宜散遣屯種則

勢分而餉亦裕下部議令平西王與督撫提
鎮酌籌裁汰熙又疏言閩廣江西湖廣等省
官員自置貨物售之所屬兵民或指稱藩下
挾勢橫行放債取利省會要區徧置官商佔
踞盤剝致小民以貿易爲生者顛連失業請
勅部詳議王公將軍督撫提鎮大小官員如
有持已資與民爭利及奸商借藩下勢橫行
者嚴加治罪

旨下部申嚴禁例七年五月疏言近因天氣

亢旱金星晝見

詔臣工指陳闕失伏念

世祖章皇帝精勤圖治諸漕政務皆經詳定
數年未有因言官條奏改易者有因各部院
題請東張者有會議與章者則例繁多官吏
奉行苟以任意輕重乞

勅所司詳察現行事例因變法而滋弊者具
題改遵舊典其近年新例寔有便于今日者
亦條晰不得不然之故統候

睿裁定奪畫一永遵

上命各部院如所請條議于是鄉會試仍用
入股文又前此都統內大臣閣部以下官儀
衛踰制修築黃河工程不立限期刑部獄囚
霜降後未經依律朔審至是改遵舊制其繁
例就刪者復數十事八月疏言逆人誑私寄
贖財物稟部行提致累無辜請
勒部察明原案有無財物不得遽准勾取至
高逃之人物故其妻子請免流徙下部議行

九月遷工部尙書十二年五月調兵部尙書
十三年三月疏言逆賊吳三桂負
恩反叛肆虐滇黔毒流蜀楚散布偽劄煽惑
人心今大兵已抵荆南元惡且夕授首逆子
吳應熊素憑勢位擅利散財蓄養亡命種種
流言訛傳不止大寇在外大慙在內不早爲
果斷貽患匪輕且大逆不道不限籍之同異
律皆處斬討平三桂之後脅從者或邀
恩宥而首惡必無可寬應熊之當誅戮無待

再計決者宜速正典刑傳首湖南四川老賊
聞之必且魂迷意亂氣沮神昏羣賊聞之內
失所援自然解體卽兵士百姓聞之公議所
激勇氣自倍至應熊羆隨人等已發禁刑部
人眾則難防時久則易玩宜卽

勦法司說別情罪重者立決次者分給各旂
消除內變之根源掃蕩逆賊之隱禍務其急
於此

上命王貝勒大臣核議事詳三桂傳十四年

詔部院堂官各舉堪勝司道者熙疏荐原任御史郝浴侯補司道鄭端周体觀等

詔舉博學鴻儒疏荐原任推官尤侗中書汪懋麟皆次第錄用十七年十二月丁父憂二十一年五月授保和殿大學士兼禮部尚書二十五年重修

太祖高皇帝寔錄告成加太子太傅時編纂三朝聖訓

政治典訓

漢名臣傳

平定三逆方畧

大清會典一統志明史並充總裁官二十七
年二月給事中高層雲疏言頃見王大臣會
議典祀于永康左門大學士王熙余國柱李
之芳向康親王傑書等跪語移時伏思天潢
貴裔主大臣祀宜致敬獨公同議事

天威式臨非大臣跪諸王之地亦非諸王受
跪之時請

勅部申飭

諭曰朕召大臣議事如時久每賜坐語大臣與諸王會議公事不必向諸王行跪潔書王熙等俱從寬免議是月充會試正考官三十一年以足疾請解任奉

肯卿自

世祖章皇帝時簡侍禁筵恪恭盡職朕屢加擢用漸進綸扉夙夜殫心勤勞自勵今舊臣凋謝惟卿獨在班列雖精力就衰而老成練達常侍左右殊有裨益其勉自調攝照舊供

職不必求罷嗣屢疏乞休四十年八月

允致仕晉少傅明年四月

特遣侍衛五格賚

賜肴老舊德匾額及對幅傳

諭曰卿歷官最久自去歲告病在家無日不
念老臣也近日九卿皆求匾額字對想卿身
雖在告心未嘗一時不在朝中故特書以賜
卿其勉強養食輔以醫藥慰朕不忘舊臣之
至意四十二年正月卒于家年七十有六

命直郡王允禔大學士馬齊侍衛海青馬武
奠茶酒時

上南巡傳

諭直郡王曰前此大臣病逝間有命皇子臨
其喪者從未施拜奠之礼大學士王熙因係
世祖章皇帝舊臣特令王行礼舉哀致奠

賜祭墓如典礼謚文靖五十年四月

上追念數十年中諸大臣

諭及王熙服官最久盡力矢忠保全名節云

世宗憲皇帝雍正八年入祀賢良祠

宋德宜列傳

子駿業附

宋德宜江南長洲人順治十二年進士改庶
吉士十五年授編修康熙三年遷國子監司
業六年擢秘書院侍讀八年二月遷國子監
祭酒五月遷侍讀學士十年三月充
日講起居注官

經筵講官十一月擢內閣學士充纂修

太祖

太宗聖訓副總裁十二年擢戶部右侍郎疏
劾龍江關大使李九官解銅赴京欲給門票
以銀四十兩賈夜餽德宜私宅

聖祖仁皇帝諭嘉德宜舉首餽遺不負簡任
下部議李九官罪褫其職十四年調吏部有
侍郎十五年二月充會試副考官八月轉吏
部左侍郎十六年四月擢左都御史六月疏
言國家用兵持久決勝必料狡賊所恃以奪
其負固之資而後不戰自屈必察奸民所利

以絕其潛通之患而後所向無前自醜類蠢動以來我

皇上威德覃敷勦撫並用迺者秦閩處定兩粵漸平逆賊吳三桂勢窮計蹙已如釜底遊魂而尙敢遊我師行者非有弓馬精堅之技非有舟車演易之長所恃不過鎗炮而已夫鎗炮專借硝黃而硝黃產自河南山西必奸民圖利私販賊營前經御史朱尙義條奏部議失察處分乃兩年以來並未拿獲通逆販

賣一人因循玩愒縱奸乘間夾帶致內地硝黃值價日復湧貴乞

天語嚴飭督撫提鎮于附近賊境之隘口間道遴選將弁巡緝奸販庶狡謀日絀窮寇可速殄矣疏入得

旨通販硝黃與賊屢經飭禁並無拿獲皆由督撫提鎮稽察不嚴下兵刑二部詳議嚴加處分德宜又疏言頻年發帑行師度支不繼皇上俯允廷臣之請開例捐輸是以酌便濟

時天下萬世共知爲不得已也計開例三載
所入二百萬有餘捐納最多者莫如知縣至
五百餘人始因缺多易得踴躍爭趨今見非
數年不得選授亦徘徊觀望宜

勅部限期停止俾輸納惟恐弗及既有濟于
軍需亦足徵慎重名器之意又疏言自古沿
海居民借漁樵以資生計故得佐給賦稅貯
備灾荒而利用通商又設立市舶之制

本朝以海氛未靖立禁甚嚴特慮內地奸民

勾引島寇貽誤邊疆耳近者

天威遐布四方日就蕩平宜及此時招携懷
遠撫恤流移令沿海居民願以捕魚爲業者
許其自造漁船商人願通販海島者許其自
造船船官給印票酌仿舊例輸稅其人日買
物往來出入咸稽核之則弛禁仍可防奸裕
民生兼資軍計矣事並下所司議行十七年
正月疏言吳逆煽亂以來各處領兵大將軍
王貝勒及將軍大臣等勦撫立功恢復地方

者固不乏人亦有玩寇殃民營私自便或囑
托把持奢撫各官或越省購買婦女其尤甚
者搶奪民間財物稍不如意卽指爲叛逆今
大兵會剿尅期滅賊之時猶恐借端需索乞
天語嚴勅諸臣洗心滌慮痛改前非務期奮
力滅賊疏下議政王貝勒大臣申飭嚴禁二
月疏言退方未盡

宵旰憂勤

天顏視昔清滅神理之間蘊結未舒尤宜愛

惜保護昔唐太宗銳意勤學其臣劉洎諫以
多記損心宋儒程頤亦曰帝王之學與儒生
異伏願

皇上于紉繹羣書時畧方名象數之繁祛月
露風雲之艷擇其有閑政治裨益身心者講
習討論稍節耳目之勞用保中和之德

上嘉納之時山東文登城守兵以給餉遲延
羣集縣解鼓譟刃傷知縣吳閫啟德宜因疏
劾山東提督柯永綦不恤士卒尅減軍糧致

縱成驕悍事出駭聞又隱匿不報何異養癰
待潰疏下部議察葦永蔡罷任七月擢德宜
刑部尙書十二月調兵部尙書十八年充會
試正考官先是

詔舉博學鴻儒德宜薦主事汪琬生員陳維
崧至是

廷試並列一等授琬編修維崧檢討十九年
三月左都御史魏象偃副都御史科爾坤偕
給事中余國柱御史蔣伊等合疏劾德宜及

御史唐朝葵日要職官員奉

上諭令九卿詹事科道會推閔繫用人致治最重最要今會推江西按察司眾議以右通政張可全等所舉之福建興泉道張仲舉擬正御史唐朝葵言我是福建人深知張仲舉微官不好我不畫題尙書朱德宜初舉湖北江防道楊大鯤山東濟寧道葉方恒及聞唐朝葵不畫題忽改初不舉俱屬不合請勅部察議庶以後會推無所懷私

上命德宜回奏德宜奏臣隨滿漢諸臣集吏部會推江西按察使司諸臣遲久不舉臣因向諸臣云應推簽內有道員葉方恒楊大鯤二人知其操守廉潔才幹敏練隨有御史成其範等議推葉方恒楊大鯤等議推楊大鯤後右通政張可全等議推福建興泉道張仲舉諸臣勦定張仲舉擬正葉方恒擬陪御史唐朝葵言張仲舉不堪推列副都御史科爾坤謂推者是則阻者不合阻者是則推

者不合於是滿漢諸臣議論紛紛自辰踰午
爭持不決臣云眾議未定何如請

旨諭俸論荐無拘現在之舉不舉卽葉方恒
亦不必舉此臣與諸臣商推之語並非因唐
朝藝不畫題而改稱不舉夫盈廷集議原不
禁反覆推蔽非如奉

旨察議事件前後口供不符有處分之例惟
是臣平日孤踪愚戇出語招尤以致無端來
此指摘臣亦惟深自刻責不敢置辨且憲臣

挾二十餘人衆多之口臣獨伸已說卽仰賴
聖明洞鑒而憲臣等之忌臣彌甚乞

嚴飭處分俾得投閒置散以安愚分事下部
察議唐朝葵應韋職德宜應降五級調用

上特簡湖南糧儲道柯永昇爲江西按察使
諭曰會推原令各出所見公同叅酌宋德宜
唐朝葵俱免其處分十一月工部侍郎趙璟
金甌奏陝西官民運餉四川苦累德宜因言
大軍于雲貴需餉孔亟陝西四川互相推委

皆由總督分設川陝並一總督是則痛癢相
關隨地調發可以酌劑均平

上命改陝西總督哈占爲川陝總督二十一
年靖逆將軍張勇以甘肅邊防緊要請緩裁
前此添設官兵部臣均議如所請德宜別爲
一議言當日因河東逆賊變亂添設馬步戰
兵原議事平裁汰者應卽裁汰其將軍標下
前以步兵二千名改爲馬兵宜仍復原定經
制馬六步四惟因防邊添設之兵可無議裁

上遣尙書哲爾肯往會將軍督撫提督閱核
留河州寧夏添設防守之兵不裁餘仍復原
定經制如德宜所議是年十月調吏部尙書
二十三年授文華殿大學士克

政治典訓一統志總裁官先是重修

太祖高皇帝實錄德宜亦爲總裁官二十五
年告成加太子太傅二十六年六月卒年六
十有二遺疏上得

肯宋德宜簡任機務宜力有年清慎素著勿

聞溘逝深爲憫惻下所司議卹

賜祭塋如典禮諡曰文恪

詔遣官護送由駙歸襯子駿業康熙二十四
年由副榜貢生授翰林院待詔

御書處行走尋遷兵部主事員外郎工部郎
中禮科給事中二十七年轉兵科掌印給事
中四十一年疏劾湖廣總督郭琇提督林本
植巡撫金璽總兵甯如等曰苗徠性本獷悍
使之畏懷庶不致擾害良民此封疆大臣專

責近聞鎮筵士民叩

閣一疏言紅苗搶奪恣肆蓋由督撫提鎮平時不能嚴飭屬員加意撫輯及事發又不卽奏請剿撫種種玩愒已盡在

聖明洞鑒中卽

特遣大臣到彼相度機宜彼處官吏各懷瞻顧上司之意必多方容隱真情豈能盡得况郭琇向騖虛聲近益衰廢加以林本植之昏辜金奎雷如之庸懦恃祿養癰視民命爲兒

戲置封疆于度外以致釀成刁悍祈立
賜罷片另選賢能代任庶不致回護而剿撫
得協机宜

上命侍郎傅繼祖甘國樞浙江巡撫趙申喬
會審得實郭琇林本植金玺雷如等並坐徇
隱降章有差四十二年駿業海遷鵬臚寺卿
右通政左僉都御史四十六年遷宗人府丞
左副都御史四十八年擢兵部右侍郎五十
二年四月卒

賜祭葬如例

姚締虞列傳

姚締虞湖廣黃陂人順治十六年進士授四川成都府推官康熙六年總督苗澄巡撫張德地疏達其廉能素著審釋叛案株連獄囚十七人舉爲卓異吏部以締虞有承審贓銀折算虧數經刑部指駁之案謂所舉不實聖祖仁皇帝諭曰選擇卓異官員乃欲鼓勵才能欲得賢者之意推官姚締虞審問贓案

以潮銀九兩有奇折算五兩並非自取飭部
再議於是準其卓異會裁推官改補陝西安
化縣知縣九月行取引

見以科員用十五年四月授禮科給事中十
七年二月疏言

國家制科取士三年一舉拔其尤者數十人
讀書中秘草茅新進驟列清華便爲顧問論
思之階與舊大僚相頡頏散館之後編檢諸
員又無限數卽請假去來隨到隨補隆重無

比顧懸異數原以待真才而膺厚息或未盡
實學臣見

世祖章皇帝時考選庶常曾分省課試兼採
鄉評近來數科行引

見館選之例我

皇上聰明天縱自有甄別然其平日之學行
恐驟難定也請自康熙十八年會試爲始考
選庶常分別某省若干人試以若干藝或年
少必具美才或老成必負重望方與其陞遷

否則寧嚴勿濫焉臣又見

世祖章皇帝時翰林院有外轉之年例凡以課寔學驗寔政也數科以來散館一留循資較俸自能漸致卿貳倘其中有謂成例已定安坐待遷者尙肯盡心學問耶夫旣陟大僚則政務殷繁刑樂兵農刑名錢穀料理之不遑而章句筆墨誠非所及耳若講讀編檢翰林仍宜間一考核學行優長者陞轉不稱者調用庶競相鼓勵不至開天下訛議清華之

端疏入

報聞是年充江西正考官十八年八月疏言
科道一官凡生民疾苦官員奸貪當知無不
言有聞則告

朝廷擇其可行者而行之或有可省者而省
之君父寬大之恩與臣子指摘之密並行不
悖所重者在公私誠偽之間而不在乎一言
一事之虛寔是我

朝原無不許風聞言事之例自已故憲臣艾

元徵有請禁風聞之條奏誠恐科道中有不肖之人或快一己之息仇或受他人之指使一念涉欺貽害不小故深惡而痛絕之耳然未可以概凡爲科道者詎意因循至今遂成定例竊思言官出入

殿掖之間萃處

輦轂之下無論都門以外凡事俱屬風聞卽近在比隣非曾經目擊者亦風聞也風聞禁而言氣靡矣言氣靡而中外無顧忌矣譬之

養文所以吠盜若謂無盜而養不吠之犬亦
何益于主人哉我

皇上誠取

世祖章皇帝時諸臣奏議間一

省覽之亦何如審諤也今者相率而以條陳
爲事豈前之人盡忠剛而今之人盡浮懦哉
惟恐僥倖一言暴棄終身也平時無以作其
敢言之氣而臨事一旦欲其慷慨直陳難矣
臣每思具疏論列而以身居言職迹涉嫌疑

轉輾胸臆今當直言無隱之時正披肝瀝胆
之日况言官之設原以磨切當路乃我

皇上之鷹犬若非

天語重頒誰復有言之者乞

勅在廷諸臣會議如矢志忠誠指奸斥佞卽
少差謬亦

賜矜全如或快已恩仇受人指使章奏抄傳
眾日難掩縱令彈劾得寔亦難免徇私之罪
如此則言官有所顧忌而不敢妄言中外諸

臣有所顧忌而不敢妄爲也。已疏下九卿詹事科道以言事不寔例有處分寢議。

上召詢締虞爾意云何。締虞奏

皇上縱不處分言官。但有處分條例在。言官皆生畏懼。

上曰。人臣爲國。不擇利害。有志之士。雖死不
畏。况降級乎。爾等言官。宜將國家重大事務
詳確敷陳。慎勿草率塞責。如有六奸大貪。糾
劾得寔。朕法在必行。決不姑貸。十二月轉工

科學即給事中疏奏科道之員宜加考試
上以現任科道官宜先澄敘
御體仁閣因孫纘極傳廷俊和監鼎才識平
庸降三級調用

諭嘉緒虞與王曰温李迴條奏詳明克稱言
職宜益加勉勵以副任用二十一年六月疏
言臣起家外吏目擊外官積習有急宜飭禁
者一曰視事情媮之習督撫駐節省會監司
分駐州郡接見趨奉之時多則寔心辦事之

時少每見附郭守令終日奔馳多有夜分庭燎比糧折獄城濫倉庫啟閉不時者不恃胥役雜生弊端且恐盜竊奸徒乘之起釁請令嗣後各官視事早堂不得過辰刻午堂不得過申刻勿轉相伺候以致悞事一日公務沉攔之習專之經督撫者皆有期限白不致延其無期限而沉攔者如布政司則州縣解交錢糧解官交兌協餉往往守候月餘甚至數月按察司則解到人犯或千里之遠或嚴塞

酷暑之時或飢寒疾病之輩乃經旬弼月不
爲審理他如駟道之提點駟馬糧道之收米
支糧皆早一日人免一日之費遲一日人受
一日之累者也應並定期逾期者議處一日
文移遲緩之習凡報盜報災皆有定限有處
分故不敢遲他如貢監舉人之赴京考試鄉
官之銷假赴補由縣至府司院任意耽延胥
役因之而需索每致愆期均宜勒限一日僚
屬宴會游客拜往之習山川景物樓閣池館

處處有之古人公餘登眺亦或偶爾何得呼朋引類晝夜聚飲相率爲常以時則廢公事以費則取民膏矣請責令督撫稽察此四者雖非貪污不檢之條亦有曾經申禁之事而日久積弛有默受其害而不覺者乞

勅部詳議通行禁飭俾內外肅然風清弊絕疏下部議如所請申嚴禁令七月疏言臣辦事垣中見管理鼓勵諸臣有好棍播散揭帖等事一疏業經數日徧行蹈緝杳乎無踪竊

怪督撫京營五城司坊官既不能覺察于先
又不能拿獲于後倘使奸棍漏網人人劾尤
不肯者見事風生賢者裹足而立矣請嗣後
如有此等棍徒潛匿京邸誣讒害人者平時
責成京營司坊稽察不能發覺者以失察論
捕緝不獲者以縱放論

勅部定例俾知儆惕得
旨京城重地奸棍捏造匿名揭帖妄行詐害
殊干法紀下吏兵刑三部會議令五城三營

及入旂步軍緝拿嚴定所司處分二十二年
吏科以內陞外轉屆期請得

旨予締虞內陞遂游遷鴻臚寺少卿通政司
叅議兵部督捕理事官左僉都御史二十四
年三月疏言宋儒周惇頤當理學絕續之關
上接孔孟下啟程朱厥功甚鉅明景泰六年
以道州後裔周冕爲五經博士世襲至明季
失傳今逢

皇上崇儒重道乞

勅廷臣詳議褒錄疏下九卿詹事科道會議
令偏沅巡撫察明清派作世襲五經博士八
月授四川巡撫二十五年閏四月疏言蜀地
疊經兵火荒殘已極官戶鄉紳多流寓外省
雖令子弟復業迨入學中舉登仕版後仍棄
原籍他往百姓見其去來無定亦裹足不歸
若招回鄉宦一家可當百姓數戶且紳宦既
歸百姓亦不待招而自至今察明各屬流寓
外省紳矜一百餘戶請

勅部按照冊內姓名寄籍分行各省驅令復業得

旨四川土廣人稀若居官者盡留他省則川中人益稀少愈致荒蕪矣如所請行二十六
年十一月疏言蒲圻縣許民採鐵抽稅十分之二今已三年稅鐵萬餘斤若解部有累民
力請令蒲圻縣照時價每百斤易銀二兩陸
續解司報部充餉嗣後令採鐵之民應輸稅
一斤者折銀二分可免積久鏽損之虞勞民

違解之累又舊例每歲支帑銀四百六十二兩有奇採買白蠟一千五百餘斤委官解部支運費三百兩近年運費不准支帑布政使捐給解員未可爲常伏思白蠟乃京城易購之物應停止川省採運疏下部議以白蠟產自四川止准停解鈔稅一事

士日白蠟仍前觴送恐致累民其一併停免二十七年四月卒于官遺疏至得

青姚締虞簡任巡撫以來操履勤慎寔心任

事茂著勤勞忽聞流逝深爲憫惻下部議卹
部臣以締虞任巡撫未及三年議給牛墓致
祭

上以其居官素優令給全墓

漢名臣傳卷五終

漢名臣傳卷六

李光地 湯右曾 于成龍

李光地列傳

李光地福建安溪人康熙九年進士改庶吉士授編修十二年充會試同考官尋以省親乞假歸十三年逆藩耿精忠叛海賊鄭錦乘虛入泉州脅耿精忠修好覲久踞其地光地奉親避匿山谷間錦與精忠並遣人誘之降光地以死固拒十四年五月密疏陳破賊機

宜言臣自二賊構亂以來遯迹山谷中賊遣
人延致再三臣以死固拒幸未汚清節以辱
朝廷然踪跡屢危尙未知草莽孤臣能再瞻
天日與否虫蟻微命不敢自惜惟事机緩急
安危所繫未嘗不魂飛情切謹冒險求徹

天聽快惟八閩疆宇福小粮稅稀薄自二賊
割據誅求鞭撲民間之膏髓無復存者粮盡
兵疲而賊之勢已窮矣南來大兵誠宜以急
攻爲主不可假以歲月恐生他變然所謂攻

之急者不可不審也耿逆方悉力於仙霞杉
關鄭賊亦并命於漳潮之界惟汀州小路與
贛州接壤賊所置守禦不過千百疲卒竊聞
大兵分道南來皆于賊兵多處盡力鏖戰而
不知出奇以搗其虛此計之失也臣度仙霞
連浙江杉關連江西漳潮連廣東此三方者
本地守土之兵自足以控制之其汀州一路
宜因賊防之疎選精兵萬人或五六千人詐
爲入廣之兵道經贛州遂轉而向汀州爲程

七八日耳二賊聞急趨救非月餘不至則大
軍入閩久矣此所謂避寔擊虛迅雷不及掩
耳也賊方悉兵外拒內地府州縣盡致空虛
大軍果從汀州小路橫貫其腹則三路之賊
不戰自潰且漳州守臣黃芳慶嬰城固守以
待大軍此不可以不急救而汀漳相近接應
尤極便易伏乞

密飭領兵官偵諜虛實隨機取効仍恐小路
崎嶇更須使鄉兵在大軍之前步兵又在馬

兵之前庶幾萬全惟

皇土裁決施行時道路梗阻置疏蠲丸中遣
家僮夏澤間道出杉關赴京因同里內閣學
士富鴻基奏入

聖祖仁皇帝諭大學士等曰編修李光地不
肯從逆避入山中具疏遣人前來密陳地方
机宜具見矢志忠貞深爲可嘉下兵部錄其
疏令領兵大臣等知之時廣東叛亂大兵在
江西者防守贛州南安未能入閩惟在浙江

者屢敗賊兵由衢州進克仙霞關遂復建寧
延安耿精忠乞降康親王傑書駐師福州令
都統拉哈達賚塔等進剿海賊並訪問光地
十六年正月拉哈達復泉州知光地離安溪
縣七十里結寨而居遣人以所奉

土諭宣示之光地在見拉哈達于漳州軍營
拉哈達白之康親王王以光地寨遭賊亂顛
沛不渝矢志爲

國始終不肯從逆以全名義應予表揚疏

聞下部從優議敘部議于額外陞爲侍講學士來京卽任事遇額缺扣抵得

旨李光地着于額外陞爲侍讀學士九月光地行至福州丁父憂歸十七年閏三月同安賊蔡寅詭擁明裔以白布纏頭爲號結眾萬餘掠安溪光地募鄉勇百餘人扼險防禦戒諸鄉人毋資賊糧賊飢困解去六月鄭錦之僞總統劉國軒等陷海澄漳平同安惠安等縣復犯泉州斷萬安江東二橋南北援絕泉

州幾不守光地使善泗者從水關入勉慰以
堅守無恐援兵卽至分遣兄弟親戚迎寧海
將軍拉哈達巡撫吳興祚兩路兵時拉哈達
駐師漳州值江水泛漲長泰大路阻隔導之
由漳平安溪小路光地之叔李日烜率鄉勇
百餘焚關荆棘以木接護衝圮窄岸其溜深
馬難涉者築浮橋以待光地自出迎十里外
具牛羊雞豚等物饋勞大軍又倡率里人輸
送米糧大軍進行無阻直達泉州賊驚駭竄

入海拉哈達具疏詳述光地志切滅賊接濟
軍需款得

自李光地當閩省變亂之初殫竭忠貞今又
遣人迎接大兵指引道路修平險隘搭造浮
橋饋送食物率領民兵備辦糧米供給兵丁
口糧矢志滅賊實心爲國深爲可嘉着從優
議敘尋

允部議授爲學士服滿赴京遇缺補十二月
光地疏言前者蒙

皇上念孤臣三載蒙難之艱及萬里獻書之
悃閩疆甫定遽錄微臣臣行至途中而聞訃
銜哀守制更遭賊亂臣自知與賊義不俱生
鼓勵宗親毀家紓難幸而封疆元戎赴援之
速臣親叔日燧率鄉兵百餘人度石珠嶺迎
將軍拉哈達之兵于漳平親弟光埏光垠等
以鄉兵千人度白鴿嶺迎巡撫吳興祚之兵
于永春乃將帥仰奉
威靈拯百萬垂危之命延及臣家微臣其何

功之有哉伏讀

旨意據將軍拉哈達題敘之疏投臣學士俯
伏之餘震懼隕越以將軍拉哈達率滿漢萬
餘之兵行朝天石珠嶺烏道之險馬瘃僕痲
千里赴難推美于臣而臣儼然遂蒙優敘

典雖至意心則何安又念臣資質蠢愚了無
才藻獨從少爲六經性理章句之學粗有倫
緒自壬子癸丑間以翰林編修簪筆侍從尔
時固已仰承

聖訓每自念此生得以章句末學執經敷義
少佐

高深此臣之願也至于館閣學士之職主于
贊畫樞机分裁文獻自非老成知軍國大體
及有文章聲望者不能稱也臣年總三十餘
筮仕日淺典故未諳文采不瞻豈宜冒昧而
服大僚近年以來未有具疏辭官之例然離
職家居而再次超擢亦

當代僅行之曠典臣豈敢拘於成格受爵不

護況臣在制未終身猶凶人不敢服其命服
以拜

朝命伏乞

俯允所請先錄戰守文武紳士之勳使微臣
終制赴闕仍以講讀之官仰侍

清光披衍經義庶微臣無不度德之譏

朝廷有不僭賞之美疏入奏

諭已有成命着卽祇遵不必辭十九年八月

至京

論不必候缺卽在內閣學士光地奏鄭錦已
死子克瑛幼部下爭權宜急取之且言素習
海上情形之內大臣施琅可在

上從其言詳見施琅傳光地又疏言耿精忠
罪狀顯著諸王大臣等正在會議渠魁當治
脅從當寬

皇上自有睿裁無俟微臣置喙惟是臣舊同
官原任編修陳夢雷者當耿逆之變家居省
曾有七旬父母不能脫逃及賊以令箭白刃

逼脅伊父夢雷遂爲所折勒授編修固辭觸
怒改降戶曹員外託病支吾律以抗節捐軀
之義其罪固不能辭矣獨其不忘

君父之苦心經臣兩次遣人到省密約真知
確見有不敢不言者當耿逆初變臣避迹深
山欲得賊中虛寔密報消息臣叔日烺潛到
其家探聽夢雷涕泣言隱忍偷生罪當萬死
然一息尙存當布散流言離其將師散其人
心庶幾報

國家萬一臣叔回述此語臣知其心之未喪也至十四年正月耿鄭二賊連和臣聞國家方行招撫之令因遣人往約其或勸諭耿逆歸誠或播流言離間二賊之好使大兵得乘機進取夢雷言賊勢空虛屢欲差人抵江浙軍前迎請大兵奈閉口盤詰難往因詳語各路虛寔令歸報臣此臣密約兩次知其心寔有可原者也北臣入京始聞因變亂阻隔訛傳不一有逆黨希圖卸擔信口誣捏者

甚有因潘下僞學士陳昉姓名誤指爲陳夢雷者今

皇上削平叛亂明正是非使陳夢雷果爲僞學士甘心從逆是狗彘之流臣雖手刃之市朝尙有餘恨今大兵凱旋在卽陳夢雷託病獲降情節親王將軍一一可問至兩次受臣密約皆在患難之中冒死往來之迹非容旁人質証臣若緘密不言其誰能知之臣斷不敢爲朋友而欺

君父伏惟

睿鑒疏下吏部以陳夢雷歸正後不卽赴京
業經革職寢議尋法司議磔耿精忠擬陳夢
雷從逆應斬得

旨從寬免死二十一年五月光地乞假送母
回里二十五年七月赴京仍

命不必候缺卽任原官十月授翰林院掌院
學士充

日講起居注官兼充

經筵講官二十六年正月教習庶吉士三月
以母病乞歸省

命懸缺以待二十七年四月至京禮部劾奏
光地在途遷延以三品卿員弗及叩謁

孝莊文皇后梓宮請交吏部議處吏部議降
五級調用得

旨寬免初光地

陞辭奏對調侍讀學士德格勒學博文優踰
月德格勒同尙書陳廷敬湯斌侍郎徐乾學

等

召試乾清宮

士閱卷畢

諭曰評論古人易評論時人難如德格勒每
評論時人學問朕心不以爲然故召爾等面
試妍媸優劣今已判然人之學問原有一定
分量真僞易明若徒肆議論則不自量矣未
幾德格勒爲掌院學士庫喀訥以私抹記注
事劾罷論罪至是

命廷臣詰問光地光地自咎愚迷妄奏乞
賜處分

上曰李光地前奏德格勒所學甚博文章甚
優亦善古易卦德格勒又稱李光地若以總
督提督任用令同伊母赴任則來若于別處
任用必不肯來因伊等互相奏陳欲辨其真
偽優劣特加考試迨將德格勒治罪又有稱
德格勒被朕左右之人誣陷寃枉坐罪者今
李光地至朕欲明白此事故令詢問據稱德

格勒所作之文全無文氣甚屬陋劣應治李
光地妄奏之罪但李光地前爲學士時凡議
事不委曲從人台灣之役衆人皆言不可取
獨李光地以爲必可取此其所長除妄奏德
格勒外別無妄奏之處始從寬免罪令仍爲
學士嗣後勿再妄奏外任並希圖回籍宜痛
加省改勉力盡職九月充武會試正考官二
十八年五月改通政府十二月擢兵部右侍
郎三十年二月充會試副考官九月同侍郎

博齋徐廷璽奉

命與原任河道總督靳輔往視黃河應修險
工三十一年正月繪圖還奏詳見靳輔傳三
十三年正月提督順天學政四月聞母喪得
旨提督順天學政關係緊要李光地特行簡
用着在任守制光地疏言苦塊餘生重荷
聖恩之厚

聖知之深敢不以殘喘自効顧虫蟻微情乞
給假治喪往返九月子本年十二月抵任并

日夜之力歲科兩試可以看閱周詳報竣無
誤御史沈愷會楊敬儒交章論劾一言光地
誠以

君命爲重當于三年考畢之後回籍終制乃
聞其請假九月即使星夜奔馳將來歲科兩
試勢必潦草塞責况九月以後親喪未遠遂
忍絳帳錦衣談笑論文乎一言

皇上作人念殷故暫爲行權計然在
皇上不妨行權在大臣必當守經爲光地者

哀額再三

聖意未有不俯允者乃竟以治喪九月爲請
方今王道蕩平屬在武臣尙許回籍守制况
敦詩說禮之大臣豈可醜顏充位是日

命光地仍遵前旨行翼日給事中彭鵬劾之
曰光地閔罹母喪宜哀痛瀝情得請乃已然
後

聖主擇人取士之心以光地固辭而弭見光
地爲子奔喪之孝得

聖主俞允而益彰忽以三年之通喪請爲九月之給假於禮則悖於情則乖於詞則不順聖德含容不忍明斥其罪臣以爲宜留者一不可留者十光地由翰林驟躋學士侍郎原因蠟丸封表士達

宸聰完節常經獨蒙

異數正當借此教育士類使真才輩出仰答三恩而有母訃至奉

旨留在燕報稱之心切而哀痛之情微其宜

留者此耳臣以爲不可留者何伏讀

士諭十六章首曰敦孝弟以重人倫督學風
化之表也不乞守制而請給假非所以体

上諭敦孝意也此光地之不可留者一也臣

前任三河知縣恭逢

太皇太后梓宮經臨伏見校尉換班

聖躬護視

天顏哀瘳至今追慕真誠亘古仁孝臣民皆
當則效此光地之不可留者二也光地與臣

同鄉臣踴躍涼涼歲一二至獨聞其母訃卽
刻趨弔听其號泣慘若嬰兒想彼肝腸寸寸
斷矣勉強衡文必多恍惚此光地之不可留
者三也先遭閩變頗矢忠貞未聞不孝而能
忠者也請假九月之䟽出天下皆議其後並
歎其先此光地之不可留者曰也弗請守制
清議沸騰有絕不赴弔者以訟理講道如光
地爲珪爲璋倏忽瓦裂此光地之不可留者
五也光地䟽稱荷

聖知之深殘喘自効請假九個月不誤學差
僉謂九月大功服談言微刺此光地之不可
留者六也定例生童匿喪應試褫革嚴處萬
一犯者起而詰曰侍郎衰經何至此光地何
辭以對此光地之不可留者七也學校所以
教天下之爲臣思忠爲子思孝故登其堂曰
明倫光地以不祥之身儼然而登奈橋門環
視何此光地之不可留者八也本年正月
皇土面議諸臣於禮義廉恥難進易退三申

意焉試問光地今日禮乎義乎進退難易之
謂何悖

聖訓而失本心此光地之不可留者九也度
光地之心必曰

君命也誼何敢辭臣聞宋臣富弼母喪五起
之固辭且曰起復金革之變禮不可施于平
世仁宗許之綱目大書以垂訓後世又宋孝
宗起復劉琪六疏固辭發明曰綱目書固辭
予之也我

命而絕不一辭則忍於留矣

皇土卽罰其忍使之在京守制以動其市朝
若撻之羞光地忘通喪而假易以暫則安于
久矣

皇土卽罰其安使之離任終喪以爲道學敗
露之恥臣與光地家居各郡然皆閭產也今
若此人人切齒桑梓汗顏伏乞

皇土察光地患得患失之情破光地若去若
就之局不許赴任不許回籍春秋誅心如臣

所請萬一光地依然督學則光地得售其術
故哀其辭曰九月且弗獲

命况三年乎而童食者亦曰是欲終之而不
可得也下售其術

土受其名巨鵬實封膺疾首前疏光地十不
可留如稍有涉私是責光地以不孝而先自
蹈于不忠所以跪听傳

旨一一瀝鳴以頭搶地嗚咽而不能自己也
疏入與前疏並下九卿議令光地解任不准

回籍在京守制三十五年服闋仍
命任順天學政三十六年授工部左侍郎留
任學政三十七年十二月授直隸巡撫三十
八年二月奉

諭曰漳河與滹沱河故道原各自入海今兩
水合流所以其勢汎濫可否開通漳河故道
引入運河于運河之東別挑一河使之赴海
着李光地閱視再奏四月光地疏言閱視漳
河現分爲三支自廣平縣經魏縣元城縣

至山東館陶縣入衡水歸運一支俗名老漳
河自山東邱縣東北經南宮等縣與完固口
合流至鮑家嘴而歸運一支俗名小漳河自
邱縣西北經廣宗鉅鹿二縣合與滏河又經
東鹿縣冀州合于滹沱河由衡水至獻縣完
固口復分爲兩支小支與老漳河合流至鮑
家嘴大支復經河間大城靜海三縣入子牙
河而歸淀皆分流入運其入衛之河與老漳
河各有散漫淺平之處應酌量挑濬其完固

口小支河應築雞嘴堤及攔河堤通水入河
至靜海縣田地淹沒因向年開廣福樓及閘
留二莊之故若竟堵諸口又有碍西堤應俟
水退後暫堵來春水涸于閘留二莊水出處
挑河築隄束水歸淀則靜海縣田地不致淹
沒而大城等州縣隄岸均無妨碍矣

詔如所請行光地尋疏報大名廣平真定河
間四府屬州縣凡滹沱河漳河經流之處開
濬疏通由館陶入老漳河與單家橋交流合

已分子牙河之勢至鮑家嘴歸運又言霸州
永清宛平良鄉固安高陽獻縣因疏濬新河
挑挖堆土共佔去民地一百三十九頃有奇
請開除此後錢糧下部議復從其言六月疏
言通州附近六州縣額設紅剝船六百隻每
船給地十頃以爲運丁贍養之費倘遇水旱
收入既寡豈能常令其修船雇夫與民地同
一被災而未得蠲免請嗣後視民地一体沾
恩蠲免下部議不准得

旨此紅剝船地畝若遇災傷着與民地一例
蠲免三十九年二月疏言積弊因循未有甚
于虧空者不可不立法清釐凡雜項不入奏
銷案內錢糧責成盤查上司與正項一例盤
查向例以年終爲限嗣後應自十一月起至
次年奏銷以前止果無虧缺逐項出具保結
否卽立行結報如挪移銀至五千兩以上或
糧米至六千石以上者疑流不准折贖及撥
赦減免廢知畏威法而倉庫加謹疏下部議

行七月

士以大臣子弟遇科場考試取中者多

詔另編字號不致妨孤寒進身之路時給事
中滿晉御史鄭維政各條陳科場積弊總督
郭琇條陳學校弊端並下九卿等詳議既定
議

命錄示光地及總督張鵬翮郭琇巡撫彭鵬
諭曰四臣皆持行清蕪李光地爲學院時官
聲最好今閱九卿等所議果否得當如何方

能除去弊端永遠可守各抒己見具奏光地
疏言

皇上垂念大臣官員子弟夤緣倖進恐妨貧
寒之路

特諭另編字號均數額收仰見

天地無私不遺側陋洵足永遠遵守至點名
授卷後卽入號房不許出號行走及踰牆混
亂俱應如所議以塞弊端者也臣又推廣三
條一勢要勒收開節許考官據實出首卽與

優陞則不惟無所懼而且有所勸可懾營競
者之心一貢院墻垣卑矮巡綽及瞭望守門
軍役無一非受賂傳遞之人若漫無防檢勢
必收受之卷半屬假偽乞

勅外簾監試闕後務精密嚴肅盡絕弊竇一
數科以來鄉會試場中用儒士八人以充分
卷扣數填名書榜之役某卷入某房既可暗
行其奸而考官聲氣不接者亦皆此輩往來
聯絡之近經言官論裁春部覆未准臣深知

此輩積貫作弊宜永行革逐臨期行文各衙門保送繕寫書手應用此三者科場之事臣管見所及也至于學校弊端九卿議如督臣郭琇所奏嚴定處分矣臣亦推廣四條一學臣職司文教遇點差之時宜經

御試擇其議論有本者差遣一教官未選之前宜令督撫會同學臣考驗若歲貢之年老目昏及捐納人員之文理不順者均給銜休致年未壯者令至三十歲以外再行考驗其

現任人員亦按此會同澄汰一生員雖有于
已之事止許子弟家人代告自賄賣者多專
以爲護身之具不讀書無行義保官告官抗
糧包糧興滅詞狀武斷鄉曲甚至窩盜藏奸
故賄賣生員之弊不但孤寒爲之不伸而風
俗因以潛壞也今學臣納賄處分已定嚴例
而生員惡習亦宜懲禁乞

勅禮部推廣舊時臥碑詳明剴切作爲誡條
令學校師生恪謹遵守一邇來學臣率多苟

且從事致士子荒經蔑古雖四書本經不能
記憶成誦僅讀時文百十篇勦襲雷同僥倖
終身殊非

國家作養成就之道前歲

旨下學臣使童子入學兼用小學論一篇其
時幼稚見聞一新胸中頓明古義此以正學
誘人之胡驗也然書不熟記終非已得宜令
學臣于考校之日有能熟誦經書小學講解
四書者文理粗成便與錄取如更能成誦三

經以至五經者更與補廩以示鼓勵庶幾人
崇經學稍助

聖世文明之化又童生既令熟習小學以端
幼志生員及科場論題專出孝經每重複雪
同似富兼命性理綱目以勵宏通者也疏入
仍下九卿等與張鵬翮郭琇彭鵬三疏彙合
定議鄉試另編官字號以民卷九官卷一爲
額論題以太極圖說通書西銘正蒙一併命
題餘詳張鵬翮郭琇彭鵬傳四十二年四月

諭大學士等曰李光地自任直隸巡撫以來
每年雨水調順五穀豐登官吏兵民無不心
服今吏部尚書缺出卽令補授仍管直隸巡
撫事四十二年三月給事中黃鼎楫湯右曾
許志進未駿業王原等合疏劾之曰去歲直
隸報災州縣二十餘處據巡撫李光地疏內
或稱開倉賑濟或稱減價平糶務使民沾實
惠臣等竊計直屬百姓自必安撫有方不致
流移失所乃近見河間飢民散入京畿者甚

多我

皇上由軫民依特令入旂王貝勒滿漢大臣
設廠數十處分行賑濟光地身爲撫臣漫無
經理疏內所稱民沾實惠俱屬空言尤可異
者寧津縣被災更重流亡更多荷蒙

皇上至聖至明無微不至

特勅撫臣前往察勘而光地去歲竟不報災
僅于題叅知縣陳大經內疏稱寧津頗有水
災，匿重爲輕並不將被災人民逃散情形據

實陳奏

聖恩高厚不加譴責復

諭光地選賢能官員將河間飢民領還原籍
仍給籽糧不致化僑失所而光地目擊流亡
不聞出一籌畫碌碌素餐虛文巧飾若非
皇上宵旰憂勤多方拯救止恃光地之撫綏
則流散之民不將盡填溝壑乎光地身膺重
任上荷

聖主之殊恩不能報稱下視生民之疾苦周

知拊循臣等合詞糾叅請嚴加處分以爲大吏膜視民生之戒疏下光地回奏光地奏去歲河間等府屬被水勘明成災州縣三十餘處陸續照例題請蠲免錢糧分別災傷輕重將倉糧散賑出借又設立煮賑二十餘處自去歲十一月起至今未停無論遠近飢民貧民皆許就食其流散者飭地方官分道招令還鄉臣安敢稍涉懈怠以負皇上委任然安集無猶猶有貧民如許散入

其老病所云頗有水災者亦是臣詢訪所得
情形非敢匿重爲輕也其時卽飭知府及署
知縣煮粥賑濟加意招徠然人民旣不能悉
歸本業致有流移臣與地方官之罪又無可
辭者也臣上荷

殊恩不能報稱誠如科臣所云乞

嚴賜處分以儆庸碌以重畿疆臣不勝悚惶
待罪䟽入得

旨不必引咎光地又奏臣謬膺直撫重任五

年之內恭荷

皇上指誨幸免過愆並無功績去年四月仰
荷

特恩補授吏部尙書仍管直撫事臣自知非
分夙夜戰兢果然福極禍生遂逢災眚去秋
所屬河間等處遭罹水淹寔是臣政無善狀躬
躡非幾之所致臣雖極力拯救而安插無術
以致貧民流移入京上厯

聖懷不卽治臣之罪

諭令委官招回原籍無廢農務臣跪讀之下
恭繹

聖言寬大和平而微臣循省恩咎終宵達旦
愧恨不復欲生臣本庸才遭逢

恩盼錫賚迥出尋常一有罪戾亦宜從重處
分以爲叨蒙尸位者戒况六官首職難以久
虛九列崇班從無兼領臣今若懼罪隱忍不
言則厚顏覲面不獨外無以視吏民且內無
以對妻子伏乞

夫恩另簡賢能補授吏部尙書使臣落職待
罪効力却圻窮思畢精以贖愆過庶心稍安
而分可盡疏入得
旨如前尋

諭大學士等曰李光地居官有何可議惟常
爲門生所誑或其人口講道學彼卽信之夫
道學豈易言哉若徒括之空言而無實事則
何益之有八月御史呂履桓劾奏光地於秋
審之事任意斷決

上以光地依律擬非任意斷決

命發還呂履恒奏時給事中王原又劾奏文
選司郎中陳汝弼因光地舉荐由刑部調吏
部初猶矯飾顧名近則專擅恣縱有婪贓情
弊下都察院參議革汝弼職交刑部鞠訊刑
部定讞計贓論絞

上曰人有薦陳汝弼之賢能者故朕簡于衆
郎中內特授選司郎中如受賄是實卽置之
于法以爲衆戒若未經受賄則應寬之令再

審尋覆奏受賄有據應立絞

上察知供証非實下議政大臣九卿等確核
得刑訊選人逼供行賄狀

命免陳汝弼罪原審諸臣革降有差王原以
有囑托私書爲汝弼舉首革職四十四年六
月光地疏劾革職雲南布政司張霖假稱奉
旨販賣私鹽得銀百六十餘萬兩得

旨卽令光地審擬霖論斬家產入官十一月
諭吏部曰李光地居官甚好才品俱優授尚

書年久著陞爲文淵閣大學士調河南巡撫
趙宏燮爲直隸巡撫四十七年十一月

上以廢皇太子允初狂疾漸愈欲復立之

命諸大臣集議保奏尙書王鴻緒附和內大
臣阿靈阿等保奏皇八子允禩

上切責之

諭詢李光地日前召爾入內曾有陳奏今日
何無一言光地奏前者

皇上問臣廢皇太子病如何醫治方可全好

臣曾奏言徐徐調治天下之福臣未嘗有告
諸臣也四十八年充會試正考官四十九年
九月太原摠兵馬見伯請

御選武經七書頒行

上曰武經七書朕俱閱過其書甚難所言火
攻水戰皆是虛文若依其言之斷無勝理
且有符咒古驗風雲等說適足啟小人邪心
今日若欲另纂一書而此時又非修武書之
時光地奏云令習武者讀左傳卽佳

上曰左傳浮誇昔人曾議之不若于武經內
書內分別出題並以論語孟子一併出題也
五十二年三月
賜于叟宴于

暢春園光地得

優賚五十四年六月疏言臣前以瘡毒發體
乞休奉

諭以內閣老臣彫零令臣勉加調攝藥餌食
物

賜賚頗仍枯株敗枿復得更生

萬壽節後臣復申前請又因

垂念理學緒微經書說雜

特加剗輯以惠萬世

御纂朱子全書繼以羣經性理諸編皆煩

聖心裁定臣所承修係易經性理猥以淺劣

未學二三年間荷

皇上殷勤指誨字酌句議縷晰毫分每一經

校正能使愚蒙頓開臣上幸先聖前賢之復

光下喜暮年餘生之有覺是以黽勉從事忘
疾病之在身知其有重于區區之軀命者而
不敢自愛也今稟承

筆削二書將次告成俯念臣年七十有四古
人懸車于數已過而且痼疾纏綿每奏對多
矢儀節

聖主哀矜徃徃令人扶掖而臣何敢自安乎
又臣父歿于閩亂之時寔封畿土臣母之歿
因臣在京守制久未合祔十餘年來臣長子

臣妻臣媼相繼淪喪臣孫幼小未能襄事臣
以草霜風燭之齡前期不能自料誠恐臣身
已極于寵耀而泉下未遠乎哀榮烏犢私情
難免悽惻故敢瀆懇

允臣休致庶微臣得遵止足之戒而稍盡骨
肉之恩伏念人生所難值者太平之世所難
逢者堯舜之君臣身受

特達之知心迹無間日聆

至精之論道法親承則千百年來未有如臣

之幸者臣聞父老扶杖以觀化葵藿傾葉以
向陽臣之遭時如此受

恩如此其樂觀熙皞而傾心

聖明會是野人園花之不如乎抱誠結恋雖
夢寐不敢忘

君寔不獲已而引年求退伏乞

聖主哀而諒之疏入得

旨卿才品優長文學素裕寬宏休容得大臣
之體目簡任機務以來恪共清慎益著勤勞

今雖以老病乞休朕眷注方殷何忍允其所請正資寺毗共樂昇平奈泉壤骨肉之分亦係一坐之要事暫給假二年事完卽來京辦事以副朕篤念老臣至意又

賜以詩有協恭惟得老成儒味道經書翊廟謨之句五十四年四月至京奉

命勘闕大學士王掾等所纂齊秋傳說及檢討張照等所輯篆字經文五十七年正月內閣議上

清名錄卷之二
孝惠章皇后尊諡疏中未書

章皇后部議降三級調用得

旨寬免五月卒于官年七十有七是時

上駢蹕熱河

諭閣臣曰李光地屢經求退其奏摺已呈覽
數次因大學士王掇患病告假故暫止其奏
俟王掇到閣時令其具本奏請並非李光地
貪恋官職而借以爲名也前摺衷心畢露甚
是詳明今覽遺本因陡染重疾辭不達意深

可憫悼遣恒親王允祺率內大臣侍衛往奠
茶酒給銀一千兩令工部尙書徐元夢護其
喪

諭部臣曰李光地久任講幄簡任綸扉謹慎
清勤始終如一且學問淵博研究經籍講求
象數虛心請益知之最真無有如朕者知朕
亦無有過于李光地者倚任方殷忽聞患病
溘逝朕心深爲軫惻所有應得卹典該部察
例具奏

賜祭葬如典禮諡曰文貞

世宗憲皇帝雍正元年追卹

聖祖朝官力効忠大臣贈光地太子太傅十
年入祀賢良祠

湯右會列傳

湯右會浙江仁和人康熙二十七年進士改
庶吉士授編修三十五年充貴州鄉試正考
官三十九年四月棟選編修檢討爲科道右
會與焉遂授刑科給事中十二月兩廣總督

石琳奏瓊州生黎出犯竇停營傷害兵丁由
文武各員婪索起釁

上命侍郎凱音布學士邵希穆往勘右會因
疏言臣閱揭帖有瓊州文武官遣人往黎蘭
採取花梨沉香滋擾起釁多欸總督石琳巡
撫蕭永藻提督殷化行平時毫不覺察恣其
貪毒且黎人拒問事起于上年十二月遲至
一載始行題報其扶罔掩飾希圖欺隱可知
若不嚴加處分恐效尤貽悞疏入得

旨令右琳蕭永藻殷化行回奏各自引罪下
都察議降級有差四十年正月右曾疏言臣
昔在翰林曾充三館纂修官而在
政治典訓館爲最久伏見

皇上敬

天法

祖勤政愛民盛德大業脩具此書內外大小
臣工咸有

天誥叮嚀提撕警覺以至

國家禮樂兵刑典章制度下及民間日用飲食織悉周詳請

勅刊頒行天下又臣昔常分直

內廷幸獲仰窺

御製文集窮千聖之精微彙百家之體制上
闡道統下該治法盡善盡美亘古未有今儒
臣校對繕寫將竣祈

賜刊發以慰四海想望以垂萬世準則疏下
所司知之四十一年三月轉戶科掌印給事

中九月疏言伏讀

上諭制錢鑄小以來私鑄仍不止令九卿確
議欲使錢法流通便民剔弊也旬日聚議大
抵謂應改鑄大錢其舊鑄小錢二年之後槩
行銷燬臣以爲改鑄大錢誠宜仰遵

聖諭若銷燬小錢民間必致驚擾大戶貯錢
多者其苦無論矣小戶或一二十文以爲資
本上養父母下畜妻子甚至肩挑負販之人
不過四五百文終年衣食其中一旦廢置不

用則貧乏失所卽謂暫許行使一二年始行
禁斷民間知二年之後此錢不用誰肯行使
既不行使失業必多至謂官照定價收作廢
銅則錢價貴而銅價錢貴者忽變而爲賤貧
民已恐苦累又况收受之際吏胥措勒奸弊
叢生今戶工二部現存制錢八十四萬帛有
奇若銷燬則工料耗折甚多二年中鑄出新
錢不過一百萬串有奇豈能遍及各省新錢
無多而舊錢已燬奸民乘間圖利恐私鑄愈

繁錢法愈壞是乃萬萬不可者古者患錢重則改輕而仍不廢重爲子權母而行患錢輕則改重而亦不廢輕爲母權子而行今宜仿此遺意令新鑄重錢每串作銀一兩而舊鑄輕錢每串作銀七錢並聽行使積至歲月既久大錢流通則小錢自不行矣疏下九卿詹事科道會議照康熙二十三年定例每文重一錢四分如右會所請並行弗禁四十二年充會試副考官四十四年提督河南學政四

十七年九月河南巡撫汪灝疏述右曾在任
三年至公至明杜絕請托無論生童正案從
不染指分毫卽告頂遊學亦未嘗稍存苟且
至于敷教則寬嚴相濟取士則盡拔孤寒其
清勤自勵之衷直能以

皇上之誥誠爲心跡下部知之會吏科以內
陞外轉屆期請

詔予右會內陞尋疏言歲科兩試遍歷各郡
陝州與葉縣舊爲中學各取進十二名今戶

口額賦倍于舊爲大學之信陽州內鄉縣請
改爲大學取進十五名疏下部議從之四十
八年陞奉天府丞四十九年遷光祿寺卿五
十年累轉太常寺卿通政使五十一年四月
授翰林院掌院學士充

日講起居注官五十三年四月充

經筵講官五月擢吏部右侍郎兼翰林院掌
院學士先後教習壬辰癸巳乙未戊戌辛丑
五科庶吉士六十年六月

諭九卿等口湯右曾在九卿會議處頗多言
所薦之人亦過多著解退吏部侍郎其學問
尙優可專晉翰林院掌院學士事十月疾劇
遣太醫診視六十一年正月卒年六十有七
所著有懷清堂集

于成龍列傳

于成龍山西永寧人順治十八年由副榜貢
生授廣西羅城知縣

聖祖仁皇帝康熙六年總督盧興祖等言羅

城在深山之間狺狺頭悍成龍潔已愛民建
學宮創養濟院任事練達堪列卓異是年遷
四用合州知州八年遷湖廣黃州府同知十
三年二月擢武昌知府值逆藩吳三桂踞湖
南大兵將進征巡撫張朝珍檄成龍于咸寧
縣境造浮橋濟師甫成雨水衝激橋圯部議
革職時吳逆散布偽劄煽誘湖北州縣人民
麻城大治黃岡黃安各山寨皆叛應之朝珍
以成龍素爲黃州人民信服令往麻城招撫

成龍單騎直入賊寨諭脅從者免罪賊衆遂
降復督兵擒斬大治賊黃金龍鄒君升等朝
珍疏言黃屬四十八寨接連數省舊爲盜藪
伏莽易發必得成龍彈壓請復成龍職卽以
爲黃州府知府

上允之成龍尋復率黃岡知縣李繼政于總
李茂昇等集鄉勇二千人偕營兵搜勦賊孽
潰賊衆于石子山及牧馬崖擄僞總兵鮑世
榮僞遊擊何士榮僞叅將陳正澈鄧少興等

十五年十月丁繼母憂總督蔡毓榮等奏令
在任守制十六年十月增設江防道于黃州
擢成龍任之十七年六月遷福建按察使十
八年九月巡撫吳興祚等言成龍執法決獄
不徇情面屢伸冤抑案牘無停不濫准一詞
不輕差一役而刁訟風息擾害弊除捐增監
獄口糧徧濟病囚醫藥倡贖被掠良民子女
數百口貧給路費遣歸屏絕所屬饋送性甘
浚泊吏畏民懷爲閩省廉能第一疏入

旨于成龍清介自持才能素著允稱卓異是
月遷福建布政使十九年二月擢直隸巡撫
時直隸不設總督保定有守道管布政使事
有巡道管按察使事與通永霸昌大名口北
天津諸道各以所司之事達巡撫成龍既蒞
任戒州縣私加火耗餽上官節禮尋據道府
揭報不職知縣劾罷數員而知縣有以道府
因無節禮誣揭捏報控訴成龍者九月成龍
疏言自督撫監司以及州縣上下名義不容

系越未有如直屬之遲訐上官體統倒置者
臣六月抵任檢結舊案如前撫臣金世德之
清慎明決而已故知縣施延寶真顯煜侵欠
庫銀盈千累萬被劾後反訐告道府劾尤成
風恬不知怪臣任事後以驅除貪吏拯救民
生爲務據道府摺報察其已甚者奏劾以示
懲創隨有知縣計告道府兩案皆遞拾往事
混肆污蠱之言且不由守巡兩道徑以驗文
封送似此悍藐將來道府必懷投鼠忌器之

嫌而隱忍養奸法紀頽靡如果道府不法而
撫臣姑容恣害應重罪撫臣若道府揭報屬
官而屬官反噬挾制應加嚴處分以肅法紀
疏下部確議督撫姑容不法道府降三級調
用屬官首告上司在上司揭報後者不准理
革其職已革職者刑部議罪定爲例十月疏
言宣府所屬東西二縣與懷安蔚州二衛有
水衝沙壓地千八百頃有奇小民包糧爲累
經前撫臣金世德具疏請豁部議令照舊征

收臣履任後勘明衝壓益甚耕耨無期窮黎
綿力幾何奚堪永遠包賠荒糧一日不除則
民生一日不遂雖目今師旅未息需餉尙殷
而瀕黔餘孽指日蕩平此後軍需無虞不足
況合計四處荒地糧不過三千餘石銀僅一
千餘兩在

國計爲涓滴之捐而數千餘戶貧民得免包
賠皆頂戴

皇仁矣疏下部議令確勘取結自二十年始

豁免錢糧十二月疏言宣府所屬東西兩城
及萬全左右前衛懷安蔚州保安紫溝西陽
等處俱報夏災又被秋災已奉

恩旨分別緩征並平糶積貯糧石近據通判
陳天棟報陳東西二城二十餘日間飢死者
不下數十人城坊鬧市日有偃仆窮民伏思
平糶糧石止救稍能措糶之民而不能救囊
無一錢殍卧待斃之民卽再疏請賑候部議
覆奉

旨允行亦須一月此一月之內民之飢死者
又不知凡幾矣臣仰體

皇上惠愛元元至意委保定府同知何如玉
等馳赴東西二城及前衛懷安等處勸支平
糶倉糧確察飢困不能謀生窮民每口賑給
二斗俾少延月餘其若後之舉容臣與守道
等酌議另行題請疏入下部議尋奉

詔卽以平糶米石賑濟十二月疏劾青縣知
縣趙履謙征額賦銀一萬餘兩多收火耗三

千餘兩領庫銀一錢賑濟侵蝕久已及勒索
報災冊費等款請庫職治罪二十年正月入
覲

諭曰爾爲今時清官第一殊屬難得聞爾昔
在黃州土賊嘯聚爾往招之卽時投順解散
何以致之成龍奏曰臣惟宣布

皇上威德未有他能

上問屬吏亦有清廉者否成龍以知縣謝錫
衮同知何如玉羅京對

命戶部遣員外郎葉倫會同成龍賑濟宣府各處飢民

詔蠲免本年額征積年帶征錢糧及房稅七月成龍疏言宣府被災地方房稅已蒙

恩免征而真定府屬獲鹿井陘曲陽平山靈壽五縣因夏旱二麥無收其房稅銀兩請緩至來年下部議從之九月

詔曰朕巡行近畿至霸州見其田畝窪下多遭水患小民生計無知何以供給正賦著察

四此案未獲彼案復增一案幸完數案未結
甚有一日而失盜之案數家經年累月攢眉
無策在州縣身在地方既不能消弭于未然
又不能緝獲于事後責無可諉降調允宜但
既降級去任接緝之官事不切已搜捕玩延
強盜反多漏網若議處降一級者仍留原任
能獲一半以上開復原降之級于懲過之中
寓以勸勉必能悉力擒拏不致克徒倖免至
于薦舉卓異行取乃

朝廷超拔人才之典而亦督撫諸臣盡其以
人事

君之義每因一二案未完格于定例遠大之
器困于百里深爲可惜前見江寧撫臣慕天
顏以現有錢糧未完處分之知縣林象祖在
辰旦題請行取奉

持旨俞允仰見

皇上憐才之殷初未欲以成例限人直隸盜
案處分與江南錢糧相等非無品行卓越才

具優長如林任二令者應無論盜案之銷否
一體薦揚以備擢用其捕盜同知通判雖專
司督緝之任但所屬有十餘州縣及二三十
州縣者竟同各州縣一體處分似屬過甚武
職議處既有專汎兼轄統轄之等差則同知
通判亦當視兼轄武職例至督緝道員定例
罰俸之外停其陞轉臣思方面大吏或由京
官改授或由外吏陞任率多練達之才及其
年力精壯正可矢圖報効乃因督緝議處無

復進階之期更爲可惜在承緝官固應停其陞轉限年緝獲而督緝者旣已罰俸似可免其停陞疏下部議不准奉

諭曰朕巡視畿輔自山海關以西永平以東一面傍海一面臨邊盜賊無地潛藏故剽劫猶少至玉田豐潤遵化薊州霸州保定諸處民居稠密盜賊所以繁也今處分之例太嚴恐官民俱累其令九卿等詳議尋議承緝不獲未及二年者免離任督緝道員限滿罰俸

免停陸十二月成龍疏言臣早年失恃繼母
李氏勤劬撫育臣初任知縣欲奉母之任而
力有不能及任黃州知府正值兵興終未遂
迎養之私尋聞母病故督撫諸臣題書在任
守制由是抱哀供職馳驅軍旅之間而臣母
停柩在家不遑顧也今滇南逆孽蕩平我
皇上誕敷文德首扶植綱常敦崇倫理臣謬
任巡撫代宣

聖化亦惟以綱常倫理教人際太平盛時非

復從前多事若不歸葬是貪恋顯榮忘親背
義對屬臨民之際先自懷慙歉又何以教人
乎伏乞

允臣回籍葬母完此一生大事則犬馬餘年
皆圖報

聖恩之日疏入得

旨覽奏情辭懇切准假三個月回籍葬母事
竣速赴任供職越六日

特旨授江南江西總督前此因江西用兵分

設江西總督至是復併爲一二十一年正月
成龍疏言臣乞歸葬母奉有

欽定假期而新承

簡命未可久遲赴任謹循前年直隸守道護
理撫卹之例以守道董秉忠暫護直撫卹務
臣卽回籍葬母事畢赴新任再有陳者前歲
舉劾案內臣以直隸守道董秉忠阜城知縣
王燾荐舉去年遵

旨往宣府賑濟飢民以南路通判陳大棟荐

舉王燮已准行取其董秉忠陳大棟均未予
註册而賢績已達

天聽此外柏鄉知縣邵嗣堯高陽知縣孫宏
業俱堪磨練通州知州于成龍具恬淡之性
優通變之才霸州州判衛濟賢凜清白之操
化浮囂之氣並堪大用茲值離任之際不敢
隱蔽特列名上陳以盡舉賢之悃疏入

報聞下吏部邵嗣堯等准註册六月疏言江
蘇現屆二年舉劾之期臣自四月任事虛衷

察訪屬員有立身以名節自勵而設施未洽
民情行已在清濁之間而舉動未授民怒蓋
賢非循卓之尤不賢非汚墨之甚恐舉之功
之不足以爲未舉未効者愧勵請暫停此次
舉効其賢者臣獎進誘掖徐觀厥成特疏題
荐不賢者教誡以期自新倘怙惡不悛亦特
疏糾叅無稍姑容疏下所司知之是月江寧
知府缺出成龍請

救廷臣曾推清操久著幹練成效與通州知

漢書卷之九十二
三
州于成龍霸州州判衛旣齊相類者吏部以
知府無會推例議上

上命卽以通州知州于成龍陞補江寧知府
十二月疏言臣自入境受事細事必出于躬
親勺水必凜于夙夜凡屬吏進見多方訓誨
隨事整飭察其所守之誠僞訪其敷政之實
嚴亦莫不爭相濯磨矢志釐剔未幾而或以
盜案或以逋欠或以違限屢有處分今遇計
典悉與舉荐之例不符如江蘇布政使丁恩

孔歷任既久參罰因多既不敢違例以入卓
異之列又不敢拘例以蹈蔽賢之愆現將人
懇乞

親賜諭訪破格擢用疏下吏部都察院以毋
庸議覆奏得

旨丁思孔准爲卓異旋卽擢任偏沅巡撫二
十二年十月督造漕船副都御史馬世濟還
京疏言總督于成龍向有聲譽初到江南美
名如故聞其自在用中軍田萬侯之後人多

白回奏成龍奏臣到江南期以興利除害察
吏安民仰報

知遇無奈兩江之吏治營務刑名錢穀繁劇
實甚臣晝夜拮据躬親料理從不敢寄耳目
于左右然近習難防或有窺伺欺弄臣亦安
能保其必無憲臣馬世濟疏稱中軍田萬侯
倚勢作弊臣實未之覺察也至于告示一節
或地方之利弊民生之疾苦臣有見聞卽通
行禁飭無非以利害禍福之言痛切告誡其

詞未免過于峻勵似涉穢言汚辱憲臣馬世
濟疏稱小人播弄令其虛張聲勢就中取利
臣亦未之覺察也此皆臣之衰邁昏瞶何以
自解若夫臣之年近古稀景迫桑榆久在
皇上洞鑒之中雖殫精竭慮不敢稍自寬假
然氣衰力疲龍鍾之狀大非昔比臣又何敢
自諱乞

勅部嚴加議處以爲大臣溺職有初鮮終者
之戒疏下部察議兵部言成龍旣稱田萬侯

倚勢作弊就中取利未之覺察應革田萬侯
副將職吏部言成龍既自稱景逼桑榆衰邁
昏聩應令其休致

上命成龍畱任田萬侯降調用二十三年三
月江蘓巡撫余國柱入爲左都御史安祿巡
撫涂國相陞任湖廣總督成龍兼署兩巡撫
事四月卒于官年六十有八

諭劄予卹部臣以成龍曾降五級奏得
旨予開復祭葬如典禮諡曰清端七月丙閣

學士錫任勘問海疆還

上問曰尔到江南聞原任總督于成龍居官如何錫任奏成龍居官甚清但因輕信或爲屬員欺罔

上曰于成龍因在直隸居官甚善朕特簡任總督旣到江南有人言其變更素行病故後知其始終廉潔甚爲百姓所稱殆因素性梗直與之不合者挾仇讒害造作屬下欺罔等語是爲不肖之徒所嫉耳居官如于成龍者

有幾十一月

上南巡至江寧

諭知府于成龍曰爾務效前任總督于成龍
正直潔清乃無負朕優眷

回鑾

諭大學士等曰國家澄叙官方首重廉吏其
治行最著者尤當優加異數以示褒揚原任
江南江西總督于成龍操守端嚴始終如一
朕巡幸江南延訪吏治博採輿評咸稱居官

漢名臣傳卷六終
清正實天下廉吏第一應從優褒卹爲大小
臣工勸其詳議以聞

御製詩云服官敦廉闕抗志貴孤潔又云江
上見甘棠遺愛輿人說尋

允廷臣議加太子太保廕一子入監

世宗憲皇帝雍正十年入祀賢良祠孫準官
至江蘇巡撫別有傳

漢名臣傳卷六終

漢名臣傳卷七

許汝霖 李之葵 余國柱 梁爾

李贊元 傅維鱗 施維翰 張英

湯素蘊 陳鵬年

許汝霖列傳

許汝霖浙江海寧人康熙二十一年進士由庶吉士授編修二十六年充四川鄉試正考官二十九年遷贊善尋提督江南學政三十年四月任滿將還疏言教職雖微而訓迪

士子責任綦重凡由俊秀捐授者應改爲州
縣佐貳又䟽言文章一道閔乎世運必使風
氣操于上而後可化成乎天下自末學小儒
羣尙私刻元魁之墨主考之評竄改假埒盡
易本來甚至有一榜數十人一稿數十篇摠
非本人所自爲之耳自易淆好惡錯雜流弊
遂以日滋近奉

諭旨各省鄉墨禮部悉照原本刊刻頒行臣
愚謂會試額數較少亦應刊四書經藝各省

試牘仍由學臣頒刻此外舉行禁止則士之
習舉業者不致雜亂其心思兼可研窮乎經
史亦訓迪人才維持風教之大端疏並下部
議行又疏言生員不許結納官府法至嚴也
康熙二十五年禮部議行江南學臣李振裕
條奏以禮生冒濫衣頂選擇在學生員文行
兼優者充補大學六名小學四名五年更易
歲科試作爲優等以重典禮杜侍旨而歷久
弊生凡地方大小各官到任落學祭壇講約

朔望行香皆生員爲鳴贊情面旣熟奔競遂
滋或私相負絲或公行請托借結交官長以
恐嚇鄉愚一不肖倡之而效尤者踵相接矣
臣受事三年嚴行選擇嚴行懲誡而借口趨
踰實難悉禁請

勅部議裁其額惟

萬壽令節元旦冬至春秋二丁仍用生員贊
襄大典其餘有陰陽生及禮房執事不必衣
頂皆可鳴贊一槩不用生員則賢者閉戶潛

修不肖者公庭罕至矣事下部議自後生員
贊禮大學亦不得過四名停歲科試作爲優
等之例餘如所請是年遷侍講三十五年充
順天武鄉試正考官三十八年轉左庶子遷
侍講學士四十年轉侍讀學士擢工部侍郎
四十一年調禮部右侍郎明年二月充會試
副考官六月轉禮部左侍郎先是三十八年
十二月

上以江南學政張榕端浙江學政張希良居

官平常

命發往河工効力並

諭以後分理河務酌遣曾任學政各員至是
汝霖奉

旨出任子牙河分司自備工料修築大臣靜
海青縣河間獻縣所屬漳金滹沽諸河各隄
三年期滿直隸巡撫趙宏燮入奏得

旨仍以侍郎用四十六年二月補戶部右侍
郎四十八年二月遷禮部尙書四十九年十

二月以老乞休五十九年八月卒于家

李之芳列傳

李之芳山東武定人順治四年進士授金華府推官十一年以卓異內陞刑部主事遷本部員外郎郎中十五年九月授廣西道御史十一月疏言各省錢糧定例官收官解乃各州縣私僉大戶承值民間畏懼如赴湯蹈火百計營脫官吏贖貨免此僉彼鄉愚不諳倩人頂充因有棍徒包攬將在官銀米任意花

銷仍累原食里戶賠賞小民膏血有限不堪
一剝再銷雖加管箠終無所得故各省侵欠
錢糧爲數甚多追補還官者十常不得一二
摠緣陋規相仍名色不一有司視爲故常耳
苟且欺蒙將何抵止乞

勅各撫按力行整頓察革陋規凡州縣征收
銀米槩令佐貳官彙解遇有借端科索者許
佐貳官揭報州縣州縣轉報撫按提問治罪
揭報之佐貳官酌加獎勵如撫按釐剔無效

州縣奉行不力並嚴議處分疏入得

旨私僉民解病民殊甚下部議如所請行又
言州縣路當孔道迎送往來自朝至暮有曠
官守請嚴飭禁止從之十六年六月疏劾兩
廣總督李棲鳳以失守城池革職道員郭光
祖委署左江道以徇私縱罪革職推官季奕
聲復原任應察議

上命棲鳳回奏自以不能詳察引咎下部議
處如例十七年巡按山西十八年

聖祖仁皇帝御極裁巡按回原任康熙元年
請假歸二年八月補湖廣道御史三年十二
月疏言迺來叩

聞事情干涉民間冤抑者固自不乏然而健
訟刁告之輩徇欵行私降級革職之官飾詞
巧辯滋煩擾而長欺妄莫此爲甚嗣後審問
情虛宜各依律究擬勿止以責贖從輕發落
其審虛復行叩

聞仍審虛者加等治罪庶刁誑息而體統肅

疏下部議行五年巡視浙江鹽政七年掌京畿道事尋掌河南道事八年五月內大臣鰲拜獲罪拘禁大學士班布尔善以結黨行私伏誅之芳疏言近者班布尔善任意稟擬已置大法自此政本肅然一清矣臣惟稟擬爲政本所繫昔時大學士等俱內直館司章奏卽日稟擬

世祖章皇帝面賜裁決立法至善自順治十八年以後惟輔政大臣內直大學士等在外

疏奏俱至次日看詳及進呈候

旨止有學士而大學士不預非所以昭嚴密
請仍復舊例內直看詳即日票擬公同候

旨永杜任意更改之弊疏下部從之又疏言
世祖章皇帝時賞罰出于至公其時之督撫
不敢恣睢無忌率有司以虐窮民然猶不時
甄別處分以防其壞法害政之漸輕則降革
重則提拿斧鉞凜然未嘗少貸故當時吏治
肅清民生不困豈一時之督撫皆賢彼誠有

所畏也自順治十八年以後督撫率多貪緣
而得有所恃以無恐勒索屬員擾害百姓以
下僚爲奴隸在傳宣爲爪牙橫取財物賄賂
權奸根深蒂固惟其意所欲爲夫直省億萬
之衆皆

世祖章皇帝留遺之羣黎皆我

皇上愛養之赤子其能堪此輩朘削爲也自
與受同罪之法嚴無敢糾督撫之貪婪者與
者不認則言者涉虛卽確然有據亦不能執

其人而問之矣豈但不能糾督撫且不敢糾
司道守令糾之則干碍督撫安有督撫承問
而不力爲脫卸謂盡屬子虛者數年以來未
嘗因貪縱而重處一人反得粉飾功次冒濫
加銜有貪之利無貪之害彼又何憚而不怙
惡以自恣耶近者

皇上親政屢

頒諭嚴飭亦不糾一二有司以謝責夫表不
正則影不直安足除貪盜風而甦民生乎乞

睿鑒親裁罷黜溺職督撫度吏治漸有起色
疏下部知之尋

甄別各省督撫罷黜降用休致數人九年五
月疏劾大學士魏裔介前以候補左都御史
妄援

恩詔廕其子魏嘉及入內院而恩徇私諸款
詔裔介回奏仍下部察議以各款俱辯釋惟
候補官無得廕之例韋魏嘉廕生事詳魏裔
介傳八月得

旨內陞以四品頂帶食俸仍任御史十一年
二月擢左副都御史六月疏言外官夫察衙
役犯贓例坐韋職在內部院司官所管胥役
犯贓向未有失察處分故縱容奸蠹置若罔
聞請

勅部嚴議俾知懲警又疏言今日吏治之弊
在于文法太密而尤密者在于方面有司等
官常有在任三兩年而罰俸至二三十年者
夫俸薄尙恐不足以養廉况積年無俸又安

能責其潔已愛民乞

勅部酌核外官罰俸事由原無情弊近來處
分過當者請

旨仍遵

世祖皇帝時定例除去繁苛以課吏治之寔
效又疏言兩淮兩浙長蘆河東等處鹽課專
遣御史經理爲商人增一時之元氣卽爲
朝廷培恒足之泉源緝梟販以疏官引嚴秤
掣以速行銷剪惡棍以安良商察職要以便

小民皆巡撫御史職掌在順治十八年以前
原以此爲殿最之法不僮以完課爲能事乞
勅嗣後各巡撫期滿仍行昔日考核之例戶
部據錢糧之完欠爲高下都察院據政績之
優劣爲勤愆庶各爭自濯磨克盡職掌矣疏
並下所司議行是月浙江巡撫御史杭奇常
錫允以私派詐贓爲商人赴通政司控告
命之考赴浙察審得寔杭奇常錫允並論絞
十月遷吏部右侍郎十二年六月授浙江總

督明年三月疏言逆藩吳三桂陷湖南恐煽
誘滋擾浙江提督標兵應復前未裁減時原
額令各營使用鎗炮爲攻堅擊遠計疏甫入
逆藩耿精忠執福建總督范承謨據福州反
之芳聞變疏言賊兵已至蒲城衢屬仙霞關
與賊接境而常山一縣又爲西南孔道臣已
分調官兵星馳守禦請急

勅江南省調兵赴援江西省調兵謹守玉山
鉛山要路以固封疆疏入

命都統賴塔齊江寧副都統瑪哈達瑚圖等
及駐防兵赴浙江

諭令與之芳商決軍務五月奉

詔進駐霍州請復降調總兵李榮原官倬統
領綠營副將王廷梅牟大寅陳世凱鮑虎等
分道禦賊賊由常山陷開化壽昌淳安由處
州犯義烏浦江東陽湯溪龍游沿河阻絕餉
道聯絡叛弁司定猷叛鎮祖宏勳陷平陽踞
溫州又陷黃岩犯台州及紹興集悍卒數萬

窺衢州七月之芳與賴塔閱兵于水停門率
摠兵李榮及副都統瑚圖等兵直薄賊壘軍
于坑西賊悉衆來犯我兵衝冒袍矢舊擊却
賊賊越壕踞木城我兵追擊至壕守備梁安
歿子陣賊乘夜移踞杜澤大洲陳世凱與副
都統沃申進勦斬戮甚衆乘勝復義烏湯溪
牟大寅破賊常山遊擊王世萬破賊龍游鮑
虎復壽昌王廷梅敗賊于金華之石梁大溝
源李榮復東陽尋大敗賊兵于金華之壽溪

斬僞總兵張元兆等毀寨十八叅將洪起元
敗賊于紹興復嵯縣先後得

旨嘉之芳調度有方將士奮勇令事平日議
敘時大將軍康親王傑書自京統師至金華
分遣員子傳拉塔與都統巴雅爾等勦賊溫
台賊之在處州者逼衢州東南在江山者逼
衢州西南之芳分飭營伍嚴守御勿遽迎擊
十月疏言臣自駐衢以來率勵將士搜勦雖
所至克捷終因兵少戰守不能兼應原調集

之兵及新設援勦鎮兵共有數千金華增禦
溫處兩路嚴州接連徽饒二郡並屬咽喉之
地而衢州又當衝挑要爲全浙門戶各處賊
兵皆報稱數萬每處官兵不及三千派防屬
縣駐守府城聞警策應常恐不敷臣標現設
三營應增足每營一千數並增設前後二營
合成五千兵目前便于策應有恢復之地卽
可分撥駐守俟事平之日調作溫處各營原
額自是增兵不踰經制之外而援勦機宜克

協矣。疏下戶兵二部議行。會康親王奏進征溫處。應設溫州黃崖平陽三鎮標營。其將弁聽之。芳揀補陳世凱王廷梅鮑虎並擢總兵官。十一月賊眾五萬由常山逼衢州城西清溪倚山結十數寨。掘壕塹。覬聯南路。賊巢之。芳與賴塔議出賊不意。遣王廷梅同叅領禪布等夜趨清溪。分隊進攻。自辰至酉。合力撲。勦斬賊萬餘。賊將棄寨潰竄。追逐二十里。獲巨砲器械甚多。十四年二月疏言。臣統師衢

郡日夕對壘凡籌畫戰守接濟芻糧策應調遣時刻勿違軍機緊要之事萬不能輟更無暇晷鞠理盜案且臬司駐劄省會解審既慮疎虞駁核又恐遲滯乞

勅歸撫臣就近覆審徑行題結又疏言凡城鄉盜案專汎兼轄武職有佳俸罰俸降級之例所以責其督緝逸盜也今用兵之際或本汎防勦或調遣隨征業已披堅執銳展績封疆不能分身緝盜俸銀停支情屬堪憫宜破

格開復以示

恩養將士之心又疏言金衢台嚴紹等處賊寇屢經征勦附從烏合之徒漸已解散仍復故業臣飭所在官吏安集撫綏俾投誠衆多惟賊寇蹂躪之地一望蕭條啼號載路卽如衢州近城難民現有九千七百餘口其散處各鄉者尙不可計數臣與府縣官雖捐貲量給不過涓滴之微請于布政司所收捐助軍需內動支散給皆疏下部議並從之時賊帥

馬九王朱懷德等盤踞江山常山開化三縣
至于溪日湖南大溪灘茅村東南列賊營四
又列營前嶺以聯絡東南各賊巢且散布處
州金華山谷四出窺犯李榮陳世凱王廷梅
等分路搜勦所至大捷五月之芳與賴塔議
乘連旬大雨河水泛漲由南塘搗賊前嶺陣
斬七百餘級墜崖落水死者無算十五年三
月遣將由遂安截賊後路連破賊寨復開化
縣疏言衢州控賊要害滿漢官兵擐甲枕戈

已逾二年因浙省處處用兵分布各路以致
兵力不敷前此專望一處掃平便可併力攻
取直搗仙霞不意各路寇氛雖屢經勦創尙
未撲滅江西廣東各逆又出沒常山開化欲
與馬九王賊營聯合在鄒瀋漢官兵僅能堵
禦若欲急圖滅賊非厚集兵力不可目下賊
勢斯不能窺犯江南宜酌調松江崇明提標
兵五六十千赴浙聽大將軍康親王調度并力
進勦疏入

銳則諸路之賊自然瓦解逆賊馬九玉朱懷德等現在深溝高壘死守河西然其南則江山西則常山皆可以間道截其糧運斷其歸路我兵一進使賊首尾受敵勢難仍保巢穴從此入關可奏蕩平矣疏入從之八月康親王抵蘄州與之芳及賴塔議先斷賊餉道以奪河西賊勢遂進兵大溪灘復江山縣馬九玉棄營遁之芳遣副將馬化龍叅將閻進趙得壽率兵隨賴塔進勦降僞叅將金應虎等

克仙霞關康親王進定建寧延平將至福州
耿精忠率眾降賊之在溫州處州者悉解散
僞總兵馬鵬汪文生陳山僞將軍程鳳等猶
分踞江西之玉山鉛山弋陽德興等縣之芳
奏請會勦得

旨俞允而江西兵方以禦吳三桂逆党于吉
安袁州不遑東顧之芳遣兵一由常山進勦
玉山一由開化進勦德興十月攻克玉山城
汪文生潛遁十一月破賊木城六自白沙關

趙德興連克賊寨十有三擒馬鵬械至衢州
斬以狗遊擊郭守金等復鉛山興安弋陽貴
溪等城

上嘉之芳遣兵勦賊隣省恢復城邑調度有
方下部議叙加兵部尙書銜十六年四月遣
叅將蔣懋勛等勦賊于玉山之椒岩洞偽總
兵陳山率眾出降先是馬鵬就擒汪文生程
鳳俱乞降俄程鳳病死其妻王玉貞以偽揚
烈將軍印籍所屬六萬七千餘人就撫而偽

總兵林爾瞻擁眾數萬以鉛山上饒與福建
光澤縣錯壤之石壠地爲巢穴恃山險崎嶇
招之窮出之芳令蔣懋勛等由鉛山進勦分
扼要隘率數騎入寨懋撫乃挈僞官百餘兵
二萬餘出降別有僞都督李日生僞提督洪
成龍分距玉山之八仙洞老鼠洞出掠子午
口十七年三月蔣懋勛等擊賊子午口斬級
數百之芳復遣叅將閻進會勦克八仙洞復
克老鼠洞各斬賊千餘毀平賊寨時海賊鄭

錦尚踞閩境設五鎮其偽總統劉國軒朱天貴等糾集賊衆乘船窺伺瀕海郡邑之芳檄各營汎嚴密守禦象山副將汪國祥等賊賊于廟嶺湖邊賊復犯温州各汎地皆有備擊毀賊船溺死者甚衆偽副將詹天樞殺賊將麥仁赴搆兵陳世凱軍前歸順十八年十二月令定海提兵牟大寅率兵巡海見島嶼而木城草屋者悉焚毀搜斬又令遊擊衛聖疇等更番出哨遇賊孝順洋斬僞叅將童耀等

及賊兵三千餘毀沉十九船獲十五船並器械偽印劄以還二十年七月疏言浙省上游險要莫重于衢州而衢之恃爲咽喉門戶者莫重于仙霞一關自康熙九年撥舊駐江山之楓嶺營歸閩省總兵官于浙不相統轄迨閩中變亂致仙霞天險反爲賊踞聲息不通寇兵遂得深入仰賴

天威掃蕩恢復以浙省官兵駐守近見福建總督姚啟聖請設楓嶺營隸閩省伏思守關

之法應從內以控扼于外未有反借外以遙制乎內者宜設左右兩營左軍守備以下閩省支餉右軍守備以下浙省支餉其楓嶺營遊擊兼轄兩省節制仍于浙省支餉疏下部議從之二十一年八月奉

詔還駐杭州十一月

召入京爲兵部尙書二十三年八月調吏部十一月

諭大學士等曰部院大臣年高者借以料理

政事不以筋力爲禮兵部尙書李之芳賈樟
木匣以衣裘厚重偶致失足尙或至損傷朕
心深爲不忍以後木匣令尙書侍郎丙年少
壯者捧進二十四年八月以疾乞休得

旨慰留十二月戶部議刪錢糧絲忽以下細
數重刊簡明賦役全書給事中楊周憲疏陳
細數不應盡刪全書不應重刊下九卿科道
再議未決

召論之芳奏言戶部初議絲歸于毫今擬絲

以上之數仍存念以下之數刪去則便于稽
核吏胥不得作弊寔有益于民

止是之議遂定二十五年二月彙叙任總督
時軍功予雲騎尉世職准襲一次二十六年
九月授文華殿大學士二十七年二月御史
郭琬疏劾大學士明珠余國柱結黨營私事
謂內閣票擬俱由明珠指麾輕重任意余國
柱承其風旨卽有舛錯同官莫敢駁正
上旣罷明珠余國柱大學士勤德洪並

命之芳休致回籍明年

上南巡之芳近

駕于德州

賜賚優渥三十三年十一月卒于家年七十
有三

諭曰李之芳前爲浙江提督時障大軍進勦
歷有芳績簡任機務勤慎素著忽聞在籍溘
逝朕心深切軫惻下部議卹

賜祭葬如例諡曰文襄子鍾麟襲雲騎尉世

職四十九年八月

諭大學士等曰凡人能効命者卽爲勇士耿
逆叛時率之芳任浙江總督雖不諳騎射執
刀立于船首率眾突前大破敵人以立功績
彼時同出征者回京俱稱李之芳之勇今承
平日久善于馬步射能管轄兵丁者尙不乏
人若屢經行陣之人甚難得也

世宗憲皇帝雍正十年入祀賢良祠乾隆三
十二年

上追念

國初以來宣力効忠之臣

命部臣稽核前此曾授世職襲次已滿者疏
列具奏之芳裔得

旨予恩騎尉世襲罔替

余國柱列傳

余國柱湖北大冶人順治九年進士授兗州
府推官康熙三年內陞行人司行人十一年
充山西鄉試正考官明年遷戶部主事十五

年七月以考選授戶科給事中十月疏言近
者關中底定間逆投誠蕩平雖可刻期然一
日未罷兵卽一日不可無糧餉宜于浙江江
西湖廣開捐例納米豆穀麥草束以濟軍需
山東河南歲值大稔並宜捐米貯臨河州縣
支應本省兵糧多則運解京倉疏下部議以
山東河南需糧無幾運京徒滋耗費浙江兵
已進征福建無需捐納准開例湖廣江西福
建三省現任官捐加級紀錄四品以下降革

官捐復原職餘分別錄用先用及頂帶榮身
十七年五月疏言天下鹽課定不下三百餘
萬且陝西省遇閏加銀應令各省一例又可
增銀二十餘萬于軍需不無小補又疏言京
通二倉歲進漕白三百餘萬各監督交代時
雖有盤驗無缺印結相沿日久未免視爲具
文自後應令每十版抽驗一版不足則照版
科算令舊監督貼補疏並下部議行十二月
轉禮部掌印給事中十八年七月劾浙江水

師提督常進功年老耳聾非高聲大呼不聞
一語恐秘密軍機因之洩露所關非細疏下
部察議罷進功任十九年七月疏言曩者平
南王尙可喜駐鎮廣東頗知奉法自述子尙
之信叛後恣意妄爲橫行暴斂雖禁蹙歸正
而魚肉閭閻滋害如舊近爲屬下護衛張永
祥控告其自辯疏中有云張永祥假其名色
每年私收稅銀一千六百兩卽此可知尙之
信所自收之稅當不下百萬應令督撫察核

歸公累民者奏明豁免並分撥藩下官兵或
駐防或隨征毋坐糜俸餉疏下王大臣等議
行九月遷鴻臚寺少卿十二月轉光祿寺少
卿二十年二月遷左僉都御史五月擢左副
都御史九月疏請停各部歲終舉劾之例有
不職者隨時舉劾宜保薦者俟京察之期核
舉十一月以滇南平定請釐定樂章

上並允所請十二月劾兩廣總督金光祖前
此降附吳三桂嗣復廢成尙之信應黜罷之

以爲不忠者戒從之是月授江寧巡撫二十
三年內陞左都御史尋遷戶部尚書二十六
年二月授武英殿大學士先是任巡撫時疏
請增設機房四十二間製造寬大緞疋得
旨寬大緞疋非常用之物何爲勞民糜費斥
所奏不行又屢奏淮揚二府屬水退涸出地
並令次年征輸額賦及湯斌爲巡撫奏覆勘
涸出地皆未耕種且有五千九百四十餘頃
仍然水淹事乃寢互詳湯斌傳二十七年二

月御史郭琇疏劾國柱在內閣票擬承順大
學士明珠指麾輕重在意卽有舛錯同官莫
敢駁正屢奉

諭詰責漫無省改遇會議會推與尙書佛倫
等結党把持督撫藩臬缺出轉展援引提攬
賄賂保送學道及科道內陞出差率皆居功
要索營私負

恩罄竹難盡請加嚴譴

上以党援賄賂諸弊久已洞鑿因不忍遽行

加罪大臣槩免勘問韋國柱職互詳明珠傳
國柱既罷去法司以覆勘被劾湖廣巡撫張
沂上荆南道祖澤深罪狀前此曾遣人赴京
行賄營謀庇護詞涉國柱請撤追質問得
旨貫免二十八年三月給事中何金蘭疏言
凡解職解任官仍居原任地方例有明禁余
國柱嘗爲江寧巡撫游陟大學士不思竭忠
圖報贖貨無厭穢迹彰聞其人品心術久在
睿照中荷

恩不寘重典放歸田里使稍知廉恥當疾返
故鄉杜門省愆乃被黜後挾輜重往江寧省
城購買第宅廣營生計呼朋引類壘斷攫金
借勢招搖顯違禁例乞

勅部嚴議事下兩江總督傅拉塔察訛以留
恣原任地方購買第宅並設立錢店典舖覆
奏刑部擬杖折贖

詔免罪趣回籍尋卒于家

梁鼎列傳

梁鼎陝西長安人以父梁化鳳官提督子廕
康熙十三年提督哈占爲奏請故就武職尋
授督標左營遊擊時漢中興安並叛應逆藩
吳三桂哈占令鼎駐防黑水峪十四年十一
月漢中賊千餘聯結叛鎮王輔臣由祥峪口
入三路陘踞山險鼎率兵誘至觀音堂地奮
擊大敗之十七年調興安城守遊擊官副將
軍事十八年十月進征漢中同遊擊焦應善
等由西路出富家河偵賊二千餘踞桐子關

鼎率兵衝擊自午至酉殲賊無算復移師敗
賊于閩王嶠興安附近城邑以次恢復十九
年隨總兵高孟勦川東叛鎮譚宏進兵羅石
礮靈鷲寨大敗賊眾擒斬賊將衛仰武徐自
奇等遂復達州叙加都督僉事二十一年遷
江西袁州副將二十六年遷江南蘇松水師
總兵四十年擢福建陸路提督四十五年五
月擢福建浙江總督四十六年

上南巡

賜旗常世美匾額先是兵部尙書金世榮爲
總督謂出洋大船易以藏盜奏定漁船禁用
雙桅商船飭令改造毋許樑頭過丈有八尺
纔旣任總督卽疏言商船不許過丈慮其越
出外洋或至爲匪然船夫則商人之資本亦
大不肯爲匪且不容無賴之人操駕自定例
改造所費甚鉅皆畏縮遷延其現已改造者
僅求合于丈有八尺之樑頭而船腹與底或
仍如舊是有累于商而寔無闕海洋機務

召對又奏漁船非僅捕漁兼資貨物貿易不用雙桅難以出洋

上命大學士等議弛其禁四十七年三月疏言浙省杭嘉湖三府受天目諸山之水或徑趨于海或洩入太湖我

皇上洞悉形勢令建閘蓄水爲經久計今會同漕臣桑額撫臣王然察訪湖州所屬逼近太湖有烏程之西山港新涇漚等處長興之白茅花磚諸港計七十二港漢俱田畝所資

灌漑當開濬深廣于疏入太湖處建閘六十
四座隨時啟門嘉興去太湖稍遠支流通連
運河無可建閘其石門縣之聖塘廟至玉溪
鎮秀水縣之匹利北利端平三橋嘉善縣之
西門渡船頭張涇滙楓涇鎮南刪三處爲通
津及出水要道復應開濬杭州西湖出水諸
處各有舊閘惟減水石堰二閘外之桃花港
日漸淤淺共勘估建閘外開濬需費四萬一
千八百兩有奇此外淤淺之二府屬支河港

蕩動民開濬民自樂從無煩動帑疏入下部
議如所請得

旨支河港蕩淤淺若勸民開濬或地方官員
借此私派害民亦著動正項錢糧四十九年
八月雍正母夏回籍五十二年赴京祝

萬壽予廕一子尋以疾乞歸五十二年十一
月卒予家年六十有一遺疏至得

旨梁鼎劾力年久勤勞素著忽聞溘逝深可
憫惻下所司議卹

賜祭葬如例

李贊元列傳

李贊元山東海陽人順治十二年進士改庶吉士原名立後改今名十三年三月

世祖章皇帝簡庶吉士十三人爲科道贊元預焉四月授山東道御史九月巡視中城十二月疏言五城司坊不設番役未能巡緝賊盜今兵部所屬捕營既有兵丁巡緝宜令巡城御史按月點驗隨時稽察與兵部職掌不

相妨而寔相成疏下部議令捕營司坊協力
巡緝兵部都察院各于歲底察核十四年二
月巡按湖北十六年十月巡視兩淮鹽課十
七年二月疏言兩淮歲行一百八十三萬餘
引數年來壅積二百三十餘萬課虧商困非
附銷舊引于新引中則壅積如故定例每引
行鹽二百斤今宜令以新引二附銷舊引一
每引加鹽百斤商不增運載之費課得以新
舊兼征行至三年積引盡銷然後復歸正額

庶商不困而課亦不虧也又疏言鹽從鹵煎
鹽出則鹵自減鹵從下漬下重則上自輕故
火鹽出場前十日與後十日輕重不等鹽堆
艙口艙面之鹽與艙底之鹽又輕重不等舊
有溢斤割沒之法每船一艙掣驗一引多一
斤罰銀三厘各引如數均罰所以妨引外私
鹽之弊也自司掣各官借割沒之名任意索
取商人因昂其鹽價每斤售銀一分六厘官
鹽實則私販日多正引反滯應令自後掣驗

簿冊預用巡鹽鈐印有無溢斤隨掣隨填如
有隱瞞從重處分自不致因防弊而滋弊矣
疏並下部議從之三月疏言鹽政莫要于秤
掣無弊在委官得其人自明季政出多門道
府州縣及典史皆營謀委掣非凌轢商人卽
與商人若賓友鹽政由此敝壞臣殫心厘剔
從前弊竇一一禁革淮南淮北臣俱當親至
開掣而委官一事不先奏明恐營謀覬覦之
結習如故反議臣違例更張淮南開掣後應

委運道或運道征課屆期則委運同運副運判至淮北塩屬專官惟淮安分司一員恐不足彈壓應委淮海道俾事權歸一防範易周如塩場各官仍有縱役營私串商作奸虛填減數諸弊臣察訪得寔卽時糾劾寔正本清源之道也疏人得

旨所奏大與塩政有裨下戶部皆議行十八年還京以征課溢額加一級

聖祖仁皇帝康熙元年正月疏言大軍勦捕

叛賊于七已進圍于七所盤踞之鋸齒牙山而賊黨徐耀明徐海門等數千人別屯招虎山出犯大嵩衛城雖爲守城士民擊退若不發兵搜勦恐阻隔大軍餉道且爲于七外援蔓衍難圖臣籍海陽家于大嵩衛城旣有所聞謹擬寔入告至鋸齒牙山東北距海不過百餘里亦慮賊出狡計間道至海搶掠防海之船乘之而逃乞

勅守土官兵就近擒剿散其脅從防其遠逸

俾大兵得併力進攻賊巢埽淨根株事下兵部令山東總督祖澤溥發兵勦捕擒斬徐耀門徐海門靖東將軍濟席哈統師撲賊巢于七嵐入海登州賊平三年二月得

旨內陞乞假歸八年赴補以應陞品級任戶科給事中十一年五月授兵部督捕理事官十二年五月遷右通政六月遷大理寺卿七月遷左副都御史八月疏言御史職司糾劾一省設一道察各省之文移卽以察各省之

是非此某道之名所自立監察之名所自起
今日久法弛各省冊揭有不送道者御史于
一道之事有視若毫無干涉者抑思

朝廷設御史何爲且設諸御史而必一一分
別之曰某道又何爲與其摭拾風聞孰若按
冊而稽得失確乎有據嗣後各省事件應令
悉照舊例具冊揭分送各道爲御史者據文
核寔里剔盡心以盡職掌至若巡視五城責
任更爲緊要向來漢御史半年一更代而滿

海內各官
卷一
三
洲漢軍則否應

勅議並以半年更代造具任內行過事件審
問日月報滿其爲精明爲委靡事可按籍而
知亦考其臺員之一端也事下部察院議行
十一月疏言吏部議處各官有革而卽復者
有復而仍革者刑部審訊事情不取切寔供
証每用揆此是真一語定案是非失據輕重
游移適足長奔競之風開請託之漸謹就近
日吏部會同刑部題覆龍江開解銅委員行

賄一案指摘前後矛盾情節仰祈

訓飭並令嗣後錄供定罪不得用揣度虛詞
務加詳審以歸平允疏入

命吏判二部回奏仍下都察院察議部臣並
坐罰俸又疏言

皇上愛民恤商裁併關差乃有好惡之徒借
雜稅爲名串同衙蠹賄營行帖執照公然肆
詐凡菽粟布帛鵝豚蔬菓之屬勒索用錢及
落地稅間有上官出示嚴禁而其弊牢固仍

舊私征近日山東巡撫張鳳儀劾魚臺知縣
談紹泰盤索客貨科歛稅銀各款特偶一發
覺耳其未發覺者正多乞

勅禁葦疏下部議凡貿易雜物原無額稅有
擅給行帖執照索取者依私征私派例以贓
論定爲例十三年遷兵部督捕右侍郎十四
年閏五月同左侍郎哲庫納條奏捕獲入旗
逃人年老殘疾及婦女應分別辦理

上以所奏紛更定例下吏部察議應降三級

調用

命從寬留在十七年二月奉

詔舉傳學鴻儒贊元以候補道張瑞徵候補
主事業封疏薦得

旨召試十月以病乞假尋卒于京

賜祭塋如例

傳維麟列傳

傳維麟直隸靈壽人

世祖章皇帝順治三年進士由庶吉士授編

修五年充江南鄉試正考官九年遷中允十年

御試翰林

命維鱗外轉授山東東昌道時入旂兵駐防臨清又四水程起湖南等省出征派兵夫曳船日以千計維鱗議照勘合等定數毋許苛索濫應其牽挽民夫量給工食報銷總督李蔭祖如其言入奏得

旨允行十二年九月

諭吏部曰朕以京官習知法度外官諳練民情內外數歷方見真才故將翰林官酌量外轉今東昌道傅維鱗愛民有治行且學問素裕仍以原官用十月授大理寺少卿尋游遷太僕寺卿通政使副都御史十四年三月疏言御史巡方期滿復

命宜令自行條荅八事以嚴考核 曰厘革奸僇今天下官貪吏橫假名色而科歛在情指公事而追呼紛擾吏習無賂則廢格文移

豪強使財則幸免差役奸弊難以悉數果否
殫心察訪盡力革除二曰招捕盜賊今天下
劫掠公行兵亦爲賊而官卽爲窩且山林有
嘯聚之衆邪教有不軌之謀其撲滅若干捕
獲若干招撫若干當核寔策報三曰揚清激
濁近來巡按薦章多至數十人所糾者不過
一二人自今宜確指循章寔跡其貪酷衰庸
者不得姑寬四曰清理刑獄近來人多狡詐
訟獄繁興陷害至于株連捍御恣夫憑臆伸

究理証全在識決公明所有勘鞫各案當敘
列彙報五日厘正士風近來教官闕冗猶鼠
同既縱容劣衿起滅詞訟包攬錢糧當密察
嚴究或與學道徇庇一併糾劾六曰稽察風力
凡遇事當卽時勘擬不避權豪不徇情面若
瞻顧遷延風力安在自今各已結未結事臚
列具奏七曰糾彈督撫近來督撫功在封疆
矜然自愛者固自不乏然或有驕縱貪婪視
屬官如魚肉恣嚇誅求幾盈于萬在京科道

固難得其真迹若同事一方則察訪甚易乃
糾彈者少不過畏其力大而反噬耳如別經
發覺宜以不職論八曰禁除侈靡近來大吏
導從如雲飲食若流一日之費動至百金上
行下效相習成風自今宜力崇簡樸正日率
厲其習俗之豪華風士之流蕩皆嚴法禁止
此八者風紀攸關澄清要務各令按款自陳
以憑考核庶幾寔心舉行各盡厥職矣疏下
部院議行四月疏言近見名部一切叅罰不

論陞遷降調無得免者而叙功叙勞則曰某也已經陞遷某也已經降調應無庸議夫賞罰期平請自今凡有參罰仍照舊例毋以陞降幸免而一切敘錄不論陞降一體議叙在陞遷者固得邀

宣錫之恩而在降革者量準功過分別復職還級亦得開自新之路疏下部議行七月左都御史能圖請更定世職承襲例同官合疏人奏

上以所奏似屬徇私

召集詰問下部論罪能圖倡議變亂成例章世職及加銜維鱗應章職得

旨從寬留在十五年正月遇

恩詔復原職三月擢戶部侍郎十六年三月諭獎勤勞奉職諸臣加太子少保十一月乞假遷葬十八年五月補工部侍郎七月擢工部尙書康熙五年六月以病乞假歸六年五月卒于家

賜祭葬如例

施維翰列傳

施維翰江南華亭人順治九年進士授江西
臨江府推官十三年巡撫郎廷佐疏述其理
漕革弊折獄得情能使奸頑歛迹舉爲卓異
遂內陞兵部主事十五年十月改授山東道
御史疏言察吏首重懲貪嚴小吏先嚴大吏
各督撫按露章彈劾宜及司道勿僅以州縣
塞責又言鎮帥擁一方重兵有庸碌衰憊緩

急難恃者有縱恣貪贓虐害軍民者督撫按
狗隱弗糾宜嚴定處分疏並下部議行十七
年巡按陝西十八年

聖祖仁皇帝御極裁巡按撤回乞假歸康熙
三年補江南道御史五年三月疏言近聞各
省錢糧每委府佐協征所至鋪設供給不免
擾民更有不肖之員縱容胥役橫肆誅求其
弊難以悉數夫州縣官征收錢糧如有逋欠
例應議處本員若督撫司道委佐貳協征協

催寔屬違例請擬行禁止以專責成以杜擾
害事下部議如所請飭禁六年巡塩河東七
年還京以額課征完子紀錄八年二月疏劾
偏沉巡撫周召南審訊常寧縣民捏訴知縣
胡起睿私派加征貪縱各款悉爲開脫狗庇
顯然事下部察議御史李裳復劾召南貪劣
命侍郎阿哈碩塞回湖廣巡撫林天擎審訊
得寔召南褫職論罪如例十一年四月疏劾
福建總督劉斗違例題補總兵又徇情題建

故靖南王耿繼茂嗣請嚴加處分

詔劉斗回奏仍下部察議會劉斗別以留用
克餉廢弁等事降五級罷任因是再降一級
八月維翰

旨內陞以四品頂帶食俸仍留御史在十二
年六月躡言鼓勵之設以伸士民冤抑故使
科道共司其事然每敗訴狀必待科道官六
十餘員會議往往拖延多時或失察書役作
弊未免推諉且口易一官收閱訴詞此日不

准異日輒復投遞纏繞不休殊非政體請嗣
後管理鼓廳用滿漢科道各一員半年始行
更易其逐日所收訃狀立檔依限完結捏詞
妄控者遵定例懲治並造冊存案以憑稽核
疏下部院議從之是年海遷鴻臚寺少卿大
僕寺卿十八年四月遷宗人府府丞六月遷
副部御史先是浙江巡撫陳秉直保舉學道
程汝璞校士公明旣而左都御史魏象樞劾
汝璞貪肆勘鞫得寔論絞部議秉直應降二

級以加級紀錄抵銷維翰疏言秉直與汝璞
見聞密迓乃瞻徇情面保舉公明非尋常註
謾可比請

勅部酌議凡督撫保舉匪人應降調者不准
抵銷

上是其言下部議定爲例時給事中李宗孔
亦劾秉直糾察無能賢否混淆

命秉直解任降用八月授維翰山東巡撫

諭曰近日山東兵丁鼓譟極爲可惡爾宜嚴

行禁戢維翰奏曰祇緣起兵無提鎮不和遂致
兵丁生變臣當同心協力調濟兵民

上曰文武協和自然地方安戢十一月疏言
東省今歲荒旱流民日益眾多隆冬沍寒凍
餒可憫臣捐貲倡率屬員並令各府州縣多
方勸諭煮粥給食但飢民既多按濟維維難請
截留歷城等縣本年漕米同濟南倉節存
貯米石動支散給得

旨俞允二十一年十一月授浙江總督李之

芳爲尙書掾維翰代之二十二年十二月調
福建總督二十三年四月卒于官遺疏至
諭曰施維翰才品優長簡用以來操履清慎
寔心任事茂著勤勞念聞溘逝深爲憫惻下
部議卹

賜祭葬如例諡曰清惠

張英列傳

張英江南桐城人

聖祖仁皇帝康熙六年進士改庶吉士旋丁

父夏回籍十一年授編修十二年充

日講起居注官十五年遷左春坊左諭德十六年二月遷翰林院侍講學士九月同掌院學士喇沙里曠廷敬奉

諭曰爾等每日進講啟導朕心甚有裨益嗣後天氣漸寒特賜爾等貂皮各五十張表裏緞各二十疋十月

諭大學士等曰朕不時觀書寫字欲選擇翰林侍左右講究文義伊等在外城宜召難以

即至著于城內撥給闈房在內侍從尋

命英直南書房

賜第西安門內十八年轉侍讀學士十九年
四月

諭吏部曰朕萬幾之暇留心經史雖遯志時
敏夙夜孜孜而研究闡發良資講經之功日
講起居注各官俱以學行優長簡備顧問所
纂講義典確精詳深裨治理侍讀學士張英
供奉內廷日侍左右恪恭不懈勤慎再嘉尔

部從優議叙尋

允部議講官葉芳藹沈基等加銜有差英授
翰林院學士兼禮部侍郎銜二十年二月以
葬父乞假

諭曰尔素性醇樸侍從有年朝夕講筵恪恭
盡職茲因尔父未葬具疏請假朕念人子至
情忠孝一理准假南旋特賜白金五百兩表
裏二十天旣旌尔勤勞兼資墓田之用尔其
欽悉朕惓惓至意又

奠名至專國之

諭禮部如英品級予具父素養卹典二十五年三月授翰林院學士兼禮部侍郎銜四月命教習庶吉士閏四月與內閣學士徐乾學並諭稱學問淹通宜留辦文章之事令吏部勿開列巡撫十二月遷兵部右侍郎二十六年正月同內閣學士韓爌奏進纂成孝經衍義得

旨頒發六月調禮部右侍郎兼翰林院學士

銜九月轉左仍兼翰林院學士銜又兼管詹
事府詹事十一月充

經筵講官二十七年正月給事中陳世安疏
劾英與禮部尙書張士甄侍郎王夔昌遇

孝莊章皇后大喪不親督司員檢閱舊章一
切典禮令司員具稿實送滿堂官起奏不會
同詳慎忝訂或屢請不至卽至亦默無一言
間有朝臣造問恭祭時日跪送儀文齋宿舊
例茫然輒謝不知偷安自便闕冗無能請嚴

加處分以警瘼曠

命自行回奏尋奏臣士甄賜昌每日在

午門前齊集臣英朝夕在

永康門外兼有奉

旨與翰林院同辦之事俱未敢偷安凡典禮

有應稽舊章者親率司員檢閱有應滿漢堂

官公同商酌者未嘗推諉並無屢請不至之

事至恭祭日期跪送儀文及齋宿之例一經

奉

旨卽知會所司俱遵行無悞亦未曾有朝臣
相問對以未知也惟是臣等素無才能乞
賜處分爲不職者戒疏下吏部察議以未與
滿堂官同在一處商稿起奏應各降五級調
用得

旨從寬留在二十八年十二月擢工部尙書
仍兼管詹事府二十九年六月兼翰林院掌
院學士並管詹事府七月調禮部尙書仍兼
翰林院掌院學士十月以編修楊瑄撰擬陣

書同奉

命教習慶吉士三十五年

上親征噶爾丹至拖諾山凱旋英同常書奉
請

賜觀

御製親征朔漠紀畧俾得敬慎編摹垂諸簡
冊從之先後充

國史一統志淵鑿類函

政治典訓

平定期漠方畧總裁官三十六年三月同尚
書熊賜履爲會試正考官七月以老病乞休
得

旨慰留十月辭兼管翰林院詹事府

允之三十八年十一月授文華殿大學士兼
禮部尙書四十年十月乞休得

旨卿才品優長宣力已久及任機務情勤益
勵眷倚方殷覽奏以衰病乞休情詞懇切准
以原官致仕頒行

賜宴暢春園

諭部令沿途馳遞應付毋限常額先是

御書篤素堂匾額以

賜英名其所著爲篤素堂文集四十四年逢
上南巡迎

駕淮安疊奉

御書謙益堂葆靜匾額並聯幅畫卷銀千兩
以

賜隨至江寧

上將旋蹕以在籍臣度顛請

旨留一日英復奏請得

旨念老臣懇求諄切准再留一日啟行四十

六年迎

駕清江浦仍隨至江寧

賜

御書對聯世恩堂匾額及書籍人復亦

元英奏請多留一日四十七年九月卒于家
年七十有二遺疏至得

旨張英久侍講幄簡在機密老成勤慎始終不渝予告後朕念其衰年屢諭旨令勉加調攝忽聞病逝深切軫悼下部議卹

賜祭塋加等諡曰文端

世宗憲皇帝御極贈太子太傅雍正八年大祀賢良祠

今上御極者贈太傅子廷玉官至大學士別有傳

楊素蘊列傳

楊素蘊陝西宜君人順治九年進士十年授直隸東明知縣十六年二月

世祖章皇帝詔吏部行取推官知縣考選御史素蘊以在在多紀錄兩經荐與預選十七年六月授四川道御史七月疏言臣言官也宜以言爲事然今天下所慮者正在乎議論多而成功少中外大小臣工苟且偷安怠玩成習雖屢經

天語申飭言官條奏總視爲紙上空言終

未有勲圖之寔迹

國家建官分職各有所職之事誠能人人振
起精神事事勿因循推諉司舉劾者以進賢
退不肖爲務籌財用者以贍軍裕民食爲先
任封疆者制鎮將之跋扈靖寇盜之妖氛理
刑獄者弗容克惡漏網不使良善含冤則平
天下無餘事更願

皇上推誠御物肅大閑而寬小管俾人人得
展才見長是尤端本澄源之要道也疏入

報聞十一月疏劾吳三桂以分巡上湖南道
胡允等十員題補雲南各道并奉差部員亦
在其內深足駭異簡祿者天下之大補綱紀
者國家之大防前此經畧用人奉有吏兵二
部不得掣肘之

旨亦惟以軍前効用及所轄五省各官酌量
題請從未聞敢以別省不相干涉之處及現
在京官公然坐缺定銜者也且疏稱求于滇
省既苦索駿之無良求于遠方又功地賦之

之不速則湖南四川去滇猶近若京師山東
江南距滇不下萬里不知其所謂遠者將更
在何方

皇上特假便宜不過許其就近調補耳若盡
天下之官不分內外不論遠近皆可擇而取
之則何如歸其權于吏部銓授爲名正而言
順縱或雲貴新經開闢料理乏人諸臣才品
爲藩臣所素知亦宜請

旨令吏部鑒補乃徑行擬用不亦輕名器而

藝

國體乎古來人臣忠邪之分莫不起于一念之敬肆在藩臣敦歷有年自應熟請大體此舉卽從封疆起見未必別有深心然而防微杜漸當慎于幾先所

申飭藩臣嗣後惟方圖進取加意綏輯一切威福大權俱宜稟自

朝廷則

君恩臣誼兩盡其善矣疏下部知之十八年

聖祖仁皇帝御極素蘊外轉川北道時吳三桂將迫勦明桂王朱由榔于緬甸見素蘊前奏惡之上疏詆其意含隱射語伏危機詔素蘊回奏素蘊奏防微杜漸古今通義部議以含糊巧飾應降調遂罷歸康熙十三年三月尙書郝惟訥冀如錫侍郎楊永寧文章荐之惟訥言素蘊昔勅吳三桂專擅云當防微杜漸在當日反狀未形似屬杞憂由今觀之則素蘊先見甚明且爲

詔復二惟安徽以前撫臣薛柱斗疏稱所屬
駟馬既經裁省無需增復停止今湖廣裁兵
夏逢龍等煽亂大兵進剿羽檄星馳急須分
設驛站增添夫馬請如各省復二例以應復
額銀五萬四千餘兩仍充駟費又踴言舊設
撫標護衛兵五十名馬五十四原在標兵一
千五百步九馬一額數中經前撫臣薛柱斗
奏裁停補歲省銀一千八百六十兩米一百
八十石今湖廣裁兵蠢動皖城與爲鄰近請

如舊充補以寔標營而資緩急踰並得

旨允行十月調湖廣巡撫二十八年九月疏
言武昌荊州漢陽安陸等府所屬三十二州
縣夏旱爲災入秋又旱民食維艱錢糧難辦
請概予蠲免

上遣戶部郎中舒淑員外郎金達善往同督
勸奉

詔蠲免二十九州縣本年及來年額征當舒
淑等初至武昌時素蘊令布政使于養志隨

總督丁思孔會勘越數日疏言臣入夏受暑
泄瀉入冬沉重骨立形消精神短少醫藥用
功懇祈

恩准解任歸里調養

諭責其不親勘災荒託病求罷令葺職回籍
後卒于家

陳鵬年列傳

陳鵬年湖廣湘潭人康熙三十年進士初任
浙江西安知縣四十年河道總督張鵬翮薦

其才猷敏練堪理河務調赴江南河工四十
一年授山陽縣知縣遷梅州知州四十二年
聖祖仁皇帝南巡過沂州

詔截漕四萬石令張鵬翻邊賢員還秦州分
賑以鵬年董其事四十三年擢江寧知府四
十四年六月兩江總督阿山疏劾鵬年收鹽
店當舖年規侵隱龍江開稅銀無故捉拿開
役重責枷號各款又以甫經驅逐窩娼之南
市樓基址改造鄉約詔堂寫列

聖諭十六條中懸

天語叮嚀四字匾額不敬莫大事下總督桑額
總河張鵬翮會同阿山定議論斬得

旨革職從寬免死來京在修書處効力四十七年九月

特授蘇州知府四十八年十一月江蘇布政使宜思恭為恭營鳴禮劾罷

詔以鵬年著布政使四十九年鳴禮續劾宜思恭虧帑又劾羅道瀆樸復蝕建閘開河銀

項並坐鵬年覈報不寔部議韋在發往黑龍
江仍得

自來京修書五十一年十月吏部議噶禮與
巡撫張伯行宜許事擬革伯行職

上以張伯行居官清廉下九卿改議並

諭曰陳鵬年稍有聲譽學問亦優張伯行聽
信其言是以噶禮欲害之管奏具虎邱詩中
有淳謬語朕閱其詩並無干碍朕纂輯羣書
甚多詩中所用典故朕皆知之卽末句鷗盟

一序不過託意漁樵陳鵬年詩現在今與尔
寺公看五十六年出署霸昌道既受代仍回
京修書六十年四月

命隨尙書張鵬翱勘閱山東河南運河九月
河道總督趙世顯奏令往視河南武陟縣釘
船幫決口十月鵬年疏言黃河老隄衝開八
九里現今大溜直趨決口應于對岸上流廣
武山淤灘另開引河使溜南趨再于決口稍
東逢灣取直亦開一引河引溜東行仍歸正

河方可漸次堵築得

旨朕每警心河務黃河衝決之處一經奏聞
卽詳晰指示今覽陳鵬年所奏皆與朕前頒
諭旨相合下部知之十一月趙世顯爲屬員
訐罷

詔鵬年署河道總督十二月疏言近年淮安
摧闕以河工同知管理捐納銀項令淮徐道
貯庫應用並歸總河稽核臣思海工同知職
在修防道臣總理工程皆難兼顧臣則馳驅

河干之日多既不暇親理恐付託非人請另
遣部員管淮安閘而以捐納事例歸江蘇巡
撫稽核貯銀藩庫俾臣得畫率屬員專力河
務奏入下部議如所請行六十年二月疏
言河南滎澤縣黃河兩岸隄工止出水面三
四尺五六寸不等一遇水長卽漫隄而過上
流水既漫散則下流河身日漸淤高隄岸卑
矮且有殘缺難資捍衛宜于挑濬以前增高
培厚疏下部議令河南巡撫楊宗義速行修

築是月武陟縣馬營隄爲水凌水衝漫鵬年
自清江浦往觀疏言馬營地勢低窪從釘船
幫南填尾衝開至此二十餘里已成大溜撫
臣楊宗義堵築上口止剩六丈餘下口止剩
四丈餘無如水涿溜急難施人力今惟有分
其上流借沁水逼黃就廣武山下淤灘之上
王家溝開引河使水由東南會入柴潭舊縣
前正河用杏葉鉄鈿濬船幫下首新生
淤灘建挑水坝於新河口東逼沁水會黃南

趙不使東下則大溜往南馬營決口濇可堵
築完固䟽下部議行會奉使閱河之副都御
史牛釭祭酒齊蘇勒等奏築沁河隄頭至詹
家店十八里遙隄楊宗義以武陟百往會言
此十八里若築隄則田畝易淹且致衝決鄰
邑奏寢其役

詔鵬年確勘鵬年奏黃河南北兩岸從滎澤
縣始築隄其上十八里并無隄蓋以南岸有
廣武山為屏蔽而北岸則沁水從此出口當

沁黃交漲時聽其流入水寨及原武縣之黑
羊山沙地水勢寬平不致衝溢前人寔非無
見若一併築隄則暴漲必衝射隄根工險難
以防護歲修亦糜費不貲宜仍留出無隄之
十八里以脩宣洩從之又疏言臣與撫臣楊
宗義商議暫停馬營決口堵築以三月朔興
工開王家溝引河並建挑水埧于沁河口謹
繪圖呈覽尋奉

詔回辦南河事務八月疏言蕭縣黃河南岸

由家梭險工須建月隄以資保障邳州運河
徐塘口迤下河道淺滯應于徐塘口迤上挑
挖月河接入彭家河而彭家河亦應挑深其
山陽縣運河文華寺下引河淤墊應加挑濬
又高家堰山盱二汛一帶河隄風浪衝激應
加倍築土一萬四千餘丈山盱汛天然南北
兩坦原防湖水暴漲相時開放今南坦與東
水南隄逼近應築寔爲隄改北坦爲南坦另
于迤北百丈之外建坦則東水南隄地寬流

緩可免激射之患。疏下部卽行。是月鵬年復至武陟閱工。先是馬營夾口因桃洑流急水深，停工半鉏。奏于上流秦家殿堵築甬坡旋決。至鵬年同楊宗義疏言秦家殿南垣尾刷開一百二十餘丈入馬營東下，應于南垣臺轉東建扇面垣挑溜西行，用長椿大埽建攔河大垣于秦家殿上流。又疏言前因河勢北趨宜分淺上流先開王家溝二十餘里引河嗣因沁黃並漲河流遷徙引河口門沙淤移

上接開至劉家溝水已暢流衝刷寬深復因
上流河沁積灘二十餘里隔河溜爲南北兩
道南入引河北仍趨決口今宜從劉家溝上
流無灘隔之官莊峪開接引河一千四百餘
丈庶全河之水俱洩而秦家廠及馬營決口
易以堵築矣疏下九鄉等同牛鈕齊蘇勒議
官莊峪在廣武山腳下淤灘窄而且長上流
無進水之勢開引河不若堅修挑水坝合鵬
年同楊宗義酌行十月疏言秦家廠之挑坝

尾堤向係漫灘根脚虛鬆自霜降後連日西
北風鼓浪衝刷漫開百餘丈大流歸入馬營
前此南堤尾水深至三丈有餘自北堤尾衝
開後漸次平緩十月三日堵築合龍訖其北
堤尾及馬營決口可以次刻期堵築十一月
疏言前經定議自詹家店起至崇澤縣老堤
止包築六月間誠爲重門保障若俟決口堵
塞後興工恐土凍不堅兼今天氣尙在融和
卽行鳩築惟中間約有百丈因兩年汕刷實

深應俟春融積冰漸消另取乾土夯礮堅寔
乃可竣事是月

世宗憲皇帝御極寔授鵬年河道總督尋疏
言前經定議自沁河隄頭至詹家店無隄之
十八里留脩宣洩今河勢北趨較前迥異若
留此空隙亦屬可慮應如牛鈕齊蘇勒原奏
自沁河隄頭至詹家店連築大隄直接築澤
縣老隄通計三千四百四十丈俟春融併築
竣工下所司知之又疏言秦家廠北垣尾十

二月初八日合龍旋復爲冰凌水衝漫二十
餘丈至二十一日堵閉完竣其烏營隄堵入
九丈亦可刻期堵塞奉

諭曰秦家廠北填尾漫溢之處雖經堵閉但
係冬日所築明春冰融之時務期預爲加謹
保固雍正元年正月鵬年卒年六十有一遺
疏至得

旨陳鵬年潔已奉公寔心爲國因河工決口
目請前往堵築寢食俱廢風雨不辭積勞成

疾歿于工所聞其家有八旬老母室如懸磬
此真鞠躬盡瘁死而後已之臣著賜司庫銀
二千兩其母給以封典照一品廕其子仍下
部議卹

賜祭塋如典禮諡曰恪勤十年

詔各省建賢良祠河南巡撫孫國玺疏請以
鵬年入河南賢良祠疏中有功侔砥柱語
上以言過其寔申飭國玺

諭稱鵬年一生居官尚不愧有爲有守仍

允入祀後江寧建賢良祠鵬年亦入祀

漢名臣傳卷七終

卷之五

五

038-858

漢名臣傳卷八

朱之錫 王士禎 彭鵬 田六善

任克溥 張玉書

朱之錫列傳

朱之錫浙江義烏人順治二年進士改庶吉
士授編修六年二月大學士剛林范文程等
請簡翰林官十二人編輯六科章奏以備
國史之用之錫預焉七年二月乞假省親定
丁父憂服闋補原官十一年七月擢宏文院

侍讀學士十一月遷少詹事十二年二月疏
言自

國家定鼎以來開館纂修明史因天啟崇禎
年間事實散佚叅攷無憑遂致停擱恐歲月
漸深傳聞愈舛夫實錄不存則可據者惟當
時邸報及野乘遺書宜

勅部宣示中外有以明末邸報來上者最加
旌賚至求書人奉

明旨而各省奉行怠忽請責成學臣購進及

任清時課其多寡而殿最之則事有專司史
科易備矣疏入下所司議行十月遷詹事十
三年閏五月遷宏文院學士十四年六月擢
吏部右侍郎七月

世祖章皇帝諭嘉之錫氣度端醇才品勤敏
令以兵部尙書銜總督河道駐濟寧州十五
年十月河決山陽縣柴溝溢建義馬邏諸隄
之錫赴清江浦築戢隄以衛之決口遂堵宿
遷董家口爲淤沙所塞別開新河四百丈於

舊渠東迤以通運道十六年正月疏言黃河
建瓴萬里及入河南土鬆流滙泛溢之害無
代無之前明二百餘年數興大役治水名臣
如徐有貞劉大夏潘季訓等塞決口疏河身
役夫俱八九萬至十餘萬糜帑不貲我

朝數百萬京儲仰給東南凡籌河者必兼濟
運黃河自滎澤至山陽南北兩岸前明經營
遺迹廢弛日甚運河自惠通至董口清口至
江規制十存其五欲一一修復工繁帑絀謹

酌盈虛權緩急條上十事一河南歲修夫役
宜存舊額近以安瀾屢經奏減不知河本湍
急未至潢流謂之曰安然其湍激之性固無
分已決未決也伏秋水漲呼吸間淹岸數里
迎流之處縱有重嶂如穿蒿葭其防之也高
一丈長十丈之埽非數百人莫能推挽一里
之堤非三萬餘工不成今歲所築閱歲而高
者卑厚者薄加以濁流無定倏北倏南重隄
不支退守月隄月隄之內不得不又議土工

此夫役舊額萬不可議裁減一淮工宜酌行
民修舊例江淮河濟原分四瀆自挽河資運
會淮注海以一淮受河濟兩瀆之水漫決時
有工作不停前明兼用官修民修我

朝因之自順治九年定議募夫支給河銀未
議及民修之例河銀有定額用夫無常期難
免顧此失彼宜分別應官修者募夫給銀應
民修者派夫給食米人數少可專派山陽一
縣人數多則均派高郵寶應興化泰州鹽城

秦興各州縣協濟則事分丁速一隄開宜擇
最要者先治楊局運道與湖水相連淮屬運
道係黃淮交會黃流易致沙淤必借淮流蕩
滌方不致梗遲伏秋之間淮被黃遏不得出
清口皆聚于洪澤湖則高堰危故堰南有高
良澗周家橋兩閘洩水東入高寶白馬諸湖
高寶湖東通運河南從瓜州儀徵入江而地
勢微昂宣洩不及則運隄危故運河東岸有
徑河子嬰金灣等閘洩水東下射陽廣洋諸

湖有灣頭閘有芒稻河洩水南入於江今各
閘圯壞應卽估計修葺一柳料宜預爲籌備
令瀕河州縣各置柳園數區或取之荒地或
就近河民田償價歸官每園置堡夫數名布
種澆灌責成道廳稽察數年之後徧地成林
不惟有濟河工而河帑亦可稍節一戾剔誤
工病民弊端凡供役之廠夫堡夫流夫隄夫
閘夫淺夫鋪夫有奸豪包估賣富僉貧賄鬻
私逃剋減工食之弊採買之柳梢菰石草柴

昔糶灰鐵糯米桐油有扣減價值交收指索
折乾肥私之弊器具之方船活牯刮版屨斗
鉄鏟鉄鏝布撓竹筐鉄屑杏葉杓鉄筴箕五
齒鉄扒鉄杵木夯石礮雲梯有儲備不豫制
作濼草之弊宜責司道府廳查報徇隱者以
溺職論一釐覈曠盡銀兩凡額設水夫天時
陰雨而不赴工者爲逃曠所扣工食銀謂之
曠盡恐不肖官吏侵入私囊前河臣楊方輿
奏明每季起解河庫每歲冊報工部今宜令

管河廳官立循環簿每幅首行書某州縣額
夫若干工食若干中界爲三十格每日一格
書夫幾名某所做工有無逃曠後行書應扣
曠盡總數每日送司道查核一慎重河工職
守遇同知以下缺員許薦盡心河務之人陞
補吏部推陞亦先用曾經舉薦之人凡河員
陞調降用俱令候代始行離任一河官既有
專責不應別膺差委一請復舊例歲終察核
所屬賢否分別舉劾以示勸懲一酌議汰補

夫食三月又言黃運二河毗連數省巡撫身
任封疆境內河道不當視爲非其職守致調
集夫料名官參差請

勅各巡撫共覈河務平時先事綢繆臨急從
宜搶救疏下部皆如所請行八月疏薦運河
同知佟養鉅北河同知魏裔魯邳宿同知孫
裔昌封邱知縣余縉儀封知縣范維雅等得
旨敘錄十月以兵船絳夫有守候越站攘奪
奔追順水行舟諸苦累請自今兵船分別征

剿駐防酌定夫額設官巡查下水舟速停止
給夫疏亦下部議行先是之錫丁母憂

上以河工緊要令在任守制至是疏言臣前
以母癯尙停官署未嘗窺交三疏陳請叠奉
溫綸勉臣恪供職業重以

褒寵光榮即頂踵捐糜莫能報塞何敢再以
利情瀆奏願臣畢績任事轉盼祥禎無地自
容時不可失仰祈

俯鑒苦衷及今河事方竣望

簡新督交代咨臣躬扶母櫬回籍治喪得
旨覽奏具悉至情准暫假數月扶櫬回籍事
竣仍卽赴任

命侍郎楊茂勳署河道總督十七年六月授
茂勳湖廣巡撫以僉都御史苗澄接署十二
月之錫復任借僚屬捐銀賑濟淮揚徐三府
災民明年

聖祖仁皇帝御極議敘捐賑千兩以上諸臣
加之錫太子少保康熙元年九月河決原武

漢名目傳卷之二
祥符蘭陽東溢曹縣決口香爐口之錫檄濟
寧道方兆及等赴曹縣董築自往河南塞西
閭寨單家寨時和駙蔡家樓管家寨諸決口
是年河南巡撫劉源濬條奏南陽汝寧二府
開墾荒地請免河工差徭十年部議令之錫
奏核之錫言差徭宜均其勞逸新墾者偏逸
則舊業之民偏勞酌定自今領墾地畝五年
後起派雜差又工部以江南瓜州剝船通欠
歲輸河庫額銀令之錫察追之錫言陽州至

瓜州近年商船通行剝船無從覓利兼復撥
應兵差其舊新額併俱宜豁免又疏請造船
撈淺高郵四十五寶應江都各十八共支帑
千七十餘兩部議並從之先是之錫疏薦通
惠分司工部主事壽以仁河南駙傳道萬永
祚南河分司兵部郎中吳煒北河分司工部
主事高恒豫及封邱苑縣屠粹忠揚州府推
官王士禎等俱敘錄如例四年二月疏言聞
河原因挽漕開鑿滙衆泉分注灌輸南旺爲

運河之脊北至臨清南至台莊全賴四十餘
閘啓閉卽宜瀕河之地春雨長少惟伏秋雨
多收入湖櫃可濟來年新運去歲凍省久旱
竭力支持舊漕幸竣然山泉之小者多枯大
者已弱湖水之舊者盡放新者無收臣日夕
憂懸未敢寧處不得不鯁鯁過計於閘板內
之涓涓水利若差船官船聚集多人應閉者
強之使開洩水下注則重運之在上者阻矣
應開者強之使閉流水待船則重運之在下

者又阻矣公差旣由水程卽隨漕而進未至
誤期官員情殷此馭旣知河路迫遲則又何
妨從陸乞

天語申飭各遵例禁仍容臣刊刻榜示樹立
各關有神漕務非淺疏入得

旨嗣後非奉極要勅旨差遣擅行啓閉間日
者卽指名題叅下部嚴議行五月疏言自去
冬督率東省河道廳印等官搜剔泉源挑濬
河身添建草閘多置水埧隨宜經營未嘗時

刻停輟入春之後亢陽逾甚循例請

頒泰山香帛臣恭詣祈禱值重運停滯洳河
臣憂心如燔南北奔馳在清平博平督建草
聞事竣五月朔途次東昌大雨如注汝泗諸
水已經報長現飭各關相機啓閉今歲運道
可無淺阻之虞矣六月疏言部議停差北河
中河南河南旺夏鎮通惠諸分司令以分司
事務歸併地方官臣維黃通兩河隄防疏濬
皆須一一足到限期不比刑名錢穀之事可

以理斷臆決者也河勢變幻工料紛繁天時不齊非水則旱或綢繆幾先或補苴事後或張皇風雨倉遽之際或調劑于左右方圓之間往往數武之地竭千百人之拮据而不足北河所豁千有餘里其間三十餘閘申河所轄黃運兩河而董日尤運道咽喉青黃交接濁流易灌南河所轄在淮黃江湖之間東西南北相距寫遠天妃閘口每多沙淤爲患南旺泉源三百餘處雖濟兗二府所屬近者或

出道隅遠者偏藏僻壤夏鎮地屬兩省鑿石
通漕形勢陡絕節宣閘座尤費經營通惠浮
沙易淺峻水易衝塞決之役歲歲有之各分
司職掌載在

勅書難以殫述若云歸併府佐則府佐原有
管河之責是乃裁革分別非爲撥官管理况
征夫閭料地方官民皆不樂聞府佐職微權
輕上下掣肘呼應不靈易致貽誤至于地方
監司其錢糧差徭盜賊詞訟供應兵差緝解

逃人甚爲煩劇河屬修防固未嘗不資其協
助然責以終年累月往來奔馳駐守河上揆
之事勢萬萬不能况源流之上下相濟夫料
之緩急通融分司與各道界壤迥不相同若
應合而分則一閘座也上流以爲應對下流
以爲應闕一額夫也在此則欲求冬在彼又
復慮少不但紛競日多必致牽制誤事更當
巡道旣裁之後究西道所管之曹黃東阿陽
穀等縣運河已改併濟寧道矣揚州道所管

之運河已歸併驛傳道矣淮西道所管之黃
運兩河已改併淮海道矣又以驛傳道兼攝
楊關權稅淮海道兼攝板閘淮倉清江權稅
是一道而已兼數道之任夫稅務猶可坐理
若增一泉沈河沈道里相距率皆數百里而
遙百務續紛此身羈泄渺渺水濱欲聞其足
音不可得也又况自聽而至道自道而至臣
衙公署文移往返道路迂迴坐談事幾有不
可縷悉者蓋臣屬之設司屬于沿河各境猶

身之有管管之有指也今若專任未僚之佐
貳而以事繁地遠紙上兼攝之監司承獲其
間黃運兩河各不下二千餘里倚臣之一身
總理急此而遺彼顧東則失西異時萬一貽
悞運道收拾艱難爲憂方大是安得不爲之
長慮却顧哉應仍循舊例部差分司以重河
防以保運道疏入得

青俞允五年二月卒于官四月直隸山東河
南總督朱昌祚疏言之錫治河十載殫力宣

勞當旱溢相仍則拮据宿夜若隄渠挑濬則
南北馳驅受事之初河庫貯銀止十餘萬兩
頻年搏節現今貯庫四十六萬兩有奇核其
官守可謂公忠体

國其弟之璋稱之錫積勞嬰疾因河事孔棘
不敢請告今歲北往臨清南至邳宿夙痼日
增回署身故年止四十有四未有子嗣籲請
恩卹

賜祭葬如例十二年八月河道總督王光裕

疏言之錫生而盡瘁沒爲河神江淮兩河
民追思惠政每涉危履險祈禱卽驗邳州宿
遷中牟陽武曹單等縣皆爲建廟漕艘運丁
亦塑像尸祝其生前保運安瀾固分所宜盡
而其始終爲

國爲民之精誠能于沒後有驗謹據輿情
請

錫封疏下禮部部臣以河臣封神未有成例
寢其事

今上乾隆四十五年二月

巡視河工

允在在諸臣請

諭禮部以之錫沒爲河神屢著靈應

賜封助順永寧侯春秋致祭

士禎例傳

王士禎山東新城人順治十五年進士十六年授揚州府推官

聖祖仁皇帝康熙三年總督卽廷佐巡撫張

銜顯疏薦其品端才敏奉職最勤總河朱之錫亦以委盤河庫綜覈精詳協助隄工剔除蠹弊疏薦下部敘錄內陞禮部主事遷本部員外郎八年司權清江閔還遷戶部郎中十一年充四川鄉試正考官遷丁母憂十五年六月仍補戶部郎中十七年正月召對懋勤殿

諭吏部曰王士禎詩文兼優以翰林用遂授侍講二月轉侍讀十月充順天武鄉試正考

官十九年十二月遷國子監祭酒二十二年
十月同司業劉芳詣疏言自漢高帝時以太
牢祀孔子至唐宋元而隆以玉號明化洽聞
尊以八佾十二籩豆其設大祀而爲中祀則
嘉靖九年張璁之議謂孔子生未得爲不當
舞八佾不知以位言之非但不得舞八佾佻
不得舞六佾乃前代尊崇之有加無已者以
道德不以位也且禮祭從生者以天子而祀
其師自當用天子禮樂乞

勅禮臣與廷臣詳議遠豆樂舞之制又疏言
從祀諸賢諸儒名號位次尙宜釐正如十哲
之位自明嘉靖間議去封爵之後稱冉子者
凡三未有辨別兩廡諸賢諸儒從祀者也至
有明一代理學肇自霍州學正曹端其學以
誠敬爲主禮部尙書章懋由博返約敘華就
寔是國子監祭酒蔡清所著家引一見窮理之
功禮部侍郎呂柟左春芳賈善羅洪先刑部
侍郎呂坤操履篤寔咸有著書發明聖道此

明儒之當從祀者也有絳州貢生辛全生值
明末力以正學爲己在著書甚富以時代稍
近未敢輕議乞

勅正遺書或可仰裨

聖學之萬一又疏言國子監所貯十三經注
疏二十一史版刊自明初至崇禎十二年修
補後迄今四十餘載不免漫漶殘缺宜及時
鳩工修補併

勅江南督撫察訪前明有監經史版如未散

供卽行令學臣收貯儒學尊經閣中以嘉會
來學四疏並下部議部臣以遠豆樂舞名號
位次應俟

頒發會典遵循增祀諸儒及徵進遺書均俟
明史告成覈定其經史南北版修補收貯事
如所請行二十三年十月遷少詹事十一月
奉

命祭告南海二十四年請假歸里旋丁父憂
二十九年正月補原官三月遷都察院左副

都御史尋充

經筵講官

國史副總裁十月遷兵部督捕侍郎三十年

二月充會試副考官三十一年八月調戶部

右侍郎三十三年六月轉左充淵鑿類函總

裁三十五年正月奉

命祭告西嶽西鎮江瀆三十七年七月擢左

都御史三十八年六月御史郭金城奏裁冗

員事下吏部同都察院酌定應留御史員數

士顧言御史二十四員必不可減從之十一月遷刑部尙書四十年四月請假遷葬上諭廷臣曰山東人偏執好勝者多惟王士禎則否其作詩甚佳居家除讀書外別無他事可給假五月不必開缺十月仍赴京任事四十二年七月步軍統領託合濟以宛平縣民薛應元控誅捐納通判王五太醫院吏目吳謙送刑部治罪刑部奏王五逼索私債縱僕鬪毆革通判職吳謙不知情免議得

旨下三法司嚴審王五係已革工部匠役改名捐納通判屢遲克寔命應斬吳謙同謀詐索應絞原審未得寔之部臣降章有差士禎降三級調用九月左都御史舒輅等奏據革職刑部司員孫叔貽閔福席爾瑞赴訴原審王五吳謙先以取定口供續派辦稿有雲南司主事馬世泰囑開脫吳謙是以但擬王五流徙士禎同侍郎陳論謂一流徙一免議輕重大覺懸殊令改稿乃改流徙爲褫革請

旨集寶復得王府護衛色爾弼以開脫吳謙
囑長史穆爾泰轉囑馬世泰狀各論罪如律
士禎與陳論辨未受囑坐贍循革職四十九
年十二月

詔加恩公事皇誤年臻耄耋在籍諸臣復士
禎尙書銜五十年五月卒於家年七十有八
所著有帶經堂集皇華紀聞池北偶談香祖
筆記居易錄分甘餘話粵行三志秦蜀駟程
隴蜀餘聞漁洋詩話

國朝謚法考諸書兄士祿順治十六年進士
官考功司員外郎士祿康熙九年進士並能
詩士祿爲編錄成集

今上乾隆三十年四月

諭閱臣曰原任刑部尙書王士禎積學工詩
在本朝諸人中流派較正從前未邀易名之
典宜示褒崇以爲稽古者勸其察例議謚

賜謚文簡其名久作士正三十九年十二月
諭曰王士正之名原因恭避

廟諱而改但所改正字與原名音太不相近
恐流傳日久後世幾不復知爲何人今改爲
士禎庶與其弟兄行派不致混淆凡各館書
籍記載俱一體照改

彭鵬列傳

彭鵬福建莆田人順治十七年舉人逆藩耿
精忠據福建反逼鵬就僞職鵬堅拒不從康
熙二十三年授三河縣知縣二十七年十月
聖祖仁皇帝巡幸畿甸

召問鵬不從耿逆及在籍在官狀

命侍衛賚銀三百兩

諭曰爾居官清正不受民錢特賚銀三百兩以養爾廉勝視民間數萬兩多矣二十八年四月順天府尹詳三禮劾鵬於縣民控告命案不行詳報

上命直隸巡撫于成龍察核成龍以鵬訊無証據尙在緝究覆奏部議鵬革職得旨從寬改爲降二級留任嗣復以緝盜不獲

積至降十三級調用皆得

旨從寬留在二十九年正月

命光卿列薦賢能鵬爲尙書李天馥奏薦與
嘉定知縣陸懽其等並行取得

員以科員用假歸逾年授工科給事中三十
二年二月同日上三疏言秦晉豫三省有司
不恤民先是陝西西安鳳翔及山西平陽等
處歲歉

上發帑賑濟又

命河南運米十萬石給陝西至是以鵬疏下
所司確議令鵬指是再奏鵬復指涇陽知縣
劉桂扣剋籽粒聞喜夏縣匿災未報猗氏知
縣李澍蔽災黎磁州署知州陳成郊濫派
運價夏邑知縣尚崇震派銀包運南陽知府
朱璘曖昧分肥等事

命各巡撫察審不皆寔議處如例鵬得

旨寬免三十三年四月劾順天學政李光地

聞

命在任守制不哀痛力請終喪僅乞假九月
悖理乖情應罰令離任留京終制疏下九卿
議從之詳李光地傳初鵬疏劾癸酉科順天
鄉試第一名舉人李仙湄闈墨刊本考官刪
改過多一百八名楊文鐸文理荒謬磨勒之
給事中馬士芳有通賄情弊伏乞

親詠如臣言欺罔請斧劈臣頭半懸國門半
懸順天府學疏下九卿詹事科道察議以李
仙湄闈墨刊本係坊肆刊賣非考官徐倬彭

數元刪改楊文鐸卷磨勘有疵罰停一科別
無情弊鵬奏涉虛且狂妄不敬應革職

上命鵬明白回奏鵬奏會議諸臣聽徐倬彭
殿元欺飾支吾曲爲之辭反以臣疏中斧劈
臣頭語爲狂妄請

親訊爲不敬臣身犯衆惡乞

賜罷黜

上命免鵬處分徐倬彭殿元休致至是鵬猶
以論楊文鐸文與廷臣忿爭閏五月奉

瑋及鵬並行已清廉

命錄示原奏原議各抒所見勿瞻徇情回鵬
疏言學政積弊督臣郭琇激切臚陳請嚴督
撫處分廷臣議依定例行夫學政貪贓革職
提問督撫需索陋規此照貪贓定例已久特
未嘗行之耳敢請

皇上赦既往遏將來

勅頒榜文縷晰條分犯某律者毋赦干某條
者不宥學臣入境恭捧宣讀自督撫以下文

武官跪聽臨之以

天威悚之以刑罰庶可挽回積弊至臺臣請
令各省監生回籍鄉試九卿等以成均空虛
爲慮夫成均首在興行重在作人非爲僥倖
待名而設監生遇鄉試之期始至或有甫至
思肩仍弛而南臺臣亦痛切言之成均豈以
斯爲有無輕重應責成祭酒司業就坐監讀
書者講習以敘經義治事書課有程又于八
旂官學外如漢唐皇親貴戚添設太學培樹

桓幹各省學臣亦擇有行有文之廩增附生送入成均何慮空虛至若典試主司以及會闈同考進士舉人同一科甲應請盡數開列恭候

欽點人多而甲乙未定可杜預揣營謀諸弊科臣言察封坐號以防換卷臣竊以換卷多在入門暗紉出號交卷時嚴稽于此自應消沮矣科臣又言各官子弟照朝考漢軍例皇土親試親信內大臣監試夫內大臣既稱

親信可以監試豈不可以主試所當另立考
場嚴絕代筆期仍三朝夜以繼日文章付諸
公閱去取恭听

睿裁如或混珠贖貨是自求禍也必明罰之
疏入仍下九卿詹事科道彙核定議互詳李
光地郭琇張鵬翮傳時河南巡撫徐潮之任
上諭之曰尔能如張鵬翮李光地郭琇彭鵬
所行則不但爲當今名臣卽後世亦可取重
矣十二月調廣東巡撫四十年二月鵬候代

疏言

本朝武科鄉會並試如懸鵠而較射中者因踴躍奮興不中者亦甘心奔走其間消磨歲月而不自覺此

國家賓興大典寔寓駕馭微權惟粵西向以人數無多停試今各學武生有一千數百所當開以功名之門使之不自暴棄謂自壬午年始舉行武科又疏言舊例買生銅熟鐵解京康熙二十九年以粵西不產銅鐵奉

旨免解熟鉄五萬劄歡聲載道其生銅二萬
觔應請一例

恩免並從之又疏言粵西州縣借端私派巧
立名色日均平臣到任以來已將賀縣荔浦
懷集武緣各貪令劾罷示儆前此州縣火者
派銀三千兩中下一二千兩不肖官吏先征
均平而後征正課甚有均平征收入已遇有
公事另行科派其不派均平者又取盈于火
耗有明加暗加偏針脫圈等弊且均平一項

費于公事者十之一二費于餽送者十之六
七如臣未入境之先購備撫署器物皆出之
此臣同司道當堂發還使自悔艾今欲剔釐
夙弊寔甦民困必于州縣稍養其廉乞

勅于征糧之內所收加一火耗一切陋規概
行禁止疏下部議加派嚴行禁止明牧火耗
不准行時蔚永藻赴廣西巡撫任

上論以彭鵬在廣西居官頗好爾可以效彼
所行又

諭大學上等曰彭鵬人材亦富壯健前任三
河縣時但聞有賊卽帶刀乘馬親往擒拿毫
無畏懼朕深知之八月御史三度昭疏劾鵬
前撫廣西愛藩司教化新欺蒙不卽糾劾虧
帑待離任時妃奏而又謗護其半廣東糧道
張天覺改征兵米比照時價浮銷九十餘萬
爾經戶部駁迨

皇上令鵬察奏正 宙直躬到底乃鵬偏聽會
經訐奏貪庸之道員何漢英等議以張天覺

署理藩司此兵糧一案必由藩司查明轉詳
以天覺署藩司是直以天覺察天覺又據鵬
劾藩司魯超虧空魯超未任之先署印者天
覺今魯超病故而復署之有彼此庇護擔承
之弊

上命鵬明白回奏鵬疏言臣劾教化新虧空
庫銀五萬九千餘兩及臣去年任察使盧崇
義護巡撫續劾教化新虧空四萬四千餘兩
王度昭謂臣欺蒙謂臣掩護巧舌如簧不思

盧崇義疏內所開正雜各項與臣疏內所開
總數無異臣先同盧崇義盤查除虧空五萬
九千餘兩外寔存五十二萬七千餘兩教化
新敢于盤查後再爲侵那盧崇義知之孰矣
故作朦朧王度昭耳食眼聽遂以叅半掩半
誣臣誰寔是主之孰令昏之耳目之官恐爲此
乎粵西奏銷例應于四十年五月臣先于三
十九年十一月盤查必嚴必謹王度昭何得
終臣離任始奏臣撫粵東以布政使書超稱

病詳請展限司庫難以湊益情辭槩克指叅
魯超病故按察司張仲信稱臬務繁冗兩顧
必誤堅辭再三與副使道李華之孫明忠僉
事道何漢英監運使陸曾公議會詳保薦糧
道張天覺堪以委署臣敘詳具題旋據張天
覺親赴司庫盤查虧空銀十一萬二千三百
八十二兩具疏題叅臣于魯超生前死後不
必假借王慶昭何得糾臣委糧道庇護擔承
留未了之案至廣東改徵兵米一項由康熙

三十年起臣通飭各屬窮源究委而各屬膠
執前事依樣粉本甚如雷瓊而府隻字不報
臣已據張天覺揭報題余一面申飭各屬速
檢成案以憑察奏王度昭笑爲糾臣以不節
直窮到底臣委張天覺署藩司出于司道公
議王度昭獨云偏信何漢英不及按察使張
紳信蓋王度昭曾任雲南浪穹縣張紳信向
爲上官又薦主也不及肇高道李華之蓋與
家居同邑又戚屬也且稱何漢英貪庸曾經

許奏又不據事指名藏頭露尾恫疑虛嚇豈
待揭其肺腑而後見哉王度昭職司宜目先
自失其本心奈何反以不知何心劾臣事關
言路涉私所望

皇上憐臣孤特鑒臣樸拙臣廣東廣西各疏
勅下九卿察議則黑白分而涇渭立見矣疏
入得

旨朕于科道許其風聞入告專爲廣開言路
使督撫以下等官知所警戒糾劾不寔例有

處分至于被劾之人具疏回奏止應辨斷是非不應支離牽引彭鵬爲言官時亦曾劾人今爲王度昭所劾理應止以切己之事剖晰奏明今乃詐奏王度昭謂其曲庇親戚而其間所有夙怨又未指出寔據彭鵬雖操守清廉居官亦善此回奏反覆瀆陳辭氣不勝忿激粗戾已極着嚴飭行十二月疏言前任撫臣蕭永藻請以粵東改征兵米之半照賦役全書原則征銀奉

旨令臣查奏又督臣石琳因康熙二十七年以後改征兵米較估報時價浮多屢經部駁催飭知道具疏請免部議俟臣奏明再核臣惟粵東向因兵食浩繁改額賦之征銀爲征米謹就本年秋冬米價計之二十二萬六千九百餘兩之額銀改征二十一萬六千三百七十餘石之兵米少銀七萬三千餘兩應令本年經管各官如數追扣存庫嗣後各州縣額賦仍照原則全行征銀其兵米採買撥給

四十一年十一月疏言戶部以二十七年至三十九年改征兵米計價較多行令追完臣檢核原委此十三載豐歉不同米價底昂無定民皆遵由單輸納一旦重追民之轉徙靡常官之去故非一必不能完從前督撫諸臣恐採買遲悞又恐米石止許報銷銀七錢故未議復征銀征米臣十四年適逢歲熟奏明追扣存庫嗣後征銀採買每年節省七萬三千此臣不敢苟且因循之寔心亦不忍按

年重追之流毒乞

恩概與免追疏並得

旨命允四十二年二月疏言粵東向因錢價
日賤以所存錢搭放官俸役食十之三舖兵
一役每名每日止得銀一分一厘零不敷餉
口請自今支給全銀留錢搭放別項官俸役
食扣銀候撥於錢糧毫無虧損而苦役資生
有賴益廣

皇仁事下部議行四十三年正月卒于言年

六十有八遺疏至得

旨彭鵬自爲縣令以至巡撫居官皆善伊所屬大小官員從未有因親友分別看視誠爲寔心供職克盡勤勞忽聞溘逝朕心深爲軫惻應得卹典察例具奏

賜祭葬如例後祀廣東名宦

田六善列傳

田六善山西陽城人

世祖章皇帝順治三年進士授河南太康知

縣九年以巡撫吳景道疏薦才守兼優內遷
戶部主事游陟郎中十五年十月授江南道
御史疏言近者部臣條議禁民乘馬蓋欲歸
諸官以供馴卒軍營之用特是富民之馬固
其資財所餘窮民之馬每爲衣食所備一旦
強使納之在官或賣之營伍皆不能酬其價
值苦累滋繁若謂盜賊無由馳騁彼不畏殺
人之令安保其畏禁馬之令且南服未靖船
有餘而馬不足奸人乘間圖利恐官馬之增

未多民財之棄無算乞勿禁爲便疏下九卿
議弛其禁十六年二月疏言欲安民在勸清
吏乞

勅名督撫遇有清吏特行薦舉吏部于各督
撫蒞任一二年後列表奏其曾經薦舉何人卽
可鑒別其能否察吏安民議者或謂薦舉清
吏無以處乎不在清吏之數者一難也恐督
撫依舊受賄徇私二難也征糧緝逃各處分
未必無壘碍三難也然臣謂清吏果得薦舉

則飲水茹蕞者見公道尙存益堅其持守一
便也羣吏以不著清名爲愧亦力自濯磨二
便也某省有清廉幾人以驗吏治之修廢三
便也天下曉然知有能必先有守風俗可以
丕變四便也向日督撫厭憎清吏無益于已
今必且明而翼之親而愛之五便也不惑于
三難力致其五便將循良之風不讓前古矣
疏下部議行是年巡視長蘆鹽政十七年還
掌江南道事

聖祖仁皇帝康熙元年請假歸三年補貴州道御史四年五月疏言前日部議山陝河有等處三營各裁一營其遇裁之兵窮無所歸飢寒相迫遂爲賊盜如山西督臣奏報大同洪洞所擒獲者是矣蓋挾久練之技處坐困之時故挺而走險耳請

諭督提諸臣察閱已裁之兵如有弓馬嫻熟膂力精強者仍收入伍給與錢糧自後老弱必斥逃亡不補所漸去者疲卒不慮其爲非

所召回者勁兵可收其寔用行之旣久營無
浮濫餉不虛糜矣疏下部議令各營汰去者
弱凡年力精壯者仍留充補六月疏言吏部
于往日曾行之事率皆援以爲例意欲如此
卽有此例意欲如彼卽有彼例冊檔充棟頭
緒紛紜莫窮其弊請令部臣以
睿裁欽定及奉有著爲例之
旨者彙爲一冊敬謹遵行其餘仍循舊章得
旨如所請又疏言

皇上憫念候選官員飢寒客邸合吏部酌截
一年選人留京半載以來截留之推官八十
選一人知縣三百選三十一人其餘尙須守
候三四年者按月點卯不敢少離陪掣空簽
選期難料臣以爲業已應選當按名次挨掣
是簽臨選前兩月投供毋庸按月點卯疏下
吏部議罷點卯及掣空簽

詔此後視原定之數折半截留餘令回籍聽
候行文截取七年九月疏言前者吏部見內

陞候補卿寺等官將近三十人計數十年不得補者有之故有漢軍漢人分缺一疏然舊日漢軍所陞之各部侍郎漢人所陞之太僕尙寶各卿皆經裁併非斟酌何者當復則壅滯者仍難疏通又臣聞古語爲官擇人非爲人擇官古之人臣有度才量力引身自退者日恐妨賢能今此風沓不可覩宜於引見啓奏之際察其年貌才力時加甄別亦疏通仕路之一法

上可其甄別之奏餘令王大臣詳議改參議
道應陞之鴻臚寺卿爲科道官陞缺是年巡
視京通二倉還掌山東道事得

旨內陞因回籍需次十一年五月授刑科給
事中以正四品頂帶食俸十月疏言臣里居
時伏讀

上諭以蕪克薩哈爲熬拜伏陷殺其子孫連
坐族人白爾赫圖皆爲冤枉

恩予昭雪真合王者罪人不孥之意臣思法

律爲天下公共者也以滿洲勞苦功高之人
因與執政諸臣意見相左輒牽累大案恐百
世後尤而效之怨仇相尋借端推及攷周禮
有八議之條議親議故議賢議能議功議貴
議勤議宥謂凡有此八者之一罪大可減罪
小可赦也請

特制訓誥昭示來茲滿洲犯罪非反叛有寔
迹者一準於律勿妄議株連則儲人才之用
同根本之圖皆于是乎在

上是其言下王大臣議從之十二年三月疏
言史者古帝王得史之林也寬仁明斷之君
崇儉納諫之主其民必安其事必治其世必
興且隆若夫不寬仁而苛察不明斷而因循
惡聞過而樂逞欲其民必不安其事必不治
其世必衰且亂所

諭日講諸臣通鑑與經書並進無所忌諱則
其文易明其效易覩得

旨俞允八月轉戶科掌印給事中旋擢光祿

寺少卿十二月轉通政使司右叅議十三年
二月擢右僉都御史疏言吳三桂負
恩叛逆處必滅之勢者有五遺親背主親刑
承明王朱由榔乃欲復假名號是將誰欺必
滅者一身居天末如坐井中自古及今無滇
黔能窺內地之理形勢不便必滅者二其精
兵有限聚之似多分之寔少湖南四川廣西
三路若欲齊發首尾難應必滅者三新收各
鎮不皆甘心從賊亦有屈于勢迫者此猜彼

息內亂必生必滅者四前在水西殺戮極慘
諸苗銜恨甚深離巢內入後患難防必滅者
五故臣謂三桂猖獗不足患而綠旗因苦所
宜籌步兵月餉不過一兩有餘馬兵月餉不
過二兩有餘甲冑未必堅強弓刀未必精利
登山渡水輒資之先驅若不徹底籌畫嚴行
整頓恐貽悞非輕臣謂恐旂之力雖弱善用
之則強綠旂之心雖渙善收之則聚俱給宜
足勞逸宜均體恤宜至先登破陣無分滿漢

賞賚公平斯忠勇自奮克佐禁旅以奏膚功
今日所宜急計者也疏下部詳議鼓勵緣旂
官兵敎給餼賞例五月遷順天府尹十二月
遷左副都御史十四年正月疏言臣昔爲河
南知縣時孫可望李定國尙據雲貴四川其
勢不滅于今之吳三桂也金聲桓叛江西姜
瓖叛大同亦不異于今之耿精忠王輔臣也
而當日人情未若今日之驚惶疑懼者由其
時督撫有孟喬芳張存仁吳景道諸臣敎行

儉樸慎守廉隅吏治肅清民生樂遂也宜
特頒嚴諭令督撫禁雜派核軍寔所屬官員
有利民敢檢者立行糾劾省民力以安民心
更審酌勦禦之機守漢中進福建江西之饒
撫等處兵使接應建昌浙江之金台等處兵
使接應衢州近見江西浙江報捷諸疏屢言
殺賊累萬然必待殺盡而後入閩恐愚頑之
民無盡草竊之賊亦無盡臣謂耿逆先擒則
羣賊自息如昔日姜瓖乍叛山西土寇蜂起

姜瓖既滅土寇盡歸烏有其明驗也至若吳逆狡謀覬以一隅之地困我天下之全力我卽以天下之全力困此一隅之賊党待吳逆授首則四川廣西可不煩兵力而自定矣二月疏言臣籍山西與陝西接壤黃河自邊外浙入內地經保德臨縣以至蒲州南北一千餘里蒲州上至禹門係平陽府所屬對面有西安重兵以蔽其前近今設有提督總兵可謂防之有道矣自此以北永寧州臨縣則爲

汾州府所屬其渡日有孟門鎮高家峇等處
再北保德州爲太原府所屬其渡日有黑田
溝窮狼塢等處河西則陝西之延安府素稱
荒野河東則山西之交城縣路險山深草竊
最易潛匿請

勅撫提諸臣就現在之兵分撥防範綢繆于
未雨之先庶不張皇於臨事之際十月疏言
念大兵已抵平涼王轉臣迫于必死之勢雖
我兵勇能衝鋒智能料狀然殺賊百不償失

兵一當于平涼城下駐可戰之地以逸待勞
急攻固原絕其糧道平涼地瘠非比湖南地
廣米多可以持久糧不得通人心自散卽有
斬王逆之首請軍門乞降者矣若賊東出卽
撤兵東應西出卽撤兵西應疲我師徒分我
威力固原圍解賊氣貫通此斷斷不可者也
諸疏並下王大臣議行十五年二月充會試
副考官十六年四月擢工部右侍郎十七年
六月疏言近以暈氣炎赫

皇上省躬引咎飭臣工滌慮洗心于內外情
形已洞若觀火臣謂條例之不善尙易更張
吏治之混淆極難奏效今日官至督撫居莫
敢誰何之勢自非大賢傑不縱恣道府每年
規禮若干再行搜括若干則道府所轄官民
如賣之道府矣州縣每年規禮若干再行嚇
索若子則州縣所屬士民如賣之州縣矣
世祖章皇帝時山東巡按程銜劾巡撫耿焯
江南巡按秦世禎劾巡撫王國寶兩撫皆置

重典一時天下肅然今巡按久停雖欲議復
恐選擇難得多人惟

皇上欲澄一省選一人遣行兩省則選兩人
或一年二年再清某省則再選不必一時俱
遣出其不意示以不測使天下貪惡之官不
敢恃督撫之熟交而肆志卽有不肖之督撫
亦莫敢自謂處莫敢誰何之勢而庇貪害民
矣疏入

報聞八月調戶部右侍郎十八年二月疏言

錢法之設所以通有無和民用自秦漢以及
唐宋詔國之富曰貫精語家之富曰萬貫皆
錢也非銀也至金元以銀兼錢與鈔而並行
明之中葉乃專資于銀闢逆變難銀或沉于
江河埋于山谷貪吏又欲爲厚藏之計致民
窮財盡今欲救天下之窮惟有廣開鼓鑄一
法鑄錢所資銅六鉛四而可採之山所司每
深諱之蓋恐其時有時無貽貽稅之累且上
司一聞其地開採此挾彼制誅求甚多也臣

謂宜令天下產銅產鉛之地任民採取有則以十分之二輸稅于官無卽聽之不使留患于後日各州縣自行稽察申報道府勿旁撓多官縱役攪擾其報採多者酌量議敘則官與民無不樂爲廣資鼓鑄將見錢不可勝用矣事下九卿詳定所奏爲例議上得旨採銅關係國計其令各督撫率屬殫力奉行務期有裨寔用三月以老疾乞罷慰留之五月轉左侍郎二十年二月

命以原品致仕三十年四月卒于家年七十
有

任克溥列傳

任克溥山東聊城人

世祖章皇帝順治四年進士由南陽府推官
卓異行取考選科道十三年丁月授吏科給
事中十一月疏言

皇上勵精圖治深知親民之官莫過守令特
于天下知府之中擇其繁劇難治者三十府

致凍阻中途有悞清兌今歲七月中漕艘抵
通壅滯河干遇山水陡發有浸濕漂沒者
皇上另遣專官馳赴通州始設法收支竣事
試問倉場侍郎李呈祥所居何職坐視稽遲
同官范達禮現奉

旨另議呈祥闕冗無能何以自解乞

勅部嚴行處分疏下呈祥回奏議處如例十
四年正月轉刑部給事中五月疏言抗糧之
弊有三一日宦戶恃勢攬收糧銀僅完三四

有司莫敢拘問一日儒戶包免雜差預收額
賦及有司催納展轉稽遲一日徭徭投身要
地攬賦最多自恃上司左右器爲嫌其充
役本州縣者通同朦朧較之紳衿欺隱更甚
百陪臣近見各省州縣糧冊亦列出官戶儒
戶以防優免之冒濫而不分民役未清遺欠
夙根今宜分三項各另造一冊某某若干段
內完若干尚欠若干秋冬二季申報督撫按
三院官欠者題案未納者確革役欠者拿究

庶前欠者知警而後欠者絕迹矣疏下部議
行十月劾給事中陸貽吉與大理寺評事李
振邦張我樸賄賣舉人等言北闈放榜之後
賈有頌言其弊不止一端而試官李振邦張
我樸通同賄賣係科臣陸貽吉爲居間事先
彰明較著九月二十一日臣于端門前遇陸
貽吉見其張皇失措謂有捏名詐款欲換舉
人迄今半月餘仍不果其非虛枉可知臣因
思受賄有人過付有人出銀有人就詐款究

請諸弊自和盤托出矣

上命吏部都察院嚴行實訛得陸鼎吉及博
士蔡元禧進士項紹芳爲田和鄔作霖營謀
中舉通同考官李振鄴張我樸蕭賈狀

詔斬七人于市餘令禮部覆試刑部勘鞫流
徙二十五人失察之同考官庶子曹本榮副
考官中允宋之繩名降五級十五年二月充
會試同考官四月疏言臣自分枝出闈伏讀
上諭名衙門條奏興利除弊事仰見

皇上求言若渴當必有讜論訂謨違章而進
乃時近兩月僅見宗人府一疏其餘各衙門
如銓選人才撫恤師旅錢穀之盈縮刑名之
平反皆利弊興革不容頃刻緩視者有何遲
疑觀望竊謂其病有二一則因循既久發論
乃新恐無以贖往日曠官之罪一則瞻望多
端指陳無隱恐無以留後來遷就之門夫臣
子報國止有一腔樸忠遇事直吐縱著轉念
便持兩端勢必遮拾瑣屑勦說雷同不能慷

慨論列于目前又安望設誠致行于異日乞
人語嚴飭諸臣以寔心求寔政不得浮泛寒
責并

鑒別其當否示以勸懲

上允所請五月疏言近以各衙門胥役作奸
犯科者多

詔臣工悉心計議指摘弊端凜然破狐鼠之
胆與臣以爲懲之于作弊之後不若林之于
作弊之先如吏部選司推陞原有定序然有

因事停陞者遂有越次而陞者人不知其故
往往開打點調停之說虛其術中請
勅部嗣後應陞各官先懸榜部門序列姓名
詳註資俸薦紀忝罰使共見共聞功司議處
條例亦圖一頒行使不得憑臆輕重借端增
減至各官開缺以科抄爲憑向有以缺之高
下與發抄之後先轉移舞弊者如革職提問
事先下刑科則與事止革職徑下吏科者遲
速有異嗣後下刑科者卽發抄吏科武職屬

兵科者亦同日發抄自無所容其操縱矣
上以所奏多切時弊下部詳議行九月轉禮
科都給事中疏言士子爲四民之首習尙之
躬正攸閑督學繫多士之型風化之綱維最
大我

皇上曠重督學之選預選者自不敢因仍積
習罔上行私然亦有督撫爪牙駐防爵弁恃
要賂之函封假公文以容遞在此輩盈其囊
橐致孤寒鮮列黌宮請

旨依議行近今二三年矣造冊奏報者惟山西一省耳其浙江諸省糧額既多拖欠彌其卽極力整頓猶恐積弊難除何得玩世從事不肯寔心清理縱使今日報開荒明日報增課恐一時博優敘之榮過後仍聽其拖欠而不之問應請

勅部察核從前報墾報課者解完若干未完若干以定功罪庶錢糧有寔際勤愆亦分明又紳衿抗糧定有新條究懲蠹役尤應加嚴

并請

勅部定例疏俱下部議從之十七年四月遷
太常寺少卿十八年五月丁父憂

聖祖仁皇帝康熙三年六月補原官六年六
月應

詔陳時務言

朝廷欲薄賦有司反加賦欲省刑有司反濫
刑皆由督撫不得其人現今奉

旨令部院紹察督撫如部院肯糾極貪大惡

征催且有糧册無名按時追比致傾家包賠
者郵傳供應原有錢糧每侵入私囊僉報百
姓養馬應夫或充里長凡上司經臨過客往
來舟車飲食責令設備甚至上司差人蜂擁
喧鬧初到送公館起身索賂費中人之產破
折一空復有教唆詞訟之輩羅織無辜經年
牽累黃河糟河籍附近百姓以應役衣敝履
決力盡筋疲而工食或至中飽淺夫閭夫賈
富差貧一名而更換至數十名衙役捉拿嚇

騙百姓受累無窮請

諭各督撫飭屬清釐賦役禁革侵漁僉報諸弊嚴懲訟棍衙蠹庶幾民得安生疏下部議如所請申明禁令得

旨嚴飭遵行又

諭曰河工原有額設錢糧近聞沿河居民因河工苦累之極此皆地方大小官員不念人民艱苦縱役侵剋虐害所致若督撫寔心料理事務則貪官蠹役安得嚇嚇虐害以後有

此等情弊發覺從重治罪決不寬貸九年九月遷右通政十年五月轉左十一年四月疏言臣前見嘉魚知縣李世錫首告湖廣巡撫林天擊索銀情狀不饜不已且不留一毫情迹以此知餽遺不絕苞苴尙行良士難慶彈冠墨吏何嘗解綬較之

世祖章皇帝時有司絕不取與胥無送禮絕不敢輕至省會者風氣迥殊皆由督撫受命之初羣以餽送裘馬弓矢等物爲儀文已

亦餘美觀瞻競趨奢倭一時之費輒至累萬
赴任後用意搜尋爲報答取償之地遂至苛
索屬員貽累百姓欲相拔本塞源計請

勅督撫赴任之先屏絕餽送勿鋪張行色務
從節儉以養其廉又督撫之叅罰科條甚密
在內部院亦當体恤艱難煩重之勢依例處
分毋過爲吹索俾得展其手足專心吏治民
生而無旁顧之憂部院不苛求督撫督撫自
不苛求有司有司亦自不借口供應上司苦

累百姓矣疏亦下部議申嚴禁令十二年六月擢刑部右侍郎十三年三月大軍進討逆藩吳三桂克溥應

詔舉才堪繁劇之原任知州侯紹岐推官王養晦知縣呂鳳強赴軍前錄用十七年二月應

詔舉博學鴻儒疏薦直隸進士張烈江南進士高層雲福建舉人陳學葵原任糧儲道戴玉綸並

江寧府志卷之二

三

召試錄用四月轉刑部左侍郎十八年三月
京察以才力不及降調得

旨所議尙未允當令再議改注不謹革職遂
罷歸三十八年迎

駕臨清復原銜四十二年

上南巡還過東昌

臨幸其園

賜松桂堂額及對聯

諭閱臣曰原任侍郎任克溥于途次迎駕見

聖祖仁皇帝命王書偕圖劄前往勘視並遍
閱毛城舖高家堰以及海口諸處情形詳加
審度具奏隨行

上謂王書曰此行是非可否當秉公陳奏不
可效熊一瀟托故推諉也王書叩頭領

訓先是開音布奏高郵州河員墮開減考
三項請議處此王書至卽馳奏河員開墮乃
循舊例應開無罪開音布不加詳核遽行瀆
奏請議處八月閱河工訖還京疏言奉命勘

閱河形黃河西岸出水頗高年來大水未曾
溢岸則河身淤塞之說非也海口岸寬二三
里河流飛迅入海絕無阻滯諸減水埧應如
舊閉塞其現在擔濬各工勞而無益應請停
止惟是中河一道利濟舟楫得此免涉黃河
百八十里之險殊閑緊要但形勢逼近黃河
既不可挑寬而太窄又不能容避河及駱馬
湖之水臣勘蕭家渡楊家庄新庄口有冲决
舊河之處請飭河臣增建減水埧相時宜洩

則中河舟楫可以長通中河惟于淺窄之處
酌量挑挖支河口應如開音布所奏永行閉
塞奏入

上均如所議是年十二月

特旨差王書往浙江按理事件是月調禮部
尙書二十八年二月

上南巡駐蹕蘇州府王書自浙江還復

命杭州將軍郭丕奏民人杜光遇控于撫臣
金鉉陳兵丁擾民十款有百姓生則倒懸死

無安士之語金鈔行藩司李之粹查誅之粹
遽谷臣請出示禁理合據寔陳奏玉書奉
勅確查至是復奏云遍查並無枉光遇其人
寔由撫臣金鈔捏造虛款暨藩司李之粹迎
合附會情罪非輕應按律問罪二十九年授
文華殿大學士兼戶部尙書三十年冬
命閱河工與圖納借行三十一年正月還繪
圖以進時河臣靳輔請于高家堰增築小隄
上問玉書高家堰水勢如何另築小隄果有

益否玉書奏云曩者黃漲時淮流被逼故洪澤湖水視昔爲高今擬築小隄之處去高家堰不遠河湖水漲卽高家堰之大隄且不可保豈小隄之可備築之無益不如其已

上問宿遷一帶民生若何玉書奏小民沐

聖主憂勤甚爲得所

上欣悅玉書又疏高家堰一帶河上惟史家刮至周橋最爲衝要不念如 乃隄防

雖多築堤數重無益也臣度史家刮至同備

漢名目作

五

約一萬四百餘丈宜煩

聖慮飭河臣迅速加築至三官廟諸口俟其
筏纜垂朽改用石以期永久即現在石工亦
須加土擁護此今日河工急務也目今高家
堰擬築小隄之處惟令河臣每屆歲修親勘
情形題報可耳

上深以為然二十五年

聖祖仁皇帝親征厄魯特噶爾丹

鷲踏克魯倫河聞風奔竄

勅大將軍伯費揚古扼要路邀戰斬殺幾盡
噶爾丹僅以身免時玉書從征沙漠預忝帷
幄之議

上曰朕愛養元元以率土乂安爲念茲噶爾
丹拔亂邊疆不容不行勦滅朕親率大軍出
塞躡閭風遠遁大將軍伯費揚古等又復奮
勇殺賊擒斬無算從此邊境寧謐永享昇平
之福玉書奉王公以下文武百僚賀表以進
行慶賀禮三十六年六月充

平定期漠方畧正總裁官三十七年七月丁

母艱

賜奠

御書松蔭堂額賜之爲其母劉氏身後光也

三十八年

聖祖仁皇帝南巡玉書跪迎道左

賜有加時

上親酌明太祖陵大書治隆唐宋四字卽

命玉書從兩郡王捧安陵廟三十九年服未

關奉

詔來京入閣辦事時河臣張鵬翮奏河工事宜

上問玉書奏對甚悉乃降

旨諭張鵬翮昨問大學士張玉書據稱河水尚大高家堰俱爲湖水所侵如是則泗州盱眙安得不被水災河身之淺深以洪澤湖水之高下爲驗今聞洪澤湖之水比甲子年尙高數尺可見河身未曾刷深恐高家堰之隄

過此以往未可知也四十年三月扈從

聖駕南巡

賜銀千兩並

皇輿表等物四月

駐蹕蘄州府

命借學士揆敘考試諸郡舉貢生員閱卷呈覽得汪泰來等五十三人尋

駐蹕江寧府又借揆敘等閱卷呈

覽得錢榮世等五人及

御舟次高資港王書奏日前去京江不遠臣
之敝廬在焉若城中無駐

翠華之地輿情雖切未敢恭迎

御輦入城懇請

行幸江天寺多留數日與

親臨鉄甕城無異也得

旨張玉書懇求諄切姑再留一日後日起行

閏四月初一日于寶塔灣

行在

賜宸翰一幅四十六年河臣張鵬翮請開溜
淮套河恭懇

聖駕親臨相度二月

聖祖仁皇帝自京起蹕及

御舟泊清河口

上親往武家墩周視良久見所樹竿之處多
屬民塚非掘塚不能開濬

上聞然乃召見河臣張鵬翮極斥其請開溜
淮套之非張鵬翮語塞叩頭請罪玉書奏曰

向者老人白英曾有引汶水分南北流之議
策之善也不若別作埧引汶水通漕其下流
專以淮水敵黃黃水趨海此萬世之利也

上善其言諭鵬翮曰明代黃水強而淮水弱
今則淮強而黃弱矣與其開溜淮套無益之
河曷若將洪澤湖出水之處力行挑濬令其
寬深使清水愈加暢流至蔣家埧天然埧一
帶舊有河形宜更加挑濬使通小河不難運
料商民可以通行漕船挽運利亦不淺也四

十九年王書以疾乞休有

旨慰留五十年五月從

上幸熱河甫至疾作數

遣御醫調治不能起未及繕遺本而卒卒之

日

賜帑金千兩經紀喪事又

遣內務府監製棺槨帳幔沿途撥夫役護送

至京奉

上諭張玉書耆舊老臣久任幾務直亮清勤

倚任方殷今忽病逝深加軫念應得卹典著
察例具奏

御賜輓章

親書頒發加贈太子太保諡文貞五十二年
二月奉

旨太學士張玉書久任幾務小心恪慎懋著
勤勞朕追念難忘伊惟有一子張逸少著從
優陞翰林院侍讀學士以示朕眷篤耆臣之
意玉書二十歲登仕籍蒙

1573193

K820.49

2

文粹教訓類纂卷八

漢名臣傳卷八

聖祖仁皇帝知遇之隆凡五十年歿年七十

漢名臣傳卷八終

038-978



21101000158049